



13364/B





Digitized by the Internet Archive  
in 2018 with funding from  
Wellcome Library

<https://archive.org/details/b3052538x>







55450  
JO. GOTHOFR. DE BERGER, D.

POLONIARUM REGIS & ELECTORIS

SAXONIÆ, AULÆ CONSILIARII & AR-

CHIATRI in ACAD. VITEMB. PROF.

MED. PRIMARIÏ & ACADEMIÆ

SENIORIS

PHYSIOLOGIA  
MEDICA

SIVE

DE

NATURA HUMANA

*LIBER BIPARTITUS.*

ITERUM IN LUCEM PRODIT

CURA

FRIDER. CHRISTIANI CREGUT

MED. DOCT. SERENISS. HASSIÆ PRINCIPIS & HANOV.

COMITIS CONSIL. ARCH. PHIL. NAT. ac MED. PROF. URBIS

HANOV. & ABB. SELIG. PHYS. ut & S.R.I. ACAD. NAT. CUR.

COLLEGIÆ, MARCELLI

CUJUS

DISSERTATIO

DE

ANTHROPOLOGIA

EJUSQUE PRÆCIPUIS TAM ANTIQUIS QUAM

MODERNIS SCRIPTORIBUS INTRODUCTIONIS

LOCO PRÆMITTITUR.

---

FRANCOFURTI

Apud HÆRED. BEATI STOCK & SCHILLING.

MDCCXXXVII.



O. GOTTSCHE LOWE

PHYSIOLOGY

AND

PATHOLOGY

OF THE



AND

BY



SERENISSIMO PRINCIPI  
AC DOMINO,  
DOMINO

WILHELMO,

HASSIÆ LANDGRAVIO,

PRINCIPI HERSFELDIÆ,

COMITI CATTIMELIBOCI, DECIÆ, ZIEGEN-  
HAINÆ, NIDDÆ, SCHAUMBURGI, & HANOVIAE,  
&c. &c.

POTENTISSIMI SUECORUM  
REGIS,

HASSIÆ LANDGRAVII,

IN TERRIS HAEREDITARIIS

VICARIO,

EXERCITUS EQUESTRI FOEDERATI BELGII,

GENERALI LOCUMTENENTI,

LEGIONIS PRÆTORIANÆ DESULTORIÆ

CHILIARCHÆ,

NEC NON

OPPIDI TRAJECTI MOSANI

SUPREMO PRÆFECTO BELLICO,

&c. &c.

PRINCIPI ac DOMINO

LONGE CLEMENTISSIMO.



*PRINCEPS SERENISSIME*  
*PATER PATRIÆ*  
*CLEMENTISSIME*

Uod opus hoc Medicum addito meo  
**Q**opusculo ad *SERENITATIS TUÆ*  
Pedes volvere ausus sim, duæ potis-  
simùm fucere Rationes. Prima quia  
hic Medicinæ Liber, in Comitatus  
Hanovico-Münzenbergensis, ex Pacto & Provi-  
dentia Majorum legitime acquisiti, Metropoli,  
sub Glorioso TUO Regimine, e Typographico in-  
lucem Primus prodit: Altera, ut quoddam  
mei erga *TUAM SERENITATEM* devotissi-  
mi animi Monimentum extaret. Quando decur-  
sum præcedentis Seculi & spatium secuti tem-  
poris memoriâ mecum recolo, & attento Ani-  
mo considero, non satis *DEI T. O. M.* Provi-  
dentiam admirari possum, quâ a longo tempo-  
re meæ familiæ stirpem tam maternam quàm pa-  
ternam sub Alis Candidi & Benigni Hanovici  
Cygni providentissimè tueri voluit. Etenim cum  
materni mei Avi Jacobi du Fay, Avus maternus  
Renatus Mahieu illorum temporum injuriâ suam  
Patriam relinquere coactus fuit, tandem in primis  
novæ hujus urbis initiis se huc contulit. Ubi sub  
Valido Patrocinio Illustriss. Com. Philippi Lu-  
dovici II. Animi & Corporis requiem invenit.  
Postquam enim Archam Noæ aliasque ædes, ac  
Co-



Columnam lapideam in Templo Gallico propriis  
sumptibus, lapideum autem Valli ambitum a Por-  
ta Francof. 1604. a Porta Norimberg. ad primum  
usque angulum versus portam Steinh. 1605.  
aliaque procuratione sua Comitís nomine ædifi-  
caverat 1608. obiit. Cujus ossa in radice sugge-  
stus Templi Gallici sub monumento marmoreo  
ita volente Celsiss. Comite requiescunt. Ejusdem  
autem Familiæ, mortuo Laudato Comite 1612.  
Sereniss. Vidua Cathar. Belgica, pupillari ætate  
Comitis P. M. Tutrix Regensque, Mater Patriæ  
omni laude Major, & Tantorum Parentum Filia  
Digniss. Amelia Elisab. postea Hassiæ Landgr.  
Heroína ac Virago Toto Orbe Celebratissima

AURIACI Soboles, Titulis Illustris Avisque  
Magnorum Genitrix Suspicienda Ducum,  
omnem Clementiam & Gratiam præstiterunt.  
Succedentes dein Illustriss. Comites e Linea Lich-  
tenbergensi, Frider. Casimirus, Philippus Rein-  
hardus & Johannes Reinhardus eandem Cle-  
mentiam erga Patrem meum semisecularem Ec-  
clesiæ Gallicæ Pastorem & me continuarunt. Si-  
quidem Primus ob Majorum meorum memori-  
am proprio motu, in Templo Gallico propriis  
manibus cum Sereniss. Coniuge Christina Anhal-  
tina e Sacro Baptismatis fonte me suscepit; Alter  
in Patriam ab Academiis reducem promovit, &  
Tertius aliis præterea dignitatibus ornavit. Uti  
autem Majoribus meis ea contigit Felicitas, quod  
su-



supra memoratorum Regentium subditi devo-  
tissimi, hinc etiam singularem Eorum Clemen-  
tiam experti fuerint: Ita mihi quoque gratulor,  
quod ego meorum Majorum Surculus e me-  
morato Sanguine Nati SERENISSIMI PRIN-  
CIPIS non solum omnium Terrarum Hanovi-  
co-Münzenbergicarum, sed etiam Avitarum Vir-  
tutum Maximarum, tam in Pace quam Bello,  
Perfectæ Imaginis, Hæredis ut Legitimi ita Di-  
gnissimi, Clementiâ jam quoque gaudere pos-  
sim. Quare me meosque CLEMENTISSIME  
PRINCEPS TUO Patrocinio porro supplex  
commendo, simulque voveo ut mei nepotes se  
Clementiâ Tanti Principis dignos educatione ac  
studiis reddant, ut aliquando Patriæ inservire  
queant. Interea DEUM T. O. M. oro ac obsecro  
ut TUAM SERENITATEM usque sub seram  
senectutem in prospera valetudine conservet,  
omnique Felicitatis genere beet ac SERENISSI-  
MAM PROPAGINEM ejusque Posteritatem ad  
omnium seculorum Finem tueatur, ad sui San-  
ctissimi Nominis Gloriam & Patriæ Salutem plu-  
rimam. Quod ex Animo devotissimo vovet

*PRINCEPS SERENISSIME ac CLE-  
MENTISSIME*

PATER PATRIÆ OPTIME  
SERENITATIS TUÆ

In Hanoviæ Philippopoli die  
28. Aug. MDCCXXXVII.

*Devotissimus*

*obsequenissimusque*

F. C. Gregut.





DE  
NATVRA  
HUMANA.

Um eam scientiæ naturalis partem, quæ ho-  
**D**minis sani rationem init, evolvo, magnum  
quoddam, ac prope difficillimum, opus aggre-  
dior, absolutissimum certe omnium, quæcun-  
que facta sunt a Deo, summo rerum artifice,  
cujus divina operandi vis, & numeris omni-  
bus perfecta virtus, ne animo quidem comprehendi, nedum  
verbis exprimi, potest. Experiar tamen rem longe lateque  
fusam, & multo amplissimam, nec magis scitu jucundam,  
quam necessariam, iis præcipue, qui valetudinis suæ, vel  
aliorum, rationem habent; eamque medicus ita persequar,  
ut principio de homine nato, & deinceps de nascendo, ex-  
ponam, & quorum causas abstrusas latebris, penitusque ab-  
ditas esse, voluit Deus, ea breviter summatimque perstrin-  
gam, aut leviter attingam; quæ vero sub sensus cadunt,  
aut ratione facilius percipi possunt, ea copiosius planiusque,  
quantum ingenio mediocri consequi potuero, explanem.  
Quanquam tantum mihi non tribuo, ut credam, me omnem  
rei susceptæ mensuram implese, qui neque id a cujusquam



ingenio & labore expectari posse sciam, nec diffitear, esse nonnulla, imò multa, in quibus ne mihi quidem ipsi, nedum aliis, videar satisfecisse. Nihilominus id negotii hoc alacriori animo suscipiendum puto, quo plures præcellentes ingenio viri viam munierunt, quibus suæ cuique laudis fructum pro eo, ac par est, sine recusatione tribuo, cum primisque iis, qui magis naturam, quam opinionem suam, ducem secuti, non tam verbis, quam rerum interiorum peruestigatarum causis, præclaram hanc disciplinam constituerunt. Præsertim cum versarentur in luce Anatomies clarissima, in qua delitescencia naturæ, tam firmæ, integræque, quam affectæ & laborantis, viscera non raro, perinde ac si e crystallo pellucere ea, mentis acie adiuti, intueri, penitusque introspicere possent. Quare hos quidem ipsius quoque artis salutaris incrementa plurimum auxisse remur, utpote quæ sine naturæ humanæ cognitione vix inchoata omnino, & fortuita, & dubitationibus impedita, prorsusque temeraria, merito habetur.







# DISSERTATIO DE ANTHROPOLOGIA.



Illustri ac Celeberrimi Domini de  
BERGER Physiologia Medica, sive de  
Natura Humana liber bipartitus in Biblio-  
polarum Tabernis jam pridem disparuit.  
Cum interea a multis tam indigenis quam  
extraneis valde desideretur, opus auro  
contra aestimandum, ita quoque rarissime  
inveniendum meâ curâ in lucem publicam  
iterum prœdit. Medicinæ autem Studio-  
sis, & etiam illis quibus *Nosce Te Ipsum*  
cordi est, non ingratum neque inutile fore existimavi, si Introductio-  
nis loco discerent, quamnam hujus Scientiæ vera Fundamenta sint, &  
qui Authores tam Antiqui quam Moderni hocce nobilissimum studi-  
um excoluerint & ad talem perfectionis gradum promoverint. Hoc  
cum operæ pretium esse judicarem, animum meum ad scribendum  
aliquid de Anthropologia statim appuli. In primo limine protinus  
notandum credo, per Anthropologiam, Sermonem de Homine intel-  
(a) ligen-



ligendum, quem etiam, alii Anthropographiam nominant. Quemadmodum *ἀνθρωπογράφος* dictus fuit Dionysius, quod nihil aliud quam Homines pinxerit, teste PLINIO lib. 35. c. 10. Uti autem in arte pingendi ii perfectiores habentur, qui Hominum formas nitidè pingere perdidicerunt, ita illi Doctiores sunt Anthropographi, qui tam de internarum quam externarum corporis humani partium, venarum, arteriarum, nervorum, vasorum ac reliquorum canalium, membranarum, ossium, tendinum, musculorum, viscerum omnium, & structuræ ac fabricæ accuratiorem habent cognitionem. Siquidem a recensitarum partium, diversa fabrica ac structura, functionum & actionum in humano corpore varietatem unice derivandam, tam certum esse quam quod certissimum, nemo sapiens, omni procul dubio, amplius inficiari poterit.

Talem Hominis tractationem in Medicorum Scholis etiam Physiologiæ nomine insigniunt. Alii suos in hac materia labores, Libros de Natura Humana, imò libros de oëconomia animali, Doctrinam de usu partium corporis humani vocarunt, quæ diversæ nuncupationes unum idemque significant. Nimirum omnes pro objecto habent Hominem, cujus statum naturalem ac sanum considerant, atque omnes Hominis actiones, quæ vel a sola Anima, vel a solo Corpore, vel ab utriusque connubio pendent, explicare, extricare, & evidenter demonstrare conantur. Hujus scientiæ objectum tam nobile est, ut in tota rerum universitate nullum nobilius imò nullum ei comparandum inveniri possit. Hinc a Sapientioribus Homo Miraculum Mundi; Orbis Terrarum Deliciæ; Germen immortalitatis; Microcosmus; Mundi Dominus; Finis Divinorum operum; Imago Divinæ Majestatis, vocatus fuit. Quamdiu Anima in corpore moratur, notante J. RIOLANO in Anthropogr. lib. 1. pag. 2. hujus ambitum ac superficiem duntaxat intuemur, illo abeunte corporis latebras adire & inquirere negligemus? Nos præsertim Medici, qui sartum ac tectum hoc ædificium tueri suscipimus? In cujus contemplationem eo diligentius incumbendum, quo major est illius Dignitas. Nostrum autem corpus a summo Opifice Deo Ter Optimo Maximo constructum & exornatum fuit, Animo Divinitatis quasi furculo suscipiendo, cujus Domicilium cum summus ille Architectus, qui verbo & nutu solo totam Mundi Machinam creaverat, formare voluit,



in consilium & operis Societatem Sacro Sanctam Trinitatem adhibuit. Tantæ molis erat Humanam Machinam condere, & sedem Animi Majestate dignam præparare. Allucinantur itaque vehementer, qui putant, Animam Rationalem sibi proprium suum corpus struere posse. Quod etiam veteribus ridiculum videbatur, quo modo nimirum corporis Humani Formæ ita dictæ Fabricatrices scire possint in qua parte debeat collocari Auris, in qua Manus, Pes, Nasus, & reliqua. Quantum Caput fieri debeat, quantum reliquum Corpus, quibus mensuris Geometricis, Ulnis, Pedibus, & Palmis utatur Anima, ut tantus fiat Nasus, tantum Os, quomodo idem Faber, Nasum, Aures, Caput fabricare possit.

Quando de Anima dicitur, quod sibi suum Corpus, sive proprium, ut ita loquar, domicilium struat, fingat, per vocabula dicta, naturali eorum significatione nihil aliud intelligi potest, nisi actio, qua Anima e materia quadam, quæ antea organicâ corporis humani formâ carebat, corpus organicum ædificet, ordinet, debito ordine collocet; bene, sapienter ac mirificè Cerebri admirabilem fabricam instar sapientissimi Architecti fabricet, egregie tornatos oculos, compositas miro artificio Aures, admiratione dignam Cordis, Pulmonum, Hepatis, Lienis, Uteri aliorumque viscerum Compagem, & Musculorum fere innumerorum miram varietatem, struat ac fingat. Mens Humana certe, in tali negotio sapientia Divina prædita esse deberet, quia in omnibus subjectis sanis Anatomix ope observatur omnium dictarum partium eadem structura, fabrica, & idem mire ac sapienter institutus situs ac ordo. Si Anima sibi suum Corpus organicum struere ac fingere posset, necessario præscientiam, (uti sapiens Architectus, qui antequam opus ipsum aggreditur, structuræ Ædificii futuri Ideam vel Phantasiam claram ac perspicuam habere debet) agendorum etiam & quidem immediate a Deo habere, & sic etiam conscia dictæ præscientiæ esse deberet, quod autem non sit sibi conscia unius cujusque conscientia locuples Testis esse debet. Phantasia sive Imaginatio futuri struendi aut fingendi organici humani corporis si animo infuit, certe eam memoriâ tenuisset, præcipue cum juxta Hypothesin ei negotium demandatum sit actiones vitales dirigendi, augendi, moderandi. Et cum memoria thesaurus sit rerum actarum, custos ingenii, per quam Anima illa repetit, quæ acta fuerunt, quæ Mens



quæso? sibi persuadere poterit unquam se structuræ sui corporis memoriam amittere potuisse, quam non uno momento sed plurium momentorum decursu omni attentione, studio ac industria struxisse debuisset. Si Maximorum Modernorum Anatomicorum MALPIGHII, RUYSCHII ac BIANCHI Animæ corpora sua organica struxissent ac sinxissent, juxta vim vocis, formassent, composuissent, fecissent, quod proprium Figulorum est, qui ex creta atque argilla opera sua formant, quemadmodum CICERO lib. 5. epist. 12. ALEXANDRUM MAGNUM ab APELLE pictore incomparabili pingi, a LYSIPPO vero fingi voluisse memoriæ prodidit, certe opus non habuissent, ut tanta industria, labore, ac studio suis injectionibus & Microscopiis intimam viscerum structuram & vasorum abstrusas vias quæravissent. Tam artificiose corpora nostra structa sunt, ut attento animo illa contemplantes admiratione summa affici & quasi obstupescere debeant. Quando enim solas Hominum Facies in centum millibus diligenter intuemur, nullas duas in tot millibus indiscretæ similitudinis Imagines deprehendemus. Anne hoc Creaturarum, an potius Creatoris sapientissimi summum est Artificium? Tam admirabilis est structura corporis humani, ut hanc solertiam nullum ingenii acumen, nulla ars, nullus opifex etiamsi omni dexteritate ad aliquid ingeniose agendum præditus sit, imitando consequi possit. Ut autem ad materiam tractandam propius accedam Anthropologia seu Doctrina de Homine, notante TH. BARTHOLINO in anatomia sua quintum renovata, vulgo, recte tamen in geminas dispescitur partes. Anatomiam, quæ de corpore, ejusque partibus, nimirum tam de externa quam interna pulcherrima ac summe artificiosa ejus structura, & Psychologiam, quæ de Anima seu Mente agit. Psychologiam quod attinet, si omnium tam veterum quam modernorum labores in hoc genere attento animo consideremus, neminem tam evidenter, tam docte ac vere hanc materiam elaborasse quam præstitit Celeberrimus & Acutissimus hujus seculi Philosophus WOLFIUS, agnoscemus. Utpote qui in Psychologi sua, tam Empyrica quam Rationali nuper in 4. edita acumen ac vim Ingenii sui incomparabilis ita demonstravit, ut omnes sapientiæ Studiosi, nisi ingrati atque inculti videri velint, fateri debeant, quænam & quanta sit utilitas, quæ e suo philosophandi modo in ipsos redundet. In bibliotheca igitur Anthropologiæ cultoris jam a



me laudatum opus instar omnium esse poterit. Physiologiam multum Authores cum Anatomia conjunxerunt, uti etiam reciproce libri Anatomici plerique Physiologici sunt, qui nimirum usum partium etiam tradunt, quod hic annotasse necessarium esse judico. Quando ejusmodi libri universi corporis structuram in se continent, tunc Anatomiae nomine veniunt. Si autem certae partes tantum tractantur tunc etiam ejusmodi tractatio sua propria habet nomina. Ossium accurata cognitio vocatur Osteologia, cognitio structuræ in adultis Osteographia dicitur. Doctrinam, quæ explicat omnes partes in osse, quæ faciunt, ut os ossi annectatur cum motu & sine motu, cum cartilagine & sine eo Synosteologiam vel Synosteographiam nominant. Doctrina carnis muri, animalculi quadrupedis, similis, quia habet corpus & caudam, Myologia dicitur. Carnis descriptio Sarcologia, descriptio autem tendinum s. partium quæ musculos alligant ossibus & punctis fixis ab Anatomicis Aponeurosiologia vocatur. Viscerum nomine veniunt Cerebrum, cerebellum, pulmones, ventriculus, intestina, hepar, Lien, Pancreas, mesenterium, uterus, Renes, (Corinter musculos referendum) quorum partium natura Sphlanchnologiae etiam Enterologiae nomine insignitur. Angiologia autem vocatur descriptio vasorum, quatenus quæritur, unde oriantur, quomodo fulciantur, & ubi alias partes intrent. Sic doctrina de nervis, Neurographia, de glandulis Adenographia, de oculo, Ophthalmographia &c. vocatur. Ita etiam Liquidorum per adaptatos canales in corpore humano fluentium doctrinam Physiologiae cultores diversis nominibus compellant. Sanguinis tractationem Hæmatologiam, chyli, Chylologiam, feminis Spermatologiam, salivæ, Sialogiam &c. vocant, uti authores, infra demonstrabunt. Præcipuos tam veteres quam modernos ordine chronologico, qui de Anatomia & usu partium aliquid litteris, mandarunt exponam, ut Anthropologiae Studiosi non tantum Bibliothecam Anatomico-Physiologicam completam habeant, sed & simul, qua ratione hæc scientia successive incrementa sumserit, discant. Si autem unum vel alterum aut etiam plures omiserim, sciant, omnium habere memoriam, & penitus in nullo peccare, Divinitatis magis quam Mortalitaris esse.

Antequam hanc Tractationem aggrediar, operæ pretium erit pauca præfari, undenam solida fundamenta petenda sint, e quibus vera



Natura oëconomiaë animalis solide ac evidenter exponi possit. Hodie apud omnes Sapientes ex confesso res est, Fontes duos esse e quibus veritas omnis in Philosophiaë præprimis naturalis studio haurienda sit. Primò Experientia seu observatio vera, dein Ratio ab omni præjudicio vacua. Quod primum Fundamentum concernit, clare intelligitur, nos Functionum, Actionum quæ in corpore nostro sano contingunt causas & formalitatem non intelligere ac aliis clare ac distincte exponere posse, nisi cognitionem positionis, magnitudinis, conformationis, connexionis, itaque totius Fabricæ vel Structuræ singularum partium sufficientem habeamus, e quibus Harmonica Machina omnibus numeris absolutissima constat. Talis cognitio cum nobis viam sternat ad oëconomiam animaleam intelligendam, evidenter patet, anatomiaë ope nos ad talem cognitionem pervenire posse. Quæ experientia cum non est unius Hominis labor, observationes innumerae ex anatomia dissectione corporum humanorum præprimis violenta morte mortuorum acquisita a multis colligi debuerunt, quæ in chartam conjectæ eo certiores esse debent, quando autopsiâ etiam nobis innotuerunt. Cum autem non semper occurrat occasio, propterea multi experientissimi Anatomici non saltem accurate & studiose suas observationes circa partium ac viscerum structuram notarunt, sed ope Imaginum artificiose plus minus insculptarum ante oculos legentium posuerunt, non aliter ac illi fecerunt, qui urbes ac regiones propriis oculis viderunt, in aliorumque usum, quibus non licet adire Corynthus, descripserunt, ac etiam figuris elegantissimis scripta sua exornarunt. Veteres multum in hoc studio restantibus actis egerunt. Habemus disquisitiones Historicas de re anatomica veterum, quarum I. Origines Anatomiaë. II. Peritiam veterum Anatomicorum in genere. III. Peritiam veterum Anatomicam in specie complectitur, a P. J. HARTMANNO, per omnia Antiquitatis monumenta, quorum facta fuit copia, Summo studio institutas, Regiomonti 1693. in 4. Qui curiosus ac doctus tractatus certe legi meretur. Quales progressus Recentiores fecerint, sequentes paginae indicabunt. Philosophus notante RIOLANO eo fine Hominis structuram speculatur, ut perfectam sui ipsius notitiam consequatur omniumque partium naturam, actionem & usum verum per suas causas & instrumenta intelligat, & in omnibus singularem sui Creatoris providentiam agnoscat, suspiciat &



& veneretur, hinc etiam hoc Studium Theologiæ Naturalis verum Principium constituit. GALENUS libro de formatione foetus notante iterum RIOLANO meritò suæ ætatis Philosophorum inscitiam carpit & insectatur, qui Mundi, rerumque omnium generationem docere profitebantur, cum tamen sui corporis Fabricam & compagem prorsus ignorarent. AULUS GELLIUS Hominibus liberis, liberaliterque institutis probro & vitio dedit, quod ea quæ ad notitiam humani corporis pertinent, non cognoverint. Quemadmodum autem omnibus sapientiæ Studiosis cognitio structuræ humani corporis utilissima, ita præprimis Medicinæ cultoribus absolute necessaria est, ut statum sanum a morboſo dignoscere, partem in morbo affectam scrutari, & feliciter curare ac sanare possint. Sunt quidem nonnulli qui nostro ævo anatomes subtilioris utilitatem non approbarunt, quos valde errare Celeberr, Anatomicus & Medicus HEISTER solidissime more suo demonstravit. Cujusvis est Hominis errare, nullius nisi insipientis in errore perseverare. Qui itaque in hoc errore versatur, errorem talem deponat, & e lectione BERGERI Physiologiæ attentâ, sole meridiano clarius pateſcet, nos usum partium corporis nostri rite cognoscere haud posse neglecta accuratiore anatomica cognitione. Si exacta enim notante BOERHAAVE structuræ esset cognitio, si sensibilis probe nota esset humorum natura, doceret cito MECHANICE ex simplicissimis fluere principiis, quæ ignota maximam nunc pariunt admirationem. Microscopiorum ope Magnus MALPIGHIVS Rete vaſorum in Pulmonum substantia, & arteriæ pulmonalis minimarum extremitatum cum venæ pulmonalis extremis cohærentiam detexit, quod deinde Magnus RUYSCHIVS suis injectionibus admirabilibus, verum esse confirmavit. Quibus observationibus novis didicimus, qua ratione sanguis ex arteriis per venas tranſeat atque redeat. Taceo alias observationes subtilioris Anatomix per microscopia ac injectiones factas, quibus nutritionis & secretionis negotium aliasque functiones melius quam antea intelligimus.

Cum Deus in artificiosa corporis organici Fabrica nihil fecerit frustra, facile quilibet capiet, minimam circumſtantiam in ſtructura partis ad certum finem destinataſſe. Quo itaque plures animadvertimus, & attento animo Creatoris ſcopum admiramur & ſcire cupimus, eo doctiores in exponendo uſu ſingularum partium ſimus.

Di-



Divinum opus Machinæ corporis humani perfectissimæ uti ratione suarum partium solidarum experientiâ anatomicâ nobis indefessis laboribus, veterum & recentiorum innotuit, ita partium fluidarum, sanguinis, fluidi nervosi, lymphæ, chyli, Lachrymarum, salivæ, succi pancreatici, bilis, liquoris genitalis utriusque sexus, urinæ, Sudoris &c. experientiâ physicâ naturam ac indolem didicimus. Quis enim horum liquidorum corporum intimam naturam ac indolem sine observationibus Physicis & quidem innumeris inspicere paulò attentius conabitur? Dicta corporis nostri fluida cum e duplici fonte originem habeant, Aëre, Esculentis ac Potulentis, annon eorum corporum omnium cognitio pernecessaria est? Quis in dubium vocabit eam non nisi e Physica experimentali hauriendam esse? Sapientiores RENATUM CARTESIUM & VERULAMIUM in instauranda deformata Physica Primarios Viros fuisse judicarunt. Imo Illustris BOERHAAVE in doctissimo suo sermone Academico de comparando certo in Physicis, ultimum ad omnia, quæ scientia humana comprehendendi possunt, indaganda facile Principem fuisse, pronunciavit, imo fatetur se absque invidia dicere, quod, quidquid incrementi ceperit naturalis historia ab ineunte seculo decimo sexto omne id acceptum nos debere monitis, præceptis & experimentis illius viri, cujus indelebilem memoriam grata colet orbis perpetuitas. Cum enim præeuntibus tantis viris a servili obedientia mortales liberati fuerunt, & veritates non ab autoritate Hominum, sed a consensu observationum & ratiocinio phænomenis naturæ convenienti dependere sapientiores observarunt, factum est, ut hinc indies Physicæ studium majora incrementa sumserit. Præcipue cum BOYLÆUS, BORELLUS, MALPIGHIUS, HOOCKIUS, GREVIUS, REDI, WALLISIUS, NEVTHONUS, BELLINUS, CASSINUS, HUGENIUS, STURMIUS alique multi, uti acta Societatis Anglicanæ, experimenta Academiæ Florentinæ, acta Societatum in Gallia ac Germania abunde testantur. Hoc utique Experienciâ patet, qua observarunt accuratiores scrutatores HIPPOCRATEM suo tempore ex Antiquissimis monumentis græcis nostrum corpus esse Machinam, cujus actiones non felicius & accuratius, quam e principiis mechanicis explicari possunt. Optime & sapienter, more suo notavit BOERHAAVE, in sermone doctissimo de usu Ratiocinii Mechanici in Medicina, solidas partes hujus Machinæ alias esse vasa liquidis coër-



coërcendis, dirigendis, mutandis, separandis, colligendis & excernendis apta; alias vero instrumenta mechanica, quæ figurâ, duritiæ, nexuque suo fulcire alia, vel definitos motus exercere queunt. Quod fluidas corporis nostri partes attinet, ab harum libero per vasa motu vita & sanitas unice dependet. Ubi autem probe notandum canales non ut passiva organa hic considerari debere, siquidem solidæ sua contractione in fluidas agunt, & hæ in solidas sua elastica vi reagent. Quod summi artificii, Perfectissimi Architecti, opus, dum e simplicissimis Principiis mechanicis tam clare quam vere hodie demonstratur, mirum certe non est, si obscura Principia evanuerint, ut in auras fere abierint. Veterum enim Facultates attractrices, retentrices, concoctrices, assimilatrices, expultrices sepultæ jacent. Fermenta in visceribus Statuta totaliter efferbuerunt. Flammula vitalis frustra in corde quæsitâ plane extincta, & humidum radicale omne consumptum est. Vocabula Archæi, Microcosmetoris, Cardimelechis, Gasteranacis, Bitnimalci, & ejusmodi cerebrinorum figmentorum Voces non amplius in Medicorum scriptis apparent. Non satis autem mirari potui cum illam crambem recoctam viderim sub titulo, HELMONTIUS Ecstaticus, sive visa medicaminum potestas ab HELMONTIO somniantem, revisa a vigilante JOH. HIER. COHAUSEN M. D. Amstel. 1731. in 8. Animam rationaliter agere, quando ratione sua bene utitur, tam certum est quam quod certissimum. Quod autem eadem anima modo animaliter modo vitaliter, modo naturaliter agat, adeoque cunctos dictos actus administret ac dispense, negant illi, quibus e meliori luto finxit præcordia Deus, quique Animæ indolem, vires, quidque in corpus agere & non agere possit melius didicerunt. Celeberrimus STENTZELIUS nuperrime absurditatem hujus recocti Dogmatis solidè ostendit. Miratur non sine ratione quomodo ejusmodi plane portentosa dogmata, decies cocta, & tineis blattisque plane erosa, ac corrupta Antiquorum Philosophorum, ANAXAGORÆ, ARISTOTELIS, MACROBII crambe hominum sana ratione præditorum Palato adhuc arridere possint. Ejusmodi Hominibus evenisse existimat, quod IXIONI, qui putavit, quod JUNONEM amplexus fuerit, cum nubem illius loco comprehenderat. Idem Doctissimus STENTZELIUS in Epistolica ad GOHLIUM Dissertatione Vitemb. impr. 1728. in 4. ipsi ostendit, quod ridicule alicubi scripserit, Me-

(b)

cha-



chanicos Medicos ultra Mechanicam non sapere. Quando inquit : Ergo Tu ultra Mechanicam sapis, Mechanicam Tibi demonstratam ignorans fabricam; peculiarem forsitan habes scientiæ abyssum, qui omnium hominum Sapientiam superat. Sed cum eadem Mechanicis haud sit suffulta demonstrationibus, atque inanes ames speculationes, mihi videris Ventum pro Junone amplecti. Nam illi qui, cognitu facilia, experientiâ probata, & rationi conformia repudiant, minus ad arduas rerum sublimium speculationes idonei sunt.

Ratio itaque in examine oëconomiaë animalis adhibenda sana præjudiciis infantiaë vacua. Hoc fiet, si de usu, functione vel actione hujus vel illius partis, ac formalitate nihil affirmemus, cujus e prædictis principiis claram & distinctam perceptionem antea nullam habuerimus. Ne autem in errores tam facile incidamus, omni studio conari debemus, ut præjudicia ab infantia hausta, educatione mala & pejore quandoque informatione continuata serio deponamus. Hoc eo felicius continget, si in cursu Philosophiaë Studio Metaphysicaë veræ diligenter operam demus. In sinu meo gavissus sum, cum nuperrime in erudita dissertatione de Medicinaë deprædatione per Philosophiam a Celeb. CAMERARIO Tubingæ 1731. edita, sequentia legi, quæ me in mea opinione confirmarunt. Ita inquit : Nec carere possumus Metaphysica, primarumque veritatum ad nostrum scopum sedula applicatione, cum maxime & Psychologiam & Cosmologiam illi inservire agnoscamus ultro. Si vero illa fuerint horridæ obsoletis tricis, refertæque absonis ideis, non tam mentem Medici reddent perspicaciorem, quam anilem ei imprimunt credulitatem, ut chymæris se pascat lubenter, adscribatque Animæ ea, quæ ab ipsa absunt quam longissime, & in corporis quoque oëconomiam ea admittat, quæ ratione sufficienti prorsus destituantur. Philosophia sane ut in generali maneamus conceptu, si soliditate, perspicacia destituatur, non poterit non deprædari Medicinam, quam debebat reddere illustriorem. Autert enim ipsi præcipuam lucem suam, tenebrasque infert cimneriis spissiores. Cerritudinem hic volumus intellectam, qua potissimum radiare ars salutifera deberet, nec dubitamus, perversa prava Philosophiaë dogmata hoc nobis eripere cimelium, ac infelices ejus loco conjecturas relinquendo passim corvos deludere hiantes : ecquid enim est quod speciosius obvertant Medicis irrisores quam



conjecturarum confertim ubique se obtrudentium turpitudinem, has vocant Artis nostræ certitudines, nulla sanè Artis certissimæ culpa, sed ob incerta quæ ex anili subinde Philosophia irreptere clanculum dogmata, vel hypothesium inanium spectra, quibus moderna, qua plurimum haud pauci superbiunt Pseudo-Medici Charlataneria ornare semet, suosque amat obtegere spississimos nævos, quos præstaret tegere atque occultare, nisi ipso suo fulgore mendaci abundè sese proderent, ingererentque oculis animisque perspicacioribus.

Quemadmodum in Macromosmo extra Deum nullum Principium animatum existit cui Creator suam vicem in Mundo conservando demandavit, sed omnia secundum leges naturales Mundo inditas fieri debent, ita etiam in Microcosmo contingit. Actiones vitales, Motus Cordis, arteriarum, circulatio sanguinis, respirationis negotium, se- & excretiones fluidorum omnium ab Anima non diriguntur. Eas enim actiones, notante BERGERO lib. de Nat. Hum. pag. 4. a nutu Animæ nullo modo pendere, ex eo lucide apparet, quod vel nesciente, vel invita etiam, ac reluctante Anima, sive Mente, fiant, nullaque illius cogitandi vi, vel adjuvari, vel impediri, cohiberive possint. Huic sententiæ contrarii Doctores mihi de lana caprina disputare videntur, quando nobis obijciunt, quod corpus nostrum meram machinam esse, aut instar Machinæ sese habere statuamus. Quid quæso illi aliud scribunt? Videamus quænam sit differentia inter vocabula Machinæ ac Organi, quæ Mechanismi & Organismi nominibus Originem dederunt. Machina, significat instrumentum vel subtilis quædam & artificiosa corporis inventio, per quam aliquid efficitur. Organum etiam teste, Calepino latine instrumentum dicitur. Inter Machinas & Organa id videtur esse discrimen, eodem notante, quod machinæ pluribus operibus in majores coguntur effectus, ut Balista, Torcularium & Præla. Organa autem, unius operæ prudenti tractu perficiunt, quod propositum est: uti Scorpionis, & anisocyclorum versationes, per excellentiam specialiter quævis Musicorum instrumenta, organa dicuntur. Qui secundum principia Mechanica oëconomiam animaleam exponunt, vocabulo Organi quoque utuntur, sit nobis instar omnium Illustris BERGERUS, qui in præsentì tractatu pag. 244. notat, Sagacem Rerum Parentem in utroque sexu, e Sanguinea massa NB. eleganti instrumentorum apparatu liquorem genitalem



talem excerpere, suisque dein propriis conceptaculis provide custodire. pag. 361. ostendit quod varia habitudo organorum variet sensum Tactus. pag. 373. declarat tunicam papillosam narium immediatum olfactus esse organum. pag. 454. usum organorum viri genitalium nervose describit, ut alia loca brevitatis gratia taceam. Si itaque Machina & Organum a se invicem parum vel nihil differunt, sumus quæso faciles in verbis, modo conveniamus in Re. In Re autem non convenire possumus, quamdiu docemus Deum per causas secundas uti in Macrocosmo ita etiam in Microcosmo per organa ideo ita adaptata modo mechanico vitam, sanitatem & omnes actus corporeos conservare. Cum econtra pars adversa opinatur Animam nostram rationalem sese in negotio generationis, vitæ & sanitatis instar Dei Administratoris habere, hoc est, corpus nostrum struere, fingere, actiones vitales gubernare, morbos v. g. febres in salutem corporis instituere, eosque sine adhibitis remediis externis sanare posse. Quæ sententia uti in Scholis Philosophorum emunctioris nasi omnium est absurdissima, ita etiam verba CICERONIS notatu sunt dignissima, quando lib. de Divinatione, inquit: Nescio quomodo nihil tam absurde dici potest, quod non dicatur ab aliquo Philosophorum. Verum itaque Principium Vitale Juxta Celeb. BERGERUM pag. 7. & 8. Physiol. est conveniens partium corporis dispositio & motus, unde omnes ejus actiones proficiscuntur. Hancque dispositionem in sola partium tanquam elateriorum, filamentorum, funiculorum, catenularum, trabium, vectium, rotularum, cisternarum, anthliarum, canalium, cataractarum, valvularum, cribrorum & aliorum instrumentorum ex quibus Machina corporis, veluti organum ex mille compositum organis contexitur, & adornatur, apta dispositione positum esse, facile existimaveris, si recte intellexeris, ab ea dispositione partium actiones, quascunque in corpore observamus, & admirari vulgo solemus, per necessitatem quandam naturalem omnes peragi, non aliter atque ab artificiosa partium Horologii vel automati alius constructione, omnia ejus effecta proficiscuntur. Inter quas quidem machinas spontaneas appellatas & corpora animantium ipsiusque Hominis, illud præcipue interesse videtur, quod hæc opera sint, Dei manu effecta atque infinitis partibus sapientius instructa, succisque intus agitantibus animata, motus in se habeant admirabiliores, quam ulla, quæ arte



Humana Imitatrice & Simia Naturæ fingi efficique possint.

Tam sapienter ac vere a VILLALPANDO lib. 2. Isagog. c. 13. notatum est, omnem Romanorum & etiam Græcorum architectandi rationem, aut si quæ est alia vel nobilior vel vetustior a Templi Salomonis cujus summus Architectus ipse erat Deus, Fabricæ ratione ejusque ideis desumptam fuisse, ideoque hanc atque illam non alia ratione conferendam esse, quam si fluminis Aquæ cum Aquis comparentur Fontis, ex quo dimanant. Si ingenue fatendum quod sæpius mihi in mentem venit, dicam me verosimillimum esse firmiter credere, omnia organa & artificiosas machinas, quæ attentione & industria suorum inventorum productæ sunt, inventionis originem Machinis & organis Viventibus a Creatore ad varios usus ac fines artificiose structis unice debere. Hoc ex inspectione antiquitatis attentâ facili negotio demonstrare possem, sed cum paginarum angustia illud prohibeat, in aliam occasionem hoc differre coactus sum.

In Philosophiâ Experimentalî, ea, quæ non in sensus incurrunt, v. g. gravitatem aëris, ejus vim elasticam aliaque innumera per experimenta in anthlia pneumatica, in campana urinatoria, Barometris, Thermometris aliisque instrumentis ostendimus & demonstramus. Sic etiam Mechanico fundamento Physiologiæ universæ rationem unice inniti firmiter credo, quia per machinarum, hydraulico-pneumaticarum ab Hominibus inventarum Structuram, Corporis Humani Structuræ, usus, functiones, actiones, itaque Creatoris fines propter quos talem & talem fabricam finxit, clare ac distincte explicantur. Quando autem in humano corpore omnes structuras, & fabricas, propter multitudinem ac exilitatem minimorum vasculorum tam microscopiorum ope, quam injectionibus liquorum coloratorum arte etiam admiranda Ruyschiana deregere non datum est, tunc Ratio nostra, sed præjudiciis Infantia, vero Philosophiæ Studio liberata per analogiam a structura in sensum incurrente desumpta talem defectum supplere potest. Cavendum autem ne aliquid assumamus quod demonstrari nequit. Generalis scientia e Physica, Botanica, Mechanica, Chymia, Pharmacia petenda est, inde enim discimus quid in Natura fiat. Si noverimus structuram veram nostri Corporis, & hanc notitiam cum generalibus modo dictis scientiis conferamus, ita facile er-



rare non poterimus. Uti sagax Mundi Conditor hanc rerum universitatem sua virtute & sapientia notante Celeb. STURMIO in epist. ac Celeb. HENR. MORUM fabrefactam, ex materia similiter divinitus non producta solum, sed divisa quoque, mota, disposita & ordinata est, ut stante hac Machinatione & ordinatione, h. e. eodem Dei concursu perpetuo conservata, ut effecta & phænomena Naturæ pleaque omnia nunc a causis secundis mere materialibus immediate dependeant : Ita tam certum quam quod certissimum credo, Machinam corporis humani a Deo productam non nisi ab eo, & quidem per causas secundas mere corporeas dirigi ac conservari debere. Adeo ut hic non opus sit Anima fingente, struente, vitam dirigente, morbos ad salutem corporis producente, eos dein curante ac sanante. Ratio instituti mei non permittit hæc longius hic prosequi, quippe hoc etiam superfluum esset, cum Principiorum Mechanicorum Veritas, Soliditas, Firmitas ac Stabilitas a Celeberrimis viris BERGERO, BOERHAAVE, HOFFMANNO aliisque ita ut vix melius fieri possit demonstrata est. Accedit quod Celeberr. Viri BURGMANNUS, BURCARDUS & STENTZELIUS dictum dogma absurdum ita refutaverint, ut, nisi me omnia fallant, magnam utilitatem in Medicinam inde redundaturam augurer.

Itaque ad alteram mei instituti partem transeo, & Authores, qui a primis Saluberrimæ Artis incunabilis ad nostra usque tempora suum laborem Studio Anthropologiæ impenderunt, recenseo. Hos inter merito suo primum locum occupat Magnus HIPPOCRATES, DEMOCRITI Magni etiam Philosophi, coætaneus, qui ante SALVATORIS nostri nativitatem quadringentis & quinquaginta circiter annis in Asiæ Insulâ Coâ dicta lucem aspexit. Teste A. C. CELSO primus fuit ex omnibus memoria dignis, qui Medicinam a studio Sapientiæ separavit. Siquidem ante ejus tempora Studia in tot Facultates uti hodie non erant distincta, sed ii Sapientes habebantur qui tam rerum Divinarum quam Naturalium causas investigarunt. Hic notante BOERHAAVE bona quæque adunando corpus Medicinæ Græcæ conflavit: scripta ejus Physiologica quæ sectione prima in FOESII editione continentur, quid quingentis annis ante CHRISTUM natum, & adhuc remotioribus temporibus in Anthropologia actum fuit, breviter indicant. Post ea tempora præeunte ARISTOTELE



TELE Peripatetici Physiologiam excoluerunt, sed plerumque ad mentem HIPPOCRATIS. Magni Pompei temporibus ASCLEPIADES EPICURI dogmata secutus fuit, & ipse etiam nova introducere coepit. Circa Imperatorum ANTONINI & COMMODI ævum claruit GALENUS Tractatu præsertim *de usu partium* immortalis laude dignissimus. Hoc magnæ molis opus in Libros XVII. divisum omni tempore a sapientibus pro magno Artis specimine habitum fuit, quamvis negandum non sit, vitiis non carere; quibus non obstantibus, Excellentissimum opus ratione temporis quò Elaboratum est, semper habendum. Erat Galenus Ethnicus Philosophus, qui PLATONIS ac ARISTOTELIS placita EPICURI contraria secutus fuit, utpote qui non falso opinabatur e fortuito atomorum concursu formationem Mundi & viventium corporum ortum habuisse. Propterea admiratione dignum est, quod in tenebris versanti Ethnico tam distinctæ ac claræ ideæ de Deo in mentem venerint, ut Creatorem tanquam Sapientissimum, Optimum & Potentissimum Ens percipere, comprehendere ac colere potuerit. Id quod *Lib. III. Cap. X. de usu partium* tam docte quam pie demonstravit. Ita enim NIC. RHEGINO calabro interprete ex nona junctarum Edit. Venet. 1625. in Fol. Tom. I. Primæ Classis pag. 133. ejus verba sonant. At vero si de hujusmodi Pecudibus plura verba fecero, melioris mentis homines merito mihi forte succenseant dicantque me polluere sacrum sermonem, quem ego Conditoris nostri verum Hymnum compono. Existimoque in hoc esse veram Pietatem non si Taurorum hecatombas ei plurimas sacrificaverim, & casias? aliaque sexcenta odoraamenta ac unguenta suffumigaverim, sed si noverim ipse primus deinde & aliis exposuerim, quænam sit ipsius Sapientia, quæ Virtus, quæ Bonitas. Quod enim cultu conveniente exornare omnia, nihilque suis beneficiis privatum esse voluerit, id perfectissimæ Bonitatis specimen esse statuo, & hac quidem ratione ejus Bonitas hymnis nobis est celebranda. Hoc autem omne invenisse, quo pacto omnia potissimum adornarentur, summæ Sapientiæ est. Effecisse autem omnino, quæ voluit virtutis est invictæ ac insuperabilis. Ne igitur mireris Solem, Lunam & universam aliorum astrorum seriem summo artificio dispositam esse, neve Te attonitum magnitudo eorum vel pulchritudo, vel motus perpetuus, vel circuituum certa descriptio, reddat adeo, ut, si inferiora hæc compara-

veris



veris parva tibi videantur esse & omni ornatu carere. Etenim Sapi-  
entiam & Virtutem & Providentiam hic quoque similem invenies.  
Confidera enim mihi materiam ex qua quodque factum est, & ne te-  
mere tibi persuadeas ex sanguine menstuo & spermate immortale  
animal posse conflare, aut impatibile aut semper mobile, aut splendi-  
dum & pulchrum æque ac Sol est. Sed ut Pheidiaæ artem expandis,  
ita & Artem omnium Conditoris perpende. O admirabilem Ethnici  
Sapientiam! nonnisi a Summo & Perfectissimo Ente menti ejus im-  
pressam! E quibus circumstantiis luce meridiana clarius apparet, in  
quem finem egregium opus scripserit. Jacobus SYLVIUS dictos  
GALENI libros tanti æstimavit, ut sequentes elegantes versiculos in eo-  
rum laudem composuerit:

Est mundus, sunt cœli, homines sunt, est Deus orbi,  
Nil homine est majus, cœlitibusque Deo,  
Magna hominem, majora Deum, quæ scripta celebrant,  
Hæc utrumque canunt, maxima jure voco.

Postea per multorum seculorum decursum in Studio Physiologico  
neque Græci neque Arabes aliquid laude dignum quantum innotuit in  
chartam conjecerunt, plerisque in Galeni verba jurantibus ut etiam  
ALEX. MASSARIA in Schola Patavina Professor non incelebris  
haud dubitaverit profiteri, malle se cum GALENO errare, quam cum  
aliis sapere. Non tamen silentio prætereundum puto hic annotasse  
AVICENNAM Medicum in Arabia Celeb. in principio seculi duodeci-  
mi post Nativitatem CHRISTI clarius quam GALENUS de usu partium  
Lib. X. Cap. XI. ductus salivales descripsisse, quando Lib. III. Fen.  
VI. Cap. I. ita scribit: Et sub lingua sunt duo orificia, quæ ambo  
ingreditur stylus, & sunt fontes salivæ, quæ ad carnem perveniunt  
glandosam, quæ est in radice ejus, & nominant generative salivæ,  
& isti duo fontes nominantur duo hauritoria salivæ, præservantes ro-  
rem linguæ. Vid. Edit. Lugd. 1522. in 4.

Seculo decimo sexto, notante Illustri, nostræ Tribûs ac juris  
publici cultorum Gloria, CONRINGIO, introductione in Artem  
Medicam Cap. III. §. XXIX. melioribus litteris renascentibus etiam  
Studium Medicum solito magis excoli cœpit. Ita Græcorum scripta,  
quibus



quibus ut plurimum hætenus præcedentium seculorum Medici destituti fuerunt, Arabibus tantum contenti, in latinam linguam versa fuerunt. Unde etiam summa inter Medicos dissensio exorta fuit, quibusdam Græcos, quibusdam Arabas sectantibus. De posterioribus Græcis scriptoribus, nimirum JULIO POLLUCE, RUFFO EPHE-SIO, SORANO, MELETIO, THEOPHILO PROTOSPATHARIO, ANONYMO GRÆCO, qui aliquid de re anatomica in chartam conjecerunt nihil brevitatis gratia dicam, sed ad posteriores Latinos me converto, inter quos primo occurrit MUNDINUS, qui anatomiam ad usum Scholæ Bononiensis descripsit & floruit A. C. 1305. Dictus ejus Liber autem prima vice 1478. Papiæ in Fol. impressus & in tanta commendatione fuit, ut ex Statutis Patavinis alius per multorum annorum decursum in eorum Collegio, legi ac edoceri non potuerit. A. ZENON Medicus Venetus magnæ authoritatis sub FRIDERICO Tertio & MAXIMILIANO Primo & ALEXANDRO sexto Pontifice A. C. claruit 1488. de quo extat de natura humana deque Embryone Liber Venet. 1491. in 4. Circa eadem tempora G. de ZERBIS quoque in Italia floruit, cujus liber de anatomia corporis humani & singulorum illius membrorum Venet. prima vice 1502. in Fol. prodiit. Secutus est A. BENEDICTUS, qui de historia corporis humani libros quinque scripsit, qui 1514. Parisiis in 4. primum lucem aspexerunt publicam. ACHILLINUS anatomiam corporis humani Venet. 1522. in Fol. scripsit. BERENGARIUS CARPENSIS qui etiam CARPUS vocatur, anatomiam magna cum celebritate docuit, & Isagogas breves, perlucidas ac uberrimas in anatomia corporis humani a communi Medicorum Academia usitatas, bononiæ, 1523. in 4. edidit. JOH. GUNTHERIUS ANDERNACUS, Germanus magni VESALII præceptor, lutetiæ Parisiorum Medicus Regius Salutatus, Praxin Medicam non saltem feliciter exercuit, sed etiam Anatomiam hætenus satis neglectam in usum revocavit. Ejus institutiones anatomicæ, secundum GALENI Sententiam Libris IV. comprehensæ Basil. Anno demum 1536. in 8. prodierunt. Teste JUSTO in Chronol. Medic. circa annum CHRISTI 1535. floruit Medicus non ineruditus, de quo extant libri duo de Homine, qui demum prodierunt 1619. Francof. in 8. additis JOH. JESSENI a JESSEN de generationis & vitæ humanæ periodis Tractatibus duobus. DRYANDER Hassus, anatomi-

am.



am MUNDINI ad vetustissimorum aliquot codicum fidem collatam  
 justo ordini suo restitutam edidit: adjectæ sunt quarumcunque par-  
 tium corporis humani ad vivum expressæ figuræ, nec non scholia  
 haud indocta, quæ prolixiorum Commentariorum vice esse possunt.  
 Marpurgi 1541. in 4. JACOBUS SYLVIVS hoc tempore Iuretix ex  
 GALENI doctrina publice professus, singulis humani corporis parti-  
 bus suas appellationes ingeniose repertas imposuit, quod a Nemine  
 antea præstitum. Summus Arabum inimicus fuit, utpote qui in fo-  
 liis GALENI verba juraverat. Propterea A. VESALII adversarius  
 fuit, qui liberiori ingenio exactam rei veritatem secutus, aliquanto  
 splendidius artem anatomicam explicare visus est. Magna autem ei  
 cum MANARDO ætatis suæ Medico Celeb. intercessit familiaritas,  
 etiamsi se acerrimum Barbariæ impugnatores exhibuit, & artem Me-  
 dicam sordibus oblitam nitore suo Hippocratico restituere sedulo  
 conatus fuit. SYLVIVS non saltem anatomiam publice docuit, &  
 propria manu secando cadavera humana, demonstravit, sed egregio  
 Commentariolibrum GALENI de ossibus interpretatus est, & Isagogen  
 brevissimam in libros GALENI de usu partium corporis humani in  
 libros tres distributam, quam RIOLANUS solertis ingenii foeturam  
 incomparabilem vocavit. Quæ omnia post ejus obitum demum fue-  
 runt edita. Parisiis 1555. in Fol. Magnus VESALIUS Medicus  
 Germanus, circa hæc tempora floruit. J. SYLVIVM in antiquissima  
 ac celeberrima Parisiensi Academia, Anatomiam subtiliter ac laboriose  
 profitentem, docentem, demonstrantem, & propria manu cadavera  
 humana secantem vidit. Inde eruditior factus anatomiam in Acade-  
 mia Patavina docuit ac demonstravit. Epitome ejus anatomica apud  
 Oporinum Basil. 1537. in Fol. lucem aspexit. De corporis humani  
 fabrica libri septem apud eundem 1543. aucti autem & mutati 1555.  
 ibidem apud eundem in reg. folio elegantissimis ligno incisis iconibus &  
 typicis litteris grandioribus prodierunt. Imperatori CAROLO quinto  
 labores suos dedicavit, postea in Hispaniam evocatus dicti CAROLI  
 & post ejus obitum PHILIPPI II. Archiater electus fuit. Primus  
 fuit qui errores a GALENO commissos ausus est corrigere & ab eo  
 in multis dissentire, cum Antecessores cæco authoritatis præjudicio a  
 placitis ejus ne latum unguem recedere ausi fuerint. SYLVIVS ac  
 EUSTACHIUS horum temporum Magni Medici, merita VESALII  
 agnosce-



agnoscere debuerunt, sed ejus procacitatem in GALENO carpendo damnarunt & ferre non potuerunt. Ut verum fatear, non ita novis delectari debemus ut prisca fordeant omnia, habent enim & Veteres & Recentiores sua Merita. Notante Sapientissimo SENECA, multum egerunt, qui ante nos fuerunt, multum etiam adhuc restat operis, multumque restabit, nec ulli nato, post mille secula præcludetur occasio aliquid adhuc adjiciendi. VESALII opera, quæ extant omnia curâ BOERHAAVE & ALBINI cum multis figuris æneis duobus Tomis in Fol. Lugd. Bat. 1725. prodierunt. Hujus laudati Anatomici coætaneus fuit Magnus FERNELIUS in Schola Parisiensi Doctor incomparabilis HENRICI II. Galliæ Regis Archiater, qui quoties ipsi otii à gravioribus rebus curis & negotiis variis dabatur, id omne in ea Medicinæ parte, quæ Physiologia vocatur, commentariis & lucubrationibus suis illustranda consumsit. In quo egregio opere, qualem se præstiterit, Posteritas apertius prædicabit. Primus ineptas quæstionariorum nugas, nihil præter fœdam Barbariem personantes, & inextricabiles argutulorum sophistarum labyrinthos, qui rebus per se claris densas tenebras effunderent, e Scholis Medicis expulit felicissime. Naturalem Medicinæ partem latino sermone luculenter ac breviter exposuit, ut si quis præceptis Philosophiæ necessariis instructus opus Physiologiæ ab ipso conscriptum non oscitanter semel atque iterum perlegerit, tenacique memoriâ longa meditatione impresserit, eum nihil eorum latere possit, quæ de ea Veteres omnes cum Græci tum Latini & Arabes infinitis voluminibus, observatione dignum scripserunt. Ne etiam quid illi efflueret temporis, quod in communem omnium utilitatem non cederet, insigne opus de Abditis rerum causis nocturnis lucubrationibus conscripsit, in quo de rerum omnium primordiis tam docte tamque apposite in utramque partem differit, ut suos Prædecessores ac Coætaneos in hoc scribendi genere longe multumque superaverit. Hæc ei suo merito felicitas contigit, quod a multis seculis nulli Erudito suæ Gentis contigerat, ut ipso vivo ac vidente sua opera quæ de universa Medicina scripsit, in scholis publice legerentur, ejusque Authoritas Veterum Scriptorum instar, apud rei Medicæ Magistros gravissimi esset momenti. In præfatione modo laudati libri doctissima pariter ac eloquentissima salutaris sui instituti rationem, quo non aliter quam HERCULES in Augiæ stabu-



lo repurgando occupatus fuit, ipse ingenue ita declarat : Si vetustissimi Philosophi Medendi artem, veterum labore inventam, satis consummatam rati essent, velintque posteros omnes iisdem semper vestigiis insistere, de quibus nefas sit vel transversum unguem decedere, sed intra eosdem terminos subsistendum, neque penitus in intimam naturæ cognitionem penetrandum demersa adhuc lateret, multis in rebus Veritas ; & vix dum ullum in abdita naturæ scientia lumen effuisset. Paulò post ita inquit ; Disciplinæ & Artes, quæ annis prope mille & ducentis sepultæ fuerant, & quæ verius extinctæ occiderant, jam plane revixerunt, pristinum, ne dicam majorem splendorem adeptæ, ut nihil vere docto illi seculo debeat hæc ætas invidere. Sic alia ex aliis trahi solent & ex angustis fontibus per ampla flumina derivari. Tam peccant qui a Veteribus pervestigata omnia comprehensaque esse contendunt, quam qui iisdem primam rerum cognitionem detrahunt, illosque de vetere doctrinarum possessione dejiciunt. Laudati authoris libri duo de abditis rerum causis Parisiis 1560. in 8. excusi sunt, libri autem Physiologiæ VII. ibidem cum aliis ejus operibus 1564. in Fol. demum post authoris obitum prodierunt. Vetusioris editionis nec VAN DER LINDEN, nec MERCKLINUS, neque MANGETUS de scriptis Medicis mentionem fecerunt.

Ne autem dictis temporibus Cultores Anatomix compendio hujus scientiæ destituti fuerint, Commentarium anatomicum, seu diligentem omnium humani corporis partium enumerationem, WIL-  
LICHIIUS 1544. Argent. in 8. publicavit. A CAROLO STEPHANO Medico Parisiensi de dissectione partium corporis humani libros tres habemus, una cum figuris & incisionum declarationibus a Chyrurgo STEPHANO RIVERIO compositis. Paris. 1545. in Fol. L. FUCHSIUS etiam epitomen de humani corporis fabrica ex GALENI & VESALII libris concinnatam, in duas partes divisam Tubingæ 1551. in 8. edidit. Physiologiam notante RIOLANO, quam FUCHSIUS in institutionibus breviter adumbraverat, statim atque edita fuit magna VESALII anatomia, supplere voluit, dum opus suum anatomicum deserto GALENO ac mutato Clypeo velut Transfuga, ad exemplar & imitationem dicti authoris composuit, hinc eum VESALII simiam RIOLANUS vocavit, ubi notandum, RIOLANUM odium quod in VESALIUM conceperat, nullibi dissimulare potuisse.



VALVERDI Hispani Anatomia corporis humani Hispanice 1556. in Fol. Italice 1560. & Venetiis apud Juntas 1607. a M. COLUMBO latine reddita additis novis aliquot tabulis exornata in Fol. prodiit. A RIOLANO non laudatur, ratio est in promptu, quia COLUMBI est discipulus, & COLUMBUS VESALIO anno 1544. Patavio discendente successor datus fuit. Ipse VALVERDUS in præfatione ad Lectorem testatur VESALII figuras affabre adeo exculptas esse, ut non sine invidiæ aut malignitatis crimine rejici eas potuisse duxerit. MICHAELIS COLUMBI autem in dedicatione hæc sunt verba. JOH. VALVERDI de humani corporis anatome Hispanico primum deinde Italico idiomate una cum elegantissimis iconibus jampridem edita, quæ cum Juntæ, Primarii apud Venetos Typographi e re sua & communi fore ducerent, ut in externarum potissimum gentium gratiam latine redderentur, hanc mihi provinciam, dum Patavii duobus fere abhinc annis agerem, detulerunt, quam etsi detrectare tenuitatis meæ conscius omnino decreveram, multorum tamen, præsertimque MERCURIALIS Medicorum hac nostra ætate facile Principis, suasionem atque impulsu suscipere sum coactus. Editio hæc ultima est nitidissima & egregiis Iconibus Plantinianis æri incisis ac Typis elegantibus superbit, quod eo certius testari possum, cum in Bibliotheca mea Exemplar promineat. Famâ itaque meritissima VALVERDUS frueatur, Livore etiam frustra obnubilante. REALDUS COLUMBUS Libros XV. de Re Anatomica LXX. chartis illustratos Venet. in Fol. 1559. edidit. Ipsi tribuunt, quod methodum facillimam invenerit, qua ratione Sceleta nitidiuscule confici queant. NICOLAUS MASSA secutus est, qui cum TRINCAVELLIO coetaneo suo medendi artem præ aliis clarissima in luce collocavit. De eo habetur liber anatomiae introductorius, in quo quamplurimæ partes, actiones atque utilitates humani corporis nunc primum manifestantur, quæ a cæteris tam veteribus quam recentioribus prætermissa fuerant. Venet. 1559. in 4. G. FALLOPIUS, multa noscenda in corpore humano detexit, atque inter alia Tubas, quæ cornua in Brutis vocantur, unde ex recentioris Medicinæ sententia ova, quæ hominum seminarium sunt, in uterum descendunt, quare Tubæ FALLOPII vocantur. Observationes suæ anatomicae Venet. 1562. in 8. expositio autem in Librum GALENI de ossibus Venet. 1570. in 4. prodiit. De B. EUSTACHIO refert



RIOLANUS quod fuerit Medicus & Anatomicus præstantissimus. Cum infinitorum pene Hominum & eorum Animalium, quæ in sua Terra gignuntur, corporibus incidendis multos jam annos versatus esset, opuscula quædam Anatomica, nimirum de Renum structura, officio, & administratione. De auditus organis, ossium examen, de motu capitis, de vena quæ Græcis Αἵματος dicitur, de dentibus tam accurate ac erudite & elaborata publicavit, ut posteritati dulce desiderium totius anatomies sic explicatæ reliquerit, quam si perfecisset, labores VESALII ac FALLOPII longè superasset, & occasionem aliis aliquid simile parturiendi præripuisset. Opuscula edita sunt Venet. 1564. in 4. Hæc a RIOLANO Filio pia desideria chartæ fuere injecta in Anthropol. 1649. impressa. Dei autem singulari Providentia factum est, ut Tabulas EUSTACHII anatomicas e tenebris vindicatas CLEMENTIS XI. Pontificis munificentia dono acceptas J. M. LANCI-SIUS intimus ejus Cubicularius & Archiater præfatione, ac notis illustratas cum publico communicaverit, Romæ 1714. in Fol. Sequitur INGRASSIAS Siciliae ac Insularum adjunctarum a PHILIPPO II. Archiater constitutus 1563. eo in munere editis prudentissimis constitutionibus, eximiam vigilantiam in omnium beneficio impendit. In GALENI librum de ossibus doctissima & expertissima Commentaria scripsit. Quæ cum nova & fideli ejusdem in Latinum versione, cum apte naturam imitantibus iconibus insignita, Panormi 1603. primum & dein Venet. 1604. in Fol. edita sunt. Qui liber rarissime inveniendus est. VOLCHERUS autem COITERUS 1566. Tabulas de cartilaginibus Bonon. in Fol. & externarum non minus quam internarum principalium corporis partium Tabulas, ac anatomicas exercitationes observationesque varias, novis, diversis & artificiosissimis figuris illustratas Norimb. 1573. publicavit. Diversorum animalium sceletorum explicationes, iconibus artificiosis & genuinis illustratæ, quæ omnia loco appendicis anatomicarum exercitationum prius editarum inservire utiliter poterunt, extant cum lectionibus FALLOPII de partibus similaribus a COITERO collectis. Norimb. 1575. in Fol. Ossium infantis historia extat cum H. EISSONII tractatu de ossibus, Groningæ 1659. in 12. CANANUS in corporibus dissecandis suo tempore vocabatur alter VESALIUS, Dissectionem Picturatam muscutorum corporis humani typis dedit Ferrariæ 1572. in 4. VAROLIUS  
primus



primus fuit qui originem nervorum opticorum detexit, qui tractatus Patavii prodiiit 1573. in 8. RIOLANUS Pater 1577. Paris. in 8. Commentarios in sex posteriores Physiologiæ FERNELII libros scripsit, & Commentarios lectione dignos in aureos FERNELII libros de abditis rerum causis ib. 1598. in 12. edidit. PARÆI opera Anatomica a GUILLEMEAU eliminata novis Iconibus elegantissimis illustrata & latinitate donata Paris. 1582. in Fol. prodierunt. RIOLANI labores in Anthropographia sua magnipendo, sed ejus indolem laudare non possum, qua PARÆUM meritis suis laudibus in Chirurgia ac Anatomia defraudare conatur, quo modo multos viros doctos ac exercitatos etiam tractavit, quia in Anatomicis sibi soli sapere visus est. PLATERI extant libri tres de partium corporis humani structura, & usu, Tabulis methodice explicatis, Iconibusque accuratè illustrati, Basil. 1583. in Fol. JULIUS CÆSAR ARANTIUS, notante RIOLANO in Bononiensi Academ. supra triginta annos cum magna sui nominis laude anatomiam excoluit. Primus historiam Uteri in gravida muliere, & foetus humani fabricam aperuit, atque alia nonnulla protulit. Ideoque aureus ejus liber de foetu humano lectione dignissimus est, cum ejus observationibus ex edit. postrema Veneriis facta 1595. in 4. PICCOLHOMINI extant prælectiones Anatomicæ mirificam corporis humani fabricam explicantes; Et quæ Animæ vires, quibus corporis partibus tanquam instrumentis ad suas obeundas actiones utantur, ficuti tota anima toto corpore, juxta absurdam Hypothesin, Romæ 1586. in Fol. Habemus etiam ejusdem Commentarios in librum GALENI de humoribus Paris. 1556. in 8. CASPARI BAUHINI primum opus in anatomicis est Theatrum Anatomicum, quod Basil. 1592. aliquot Tomis in 8. apparuit, cujus autem editio optima infinitis locis aucta ab authore ab erroribus repurgata Francof. ad Mœn. 1621. in 4. prodiiit. Detexit valvulam crassam & membranaceam orificio intestini Ilei in Colon hianti adstantem, ad minimum eam primus accuratius descripsit. Curavit etiam ut vivæ imagines partium corporis humani, æneis formis expressæ, opera & sumptibus incomparabilis M. MERIANI luci publicæ Typographi ope exponantur. HIERONYMUS CAPIVACCIUS, Patricius Patavinus, celebris Præcticus, imprimis summus Artifex Luis VENEREÆ curandæ, quâ ex opera circa jactantiam proficitur, se ultra octodecim coronatorum millia



millia fuisse consecutum. Creditus est in curationibus ejusmodi Arcano aliquo uti. Verum hoc semper constanter negavit Polonó Discipulo suo, ut Arcanum ipsum sibi proderet, impense roganti, respondit. Lege methodum meam & habebis Arcana mea omnia. Ejus methodus anatomica, sive ars consecrandi, cum Præfatione TEUCRI ANNÆI PRIVATI de Anatomix laudibus Venet. 1593. in 4. prodiit. Constat lib. ex 1. alph. & plag. 8. est itaque satis magnæ notis liber: Non tamen hic silentio prætereundum puto celeberrimum Præcticum ridicula & absurda in Physiologia habuisse principia, siquidem ossa, per vim ossificam; venas, per vim venæficam; arterias, per vim arterificam; cutim, per vim cutificam &c. fieri credidit. Tandem CASMANNI in hoc seculo recensenda est Anthropologia, h. e. Fabrica humani corporis, methodice descripta, capitibus distincta, singulorumque capitum disquisitionibus & variarum controversiarum, questionum, e variis sæpe etiam dissentientium opinionum Physicis, Anatomicis, & Medicis collectarum, disceptationibus illustrata, Hanovix apud Antonium 1596. in 8. Initio Seculi 1600. floruit in Gallia LAURENTIUS HENRICI IV. Archiater, qui hoc etiam anno Parisiis in Fol. Regali historiam anatomicam humani corporis & singularum ejus partium, multis controversiis & observationibus novis illustratam, figuris maximam partem e VESALIO desumptis, publici juris fecit. Historiam primo cujusque partis describit, dein quæcunque in ea invenit involuta aperit, controversias omnes Anatomicas, Commentariorum instar attexit. HIPPOCRATIS & Veterum libros Anatomicos multis difficultatum involucris implicitos explicat. GALENUM a recentiorum calumniis vindicat, non ita tamen ut ei plus quam veritati faveat; qui in nullius magistri verba jurare assuetus est. Novas figuras etiam addidit, v. g. eas quæ uteri vasa spermatica a nemine antea ita descripta, spinalis medullæ & nervorum ab ea prædeuntium divaricationem &c. Totum opus eleganti stylo conscriptum est, & notante RIOLANO divinum eruditi ingenii monumentum est, quamvis negari non possit non paucos etiam errores in Anatomicis continere. CABROLII extat Ἀλφάβητον ἀνατόμικον, id est, Anatomes Elenchus accuratissimus, omnes humani corporis partes eâ, quæ solent secari methodo, delineans: accessere Osteologia Genev. 1604. in 4. Circa idem tempus WINSEMII compendium Anatomix Disputationibus



nibus triginta in Acad. Franec. propositum 1605. in 4. prodiit. LICETUS de Vita libros tres scripsit. In his Philosophorum, Medicorum & Theologorum placita primo expenduntur: deinde circa vitam generatim, & speciatim circa plantalem, brutalem, humanam, cœlestem, mundanam summo studio disquiritur Venet. 1606. in 4. HORSTII nobilium exercitationum de Humano corpore & anima lib. II. prodierunt Vitemb. 1607. in 8. FABRITIUS AB AQUAPENDENTE elegante dictione scripsit, de visione, voce & auditu Venet. 1600. in Fol. de venarum ostiolis seu valvulis Patav. 1603. de locutione & ejus instrumentis ibidem 1603. in Fol. de formato fœtu Patav. 1604. in Fol. de formatione ovi & pulli ibidem 1621. in Fol. de muscoli artificio & ossium articulatione Vicent. 1614. in 4. de respiratione & ejus instrumentis libros duos Patav. 1615. in 4. Tractat. de Gula, Ventriculo & Intestinis Patav. 1618. in 4. opusculum de totius animalis integumentis ibidem 1618. in 4. omnes recensitos tractatus Anatomicos & Physiologicos de novo imprimi curavit Gleditschius Lips. 1687. in Fol. cum Præfat. Celeb. BOHNII. Sub prælo dicta opera nunc sudant Lugd. Bat. cum B. S. ALBINI præfatione proxime proditura. F. Ab AQUAPENDENTE cum Patavii HARVÆO venarum valvulas monstravit, ipsi occasionem circuitum sanguinis observandi dare potuit. RIOLANUS Filius, cujus aliquoties mentio jam facta, scholam anatomicam Paris. 1608. in 8. & Anthropographiam 1618. in 8. prodire jussit. Opera autem ejus Anatomica omnia recognita & auctiora cum annotationibus suis in LAURENTII, BAUHINI, SPIGELII, C. BARTHOLINI, C. HOFFMANNI, VESLINGII, anatomias, ac tractatum de Diaphragmate ÆMILII PARISANI ut & opuscula nova antehac nondum edita, de motu circulatorio sanguinis in Corde, & notæ in WALÆI duas epistolas de circulatione sanguinis Parisiis in Folio magno prodierunt 1649. Fatendum est Magnum Anatomicum & Medicum, sed etiam nimis rigidum ac austerum aliorum Magnorum Virorum Censorem fuisse. CASSERIUS 1609. Venet. in Regali Folio librum de quinque sensibus edidit, in quo organorum fabricam, variis iconibus fideliter æri incisis illustravit, nec non actionem & usum discursu anatomico - physiologico accurate explicavit. Extant quoque ejus Tabulæ 78. novæ nec antehac visæ, cœlo incomparabilis MERIANI Francof. in 4. 1632. SANCTORIUS circa ea



tempora floruit, qui Medicinam suam staticam Venet. 1614. in 12. aphorismorum sectionibus septem comprehensam edidit, quem librum celeberrimum Commentariis dignati sunt multi & canonibus additis auxit BAGLIVUS.

Observationes aliquot Anatomicas scripsit curiosus ARNISÆUS, ex quibus controversiæ multæ Medicæ ac Physicæ breviter deciduntur Francof. 1610. in 4. ut & disquisitiones de partus humani legitimis terminis ibidem 1642. in 12. Est ille Anatomicus qui cadavera humana secuit ac præparavit, quibus in figurarum & tabularum suarum delineatione usus est CH. GERTHERUS Pictor Celeb. jussu HENR. JULII Ducis Brunsvicensis. Imagines illas tanquam sine exemplo optimas & complures admodum laudat CONRINGIUS, quamvis SCHELLHAMMERUS fateatur voluisse quidem optimum Principem ad ducentas fieri, jam vero eas tantum residuas esse, quæ ventrem medium cum collo & musculis humeri exhibent, & ex quibus eæ adhuc, quæ partes mulierum genitales repræsentarunt vel surreptæ vel in civili ac intempestivo pudore reconditæ sunt. CASP. BARTHOLINUS Pater institutiones anatomicas corporis humani utriusque sexus historiam & declarationem exhibentes cum plurimis observationibus & opinionibus nec non illustrium, quæ in Anthropologia occurrunt controversiarum decisionibus, albiæ 1611. in 8. publicavit. CASPARUS HOFFMANNUS incomparabilem suum Commentarium in GALENI de usu partium corporis humani supra laudatos libros XVII. cum variis lectionibus in utrumque Codicem Græcum ac Latinum Francof. 1625. in Fol. edidit. Secuti fuerunt ibidem 1629. in Fol. libri quatuor de generatione Hominis contra MUNDINUM MUNDINIUM. BARTOLETI anatomica humani microcosmi descriptio per theses disposita in amphitheatro Pisano proposita, Bonon. 1619. in Fol. prodiit. ASELLIUS 1627. Mediolani in 4. dissertationem de lactibus, seu lacteis, venis, quarto valorum meseraicarum genere novo invento edidit cum figuris elegantissimis diversicoloribus. Quæ sententiæ multæ anatomicæ vel perperam receptæ convelluntur vel parum perceptæ illustrantur. SPIGELIUS de fabrica corporis humani libros X. composuit, quod opus posthumum DANIEL BUCRETIUS jussu autho.



authoris in lucem protulit, & cum tabulis 98. æri incisis elegantissimis a CASSERIO delineatis & affabre factis exornavit. Venet. in Reg. Fol. 1627. itém librum singularem de formato fœtu & epistolis duabus anatomicis Patav. 1626. in Reg. Fol. G. HARVÆUS Angliæ Regis CAROLI I. Archiater 1628. doctrinam de circulatione sanguinis si non primus invenit, tamen e tenebris in lucem protraxit, & immortalem laudem inde reportavit. Non saltem in collegio Londinensi Anatomix fuit Professor, sed etiam ejus Statua ibidem in perpetuam rei memoriam cum hac inscriptione conspicitur. Industria sagacitate, successu nobili, perpetuos sanguinis æstus, circularis gyro fugientes, primus promulgavit Mundo. Nec passus ultro Mortales sua ignorare primordia, aureum edidit de ovo atque pullo librum: Sic novis inventis Apollineam ampliavit artem, meruitque esse stator perpetuus. Huic novæ doctrinæ sese fortiter opposuerunt ÆMILIUS PARISANUS & FORTUNATUS PLEMPIUS, sed vano ac irrito conatu. Demonstrationibus enim per ligaturas veritas Harvæana confirmata fuit, quibus addi merentur LEWENHOKII Arcan. Nat. detect. epist. 65. 66. 67. & 68. qui oculis microscopio armatis, in gyrinis sive ranis mox ex ovo exclusis, & etiam in paulò adultioribus, ut & in piscibus, sanguinis progressum e corde in arterias & ex his transitum in venas arteriis adhærentes, reditumque per venas ad Cor observavit. Anglus modo laudatus scripsit peculiare exercitationes anatomicas de circulatione sanguinis motuque Cordis, Francof. 1628. in 4. & exercitationes de generatione animalium Lond. 1651. in 4. quæ sapius iterum varia forma excusæ fuerunt. HIGMORUS 1631. hag. com. in Fol. humani corporis disquisitionem anatomicam, edidit, in qua sanguinis circulationem in quavis corporis particula plurimis typis novis ac ænigmatum Medicorum succincta dilucidatione ornatum prosecutus est. HERMANNUS CONRINGIUS de calido innato librum unum 1631. in 8. Lugd. Bat. de sanguinis generatione & motu naturali opus Helmst. 1643. in 4. de Germanicorum corporum Habitus antiqui & novi causis dissertationem Helmst. 1645. in 4. edidit, qui liber curâ & cum notis doctissimis BURGRAVII iterum prodiit 1727. Francof. in 8. PLEMPII extat Tractatus laude dignus de Ophthalmographia, sive de oculi fabrica, actione & usu præter vulgatas hæctenus Philosophorum ac Medicorum opiniones Amst. 1632.



in 4. P. LAUREMBERGIUS Anatomiam corporis humani, seu Collegium Anatomicum XII. Disputationibus comprehensum & in Rostochiensium Academia propositum, Rostoch. 1636. in 4. publicavit. WALÆUS epistolas duas de motu chyli & sanguinis ad TH. BARTHOLINUM scripsit 1640. quæ extant cum Institut. Anatom. CASP. BARTHOLINI Lugd. Bat. 1641. in 8. TIDICÆI habemus Microcosmum, hoc est, descriptionem Hominis & Mundi *παράλληλον*. In qua quomodo in homine, ex singulari, infinita, & plusquam excellenti Dei Creatoris Sapientia, universa rerum natura, per imaginem quasi expressa sit, Hominis ad Mundum a capite ad calcem, secundum exteriora ac interiora, quoad animam ac corpus, collatione facta, particulatim ostenditur, quantoque adeo jure veteres Hominem parvum Mundum, vel totius Mundi Epitomen esse dixerint, evidenti ac perquam jucunda demonstratione, abunde docetur & explicatur. Idque ex ipsius maximè vetustatis utilitate insignium & ad naturæ præcipue cognitionem comprimis facientium enarratione planâ & luculenta. Lipsiæ 1638. in 4. BESLERUS admirandæ fabricæ humanæ Mulieris, partium generationi potissimum inservientium & fœtus fidelem hæctenus nunquam visam delineationem, quinque Tabulis ad magnitudinem naturalem & gentinam typis æneis impressam Norimb. publici juris fecit 1640. in Regal. Fol. SPERLINGII extat tractatus de formatione in utero Viteb. 1641. in 8. ejusdem Anthropologia ib. 1647. in 8. SINIBALDI Geneanthropiæ, sive, de Hominis generatione decateuchon: ubi ex ordine, quæcunque ad humanæ generationis Liturgiam, ejusdemque principia, organa, tempus, usum, modum, occasionem, voluptatem aliasque omnes affectiones, quæ in aphrodisiis accidere quoquo modo possunt, debita opera, plene, methodice, & jucunde pertractantur, Romæ in Fol. 1642. VESLINGIUS systema anatomicum Patav. 1641 in 8. publicis dissectionibus adaptatum edidit, quod cum Commentario docto & appendice BLASIIUS auxit 1696. Traj. ad Rh. in 4. TH. BARTHOLINUS Filius Anatomiam ex parentis institutionibus omnium recentiorum & propriis observationibus primum locupletatam Lugd. Bat. 1641. in 8. edidit, quæ sæpius recusa, tandem ad circulationem Harveianam & vasa lymphatica quintum renovata Lugd. Bat. 1686. cum novis iconibus & indicibus impressa fuit in 8. maximo. Hoc opus uti absolutissimum

est



est Anatomiae systema, ita etiam in se ea, quæ Celeb. author in multis specialibus libris de partibus humani corporis scriptis in chartam coniecerat, integrè continet, ubi etiam notandum nos huic Authori inventionem lactearum thoracicarum & vasorum lymphaticorum debere. VIRSUNGUS propter Diabolicum Livorem, qui adhuc regnat, præmatura Morte violenta, cum erudito orbi creptus fuerit, nihil scriptis consignavit. De eo autem testatur TH. BARTHOLINUS in Anat. modo nominata pag. 113. quod 1642. initio mensis martii ipsi præsentì Ductus pancreaticus a nullo Anatomico hætenus descriptus JOH. GEORG. VIRSUNGO apparuerit, licet priori aurum in Gallo Indico a MAURIT. HOFFMANNO tunc VIRSUNGI domestico, capacitate insigni & parietum robore ostensus fuerit, quod hic notandum esse puto. SCHNEIDERUS, dissertationes anatomicas de partibus quas vocant principalioribus, Corde, Hepate, Capite cum observationibus ad anatomiam pertinentibus Viteb. 1643. in 8. edidit. M. A. SEVERINUS. Zootomiam Democriteam, id est Anatomem generalis totius Animantium opificii libris quinque distinctam scripsit: Norib. 1645. in 4. in lib. I. Antecedens universalis disputatio, quæ ad anatomem spectat, proponitur. II. Zootomiæ necessitas, in universa propemodum humana sapientia, demonstratur. III. Universa Fabricæ animalis inspiciendæ contemplandæque methodus aperitur IV. Historia anatomica varii generis Animantium describitur, Iconibus certis plurimâ parte repræsentantur. V. Ratio dissectionis rectè administrandæ docetur. Quæ omnia magnam utilitatem habere possunt in exponenda oëconomia animali Hominis. De eo præterea extant quæstiones anatomicæ quatuor I. de aqua pericardii. II. De cordis adipe. III. De poris choledochis. IV. Osteologia pro GALENO adversus argutiores epidochæ in totidem alios JULII JASOLINI, extant cum JOH. G. VOLCKAMERI collegio anatomico, Hanovix 1654. in 4. DEUSINGIUS anatomem parvorum naturalium Groëningæ 1651. in 4. institutiones anatomicas ad circulationem sanguinis accommodatas ibidem 1659. in 12. oëconomiam corporis animalis ibidem 1660. in 12. aliaque ad Physiologiam pertinentia edidit. ZEISOLDUS librum de natura seminis, traduci non traduci subjunctum edidit. In quo illa potissimum controversia, num semen actu animatum sit, ventilatur & negativa ex affirmantium hy-



pothesibus atque concessis probatur ad eorumque objecta responderetur, Jenæ 1649. in 8. PECQUETUS invenit receptaculum chyli commune unde emergit ductus thoracicus. Inde originem habuerunt experimenta nova anatomica, quibus incognitum hactenus chyli receptaculum, & ab eo per thoracem in ramos usque subclavios vasa lactea deteguntur, ejusque dissert. anat. de circulatione sanguinis & chyli motu. Harderv. 1651. in 12. & Paris. secunda vice 1654. in 4. cui editioni emendatæ, illustratæ, auctæ accessit dissertatio de thoracis lacteis in qua J. RIOLANI responsio ad eadem experimenta nova anatomica refutatur & inventis recentibus canalis VIRSUNGI demonstraturus & lacteum ad mammas a receptaculo iter indigitatur.

VAN HORNE 1652. Lugd. Bat. in 4. ductum thoracicum novi ductus chyli ferri nomine delineavit, descripsit ac Eruditorum Examine primus exposuit. Microcosmum, seu, brevem manuductionem ad Historiam corporis Humani in gratiam Medicinæ Studioforum accommodavit ibidem 1660. in 12. Hic aureus Libellus Lips. 1675. in 12. recusatus fuit, cui accessit epistola ad G. ROLFINCIUM observationum in sexus utriusque partibus genitalibus specimen exhibens, ubi demonstravit Testiculos Viriles nil nisi conglomerationes merorum ductuum seminalium esse. MARCHETTI etiam extat anatomia, cui responsiones ad RIOLANUM in ipsius animadversionibus contra VESLINGIUM additæ sunt, Patav. 1652. in 4. Dignum meo judicio compendium ut a Studiosis in succum & sanguinem convertatur. LYSERUS cultrum suum anatomicum, hoc est, methodum brevem, ac perspicuam, artificiose ac compendiose humana corpora incidendi, cum nonnullorum instrumentorum iconibus Hafn. 1653. in 8. edidit. Notat GOELICKE l. c. eum conficiendis sceletis tam strenuam navasse operam, ut talia præparaverit, quæ cum Nivibus, candore & lævore certaverint. RUDBECKIUS arosiæ 1653. in 4. novam exercitationem anatomicam, ductus hepaticos aquosos & vasa glandularum serosa nunc primum inventa æneisque figuris in Tab. XIII. delineata exhibentem in lucem misit. TH. BARTHOLINO de prima inventionem ductuum lymphaticorum litem movit, quos ipse aquosos vocat, unde epistolam ad TH. BARTHOLINUM scripsit de vasis serosis, imo & contra eundem pro ductibus aquosis ROLFINCIUS dissertationes anatomicas veterum ac recentiorum observationibus illustratas,



stratas, ad circulationem sanguinis accommodatas & sex libris metho-  
do synthetica exaratas Norib. 1656. in 4. ut & alia scripta de Hepa-  
te Jenæ 1653. in 4. de corde ibidem 1654. in 4. publicæ luci dedit.  
SEGERI extat dissertatio anatomica de usu communium corporis in-  
tegumentorum Hafn. 1654. in 4. ejusdem triumphus Cordis post  
captam ex totalis Hepatis clade victoriam, erectus ibidem 1654. in 4.  
ejusdem dissertatio anatomica de lymphæ BARTHOLINIANÆ quid-  
ditate & materia 1658. in 4. & dissert. anat. de HIPPOCRATIS ortho-  
doxia in doctrina de nutritione Fœtus humani in utero, Basil. 1660.  
in 4. GLISSONIUS nobis dedit anatomiam Hepatis, 1654. Londini  
in 8. & tractatum de ventriculo atque intestinis ibidem 1677. in 4.  
structuram revera Hepatis accuratius ac diligentius quam omnes sui  
Prædecessores exposuit. COURVEE tractatum de Nutritione Fœtus  
in utero paradoxa curiosum, dantisci 1655. in 4. edidit. WAR-  
THONUS 1656. Lond. in 8. adenographiam sive glandularum totius  
corporis descriptionem dedit, & primus existimavit esse a Creatore  
factas ad percolandam aliquam materiam, cum priores Anatomici exi-  
stimaverint, eas destinatas saltem ad viscera suffulcienda, non aliter  
ac pulvinaria sunt Capitis fulcrum. MOEBIUS 1657. Jenæ in 4. fun-  
damenta Medicinæ Physiologica ex Veterum ac Recentiorum senten-  
tiis ventilata ac variis observationibus illustrata publicæ Luci dedit.  
CHARLETONII extat oëconomia animalis mechanice explicata Lond.  
1659. in 12. Ita etiam DEUSINGII idea Fabricæ corporis Humani  
ad circulationem sanguinis accommodatæ ibidem 1659. in 12. prodiit:  
Ut & ejusdem oëconomix animalis Partes V. Grœningæ 1660. in 12.  
lucem viderunt. ELSHOLTII extat Antropometria, sive, de mu-  
tua membrorum corporis humani proportionem & nervorum harmonia  
libellus, cui accessit doctrina Nervorum. Patav. 1654. in 4. &  
Francof. ad od. 1663. in 8. quæ post Patavinam editio secunda figu-  
ris æneis illustrata est. VELTHUSIUS paulo post tractatum de Liene  
& alium de generatione Traj. ad Rh. 1657. in 12. scripsit.  
Interea etiam KYPERUS Anthropologiam edidit Lugd. Bat. 1660.  
in 4. in qua corporis humani partes ac Animæ rationalis Natura pro-  
posse explicatur. Notissimum est circa ea tempora floruisse Magnum  
RENATUM DES CARTES, qui etiam Tractatum de Homine Gal-  
lice scripsit, qui post ejus obitum Iconibus illustratus & Latinitate  
donatus





donatus Lugd. Bat. 1662. in 4. & postea aliquoties cum Tractatu de Formatione Fœtus, notis perpetuis LUDOVICI DE LA FORGE illustratus tam in Belgio quam Germania prodiit. Hunc virum propter merita maxima osculor, qui me sub manu ductione mei primi in Philosophia Doctoris Celeb. GURTHLERI docuit qua ratione infantiae præjudicia sint deponenda, cui soli, in Labyrintho mei cursus Studii Medici sub diversis Doctoribus habito, Medicinam Mentis debeo, præcipue cum postea Acutissimorum Medicorum labores mihi oculos aperuerint. Nihilominus ingenue fatendum illum contra propria sua principia maxime errasse, quando statuit bullulam fermento plenam, quæ ex virga Viri effunditur in uterum Fœminæ, & demonstrare conatur totum Hominem inde fieri ex fermento assidue enato ex propria substantia. Cum itaque nihil assumere debeamus, quod non clare ac distincte demonstrare possimus, non saltem erravit noster Præceptor CARTESIUS, sed notante bene Clarissimo BOERHAAVE alii magni Viri etiam errarunt, quando assumerunt plus quam demonstrare potuerunt, uti contigit Maximis Viris ALPHONSO BORELLO, JOHANNI BERNOUILLIO, LAURENTIO BELLINO, aliisque qui tamen didicerant, quantum distent æra Lupinis. PLAZZONUS de partibus generationi inservientibus libros duos scripsit, quibus omnium & singulorum organorum utriusque sexus ad generationem concurrentium, structura, actiones & usus, perspicua brevitate explicantur Lugd. Bat. 1664. SALZMANNI varia observata anatomica hætenus inedita Amstel. 1669. in 12. prodierunt. RALLII extat liber de generatione Animalium, ubi quædam contra HARVEUM, DEUSINGIUM & ORCHAMUM continentur, Stetini 1670. in 12.

WILLISIO debemus Anatomiam Cerebri, cui accessit Nervorum descriptio & usus Londini 1664. in 8. quod opus summa industria scriptum esse, omnes sapientiores Medici hætenus judicarunt. Scripsit etiam de motu musculari Londini 1670. in 8. de Anima Brutorum, quæ ipsi Hominis vitalis ac sensitiva dicitur ibidem 1672. in 4. R. de GRAEFF 1664. Lugd. Bat. in 12. disputationem Medicam de Natura ac usu succi Pancreatici edidit. Extat etiam ejus epistola de partibus genitalibus mulierum ibidem 1671. in 8. de virorum organis generationi inservientibus ibidem 1671. in 8. Epistola de nonnullis circa partes genitales novis inventis ibidem 1668. in 12. defensio



sio partium genitalium ibidem 1673. in quibus opusculis tam Homines & Animalia cœtera omnia, quæ vivipara dicuntur, haud minus quam ovipara, ab ovo originem ducere evidenter demonstravit. Hæc nimirum est unica differentia, quod quædam Animalia ova sua extra se, alia intra se ponant. Circa hæc tempora floruit ALEXANDER MAUROCORDATUS Medicus Græcus, Imperatoris Turcarum ac Ottomannicæ Majestatis summus Interpres. Scripsit Pneumaticum Instrumentum, sive de usu Pulmonum & Respiratione ex sanguinis circulatione, quod typis belgicis & germanicis aliquoties recusum est. Exemplar quod possideo Francof. ad Mœn. prodiit 1664. in 12. In XVII. capita divisus est liber, & meretur ut a Naturæ Scrutatoribus legatur. Observavit MAUROCORDATUS, notante TH. BARTHOLINO, alligata Trachea è faucibus descendente, statimque inflato gravi vulnere Pulmonibus, reciprocari Aërem per vulnus; & in inspiratione, simul atque expiratione sanguinem percurrere, sed hac differentia, quod in expiratione sanguis levi alveo efflueret, in inspiratione veluti compressus: & admoto speculo ori Animalis, eousque Respirationem agere vidit, quousque vivit, motumque cessante respiratione definiri. Ad quos Honores ac Dignitates MAUROCORDATUS nostræ certæ Gentis Medicæ Gloria pervenerit vid. Lexic. Basil. Universi. Hic autem mihi liceat apponere Versus, qui in carmine continentur, in quo 1699. mihi novos Honores gratulabatur Piæ Memorix Collega, Conjunctissimus, J. D. CRAMERUS Philol. & Litt. Hum. Prof. Ord. & postea in Gymnasio Illustri Servestano Anhaltino Theolog. Doct. & Prof. Celeb.

Hic mihi fige pedem, Lector Germane, parumper,  
Perrarumque Hominem claris natalibus ortum  
Atque illum toto peregrinum sidere, Mente  
Volve, revolve tua. Qui Pacis Fœdera nuper  
Junxit ALEXANDER MAUROCORDATUS in oris  
Pannoniæ, Legatus ibi Mahomedis, Amicus  
Artibus ingenuis etiam Collegia dicta  
Condecorat, gaudetque horum se dicere membrum.  
Scilicet ut Medicos Arabes antiqua tulerunt  
Tempora (Averrhoes, Avicenna, Serapio, Rhases,



Mesue, Maurorum genus evasere Celebres)  
Sic noster CORDATUS habet præconia MAURUS  
Et sociis absens excoctos sæpe recepto  
More Byzantinâ mittit de sede libellos.

BILSIUS responsionem ad admonitiones J. van HORNE, ut & ad animadversiones BARBETTE in Anatomia Bilsiana Roter. 1661. in 4. & specimena anatomica 1663. in 4. edidit. L. BELLINUS leges mechanicas & hydrostaticas observari docuit, hinc ipsi Mechanicæ Medicinæ inventio merito debetur, quæ Medicis fecundam cogitandi materiam præstat. Scripsit de structura Renum Florent. 1662. in 4. de usu Renum Amstel. 1663. in 12. adde hisce opuscula vere docta de motu cordis & bilis. In Miscell. Nat. Cur. Dec. I. Anno I. & II. de eo extat consideratio nova de natura & modo respirationis. STENO, observationes anatomicas, quibus varia oris, oculorum & narium vasa describuntur, novique salivæ lacrymarum & muci fontes deteguntur, & novum BILSII de lymphæ motu & usu dogma examinatur ac rejicitur Lugd. Bat. 1662. in 12. edidit. PETITUS de motu animalium spontaneo librum unum composuit, in quo partim ARISTOTELIS de hujus motus principio sententia illustratur, partim nova musculorum motus ratio indagatur. Paris. 1660. in 4. Extant etiam ejus de lacrymis libri tres ibidem 1660. in 4.

MAURITIUS HOFFMANNUS Synopsin institutionum anatomicarum ex sanguinis natura partium plerarumque vitam declarantem ordine dissectionibus commodo, in universitate Altdorffina Norimbergensium disputatam edidit 1661. in 8. MALPIGHIIUS 1663. observationes anatomicas de pulmonibus in 8. publicavit, & sequentibus annis exercitationes suas anatomicas de structura Viscerum, Cerebri, Pulmonum, Hepatis, Lienis, Renum pedetentim edidit, quæ omnia cum suis aliis curiosis operibus, figuris elegantissimis in æs incisis illustrata 1686. Lond. in Fol. & Lugd. Bat. 1687. in 4. opera autem posthumana Londini 1697. in Fol. & Amstelod. 1698. in 4. prodierunt. Hujus viri incomparabilis Labor assiduus in evolutione absconditæ viscerum Structuræ tantus fuit, ut Lectorem suum in summam rapiat admirationem, inde promeruit ut nominis sui memoria amplissimis monumentis sit consecrata. Quia autem magna Ingenia merito



merito conspirare videntur, hinc modo Laudato viro RUYSCHIIUM adjungo. Ante sex circiter annos in senectute maxima, animo sano, post multos exantlatos labores vitâ discessit. Eum oculis meis videnti ea non contigit felicitas, quam expertus est Filius meus natus Minimus ISRAEL CREGUT, Med. Doct. qui postquam Basileæ Dissert. Physico Medicam sistentem Calculorum in corpore humano reperire generationem e principiis Physicis docte & eleganter demonstratam omnium applausu defenderat & summos in Medicina Honores ac Privilegia obrinuerat, in Belgium profectus ea sola intentione, ut visitatis Academiis, Marburgensi, Giesensi, Jenensi, Hallensi, Lipsiensi, Altorfina, Erfurtensi, Argentoratensi, Basileensi, ut duos Magnos Medicos RUYSCHIIUM & BOERHAAVIUM videre ac audire adhuc possit. Mihi eheu! paucis post reditum e Belgio mensibus, præmatura morte defunctus, virtute & eruditione solida imbutus charissimus Filius, (sic ob Tristitiam vix omnino abstergendam venia verbis) non satis laudare potuit magnam humanitatem, qua eum excepit, & facilitatem, qua ei Musæum nitidissimis præparatis anatomicis ubique instructum ostendit & discursu amicabili pariter ac docto eum erudire haud dedignatus est. Hic silentio præterire nolo Celeberr. virum Arteriam bronchialem, quæ sanguinem tam ad Bronchia Arteriæ asperæ, quam sub Pulmonum exteriorem advehit; Meningem mediam ipsi arachnoidea dictam, quæ non tantum Cerebrum, sed quoque totam spinalem medullam undique stipat; Septum etiam scroti, aliaque suis Prædecessoribus prætervisa detexisse. MEIBOMIUS de vasis Palpebrarum novis epistolam ad LANGELOTTUM Helmst. 1666. in 4. scripsit. T. C. CONSENTINI progymnasmata Physica, in septem exercitationes divisa v. g. de generatione hominis, de vita, de nutritione &c. Francof. 1665. in 12. & 1683. in 12. Lips. sub titulo Physiologiæ prodierunt. SWALBE pancreas pancrene, seu pancreatis & succi ex eo profluentis commentum succinctum. Amst. 1667. in 12. NEEDHAM disquisitio anatomica de formato foetu extat Lond. 1667. in 8. MAYOW tractatum edidit de Respiratione in genere, & de respiratione Foetus in utero ac ovo ac de motu musculari, 1669. Oxonii in 8. SCHWAMMERDAMIUS miraculum Naturæ, sive uteri muliebris, fabricam, notis in D. JOH. van HORNE prodromum illustratam & tabulis a Clariss. & Expertis viris cum ipso arche-



typo collatis adumbratam, cum adjecta nova methodo cavitates corporis ita præparandi, ut suam semper genuinam faciem servant Lugd. Bat. 1672. in 4. publicavit. Tractatum item Physico - Anatomico-Medicum de respiratione, usuque pulmonum, in quo præter primam respirationis in Fœtu inchoatiorem, aëris per circulum propulsio statuminatur, attractio exploditur experimentaque ad explicandum sanguinis tam auctum quam diminutum motum in medium producuntur. Lugd. Bat. 1667. in 8. MOLINETTUS librum de sensibus eorumque organis a doctis semper magni habitum scripsit, & alium de arte anatomica Patav. 1669. in 4. LOWERUS 1669. Amstel. in 8. Tractatum suum de Corde, item de motu & colore sanguinis & chyli, in eum transitu, luci publicæ dedit, in quo scripto accurate Cordis formam evoluit ac delineavit. FRACASSATUS epistolas anatomicas, de Lingua ac Cerebro scripsit, extant cum MALPIGHII epistolis anatomicis Amstel. 1669. in 12. extat etiam dissertatio epistolica responsoria de cerebro in Bibliotheca anatom. CLERC & MANGET. TILINGII de Tuba uteri, & fœtu extra uteri cavitatem in Tuba concepto exercitatio anatomica Rintelii 1670. in 12. de placenta uteri disquisitio anatomica novis hypothesebus illustrata ibidem 1672. in 12. De admiranda renum structura eorumque usu nobili in sanguificatione, seminis præparatione ac humoris serosi a sanguine segregatione, consistente, exercitatio anatomica ex principiis de circulari sanguinis motu illustrata Francof. 1672. in 12. Anatomia Lienis ad circulationem sanguinis accommodata Rintelii 1673. in 12. Digressio Physico-Anatomica de vase brevi Lienis ejusque usu nobili in corporis humani oëconomia. Mindæ 1676. in 12. prodierunt.

THRUSTON Diatribam edidit, de respirationis usu primario. Accedunt animadversiones a Cl. viro in eam conscriptæ una cum responsionibus authoris Lond. 1670. in 8. KERKRINGIUS Anthropogeniæ Ichnographiam, sive conformationem Fœtus ab ovo usque ad ossificationis principia cum figuris Amstel. 1670. in 4. & spicilegium anatomicum continens observationum anatomicarum rariorum centuriam unam, nec non osteogeniam Fœtuum in quo quid cuique officulo singulis accedat mensibus, quidquid decedat, & in eo per varia immuterur tempora accuratissime oculis subjicitur ibidem 1670. in 4. in lucem misit.



DIEMERBROECK anatomiam C. H. novis quibusdam inventis instructam, variisque paradoxis Physiologicis adornatam edidit. Existimarunt autem Sapientiores ejusmodi ab eo inventas vias ac meatus in cerebro ejus ortas esse, quia haecenus ab aliis demonstrari non potuerunt, & bene notante GOELICKE Hist. Anat. pag. 152. in anatomia plus valere autopsiam quam suspensionem, prima editio fuit Ultraj. 1672. in 4. BROECKHUYSEN extat oëconomia animalis sive cogitationes succinctæ, de Mente, Corpore, & utriusque Conjunctione, juxta CARTESII methodum deductæ, Noviomagi 1672. in 8. COLE, cogitata de secretionem animali Oxonii 1674. in 12. prodierunt. KOCK tentamen de secretionem animali editum Oxoniæ 1674. in 12. qui libellus lectu dignissimus est. HOBOKENI extat Anatomia secundinæ Humanæ repetita, aucta, roborata & quadraginta quatuor figuris, propria authoris manu delineatis, insuper illustrata, quæ præter novissime observatam Naturam ac Constitutionem universæ secundinæ illius, ac partium singularum usum quoque & utilitatem docet. Præmittuntur litteræ H. EYSSONII cum authoris responsionibus Ultraj. 1675. in 8. scripsit etiam cognitionem Physiologicam Medicam accuratissima & clarissima methodo traditam: Qua Humani corporis Sanitas & quæ eam significant, imprimis ac probant, hominis actiones omni numero absolute, clare & distincte explicantur. Accesserunt Tabulæ Synopticæ hanc ipsam cognitionem Medicam Physiologicam distinctissime delineantes, Ultraj. 1685. in 4. VELTHUYSEN Tractatus de Liene editus est Ultraj. 1675. in 12. ubi Lien descriptus est ad imitationem GLISSONII de Hepate. BARBATI habetur dissertatio Anatomica de formatione, organizatione, conceptu, & nutritione Fœtus in utero Patav. 1676. in 4. & alia elegantissima de sanguine & ejus sero. In qua præter varia lectu dignissima, CONRINGII, LINDENII, & BARTHOLINI circa sanguificationem opiniones, STENONIS sanguinis de albatio, WILLISII succi nervorum vis, REGII transitus chyli ad Lienem, LICETI nutritio Embryonis, WARTHONI & CHARLETONIS Lactis expositio, HARVEI masculini seminis retentio rejecta, MOEBII spirituum animalium natura & alia docte ac polite exponuntur. Francof. 1667. in 12. PEYERUS, occupatus fuit in indagandis glandulis intestinorum utriusque generis, ubi etiam eorum usum in secretionem & excretionem



tione feri mucosi tam in sano quam morboſo ſtatu oſtendit. Schaffuſæ 1677. in 8. deinde Amſtel. 1682. in 8. Scripſit etiam certamen epiſtolare cum JOH. de MURALTO Medico, Prof. & Canonico Tigurino Celeb. meo in Anatomia, Chirurgia, & Embryulcia, Præceptore olim fideliffimo; qui præter varias obſervationes curioſas ex anatomia variorum animalium hauſtas ac cum Societate Nat. Curioſ. comunicatas, Vade Mecum Anatomicum Tiguri 1677. in 12. impreſſum, publico dedit.

REISELIUS poſt obitum D. Doct. WOLFGANGI CRANZII Conſil. Archiatri & Phyſici Hanoviensis ab Illuſtriſſimo ac Celiſſimo Hanoviæ Comite FRIDERICO CASIMIRO 1668. vocatus fuit, tanti magni Medici Succellor Digniffimus. Expertus eſt LIVORIS etiam INIMICORUM VIOLENTIAM, quod ut ſæpius mihi viri coætanei nar-  
rarunt, ſic verum eſſe in Bibliotheca Medica Scriptorum Medicorum MANGETI 1731. in Fol. Genevæ edita deprehendi. Ita Livor antiquus & modernus conſpiravit, ut ſolatium ſit a Livoris Vi maximas injurias paſſis, ſocios habuiſſe Malorum. Si Antiquiſſimorum Germanorum Mores, Fidem, Sinceritatem ac Candorem, cum Hodiernorum, nonnullorum indole conſeras, ob Agreſtem Ruſticitatem ſua Facta Nefaria ac Inexcufabilia non niſi Titulo abſurdo Simplicitatis ſcelus ſuum ſcelere quaſi velare ridiculo conatu velle videntur: Teſte Ovidio

Ingenium quondam fuerat pretioſius Auro  
Aſt nunc Barbaria eſt grandis, habere nihil.

REISELII mentionem hic fecimus, propter ſtatuum humanam circulatoriam quam in Ephem. Nat. Curioſ. annis 1678. & 1779. publici juris fecit, Quæ à Curioſis Naturæ ſcrutatoribus legi meretur. Scopus viri doctiſſimi nullus alius fuit, quam ut circulationem ſanguinis, chyli & feri Mechanico modo demonſtrare poſſit. Interea CHARLETONIS oëconomia animalis mechanice explicata edit. ſecunda correctior prodiit Lugd. Bat. 1678. ENTIUS animadverſiones in M. TRUSTHONI diatriben de reſpirationis uſu primario ſcripſit Londini 1678. in 8. HARDERUS prodromum Phyſiologicum naturam humorum nutritioni & generationi dicatorem explicantem Baſil. 1679. in 8. publicæ luci dedit. Extant etiam ejusdem & PEYERI exercitationes anatomicæ, Baſil. 1682. in 8. ut & Diſſertatio anatomico-practica



ctica de viscerum præcipuorum structura & usu in 4. a BERGERO pag. 91. cum laude allegata, quæ mihi etiam sub ejus manu ductione Basileæ Medico Studio operam danti oculos recte aperuit. BARBERIUS 1680. Bonon. in 12. operationes spiritus nitro aërei in microcosmo exposuit, cui accessit dissertatio epistolica de pororum biliarium usu & motu. Circa ea tempora floruit MICH. ETTMULLERUS, cujus Physiologia posthuma sæpius fuit impressa, quæ pro locis communibus in hoc studio habenda. Editionem Neapolitanam in Fol. præferrem anni 1728. ob CYRILLI notas ei additas. WEDELIUS nunc sequitur, qui Physiologiam Medicam quatuor sectionibus distinctam 1680. Jenæ in 4. eandem vero reformatam ib. 1688. in 4. edidit. Magnus fuit Medicus & etiam Magnus meus Fautor, quamvis ipsum non nisi per scripta sua & litterarum commercium noveram.

BORELLUS circa ea tempora floruit, vir magna Laude Dignissimus, utpote qui de motu Animalium opus consummatum scripsit, quod post authoris Celeberr. Fata auspiciis CHRISTINÆ REGINÆ SUECIÆ, in lucem publicam prodiit, cui simile in hoc argumenti genere per Mechanicas Demonstrationes, visum antea non fuit. Opus egregium in duas partes divisum est, quorum prima anno 1680. altera demum 1681. Romæ in 4. edita est. Partes duæ editione alterâ Lugd. Batav. 1688. in 4. in correctiore ac emendaciore statu prodierunt. BARBERIUS de spiritûs nitro-aërei operationibus in Microcosmo scripsit, cui opusculo accessit dissertatio epistolica de Pororum Biliatiorum ac Bilis usu ac motu. Bonon. 1680. in 12. SCHELHAMMERUS in Physiologiam introductionem, cum id studium primùm aggredieretur, publicis prælectionibus præmissum expedivit, Helmst. 1681. in 4. De Lymphæ ortu, & lymphaticorum vasorum causis 1683. de motu Cordis ac pulsu mechanice demonstrato libros 1690. publici juris fecit. De Natura librum bipartitum scripsit, in quo doctissimo opere accuratissime demonstravit, quid Medici per eam NATURAM intelligere debeant, & quænam ejus Vis ac Potestas sit evidenter ante oculos ponitur. Kilix 1697. in 4. Vir est cœtera notis doctissimis in Illustris CONRINGII introductionem in Artem Medicam Celeberrimus. TOZZI Physiologica de Hominis generatione Lugd. 1681. in 8. edidit: quæ etiam in editione novissima Venet. 1721. in 4. fusiùs fuere deducta, aucta ac emendata. STOCKHAMERUS microcosmo-

gra



graphiam sive partium humani corporis omnium, earumque actionum & usum brevem quidem, accuratam tamen descriptionem novis seculi illius inventis exornatam publicavit, Viennæ Austriæ 1682. in 12. J. C. BRUNNERUS experimenta nova circa Pancreas & Diatriben de lymphæ & genuino Pancreatis usu Amstel. 1682. in 8. scripsit, & Francof. 1715. in 4. glandulas duodeni, seu pancreas secundarium detectum exposuit. BROEKHUISEN oëconomia corporis animalis, sive cogitationes succinctæ de Mente, Corpore, & utriusque conjunctione juxta methodum Cartesianæ Philosophiæ deductæ Amstelod. 1683. in 4. edita fuit. TYSON, observationes quædam anatomicæ circa pilos in diversis corporis membris repertos, ut & circa dentes, ossa &c. Lips. 1683. in 4. extant. CASP. BARTHOLINUS nepos, de variis mulierum & generationis historia epistolam anatomicam Romæ 1677. in 8. epistolam etiam ad OLIG. JACOBÆUM de nervorum usu in musculorum motu, Parisiis 1676. in 8. item diaphragmatis structuram novam, cui accessit modus novus præparandi viscera per injectiones liquidorum cum instrumenti novi descriptione. Parisiis in 8. in lucem edidit. Hafniæ autem 1684. in 4. de ductu salivali hætenus non descripto observationem anatomicam publici juris fecit. Tandem Hafniæ prodiiit 1701. in 4. ejusdem specimen Historiæ Anatomicæ partium corporis humani ad Recentiorum mentem accommodatæ novisque observationibus illustratæ. Quid a cute ad ossa usque, STENO, MALPIGHII, PECHLINUS, WARTHONUS, NUCKIUS, VERHAYEN, GLISSONIUS, WILLISIUS, PEYERUS, KERCKRINGIUS, DE GRAEFF, PECQUETUS, RUYSCHIUS, RUDBECKIUS, PARENS EJUS, BELLINUS, SWAMMERDAMIUS, HORNIUS, VIEUSENS, DU VERNEY & alii præstiterunt, recensuit, & decem observationes proprias addidit. DU VERNEY Tractatus de auditus organo extat, qui structuram & usum exponit acuratissime Paris. 1683. in 12. VIEUSSENS Neurographiam universalem, h. e. omnium corporis humani nervorum simul ac Cerebri, medullæque spinalis descriptionem anatomicam Lugd. 1684. in Fol. publicavit, quæ dein Francof. cum præfatione GEUDERI 1690. in 8. cum figuris prodiiit. Notante præfationis authore, suam in Anatomicis Peritiam ultra quadragintorum cadaverum humanorum quindecim intra annos in Nosocomio Montpelienfi indefessa illustratione acquisitam Erudito orbi abunde



abunde comprobavit. Hinc dictum opus cum GOELICKE lib. cit. ita absolutum credimus, ut nihil addi posse videatur. De eo præterea extant Tractatus duo: Primus de remotis & proximis mixti Principiis in ordine ad corpus humanum spectatis: Secundus de natura, differentiis, subjectis, conditionibus, & causis fermentationis. Ibidem in 4. 1688. Epistola de sanguinis humani cum sale fixo, spiritum acidum suggerente, tum volatili, in certa proportionem sanguinis phlegma spiritum subrufum ac oleum foetidum ingrediente, nec non debilis usu, ad Facultatem Medicam Lipsiensem perscripta, una cum hujus responso, Lips. 1698. in 4. Novum vasorum corporis humani systema, Amstel. 1705. in 12. Tractatus novus de structura & causis naturalis cordis Motus. Tolos. 1715. in 4. Tractatus novus de auris structura. Ibid. eadem formâ.

BIDLOO 1685. Amstel. in Fol. Max. Regal. Anatomiam Corporis humani centum & quinque Tabulis per Artificiosissimum G. de LAIRESSE ad vivum delineatis edidit, 1697. in 4. ejus vindiciæ quarundam delineationum contra animadversiones F. RUYSCHII prælect. Anat. Chir. Lugd. Bat. secutæ sunt. Negari quidem haud potest in nonnullis figuris errores deprehendi, nihilominus tamen ingenue fatendum opus esse elegantissimum pariter ac utilissimum. BRIGS Ophthalmographiam & novam visionis theoriam Ludg. Bat. 1686. in 12. publicavit, & theoriam suam ab objectis dubiis liberavit. Circa hæc tempora DRELINCURTIUS Pastoris Ecclesiæ Parisiensis Celeberrimi Filius, qui a Curatoribus Acad. Lugd. Bat. pro Cathedra Medica cum advocatus esset, id munus non saltem lubenter suscepit, sed summo cum successu adimplevit. Ejus docendi methodus erat nitidissima, accuratissimaque. Dexteritatem sagacitatemque quampræsertim in Anatomicis demonstrationibus adhibuit mirati sunt omnes. Hinc orti sunt varii concinne, scripti Tractatus, quos omnes Celeb. BOERHAAVE Hagæ Comit. 1727. in 4. ut prodeant curavit & præfatione ad Auditores suos ornavit. Ubi Celeb. vir statim in primo limine notat DRELINCURTIUM more suo exiguos singularem edidisse libellos. Quos ideo collegisse fatetur, quoniam multa ex illis olim didicisse grata recordatione latus sæpenumero reminiscitur. Tractatus ejus ad Anthropologiam pertinentes, sunt: Diatriba de partu octimestri vivaci. Quæstio Physiologica an partus octimestris

(f)

vitalis



vitalis sit. Prælude ejus anatomicum. De conceptione adversaria. Hypomnemata de Humani Fœtus membranis. Meletemata de Tunica Fœtus Allantoide. Animadversiones de Tunica Chorio. A NUCKIO habemus Tractatum de ductu salivali novo, saliva, ductibus aquosis & humore aqueo oculorum Lugd. Bat. 1686. in 12. ut & ejusdem Adenographiam curiosam & uteri fœminei anatomiam novam ibid. 1692. in 8. BOHNIUS hisce temporibus in summo flore eminuit, utpote qui in Studio Theoretico, Practico Medico, ac Forensi, in specie Physiologico uti Sol inter Stellæ minores lucem præ se tulit. Hic Magnus Medicus, Gloria nostræ Gentis Germanicæ, Circulum Anatomico - Physiologicum, seu oëconomiam animalis Corporis, hoc est, cogitata Functionum animalium potissimarum formalitatem & causas concernentia, Lipsiæ in lucem produxit, 1686. in 4. In quo aureo libro limatissimum Authoris de Mechanica Animalis judicium nusquam non elucescit. LEALIS extat epistola ad DOMINICUM de MARCHETTIS de partibus semen conficientibus in Viro Patav. 1686. in 12. HERFELT Philosophicum Hominis, de corporis humani fabrica, observationibus anatomicis multorum Clariss. Virorum confirmatum prodiit Lugd. Bat. 1687. in 8. BONTEKOE oëconomia animalis secundum CARTESII principia scriptum opus posthumum, 1688. Lugd. Bat. in 8. prodiit. M. F. GEUDERUS Amstel. 1689. in 8. cum publico communicavit Diatribam de Fermentis, variarum corporis humani partium specificis & particulæribus. Cui subjicitur Dissertatio de ortu Animalium solide ac doctè conscripta. Inanibus Facultatum nominibus explosis, HELMONTII vestigia legentes peculiaria in subsidium vocarunt Fermenta, ratione Partis Solidæ, cui insideant & propria sint, insita ac specifica ipsis appellata. Magis autem supposita quam demonstrata ejusmodi Fermenta agnoverunt viri immortalis laude dignissimi, BORELLUS, BOHNIUS, CHARLETONUS, quia rationem mechanicam in exponendis actionibus & functionibus oëconomix animalis ejusmodi cerebrinis fictitiis nugis merito prætulerunt. In primis studiorum meorum Medicorum annis audiveram Doctores HELMONTII ac WILLISII Principiis plane imbutos, cum autem antea in Philosophia Cartesianis principiis addictos habueram Præceptores, mihi illa dogmata medica valde erant suspecta, & cum postea iterum alia præeunte HAR-



HARDERO atque ZWINGERO audiebam principia, & anno ætatis meæ XXIII. Basileæ 1696. Doctor Medicinæ creatus fui, statim me in nullius Magistri verba juraturum, sed in Lectione Præcipuorum Scriptorum Medicinæ, tam veterum quam Modernorum, quorum copiam sufficientem sine mora mihi parabam, illud Me tantum assumpturum, quod clare ac distincte percipere potero, constitui. Hinc factum quod inconcussa fuerit mea constantia, & nulla lectione tam veterum quam recentiorum, præcipue tunc orientium Stahlianorum & veterum scholis repetitorum Principiorum ullo modo quassari potuerit. Interea hic notandum puto, Lectionem dicti Libelli Doctissimi GEUDERI mihi oculos recte aperuisse, hinc ut omnes Studiosi Medicinæ eum sepositis præjudiciis legant suadeo. GAGLIARDUS elegantissimum ac curiosissimum libellum anatomix ossium novis inventis illustratæ Romæ 1689. conscripsit, qui Lugd. Bat. 1723. in 8. iterum lucem vidit. TH. CRAANEN Tractatus Physico - Medicus de Homine extat, in quo status ejus tam Naturalis quam Præternaturalis, quoad theoriam rationalem mechanice demonstratur, cum figuris æneis Lugd. Bat. 1689. in 4.

TAUVRY nova anatomia ratiociniis instructa, sive ejus structuræ corporis humani & nonnullorum aliorum animalium secundum leges mechanicas Paris. 1690. in 12. Gallice, dein Ulmæ latine 1694. in 8. prodiit. In præfatione nos anatomix comparatæ parum illud notitiæ debere notat, quam in œconomia corporis explicanda possidemus. Corpus nostrum pro Machina Hydrostatica & Pneumatica habendum existimat; in quo ossa Fulcrorum & Vectium, Musculi Funiculorum, Cor & Pulmones Syringarum, Vasa, Arterias, Venas Canaliculorum vicem gerere, in quibus humores perpetuo circulantur; Vitra convexa referre humorem oculi crystallinum; Cornua, quibus sonum fingimus, facta esse ad modum auris externæ. Quod antiquitas etiam optime cognovit quando Artem Simiam Naturæ pronunciavit. Inter recentiores STURMIUS in docta dissertatione de Artis ac Naturæ sororia cognatione veritatem hanc confirmavit, quando Artem Dei opera sæpius imitari aut representare ausam fuisse copiose demonstravit. DIONIS qui integro quadraginta annorum spatio in Horto Regio Parisiensi Anatomiam demonstravit extat Anatomia corporis humani juxta sanguinis circulationem 1690. primum excusa editione





tertia duabus tabulis aucta Parisiis 1695. in 8. prodiit. HAVERS Londini 1691. in 8. novas suas de ossibus partibusque ad eas spectantibus observationes edidit, qui liber meretur ut cum attentione legatur, utpote qui quæ ab aliis neglecta aut insufficienter tractata fuerunt supplevit ac ulterius illustravit appositis novis ac variis experimentis ac observationibus egregiis, quibus ratio, qua crescant & nutriantur, exponitur. VERHEYEN, corporis humani anatomiam quoque edidit, in qua omnia tam veterum quam recentiorum anatomicorum inventa, methodo & intellectu facillima describuntur ac tabulis æneis representantur, Lovanii 1693. in 4.

BROWNE Myographiam, sive Musculorum omnium in corpore humano hactenus repertorum accuratissimam descriptionem dedit, ubi etiam nomina singulorum in suo quæque loco, situque naturali in æneis musculorum iconibus exarantur: eorum item origines, insertiones & usus graphice describuntur, additis insuper ipsius Authoris & aliorum nuperrimis observationibus ac inventis Amst. 1694. in Fol. BERNOULLIUS de motu Musculorum Meditationes suas mathematicas communicavit, extant in Actis Lipsiensibus anni 1694. pag. 200. Recusæ autem fuerunt Lugd. Bat. 1710. ad calcem BORRELLI de motu animalium, & Venet. 1721. in 4. Maj. accedunt ibi MICHELOTTI animadversiones decem. FRANCUS de FRANKENAU onychologiam curiosam, seu de unguibus tractationem Physico-Medicam Jenæ edidit 1695. in 4. COKBURN oëconomia animalis corporis Londini prodiit 1695. in quo libro functiones omnes sine fermentis modo plane naturali, declarare omnibus allaboravit viribus. RIDLEY magnus anatomicus, Anatomiam Cerebri, quæ Mechanicam hujus atque Physiologiam comprehendit, una cum novis inventis veterum ac modernorum authorum circa idem subjectum lingua anglicana 1695. Londini in 8. publicavit. Emendationibus autem cum elegantibus ad vivum expressis figuris M. E. ETTMULLERUS latinitate donavit, 1727. Lugd. Bat. in 8. In hac anatomia, ea quæ WILLISIUS ac VIEUSSENS diligentissimi cerebri ac nervorum scrutatores non observarunt ulteriori scrutinio instituto demonstrare conatus est. Experimentum autem anatomicum ad veram duræ matris motus causam detegendam in actis Phil. Angl. anni 1703. n. 287. extat. LE CLERC Medicus Regius Parisiensis Chirurgiam comple-

tam



tam Gallice 1695. in 12. Paris. scripsit, cui præmittit Osteologiam  
 ac Myologiam. BOERHAAVE egregiam illam esse pronuntiavit,  
 quoniam de mense ad mensem ossa annotat & indicat, quo tempore  
 ossa adsint & quomodo stella fiat. Osteologiam autem Vesalianam ac-  
 curatorem esse credit, quia ibi habetur quidquid Antiquitas unquam  
 de ossibus novit. SANDRY de naturali sanguinis statu specimina  
 Bonon. 1696. in 4. & Francof. 1712. in 8. adjecto tractatu de ven-  
 triculo, prodierunt. ORTLOB Historiam partium & œconomiae Ho-  
 minis secundum naturam, seu dissertationes Anatomico-Physiologicas  
 in Acad. Lips. publice ventilatas in usum philiatorum collectas ibid.  
 1696. in 4. publici juris fecit. JOH. GAUBII Epistolæ Problematicæ  
 Anatomicæ ad RUYSCHIIUM, multa curiosa Anatomica continent  
 editæ sunt Amstel. 1696. in 4. MUNNICKS de re anatomica Liber  
 extat, cum elegantissima & utilissima præfatione Traj. ad Rh. 1697.  
 in magno 8. in quo contexendo omnes Anatomicorum Commentarios  
 legisse fatetur, quos inter se comparavit, ut quod utile & veritati con-  
 sentaneum ipsi videbatur, decerperet, colligeret, & in succum ac san-  
 guinem converteret. Non tamen tantum Artis Scriptoribus fidem ha-  
 buit, quantum oculis fidelibus, quia melius autopsia comparari posse  
 anatomiam quam longa lectione non sine ratione credidit. Hoc ta-  
 men negari nequit libros ac figuras nos multum juvare posse. COW-  
 PERUS Londini in Fol. 1698. Anatomiam corporis humani, figuris  
 ad vivum delineatis, æque illustratam atque amplis earundem explica-  
 tionibus, & observationes anatomicas novas comprehendentibus, pu-  
 blicavit. In præfixa introductione functiones cum naturales, tum  
 animales e principiis mechanicis stricte observavit & exposuit. Myoto-  
 miâ suâ reformatâ, Londini 1694. in 8. edita est. Magnum inter Ana-  
 tomicos Nomen obtinuit. De eo etiam notandum quod Primus, fue-  
 rit, qui Ductum Thoracicum in homine ad vivum delineaverit, cum  
 præcedentes Anatomici saltem analogice sicuti in Brutis reperitur eum  
 depinxerint. Hic non obliviscendum, MANGETUM & CLERICUM  
 in Bibliotheca Anatomica, sive Thesauro locupletissimo recens in Ana-  
 tomia inventorum, editione altera, novis tractatibus, notis & obser-  
 vationibus, tertiâ ad minimum parte, priore, Anno 1685. editæ, quæ  
 Genevæ 1699. in Fol. II. Volum. prodiit, magnam laudem promeruisse.  
 FANTONUS sequitur qui observationes Anatomico-Medicas selectio-



res Parentis sui ineditas adjectis scholiis Taurini edidit 1699. quod opusculum Venetiis 1713. auctum & emendatum in lucem iterum prodiit. Anatomicas autem dissertationes Taurini evulgavit 1701. sub titulo anatomiae corporis humani. Dissertationes duae, de structura ac Duræ Matris & Lymphaticorum vasorum usu. Romæ 1721. PASCOLUS 1700. Perusiae in 4. corporis humani brevem historiam edidit, in qua nova ac succincta methodo omnia ejus organa & principales earundem functiones delineavit. Totum Tractatum in duos dispescit libros, quorum primus succincte proponit ipsa organa, alter vero omnes eorum functiones, modo plerisque Anatomicis contrario, quo a descriptione partium internarum ad exteriorum periphericarum notitiam sensim progreditur. Postquam enim priore libro organorum omnium descriptionem præmisit, posteriore earundem functiones subjunxit, non tamen ex sua ubique Hypothesi, verum potius ad Mentem, BORELLI, MALPIGHII, BELLINI, RHEDI, BARTHOLINI, VIEUSSENS aliorumque in arte anatomica Celeb. Medicorum, norante GOELICKE lib. cit. pag. 94. Initio hujus seculi etiam prodiit altera editio priore auctior. J. C. AMMANNI dissertationes de Loquela, qua non solum vox humana, & loquendi artificium ex originibus suis eruuntur: sed & traduntur media, quibus ii, qui ab incunabulis surdi & muti fuerunt, loquelam adipisci, quique difficulter loquuntur, vicia sua emendare possint. Amstelod. 1700. in 8. Huic editioni accessit WALLIS ad Authorem epistola ac ejus responsio. Lectori attento hujus incomparabilis libelli patefcet, quod plurima jam fiant, fieri quæ posse negabant. Hoc tempore quoque prodiit Parisiis, 1700. in 12. MERY novum systema de circulatione sanguinis in fœtu humano per foramen ovale, cum responsionibus ad objectiones contra hanc hypothesin factas. Varia ipsius schediafmata leguntur in commentariis Acad. Reg. scientiarum. In actis Lips. Ann. 1725. pag. 275. notatur quod habuerit musæum anatomicum instructissimum. Quod in eo fulgeat sceleton, ubi nervorum omnium ductus a primo fonte usque ad extremitates comparent. Quod parum de iis locutus fuerit, quæ noverrat, & quod nec precibus exterorum adduci potuerit ut anatomiam traderet.

PASCHIONUS Epistolam ad Medicum TESTI venetum, de novis circa solidorum ac fluidorum vim in viventibus ac duræ meningis



gis structuram & usum observationibus scripsit, quæ habetur in Actis Lipsiensibus Anno 1701. Prodiit etiam Romæ 1701. in 8. ejus disquisitio Anatomica de duræ meningis fabrica & usu. Ejusdem Dissertatio epistolaris de glandulis conglobatis duræ meningis humanæ, indeque ortis lymphaticis ad piam menynge productis ad Celeb. SCHROECKIUM Romæ 1705. in 8. item Dissertationes binæ ad J. FANTONUM, cum ejusdem responsione illustrandis duræ meningis ejusque glandularum structuræ atque usibus concinnatæ. Romæ 1713. in 8. & tandem Dissertationes physico-anatomicæ de dura menynge humana, novis experimentis & lucubrationibus auctæ & illustratæ. Romæ 1721. in 8. prodierunt. SNELLEN extat delineatio Physico-Medice Theoriæ Mechanicæ 1705. Lugd. Bat. in 8. Divisa est in duas partes: in prima BAGLIVUM, in altera FREIND acriter perstrinxit, est enim novus resuscitatus Fermentorum & Fermentationis Patronus. SANTORINI opuscula medica de structura & motu Fibræ, de nutritione etiam animali publicata fuere Venet. 1705. in 8. ejusdem observationes Anatomicæ Venet. prodierunt 1724. in magno 4. quæ multa curiosa continent. BAGLIVUS Italus Romanus profectus ibi Celeb. Medicus ac Professor & tanti in urbe nominis fuit, ut illi Famæ præproperus Favor atque Artis felicitas exitio fuerint. Nam cum expetitus ab omnibus, eos sibi undecunque labores conciliasset quos exantlare minime posset, nec vellent etiam deserere, iisdem brevi succubuit Triginta & octo annos natus. Hic in Re Medicæ Maximus Vir, specimen quatuor librorum de Fibra motrice, in quibus de solidorum structura, vi, elatere, æquilibrio, usu, potestate, differitur, nec non de duræ Matris, Constructione, elatere, æquilibrio, & in singula quæque solida oscillatione systaltica, doctum & valde proficuum opus cum adjunctis dissertationibus anatomicis ad Mechanicam redactis Romæ 1701. in 4. prodire jussit. Eodem anno etiam Viteb. in 4. prodiit Cel. VATERI Physiologia Experimentalis. CHARRIERE habemus anatomiam novam corporis humani Paris. 1703. in 12. J. PALFIN descriptio anatomica partium muliebrium generationi dicatarum Gandavi 1703. impressa fuit in 4. De eo præterea extat Anatomie du Corps humain avec des remarques utiles aux chirurgiens dans la pratique de leurs operations enrichi de figures en taille douce a Paris 1726. in 8. quæ editio posterior ab authore multum aucta ac emendata fuit.



CH. JOH. LANGII Physiologia cum reliquis suis operibus curante RIVINO 1704. Lips. in Fol. prodiit. Hæc instar amplissimi Commentarii in Physiologiam legi meretur. THOMSON Dissertationes Medicæ de motu quo renituntur canales in fluido corporis animalis Lugd. Bat. 1705. in 8. prodierunt. VALSALVA tractatum de aure humana scripsit, & penitus Du Verney, qui eandem materiam tractavit, auris structuram perlustravit, iconismis ac novis inventis illustravit, omniumque ejus partium usus indagavit. Quibus interposita est Musculorum Uvulæ atque Pharyngis nova descriptio & delineatio Bonon. 1705. in 4. MORGAGNI in suis adversariis anatomicis multa nova ab aliis nondum proposita ac etiam obsoleta cum litterato orbe communicavit. Bononiæ 1706. in 4. DES-NOUES ac GUGLIELMINI aliorumque Eruditorum Epistolæ de variis inventis novis Romæ 1706. in 8. extant. In quo fasciculo epistolarum multa curiosa continentur, præprimis autem recenset ex BLEGNI Zodiaco Gallico non ignotus DES-NOUES propria inventa vel potius præparata sua anatomica, quomodo ille nimirum tam duo cadavera, fœminæ novem menses gravidæ alterum, alterum fœtus contenti & ad egressum proni præparare & vasa sanguifera universa, etiam capillaria, cera replere atque conservare, quam anatomiam artificialem invenire, partes solidas omnes cerâ exacte imitando, Genuæ sustinuerit. Exponit præterea qua ratione arterias cunctas spiritu vini rectificatissimo cinnabari subtilissima tincto repleverit, & quo modo venas viridi cerâ impleverit, aliaque multa huc spectantia notatu dignissima refert. J. DRAKE novum Anatomix systema œconomiam animale[m] describens Londini 1707. in 8. cum publico communicavit, sed multa sunt quæ præsentem librum minus commendare videntur, notante ita MANGETO Biblioth. suæ Lib. IV. pag. 201. ipsum librum enim videre mihi non contigit. GEORG. ERNESTUS STAHL in Orbe Litterato Celeberrimus Medicus Physiologiam suam Halæ 1708. in 4. publici juris fecit. Notissimum est illum antea Physiologiæ suæ nova fundamenta diversis dissertationibus in nova fundata universitate præmisisse. Nimirum Disquisitionem de Mechanismi & Organismi diversitate. Positiones de Mechanismo Motus progressivi sanguinis, quibus Motus Tonici Partium porosarum Necessitas, Utilitas & Habilitas ad motum sanguinis, lymphæ, feri, particulariter, dirigendum, admittendum, vel excludendum, demonstratur.

De



De differentia Rationis & Ratiocinationis & Actionum, quæ per & secundum utrumque horum actuum fiunt in negotio vitali & animali. De Fundamento Theoriæ Medicæ. De vera diversitate corporis mixti & vivi & utriusque peculiarium conditionum atque proprietatum necessaria directione, Demonstrationem. Sciagraphiam Physiologiæ veræ Medicæ. Negotium otiosum s. sciamachiam adversus positiones aliquas fundamentales Theoriæ suæ Medicæ a viro quodam Celeberrimo (Illustr. Bar. de Leibniz) intentatam, sed adversis armis converſis enervatam. Quamvis hujus Magni Medici Principia de Animæ suæ Potentia nunquam approbare potuerim, Meritis suis magnis meo dissensu libero nihil detractum volo.

Circa dicta tempora Celeberrimi BOERHAAVE Fama, maximo suo merito incrementa cepit. Siquidem, 1708. in Institutionibus suis Lugd. Bat. in 8. editis, ut multos alios doctissimos labores silentio præteream, Physiologiam juxta Principia Neotericorum Mechanica ita clare, distincte ac solide demonstrat, ut elegantius & solidius in compendio fieri nequeat. Quarta editio auctior Parisiis 1722. in 8. prodiit. Extat etiam ejus opusculum anatomicum de Fabrica glandularum in corpore humano continens duas Epistolas, quarum prior est H. BOERHAAVE super hac re ad F. RYSCHIUM altera hujus ad priorem Lugd. Bat. 1722. in 4. TERRANEUS de glandulis universim & speciatim ad urethram virilem novis tractatum scripsit Taurini 1709. in 8. qui Lugd. Batav. 1721. in 8. iterum prodiit, in quo uberius circa has glandulas suam exponit sententiam. BIANCHI Historiam Hepaticam, de Structura nimirum & usibus diversis Hepatis doctissimum Tractatum 1710. in 4. Aug. Taurin. edidit, qui in tertia editione Genevæ 1725. in 4. omnibus numeris absolutus prodiit. Habemus etiam ejusdem dissertationem epistolarem ad J. LANZONUM conscriptam de duobus lachrymalibus novis eorumque Anatome, Aug. Taurin. 1715. in 4. Quantus fuerit Anatomicus in Præfatione ad libros MAGATI duos de rara medicatione vulnerum Francof. 1733. in 4. fusius demonstravimus. FREIND Emmenologiam edidit, in qua fluxum muliebrem, ejus phænomena, periodos &c. paulò accuratius explicare aggressus est, deductâ ab elementis mechanicis eorum Theoria. Tractatus elegantissimus editione

(g)

secunda



secunda Roterod. 1711. in 8. prodiit, qui paucis annis antea Oxon. prima vice lucem aspexerat. LISTERI Tractatus de Humoribus Amst. 1711. in 8. prodiit. CHESELDENIUS 1713. in 8. Anatomiam corporis humani, Figurarum potiores partes ad vivum adumbrantium viginti tribus Tabulis æneis illustratam Londini typis commisit. PIT-CARNIUS I. Dissertationem de circulatione sanguinis per vasa minima. II. De causis diversæ molis, qua fluit sanguis per pulmonem natis, & non natis. III. De motu quo cibi ventriculo rediguntur ad formam sanguini reficiendo idoneam. IV. Dissertationem de circulatione sanguinis in animalibus genitis & non genitis. V. Observationes quas de fluxu menstruo editione tertia Edimburgensi auctiore, Roterod. 1714. in 4. publici juris fecit. HOVIUS 1716. Lugd. Bat. in 8. Tractatum de circulari Humorum motu in oculis edidit. Oculorum humores non fortuito ibi colligi demonstravit, sed potius fluxu & refluxu continuo indefinenter in orbem verti, ut perpetuus oculi vigor constanter conservetur. An autem uti in Aqueo Liquore, si ille infortunio quodam effundatur, iterum sponte restituitur in reliquis humorum liquoribus etiam ita fiat, adhuc sub Judice Lis est. KEIL Anatomia corporis humani in compendium redacta Londini 1718. in 8. editione quintâ prodiit. Toties reiterata editio evidenter demonstrat, qualis liber sit. Meo, salvo aliorum, judicio, uti HEISTERI compendium anatomicum in latina lingua scriptum optimum est, ita KEIL compendium absolutissimum est in Lingua Gallica. Quod procul omni dubio Medicinæ Doctori Parisiensi HOGUEZ ita etiam visum, dum illud e Lingua Anglicana in Gallicam translatus Primario Regis Galliarum Archiatro D. Doct. DODART dedicavit, ubi notat, se ratione Musculorum, Nervorum & Glandularum opusculum multis in locis ditasse ex observationibus Anatomicis HOVII, DRACKE, HEISTERI, MORGAGNI, aliorumque Modernorum Anatomicorum, unde existimat hanc suam sextam editionem jure merito præcedentibus naturaliter perfectiorem esse debere.

FRID. HOFFMANNUS, Consil. Med. & Prof. Hall. Celeberr. Philosophiam Corporis Humani vivi & sani, ex solidis Mechanicis, & Anatomicis, principiis, methodo plane demonstrativa per certa Theoremata ac scholia tradidit, Halæ Magdeb. 1718. in 4. A triginta & quod



quod excurrit annis vir Celeb. Medicinæ Studium cum diligentia excoluit. Uti etiam in Studio Physiologiæ, nonnulla egregia ingenii sui monumenta protulit, jam autem omnia, collegit ac digessit. NENTERUS e schola STAHLII eodem anno suam Physiologiam edidit. TEICHMEYERUS Elementa Anthropologiæ, sive corporis humani Theoriam publicavit, in qua omnium partium actiones ex recentissimis inventis anatomicis & rationibus tum physicis, tum Chymicis, tumque mechanicis declaravit & figuris æneis illustravit Jenæ 1719. in 4. SCHURIGIUS Spermatologiam Historico - Medicam, qua collectis observationibus Physiologiæ capita præcipua illustrare constituit, in hoc negotio ipsa authorum verbis utitur, ut diverse sentientium Mens eo melius dignoscatur: prodiit Francof. ad Moen. in 4. 1720. Secuta fuit ejus Sialogia Historica - Medica Dresdæ 1723. in 4. Chylogia Dresdæ 1725. in 4. MICHELOTTUS de separatione fluidorum in corpore animali, exemplo BELLINI, PIT-CARNII ac KEILII secundum principia Mechanica ac Mathematica Dissertationem Physico - Mechanico - Medicam, cum publico communicavit Vener. in 4. HECQUET Medicus Parisiensis Celeb. & Doct. variis scriptis notus, inter alia novum Medicinæ conspectum 1722. Paris. in 8. publicavit, cujus pars prima Physiologica est, quæ meretur ut cum debita attentione legatur. VALISNERIUS de generatione hominum atque animalium historiam scripsit. Vener. 1722. in 4. quod opus in partes tres divisum est. Docet non semper vermes in semine inveniri, quantumvis fecundo. Ex ipsis placitis atque observationibus LEEWENHOEK demonstrat, vermiculos seminales nihil aliud esse posse, quam insecta, quæ in semine hospitantur, quippe cum ibidem vivant, crescant, genus propagent, atque moriantur, eaque ratione perpetuo Vermes & Insecta maneant, quæ mea semper fuit sententia uti in præfatione ad MAGATUM copiose exposui. GOELICKE e schola STAHLII vir indefessæ diligentiae 1725. in 4. Spiritus Animales e Foro Medico relegare ausus est, cui se docte ac solide opposuit J. P. BURGGRAVIUS commentatione medica de existentia spirituum nervosorum, eorumque vera origine, indole, motu & effectibus in corpore humano Francof. 1725. in 4. Existimat quidem GOELICKE in suis Institutionibus reformatis Francof. ad viad. 1735.



editis, pag. 70. se in vindiciis BURGGRAVIO oppositis monstrasse quod spiritus dicti nervosi jure e foro medico fuerint proscripti. Præter Stahlianos nemo facile amplius de existentia succi nervosi vel liquidi nervorum dubitabit, quia & ratione ac experientia constat in cerebro & nervis liquidum nominatum existere. Mihi autem magis placet Illustris BERGERI denominatio, (quâ altercatio magna de voce diu ventilata plane tollitur) quando per sic dictos spiritus animales, puriorem seri vel lymphæ portionem, fibrarum cerebri & nervorum nutriciam vocat. COSCHWIZ e schola STAHLII 1725. Lips. in 4. Hominis vivi considerationem Physiologicam ex naturæ principiis erutam ad Mechanismi & Organismi leges deductam edidit. De hoc libro nuperrime die nempe 31. May 1737. in doctiss. præmisso programme, differt. inaugur. de Laurocerasi indole venenata sub præsidio Celeberrimi ABRAH. VATERI habitæ sequens extat Doctiss. STENTZELII judicium: COSCHWIZII Liber sub nomine Mechanismi cum Organismo conciliati ab eo editus abunde probat, quod illi, qui commentum Stahlianum cum Mechanicorum Principiis combinare & conciliare volunt, irritò laborent effectu. Addit, quod quicquid rationalis solidique allegatus liber, habeat, idem ex Mechanicorum scriptis depromptum, reliqua, si respicias, summa, in naturalis ad præternaturalem applicatione status, confusio, ac theses a sanæ usû rationis alienissimæ occurrant. GORTER de perspiratione insensibili Sanctoriana - Barava, Tractatum experimentis propriis in Hollandia, KEILIANIS in Britannia, atque SANCTORIANIS olim sellæ usû in Italia captis certo ordine digestis, & inter se collatis, confirmatâ, tali methodo, præcipue Mathematica, ut quoque alii hujus sine ponderatione acquirere scientiam, fructusque uberrimos carpere possent, explicatâ & descriptâ. Accedunt dissertationes quædam ex SANCTORII Aphorismis Staticis depromptæ, ad ampliorem in Medicinâ perspirationis usum. Lugd. Bat. 1725. in 4.

VERDRIES de æquilibrio Mentis & Corporis commentationem doctissime scriptam denuo recognitam & maxima parte auctam Giesæ 1726. in 4. in lucem iterum misit quo labore magnam Gloriam non saltem in Germania sed & apud externos acqui-



quisivit. B. S. ALBINUS de ossibus corporis humani Tractatum absolutum edidit Leidæ 1726. in 8. in quo notavit inter effigies ossium, quæ in vulgus emanarunt, Principes esse Vesalianas, dein Eustachianas. TYMOGUE 1727. in 8. novum Systema Microcosmi aut Tractatum de natura Hominis Gallice scripsit, in quo doctæ causa morus fluidorum, principium vitæ, sanguinis & humorum natura, generationis negotium & reliquæ operationes partium corporis humani explicantur. KEILIIUM valde laudat, seque ejus discipulum nuncupat, nihilominus abstrusissimas difficultates, rei vim & naturam se illo melius penetrasse & exposuisse putat. Authores nullos citavit, quia his minus quam Naturæ studuisse fateretur. Celeberrimus HEISTER compendium anatomicum veterum ac recentiorum observationes & inventa brevissime complectens, tertiâ editione in 8. cum figuris ac notis cum publico communicavit, quo labore immortalem famam suo merito sibi comparavit. In Bibliotheca Italica Tom. VI. pag. 262. extat : Coleti a venise a reimprimè in 8. avec des figures L'Anatomie de HEISTER en latin sur la troisieme edition D'Altorf qui est la plus ample & la plus exacte, avec un discours sur les progres de L'Anatomie dans le XVII. siecle. Celeberrimus STENTZELIUS Anthropologiam ad Pathologiam applicatam, præjudiciis, quæ vulgus Medicum fovet, liberatam, ex veris sanitatis & morborum principiis demonstratam edidit Viteb. 1728. in 4. Hujus doctissimi viri labor uti acumen Ingenii sui clare demonstrat, ita ei vitam longam, valetudinem prosperam apprecor, ut in seculum diu vivendo, ejus informatione, exemplo Magnorum & Illustrium Virorum, BERGERI & VATERI e Celeberrima Academia Vitembergenſi tanquam ex Equo Trajano innumeri prodeant Discipuli, qui Medicinam ad pristinum & genuinum splendorem reducere pergant. DOUGLASS Descriptio comparata Musculorum Corporis Humanorum Inventores, Ortus, Progressus, Insertiones, Actiones, ac Differentias exhibens anglicè Londini, versio latina autem Lugd. Batav. 1729. in magno 8. prodiit. In hoc libro absolutissimam Musculorum scientiam contineri, quæ hætenus nondum ita erat descripta, nemo ut ego opinor inficias ibit. BERNERUS Exercitationem Physico-Medicam de applicatione Mechanismi ad



Medicinam e Principiis Mechanicis solidi & fluidi solide demonstratam scripsit, quæ Duysburgi 1730. in 8. prodiit. Supracitatus SCHURIGIUS Parthenologiam suam Historico - Medicam, hoc est Virginitatis considerationem Dresdæ 1729. in 4. eodemque anno Muliebria Historico - Medica, hoc est Partium Genitalium Muliebrium considerationem publicæ luci dedit. Postea 1730. Dresdæ in 4. Gynæcologiam Historico - Medicam hoc est Congressus Muliebris considerationem; 1731. ibid. in 4. Syllepsilogiam Historico - Medicam, h. e. Conceptionis Muliebris considerationem; & denique Anno 1732. Embryologiam Historico - Medicam, hoc est, Infantis Humani considerationem Physico - Medicam publicavit. Quo labore indefesso ac utilissimo magnam laudem promeruit.

Rencensiti Authores meo judicio Præcipui sunt qui a primis Artis Saluberrimæ incunabulis ad hæc usque nostra tempora operam navarunt, ut Anthropologiam excolerent. Non autem eorum scripta eandem merentur laudem, in hoc tamen mihi videntur convenire, quod omnes Physiologiæ Studium suis laboribus magis ac magis excolere conati fuerint. Illi qui post Annum a Nativitate CHRISTI 1628. de oëconomia animali aliquid literis mandarunt, postquam HARVÆUS circulationem sanguinis clare exposuerat, rem acu magis etiam tetigerunt, quam Prædecessores, qui non nisi obscure de circulo sanguinis cogitarunt. Circa HARVÆI tempora in Germania magnæ Famæ & Experientiæ Medicus floruit, SENNERTUS, magnis scriptis voluminibus Celeberrimus. Paulo post detectam circulationem nimirum 1637. obiit. Notante BOERHAAVE pro istius temporis ratione optimus erat Physicus. Hinc nos merito mirari debere existimat, quod in explicatione usus partium tam frivolas causas effectuum notissimorum attulerit. Hoc inde factum puto, quia eo tempore Chymici prævaluerunt, qui omnes actiones in Homine a novis Principiis Chymicis derivandas esse firmiter crediderunt. Qui plura scire cupit, SENNERTI librum de Chymicorum cum Aristotelicis & Galenicis consensu ac dissensu Viteb. in 8. 1619. prima vice & postea sæpius in 4. & Fol. editum cum attentione legat, & dein judicet. Non saltem ille erravit, sed etiam alii, qui sapientiores esse putarunt. Si  
ejus-



ejusmodi Hominibus ea Felicitas contigisset ut BERGERI incomparabilis libri de Natura Humana Caput XXIII. de Mentis operationibus legere potuissent certe didicissent, Neglectum discrimen Sensus, Imaginationis & Intellectus, Fontem omnium errorum esse. Qui itaque pro dato assumunt, quæ demonstrare evidenter nequeunt, illi procul omni dubio vehementer errant. In exponenda Physiologia ea tantum pro dato assumenda sunt, quæ in natura indubitata continentur, & in ea demonstrari semper possunt. Fabrica corporis nostri non est fingenda, sed ut ex anatomia attentata innotuit, describenda est. Et ubi causæ abditæ deducendæ sunt, applicatione generalium Mechanicorum Principiorum ad specialia transeundo nunquam errabimus. Tali modo procedit Illustris de BERGER, hinc etiam meo, aliorum salvo, judicio, omnibus Physiologiæ Scriptoribus præferendus, quia non saltem Ornate, Eruditè, sed etiam Copiose quæ in multis a me modo recensitis libris legerat, & profunda meditatione consideraverat attentoque animo contemplatus erat, in communem Physiologiæ Cultorum fructum protulit. Hinc Celeberrimorum Virorum Medullam optimorum laborum Anatomicorum ac Physiologicorum ad compendium perfectum mihi contulisse videtur. In scientiis notante SENECA, si velis aliquid trahere, quod fideliter Animo sedeat, certis ingeniis innutriti & immorari oportet, atque ea potissimum sectari, quæ auctoritate clarent & ab omnibus probantur. Martialis lib. 9.

Multum crede mihi refert, a Fonte bibatur  
Qui fluit, an pigro quæ stupet unda lacu.

A viginti & quod excurrit annis in Illustris Gymnasii Hanovienſis Cathedra præeunte BERGERO Oeconomiam Animalem aliquoties Dei Gratiâ non sine utilitate, Livore frustra obnubilante, eâ qua potui evidentiâ, exposui. Unde etiam ipse expertus fui quod docendo discamus. Si autem in Patria Praxi & Doctrinâ aliquid profui, otiosus etiam, si possum, hoc meo opusculo prodesse conatus sum. Faxit Deus T. O. M. ut totum hoc qualecunque est ad ejus Gloriam & Proximi utilitatem vergat.

Qui-



Quibusnam officiis Illustris BERGERUS functus fuerit Titulus huic Libro præfixus clare ostendit. Prodiit 1701. Physiologia prima vice Vitemb. in 4. & 1709. de Thermis Carolinis ejus Doctissima commentatio, qua omnium, origo fontium calidorum, itemque acidorum ex Pyrite ostenditur. Quo labore accuratam Fontium Medicatorum & in Natura ipsa fundatam explicationem, a multis expectatam, exposuit. Nota enim erat Excellentissimi Viri in Studiis Physicis ac Medicis profunda & consummata scientia, quâ abstrusum negotium nemo illo felicius explicare potuit. Accedit, quod, ob styli puritatem ac perspicuitatem, quibus se a communi scriptorum cœtu distinguebat, notantibus optime Collectoribus Act. Lips. Aurea Poma in Argenteis Patinis Lectoribus suis proponere solitus fuerit. Præter ea Opera, de eo adhuc extant Excerptum ex Epistolâ Vitembergâ missâ ad Amicum, de Arteriæ Aörtæ divisione in Ramos Carotides & Subclavios. Vid. Act. Lips. 1698. p. 295. & L. circiter, Disputationes, docte, ornate, more suo elaboratæ, quæ Filios Saluberrimæ Artis ad Majorum instituta instituere ac erudire possunt. Tandem Vitam cum Morte commutavit Mense Octobr. præteriti Anni postquam Senectute Auctoritatem suam conservaverat, cujus etiam Merita, Sera Posteritas Medica narrabit ac laudabit.







LIBER I.  
DE  
HOMINE NATO.

CAP. I.  
DE  
PARTIBUS HOMINIS  
ESSENTIALIBUS.

---



Tque, ut ab initio exordiamur, in  
eo quidem omnes boni consenti-  
re videntur, quod multi inter  
eruditos sapientes viri semper  
judicarunt, probe hominem ani-  
mal dici rationis particeps, con-  
stans mente, sive anima intelli-  
gente, & corpore humano, arctissime inter se, citraque  
confusionem, devinctis. His enim duabus partibus  
essentialibus conditorem nostrum ac parentem, De-

*Homo constat  
ex mente &  
corpore.*



*Operationes  
hominis alia  
a mente, alia  
a corpore, a-  
liæ ab utris-  
que simul pro-  
ficiuntur.*

um, hominem constituisse, sua cuique conscientia lo-  
cuples testis est, quum alias vires & operationes men-  
tis, uti sunt cogitationes; alias corporis, cujusmodi  
sunt motus automatici, & inde pendentes perfun-  
ctiones, quæ solam partium corporis dispositionem  
consequuntur; alias vero utrique principio, totique  
homini communes, quæque a cogitationibus men-  
tis pariter, ac motibus corporis, excitantur, ut mo-  
tus sunt voluntarii, & sensus, in nobis cognosca-  
mus.

*Mens est sub-  
stantia cogi-  
tans, & finita,  
ac certa lege  
cum suo cor-  
pore conjun-  
cta.*

*Ratio mentis  
in cogitatione  
posita est.*

Quo autem de iis rebus, quæ nec sensibus tan-  
gi, nec percipi ratione possunt, minus laboremus,  
non expromemus hoc loco, quæ de natura mentis  
varie multumque a philosophis disputata sunt, quum  
nostra intersit, saltem nosse, mentem substantiam esse  
cogitantem, & finitam, eaque lege cum corpore hu-  
mano a Deo O. M. conjunctam, ut certas illius cogi-  
tationes certi motus corporis, & versa vice, quasdam  
hujus motiones certæ cogitationes in mente conse-  
quantur. Quo minus iis adversamur, qui uti cor-  
poris in extensione, ac certa extensionis ratione, sic  
mentis naturam in cogitatione positam esse, volunt;  
quippe cum sola cogitatio cum mente converti, at-  
que ab eadem divelli nullo modo queat. Ac dubi-  
to, ullane alia ratione discrimen mentis a corpore,  
illiusque affectiones melius intelligi liceat. Nam si  
mens substantia quædam cogitans est, erit quoque  
materiæ expers, sive spiritualis, propterea, quod e  
potentia materiæ, sive trina illius dimensione, at-  
que



que affectionibus, quas vocant, mechanicis, figura, magnitudine, motu, & quicquid est corporeorum attributorum, vim cogitandi eliceat nemo. Quod si mens a materia segregata est, sit quoque necesse est infecabilis, sive individua, atque adeo corruptulæ ac dissolutionis expers, sive immortalis.

His vero uti suffragari non dubitamus, ita ab iis merito secessionem facimus, qui unam quidem animam, ratione præditam, qua sentimus, & sapimus, quamque nos mentem diximus, homini vindicant, sed eam ejus esse naturæ contendunt, ut animam vegetativam, & sensitivam, sive brutam, quas con-  
 fingunt, virtute comprehendat, prout numerus ternarius tres unitates, ita, ut mens nostra in homine eadem, quæ vis vegetans, & motrix, in plantis, & be-  
 stiis, præstet. Quorum quidem errorem vel inde coarguamus licet, quod posteriores illæ animæ, quas appellant, ab anima rationali tota sua natura differant, & distinctæ a corpore, ejusque partibus, non insint, sed ipsam indicent aptam partium humani corporis solidarum & liquidarum dispositionem, & motum, a quibus effecta ejusmodi, quæ miramur in nobis, & vulgo ignoto principio, animæ nimirum brutæ, vel vegetanti, tribuimus, existunt.

*Mens, sive anima rationalis, ab anima sensitiva & vegetativa natura differt.*

Quo enim minus mentem in homine omnium ejus operationum causam existimemus, motus corporis automatici, sive necessarii, quos vulgo naturales & vitales vocant, dissuadent, uti sunt: motus cordis, ventriculi & intestinorum, ac viscerum di-

*Non omnes in homine operationes a mente dependent.*



versorum, circulusque sanguinis, & universa secretio animalis, qua chyli, sanguinis, lymphæ, succi nervosi, & humorum omnium generationes, ipsamque nutritionem corporis, complectimur. Eas enim actiones a nutu animæ nullo modo pendere, ex eo lucide apparet, quod vel nesciente, vel invita etiam, ac reluctante anima, sive mente, fiant, nullaque illius cogitandi vi, vel adjuvari, vel impediri, cohiberi, ve possint. Ac tamen si motus quidam corporis, quos proinde voluntarios nuncupare solemus, imperio mentis subjiciantur, hi tamen ipsi a corpore, ut instrumento animæ agente, & vi suapte sponte agendi, movendique prædito, non minus, quam motus reliqui, quos necessarios diximus, fieri dicendi sunt, quum a mente tantum regantur, ejusque injussu, vel etiam ingratis, interdum fiant.

Atque hæc quidem cuncta multo clarius perspicientur, si vas illud fictile, sive corpus nostrum humanum, quo animus, id est, homo ipse verus, continetur, non ut instrumentum illius patiens, quemadmodum fieri vulgo solet, sed, uti convenit, tanquam mirificam variarum partium compagem, *αυτομάτως* mobilem, virtute motus, ipsi ab artifice initio impressi, consideremus. Neque enim, ut aperte rem eloquar, temere adeo sensero, si corpus humanum machinam dixero naturalem, tribus ventribus, sursum erectis, in quibus viscera, succum, sanguinemque, per suos ductus, quasi rivos, per corpus omne divisos, in universa membra diffundendum, prom-

Corpus humanum est  
machina naturalis.



mentia, continentur, distinctam, & firmis insistentem ossibus, artificio articularum, & musculorum beneficio ita nexis inter se & colligatis, ut & stabilitati corporis, ejusque conformitati serviant, & iisdem mens, si excurrere velit, aut resistere, tanquam fraënis uti, & labore quidem nullo, nulloque conatu, sed minimo nutu, temperare possit ac regere totius corporis molem. Cujus quippe membra omnia non fortuita quadam concretione, ut cum Epicuro *Propter mechanicam partium constructionem ad varias operationes edendas apta.* delirat Lucretius, sed divino prorsus artificio, tam ordinate, tam provide ficta formataque sunt, ut vi fabricæ istius & compositionis, secundum ejus naturam sit, spirare, apprehendere, ambulare, moveri quovis, ali, gignere, vultumque erectum ferre, & variare, ridere, flere, suspirare, loqui, ac motus rerum, auribus, oculis, organisque aliis objectarum, suscipere, mentique tradere, & hujus, ac rationis adeo quædam imperata facere.

In hac igitur conjunctione, atque societate mentis & corporis arctissima, qua res adeo diversæ, ac revera distinctæ, aptæ sunt se mutuo afficere, ipsam *In unione mentis & corporis forma hominis consistit.* hominis naturam & formam merito complures collocandam putant. Quam quidem unionem si acrius contemplemur, nil mirabimur, si homo, ex rebus tam insigniter differentibus compositus, tam dissimilibus, nec raro inter se pugnantibus proprietatibus gaudeat, & non continuas tantum carnem inter & spiritum luctationes experiatur, sed hujus etiam voluntas, cujus libertatem tantopere efferimus, motibus



tibus plerumque corporis seducatur & obtemperet, atque in deterrima sæpe flagitia detrudatur. Neque adeo opus esse intelligemus, ut præter motus impulsusque corporeos, principium aliquod aliud, & brutam quandam animam admittamus.

*De vinculo, mentem cum corpore conjungente, philosophi inter se disceptant.*

*Non est spiritus quidam vitalis, vel animalis.*

*Nec media inter spiritum & corpus naturam naturam.*

*Sed consistit in convenienti cogitationum unius*

Qua vero naturæ necessitudine, vel cognatione, res adeo diversæ conjunctæ sint in homine, multi ambigunt, quod neque in mente, utpote extensionis experte, reperiant, quo corpus tangere, neque in hoc quicquam deprehendant, quo mentem immaterialem afficere possit, quia nulla vi cogitandi præditum est corpus. Quare vinculum aliquod, quo mentem corpori devincirent, sunt commenti, spiritum nempe vitalem quendam, quem porro alii tenuissimam corporis partem esse, & vel sanguine, vel cerebro, nervisque comprehendi, volunt, qui quidem eadem se difficultate impediunt; alii vero mediæ inter spiritum & corpus naturæ, ac utriusque participem, id est, chimæram esse, contendunt. Sed nihil obest, quo minus Deum animæ & corporis naturam sine ejusmodi glutine & coagmentatione conjunctionis capacem condidisse, credamus, omneque adeo vinculum repudiemus. Nisi forte quis in convenienti cogitationum unius cum motibus alterius ratione, sive in mutuo actionum passionumque commercio, ex instituto tamen, ac voluntate divina, idem ponendum existimaverit, de sententia D. de Cordemoy, Tr. Ph. I. de corp. & ment. dist. cap. V. aliorumque doctissimorum virorum; & corporis motum esse



esse dixerit, qui suis carceribus mentem vinciat ac obliget: Cum certum sit, tamdiu animam in corpore commorari, quamdiu motus corporis duret, cessante vero ejus motu, animam, vel invitam, excedere, propterea, quod illud, quod menti cum corpore intercedit, commercium, sive, si ita velis, vinculum, conquiescat.

Ex his, ut, quæ de mente mihi attingere libuit, paulum seponamus, illud etiam intelligitur, hominem ab animantibus aliis usu potissimum rationis distingui, cetera vero, si corpus spectes, pleraque cum bestiis communia habere. Quod si enim ab animo, quo intelligimus, discefferis, vitam profecto, quæ corpore, illoque, quem ducimus, spiritu, continetur, nobis communem cum animantibus ceteris, ac idem adeo commune cum illis principium vitæ cognoscas. Idque in sola partium, tanquam elateriorum, filamentorum, funiculorum, catenularum, trabium, vectium, rotularum, cisternarum, antliarum, canalium, cataractarum, valvularum, cribrorum, & aliorum instrumentorum, ex quibus machina corporis, veluti organum ex mille compositum organis, contextitur, & adornatur, apta & convenienti dispositione positum esse, facile existimaveris, si recte intellexeris, ab ea dispositione partium actiones, quascunque in corpore observamus, & admirari vulgo solemus, per necessitatem quandam naturalem omnes peragi, non aliter atque ab artificiosa partium horologii, vel automati alius, constructione, omnia ejus effecta

*cum moribus  
alterius ra-  
tione, a nutu  
Dei depen-  
dente.*

*Usus potissi-  
mum rationis  
hominem a  
brutis distin-  
guit.*

*Principium  
vitale est  
conveniens  
partium cor-  
poris disposi-  
tio & motus,  
unde omnes  
ejus actiones  
prosciscun-  
tur.*



effecta proficiscuntur. Inter quas quidem machinas, spontaneas appellatas, & corpora animantium, ipsiusque hominis, illud præcipue interesse videtur, quod hæc opera sint, Dei manu effecta, atque infinitis partibus sapientius constructa, succisque intus agentibus animata, motus in se habeant admirabiliores, quam ulla, quæ arte humana, imitatrice & simia naturæ, fingi efficique possunt.

## CAP. II.

## DE

PARTIBUS CORPORIS  
HUMANI.

*Partes corporis  
alia sunt  
solida, alia  
liquida.*

*Solidarum  
natura.*

**H**oc ut evidentius appareat, commemorandum est, duum generum partibus, solidis aliis, quas vocant continentes, aliis liquidis, quas contentas, impetumque facientes, sive humores & spiritus, nuncupant, corpus constitui, ac partium quidem solidarum minima inter se ita cohærere, ut ad sensum nostrum in quiete, (nam omnino absoluteque nullum in rerum natura corpus quiescit,) versentur, atque adeo partes ipsas firmas, stabiles, ac consistentes, reddant. Quarum adeo naturam in quiete, & contactu immediato,



diato, cohæsioneque suarum particularum, & certa cohæsionis ratione, sitam esse, ex eo colligas, quod omnes ex fibris porosis, ac meabilibus, veluti ex tubulis, & canaliculis, figura, mole, & amplitudine variis, & vel laxius, vel arctius, modisve aliis junctis, sint contextæ, & varia organa, atque hanc pulcherrimam corporis fabricam, tanquam tractum continuum variarum fistularum, & intortum miris ambagibus tubum, mirisque implicationibus irretitorum ductuum fasciculum, componant. Sed aliam liquidarum, quæ istis continentur, rationem esse, divina mens voluit, quando eæ in continuo suorum minimorum motu, atque recessu a se, constitutæ, ductus prædictarum partium eo artificio irrigant ac transeunt, ut eas ad motum pariter convenientem impellant, & cieant, ab iisdemque vicissim impellantur, atque in impulsu isthoc, & motu mutuo, omne vitæ animalis momentum ponatur.

*Partes solidæ ex fibris ac tubulis variis constant.*

*Partium liquidarum natura.*

*Ab utrarumque partium motu impulsuque mutuo vita pendet.*

De quo cum amplius in præsens tradendum sit, nihil morabor vulgarem illam partium liquidarum in humores & spiritus divisionem. Siquidem, quæ hoc ultimo nomine a plerisque insigniuntur, aëreæ partes, cum semel permixtæ fuerint succis corporis, secretæ a consortione & copula humorum nusquam existunt, sed una cum illis corpus obeunt, & pascunt. Quare ne citra necessitatem res multiplicem, derelicta illa spirituum voce, qua multorum ingenia sæpenu-mero jucunde ludunt, ipsos corporis succos, quibus vivimus, & calemus, suis propriis & germanis nomi-

*Partium liquidarum divisio in humores & spiritus rejicitur.*



*Inter humores  
res praeipu-  
as est sanguis.*

nibus appellabo, atque initium ducam a sanguine, a quo, tanquam a fonte humorum reliquorum, ac velut ab anima omnis carnis, cordis pariter, ac musculorum ceterorum, qui fundamenta sunt virium humanarum, & machinae totius corporeae motum, ipsamque adeo vitam dimanare, usus confirmat.

## CAP. III.

## DE

NATURA SANGUINIS, ET  
MOTU INTESTINO.

*Sanguis ex  
variis mini-  
mis particulis  
compositus  
est.*

Ille igitur vitalis liquor, quo per corpus discurrens, motum suum recte continuaret, membrisque omnibus vivo quodam sensu misceretur, & succos cuique utiles, ac necessarios, dispertiret, corpusculis constare debuit non unius generis, sed indole, & mole, motuque variis, nimirum laevibus, lubricis, oblongis, ramosis, flexibilibus, rigidis, acutis, secantibus, & pungentibus, ac figura etiam alia & irregulari instructis, variaque magnitudine praeditis, cedentibus aequae, ac resistentibus, & comprimī pariter, ac resilire, expandique aptis, eaque temperatione permixtis, ut tametsi



tot diverſi generis moleculæ, aquæ, æræ, æthereæ, oleoſæ, ſalinæ, acidæ, & terreæ, tenuiſſimæ, tenues, & craſſæ, & magis, minusve mobiles, atque agitata, ſanguinem componant, tamen ſub aquæ, & gelatinæ, hiſque intertextæ purpuræ, ſchemate *Quæ tamen ſub aqueis, gelatinofis, atque purpureis latent.* centro quæque ſuo ſint incluſæ, nec ante ſenſibus noſtris pateſiant, quam turbata conſenſione diſſociatæ, in ſuperficiem, id eſt, in actum ſeſe emerſerint.

Quod præclare, ut multa, Hippocrates nos doceat, quando lib. de Vet. Med. Inſunt, inquit, in homine, & amarum, & dulce, & acidum, acerbum, & fluidum, & alia infinita, omnigenas facultates habentia, copiamque, ac robur. Atque hæc quidem mixta inter ſe, ac temperata, neque conſpicua ſunt, neque hominem lædunt. Ubi vero quid horum ſecretum fuerit, atque ipſum in ſe ipſo fuerit, tunc & conſpicuum fit, & hominem lædit.

Quodſi, vivi ſanguinis habitum intueri, jucundum & utile exiſtimas, concluſam in tubo, preſſamque per eum, congeriem colluctantium innumera- *Hæcque partes in vitali motu conſtituta, globulorum ſum ſanguinis contextum reddunt.* bilium minimorum, & inæqualium, globulorum, huc illuc, & in omnem dimensionem, atque in gyros multiplices, & turbines, vel vortices, ſe ultro citroque agitantium, animo finge. Non multum enim diſſimili ſuarum particularum contextu, & collifio- *Motus ſanguinis eſt duplex, inteſtinus, & progrediens.* ne vivus quoque ſanguis, in vasis præſertim capacioribus, turgēt, quamdiu motu non minus inteſtino, quam progrediente, totique maſſæ impreſſo, vaſa deſtinata circuit. Cujus utriusque motus ea eſt condi- *Uterque ita neceſſarius ut neuter ſine altero diu conſiſtere poſſit.* tio, ut neuter ſine altero diu ſuperſeſſe, & valere poſſit,



sed ad machinam hanc, vitali robore confirmandam, ambo amice conspirare debeant. Neque enim fluxio sanguinis diu permaneret, nisi illius massa, perennis instar fluminis, moveretur; sed neque hic cursus perennis esset, atque continuus, nisi partes sanguinis intestina quadam motione, & juxta se invicem, ac circa proprium axem, volutarentur.

Atque ut principio de intestina sanguinis agitatione dicere nonnulla institutam, sciens quidem, libensque, a variis nominibus illis, quibus aliter ab aliis ea insigniri solet, hic abstineo, ne vel cum effervescencia, aut fermentatione quadam chymica, vel cum accensione, aliove motus genere, isti lacteo humori, suisque vasis arcte concluso, nullibique moram nectenti, sed more fluminum perpetim agitato, minus convenienti, illam interiorum sanguinis partium commotionem comparare velle videar. Namque ea distincta a motionibus illis omnibus, atque consistere videtur in reciproco, reflexoque motu corpusculorum sanguinis, & spirularum aeris, quæ una cum subtili materia, quam vocibus ignis, calidi, & ætheris antiquitas designabat, inter illa interjectæ, & compressæ, cum sese perpetuo pandere & explicare, atque in omnem loci differentiam promoveri, & partes sanguinis interiores a se amoliri, ac propellere nituntur, a reluctantem illorum pondere, nisuque contrario, cum antecedentium, tum insequentium particularum, intra vasorum angustias, humorum quippe plenas, ita coërcentur, ut tot sibi occurrentes, se-

seque

*Ratio motus  
intestini in  
reciproco &  
reflexo motu  
corpusculo-  
rum sangui-  
nis, & aeris,  
atque æthe-  
ris posita est.*



seque mutuo volutantes, propellentesque particulae, in vasis quidem satis capacibus in multos vortices agantur, in ductibus vero angustioribus motu placidiore provolvantur, & vitalem ubique agitationem sanguinis, qua partium dissimilium, & glutinosarum, facilis alias cohæsiō, vitæ inimica, arcetur, singularumque libertas, & mixtio, conservatur, nulla facta intermissione, continent, & tueantur. Quorsum multum adjuvare pressionem sanguinis, haud dubie patet, quæ pulsu cordis & agitatione, ictibusque arteriarum, & muscutorum, quibus viscera, & partes aliæ gaudent, contractionibus efficitur. His enim motibus major fit attritio, atque divisio minimorum sanguinis, & vis agitatrix partium elasticarum tanto plus augetur, quanto magis in tot vasculorum capillarium, quæ per pulmones disseminantur, retibus, comprimitur, & in innumerabiles minores globulos discerpitur sanguinis massa, hisque tota turgida, a sinistra cordis auricula ventriculoque sinistro, denuo compressa, in aortam ejicitur, in qua cum ad minores compellatur arterias, humorum pariter refertas, minusque adeo se explicandi spatium acquirat, vim ejus elasticam, motumque interiorem conservari est necesse, dum divisæ sanguinis undæ, in magis semper, magisque patentes, ac minus resistentes, venarum tubos regerantur. Quam ob causam ad pulmones revertunt, ut novam movendi vim recipiant.


*Motum intestinum alter progrediens motus adjuvat & conservat.*



## CAP. IV.

DE

## RESPIRATIONE.


 Uum igitur motus ille interiorum sanguinis partium ab his tam diversis principiis pendeat, hæc vero aëre, cibo, & portione sustententur: multa magnaque in nobis opera mirabiliter effecta sunt, quorum ministerio ex iis omnibus aptæ reparandis vitalibus succis particulæ segregantur. Namque alimenta ore capimus, & per cibalem demissa fistulam, in ventriculo & intestinis conficimus, ex quibus secretus a reliquo cibo succus is, quo vivimus, per vias lacteas corrivat ad cor, ejusque pulsu & vigore per pulmonem, membraque cuncta diffusus, irrigat universum corpus, ac vegetat, per ductus admodum multos, atque innumerabiles, qui toto corpore intexti, vim quandam incredibilem artificiosi operis divinique testantur. At aër spiritu in pulmonem ducitur, ex eoque pars redditur expirando, pars venis concipitur, & has peragrantibus succis permixta, divisionem minimorum, motionemque interiorum particularum, a qua vitalis pendet circuitus, instaurat. Quare in eo viscere inest raritas quædam, atque ex vesiculis

*Aër in pectore  
pulmonibus  
recipitur.*

con-



contexta mollitudo, ad hauriendum pariter, reddendumque spiritum aptissima, ad quam fistula pertinet spiritalis, aspera arteria dicta, quæ a naribus semper, tum quoque ab ore, aëri viam & transitum concedit. Ea enim ex ossibus flexuosis, ac mollibus, sive cartilaginibus, quasi ex annulis, ope tunicarum, muscutorumque tenuium, in cicutæ modum connexis, constat, parte autem postica, qua fistulæ cibali molli-<sup>Descriptio  
pulmonum  
& aspera ar-  
teria.</sup>ter incumbit, plana, ac lævis, & membranacea est, suoque principio, quod larynx dicitur, veluti machina quadam, ad id accommodata, pondus & impetum nitentis in illum ductum aëris, ne vel ipsius visceris mollem disiceret compagem, vel canales sanguinis opprimeret, moderatur, & membranæ utrinque rimula patens, oris isthmum versus expanditur; parte vero inferiore in binos divisa ramos, varias propagines & fistulas minores, arteriarum more conicas, quas bronchia vocant, spargit, ex concavis pluribus itidem cartilagineis lamellis, per membranas, fibrasque carneas & musculosas, orbiculatim colligatis, eum in modum natura comparatas, ut, quemadmodum earum truncus, sive trachea, in inspiratione tendi & deduci, in expiratione autem abbreviari, imo etiam, ut in piscibus squamæ, sibi invicem superponi, contrahique possint. Atque hi demum aërei tubuli finibus suis membranosis in varios abeunt lobulos, & vesiculas pulmonum, communis commercio aditus mirabili artificio conjunctas, & eadem obtectas membrana, ac reticulari quadam fibrarum carnearum, nerve-



nervosarumque, ex bronchiis diducta & continuata, expansione, extenso veluti tenuissimo musculo, revinctas undique & communitas. In ipso autem pulmonum medio cor tam apte collocatum est, ut ex dextro ejus ventriculo ad sinistrum extensa per pulmones vasa sanguinea, bronchia illorum continuo itinere, arteriis infra, venisque supra serpentibus, ambiant & comitentur, ac tandem in minimas, atque innumerabiles divisa ramulos, singulis vesicularum planis in modum retis intexantur. Quod ei quidem fini factum videtur, ut ex dextro cordis sinu nihil in sinistrum, unde flumina vitalia in totum corpus, omniaque membra dimanant, deferri possit, quin vasa illa pulmonum lævia, omnemque eorum textum reticulatum interluat, & novum ab aere, vesiculis contento, elaterem recipiat,

*Duobus thoracis motibus, dilationis, & constrictionis, alternatim reciprocantibus, aer in pulmones admittitur, & ex iisdem iterum expellitur.*

Quo vero aër, nobis circumfusus, in illam spiritalem fistulam intrare, & per pulmonum spargi vesiculas, rursusque reddi per eandem viam commode possit, alias Deus machinas fabrefecit, quibus aëri & ingredienti aditus, & recepto exitus procuratur. Quorsum ossæ thoracis partes, & muscoli pertinent, influxu vitali per arterias, nervosque irrigui, quibus motus illius ventris, cujus amplexu pulmo contegitur & munitur, sive dilatatio, constrictionque recipro-

*Prior in erectione costarum, & contractione diaphragmatis consistit,*

ca pectoris, qua aëri ingressus in pulmones, egressusque pariter per easdem vias patet, peragitur. Ac quum dilatatio pectoris in costarum erectione, & diaphragmatis descensu & contractione consistat, non præ-



prætermittendum est artificium, quo costæ suis capitulis cum vertebriis spinæ, harumque sinibus, & parte altera, cartilaginea, & flexili, cum sternum, nexus habent & commissuras tam mirabiles, nec minus ad stabilitatem, quam ad motum, ita aptas, ut contractione musculorum oblique extrorsum flecti, & una cum sternum arcuum instar erigi, & dum muscoli relaxantur, iterum resilire, ac deorsum introrsumque converti possint. Cui quidem priori motui, sive erectioni costarum, muscoli præcipue intercostales serviunt, qui nimirum iisdem exterius, interiusque, duplici, eaque opposita fibrarum, superiorum, & inferiorum, sese mutuo oblique decussantium, serie, interjecti, sua contractione costas inferiores, propter mollitiem & longitudinem, magis flexiles, ad costas superiores, firmas magis, ac stabiles, adducunt, omnesque adeo simul elevat, & oblique extrorsum convertunt. Vnde erectio costarum ad angulos rectos, sive extensio in figuram convexiorem, sternum una ipsum oblique extrorsum urgentem, & simul ampliata latitudo, atque capacitas pectoris consequitur. Hanc vero plurimum septum adauget transversum, quod duobus constans musculis, a costis spuriis partim, partim a vertebriis lumborum, vel ultimis dorsi, in centrum amplum, & circulum tendineum, cujus parti convexæ pericardium late adnascitur, coeuntibus, ad modum fornicis, in superiora arcuati, pulmones versus reductum, itaque contextum & situm est, ut suarum contractione fi-

*Erectioni costarum serviunt muscoli intercostales, tam interiores, quam externi.*

*Hinc vero orientem majorem cavitatem pectoris permultum adauget diaphragmatis contractio.*



brarum fornix ejus ad figuram magis rectam & planam perveniat, eoque motu non stomachus tantum, & reliqua imi ventris viscera detrudantur, sed etiam extremæ inferiores, interioresque uniuscujusque costarum spuriarum, quæ ad pectoris dilatationem maxime conducunt, partes oblique extrorsum flectantur, & hac conspirante septi cum musculis intercostalibus actione, thorax secundum omnes dimensio-

*Figura thora-  
cis in inspira-  
tione sphæroi-  
di fit similis.*

nes augeatur, figuramque nanciscatur, ut Borellus observat, de Motu Animal. VII. Prop. XC. sphæroidi, seu ovo dissecto, similem, cujus vertex, est in jugulo, basin vero planum diaphragmatis constituit. Nec vero tantum elongationem, & dilatationem pectoris, sed etiam constrictionem ejus, & subsidentiam, idem duplicatus septi musculus permultum adjuvat, quando remittens a contractione, atque in fornicem e plano resiliens, intra cavum pectoris redit, ejusque tertiam partem tumore suo, vel fornice, explet, & cessante pariter musculorum intercostalium actione, subsequenti costarum restitutionem resultumque adjuvat, ac eas secum deorsum, introrsumque ducit. Quo fit, ut thorax, extensus antea, & dilatatus, jam undique iterum coarctetur, & hujus utriusque motus, ipsiusque adeo respirationis, princeps musculus septum illud transversum jure habeatur.

*Alter motus  
thoracis est e-  
jus restitutio.*

*Diaphragma  
est princeps  
respirationis  
musculus.*

*Moto thorace,  
aër in trache-  
am & pulmo-  
nes ire, & per  
easdem vias  
redire cogitur.*

Namque hic reciprocus thoracis motus quamdiu perseverat, tamdiu aër nullam ultro citroque commendi quietem habere potest, utpote cujus rara, ac fluida, & spirabilis natura, terram undique circum-

fun-



fundens, corpusculis constat varii generis, potissimum autem oblongis, quasque filaminibus ramosis, rigidiusculis, & flexibilibus, variae magnitudinis, & compressi pariter, ac resilire evolvi que aptis, materiae aetherae velut innatantibus, & plumularum modo, vel lanuginis, inter se devinctis, ac inpeditis, quarum inferiores superiorum pondere pressae, & coactae, non solum quandam sui partem eo perpetuo adigunt, & compellunt, ubi minorem resistendi vim reperiunt, sed etiam in contrario continuoque sese restituenti, pandendive nisu versantur, & ubi spatium locunque rarefactum inveniunt, & se, & obsequiosa quaeque corpora, expandunt facile & explicant. Id quod non sine singulari animi voluptate, & sapientiae divinae admiratione, plenius cognoscemus, si, quos modo indicavimus aëris motus, quorum alterum gravitatem ejus, alterum elaterium, vimque elasticam, nominari constat, paulisper ingenio & ratione persequamur, quoad quidem argumenti, in quo versamur, interesse videatur.

Sed gravitatem aëris, quam commemoravimus primam, sua cuilibet ratio facile confirmat. Nam cum aër velleris instar, ut explicare memini illustrem Boyleum, totum terrae globum obsepiat, neque huic tantum continuatus sit, sed & supra eum ad coelum & aëthera, cujus omnia pervadentis tenuitate & agitatione temperatus, vitalem & salutarem animantibus motum praebet, efferatur, communi corporum lege consequitur, a parte superiore premi & urgeri

*Quid gravitas aëris?*



inferiorem, omnesque adeo partes aëris ad tellurem contendere, hancque, & corpora, in ejus superficie hærentia, premere, in quo sitam esse vim naturamque gravitatis, vel me quieto, norunt naturæ venatores.

*Samprobatur  
experimentis.*

Neque recogitare non possumus, pondus & gravitatem atmosphæræ ipsam sæpe naturam indicare, quum observemus, hac, tanquam libra & statera corpora paribus momentis æquabiliter constitui, & si qua fors ab æquilibrio secesserint, dimotave fuerint, ad idem illud revocari. Quemadmodum, ut exemplum, in promptu positum, rei robur addat, cognoscimus, aquam acrius vehementiusque quam ut sufferre impetum queat, ab atmosphæra compressam, cedere tantisper & pelli, dum tantum virium colligat, ut in æquilibrio consistere, hoc est, sustinere possit impressionem incumbentis atmosphæræ. Qua ratione, ut refert Gaspar Schottus, Techn. curios. L. I. Cap. X. Exp. X. Magdeburgensium Consul, Otto Gerickius, vir peracri judicio præditus, aërem aquæ, intra cuppam contentæ, tanta vi incubuisse comperit, ut ea per tubum, amplum satis & longum, extractoque diligentissime aëre clausum, & deinde intra cuppam prædictam, aqua plenam, perpendiculariter erectum, & perfectum, ad altitudinem XX. ulnarum Magdeburgensium opinione citius adscenderit, & variare experimentum usu didicit, prout major minorve fuerit gravitas externi aëris, quæ aquæ, cuppæ inclusæ, insidet. Quod quidem experimentum adeo in consuetudinem abiit,



ablit, ut jam admodum familiare & fere pervulgatum sit. Idem declarant aquæ in antliis ad pedes 32. 34. mercurii in tubis vitreis ad polices 28. 29. (quæ est gravitatis inter duos hosce liquores proportio, quam aliunde constat esse ut 14. ad 1.) ascensus & elevationes, follium inspirationes, & expirationes, fluidorum per siphones attractiones, multaque alia naturæ phænomena, quæ cuncta hoc loco iusta oratione persequi non siverit instituti modus, præsertim cum non pauci nostrorum temporum gnavi sagacesque viri, ac præsertim Galilæus, Torricellius, Robervallius, Paschalius, Mersennus, Boyleus, Sinclarius, Hugenus, Volderus, Sturmus, Sengverdius, pluresve alii, plenis admirandorum operum experimentis, quicquid afferri difficultatis doctrinæ huic poterat, id omne expeditivisse videntur. Quorum cum permulta sint, eaque egregia, tum nullum, opinor, evidentius, ut vel unum seligam, potest esse illo, quo atmosphæræ pondus lance examinare licet. Quorsum, ut contrita illa experimenta, quibus vesica, vel æolipila, aëre plenæ, & vacuæ, ponderantur, missa faciam singula, Consul vasa adhibebat vitrea, quorum quidem amplissimum capiebat duas & triginta mensuras Herbipolenses, sive urnam dimidiam Franconicam. Hoc, antequam atmosphæra, vitro inclusa atque detenta, educeretur, ponderarunt statim, pondusque inventum observarunt. Aëre posthac exhausto, obstructoque colli epistomio, iterum pependere, & minus, atque antea momenti, habere, lotones, sive semiuncias duas cum tribus quin-



tis, vel unciam unam cum sex decimis, intellexerunt. Quanto autem levius est vitrum post aërem extractum, tantum ponderis habuisse aërem antea in eo contentum, quivis facile capit. Siquidem idem vas aëre evacuatum, si ille rursus immittatur, ad pristinum pondus redit. Haud aliter ac solemus sphæras vitreas, aëre plenas, & ope antliæ vacuefactas, lance expendere. Tali modo si deinde sphæra exinanita cum siphunculo aquæ immergatur, sub eaque siphunculus aperiatur, cum vi & stridore bulliens aqua insiliet, & ubi nihil amplius influit, si, clauso sub aqua siphunculo, sphæra educatur ex aqua, recteque exterius siccata, ponderetur, exacto ponderis discrimine, cognoscetur aëreæ ad aqueam gravitatem in eadem mole ratio.

Quodsi cui amplius aëris, inferiora aggravantis, vim atque impetum experiri visum fuerit, lagenam vitream plani fundi imponat disco, tubo antliæ pneumaticæ adaptato, atque ærem extracto embolo, subducatur. Viderit enim is jucundo admodum spectaculo, & audierit, lagenam, quamlibet solidam, & crassam, magno strepitu minutatim disici, ac confrigi: Nec aliter vitris evenit, vasis apti lateribus, vel parti inferiori, accomodatis. Atque haud scio illustrius, quo rem confirmemus, exemplum, quam quo magnam ingenii laudem apud homines rerum, in naturæ recessibus abditarum, diligentes, Vir, quem laudavi, solertissimus invenit. Nam duo fabricatus est hemisphæria cuprea, quæ ante, quam aërem extra-

heret



heret, arctissime conjunxit, postea experturus, quantum aër ambiens ea comprimat, intellexit, sex valentes firmosque viros divellere eadem non potuisse. Amplius ut majora hemisphæria ad idem experimentum attulit, sedecim; cum prioribus majora confecisset, quatuor & viginti equi distrahere non poterunt. Sed quia non fugit perspicacem virum, haud sine incommodo equorum opera aëris pondera aestimari posse, aliam ingressus viam est. Validum igitur postem construxit, eundemque unco ferreo firmissimo armatum, in terra depegit, ex quo unco suspendit duo illa hemisphæria copulata, ab aëre diligenter evacuata. Annulis hemisphærii adjunxit lancem aliquam ingentis bilancis, quæ in expendis rebus magnis adhiberi consuevit, & lanci instravit pondera varia, semper alia atque alia, quoad hemisphæria dirimerentur. Comperit autem vir industrius, quod si gravitas aëris tanta sit, ut aquam in tubo sursum pellat ad XX. ulnarum altitudinem, opus sit libris 4500. ad hemisphæria illa, quemadmodum commonstravi, divellenda. Hunc ad modum usui hodieque sunt hemisphæria cuprea, vel orichalcea, variæ magnitudinis, que solo sevo illita, sibi que mutuo nexa, & exhausto aëre exinanita, tam firmiter cohærent, ut pro varia eorum magnitudine variis, magnisque ponderibus ad illa divellenda opus esse intelligamus. Solam autem pressionem aëris exterioris, pendentem ab ejus pondere & elaterio, tantum  
hic



hic valere, separatio, aëre in hemisphæria immisso, facilis abunde declarat.

*Pro varietate  
tempestatum,  
& situs loco-  
rum humili-  
um, vel edi-  
torum, variat  
gravitas ae-  
ris.*

Illud quidem neminem præterire reor, acrem per omnes terrarum tractus sui similem haud esse, sed varium, pro varietate tempestatum, foli, & aquarum, diversi generis exspirationes, quæ se aëri miscent, emittentium: nec minus pondus ejus certis finibus coërceri, & pro vario locorum ac regionum situ, & positu, admodum variare. Idem enim ex rebus, supra disputatis, cogitur, & mercurii in Baroscopiis elevatio, ac subsidentia varia, pro variis vicissitudinibus aëris, testatur. Quippe cum aër sit quædam veluti terræ & aquæ lanugo, ex omnis generis effluviis conflata, & immenso quodam spatio cælum inter terramque diffundatur, ac partes ejus plicatiles, ut lanæ fila, aliæ aliis incumbant: necesse omnino erit, inferiores superiorum pondere paulatim pressas magis, arctiusque junctas, in densum magis, & spissius, graviusque corpus abire, quo terræ sunt propiores, partem vero superiorem, quo altior est terris, eo quoque tenuiorem, & expansam magis, explicatamque, ac rarioris adeo naturæ fieri. Prope ut ingens lanæ acervus, cujus partes infimæ densiores sunt, sed in superiorem translatae locum, sese explicant. Cui rei testimonio sunt utres in montibus, qui quidem minus inflati, eo magis intumescere observantur, quo altius montes conscendimus. Idemque ex varia hydrargyri in tubo Torricelliano suspensione satis liquet, prout experimentum in locis excelsioribus, vel de-  
cli-



clivioribus, aut subterraneis, editur. Nam quo magis comprimitur aër, & gravior est, eo altius adscendit hydrargyrum. Tali modo, ut est in Philos. Burgund. T. II. Ph. Gen. Tr. II, c. IX. Parisiis depressius est hydrargyrum tribus lineis in summa parte alterius ex turribus majoribus Ecclesiæ, quam juxta Sequanam. Duabus itidem lineis & amplius altius est in specu subterranea regii observatorii, quam in illius parte summa. Atque ut Pererius in literis, ad Paschaliū datis, testatur, in planitie horti P. Franciscanorum ejusdem regiæ, mercurialis cylindri altitudo reperta est digitorum pedis viginti sex, & linearum trium cum dimidia, quarum sex uno digito continebantur; in montis proximi loco, viginti septem hexapodis, seu pedibus 162. altiore, viginti sex, & unius lineæ; in majore altitudine, pedum scilicet 900. supra horti planitiem, viginti quinque; & tandem in summo montis jūgo, quod a planitie 3000. pedibus attollebatur, viginti trium, & linearum duarum; ita ut in editiore montis vertice hydrargyri altitudo fuerit tribus digitis, & una linea cum dimidia, quam in planitie, minor: quod minōr sit aëris columna in montis jūgo, quo id altius est, eaque adeo minus incumbat stagnanti in vasis hydrargyro, ac minus idem sustineat. Neque aliter compertum fuit, factō in monte Arvernix experimento, cujus mentionem fecit Petrus Gassendus Phys. Sect. I. L. II. C. V. Ac plura eandem in rem notatu digna experimenta collegit, tum & ipse edidit industrius P. Franciscus Tertius de Lanis, Magist. Nat. & Art. T. II. L. VI. C. V.



*Quid vis elatrica  
aëris?*

Neque vero tempore abutar, ut multum studii operæque ponam in confirmando elaterio, sive vi aëris agitatrice, qua ille terram complectens, atque a superstantis pondere compressus, & stipatus, continuo sese pandere, atque evolvere nititur, ut nisi a circumjectis corporibus urgeatur, passimque coërceatur, sponte sua se explicet, atque in amplitudinem, locumve, plus decies millies majorem, suapte vi dilatetur, atque distrahatur. Quippe quod nemini non perspicuum est ex constitutione particularum aëris, quem, valde probabile est, oblongis corpusculis, quasique filaminibus ramosis, flexibilibus, & ambientium pressura, lanuginis modo, inter se devinctis, ac impeditis, & velut in spirulas intortis, ac convolutis, constare, atque adeo totum, quantuscunque est, sive altitudinem, sive amplitudinem spectemus, contractilem esse, atque distractilem, quia in singulis ejus partibus, in curvum coactis positum, vis viget se restituendi per latera, nitentia in eundem positum priorem, sive quod idem est, se contrahendi per longitudinem, ut commode laudatus Bellinus explicat, opusc. de Motu cord. Prop. XL. Sed magis id cognoscimus, si impetum aëtheris, & pororum atque meatuum spirularum aëris habitudinem contemplemur. Nam quia cæ sibi mutuo incumbentes, dum comprimuntur, poros in convexa parte oblongos habent, & patentiores, in concava vero contortos magis, ac impeditos: fit omnino, ut, dum subtilis aëtheria materia, movens illud agensque in omnibus minimum, in poros & meatus majores libere inva-



dit, minores vero pari facilitate intrare & peragrarere nequit, angustiam loci, quietis quippe impatiens, celeritate motus compenſet, & arietans in latera, ac multifariam reflexa, perpetuum se explicandi niſum, vimque reſiliendi in ſitum minus coactum, remoto impedimento comprimente, ſingulis machinulis aëris impertiatur.

Quem quidem elaterem aëris ſimilitudine haud *Elateria va-*  
adeo fortaffe abſurda aſſequi licet, petita non a chor- *rii generis,*  
dæ tantum, aut arcus tenſi reſtitutione, ſed etiam  
exemplo goſſipii, lanæ, pilorum, ſpongiarum, plumu-  
larumque, præſertim olorinarum, rerumque aliarum  
innumerabilium, quæ tenſæ, aut compreſſæ, in con-  
trario, perpetuoque ſe reſtituendi, pandendive niſu  
verſantur, motumque libertatis, ut appellat Verulamius, quaſi affectant. Namque in his ſingulis motus  
viget contractionis, & diſtractionis, quo omnis gene-  
ris flexio, & reſtitutio, ſive vis elatiſtica, comprehenditur. Quæ quidem inprimis in aëre apparuit, poſtea-  
quam experientia docuit, eundem opportunis machi- *Elaterium*  
nis non ſolum ita comprimi, cogique poſſe, ut vix *aëris proba-*  
ejus, quo antea continebatur, ſpatii partem decimam *tur experi-*  
implere videatur, ſed etiam ita ſubinde diſtrahi, ut *mentis.*  
vix modum diſtractionis inveniri liceat. In cujus rei  
fidem non adducam ſclopeta Æolia, ſive pnevmati-  
ca, & nihil dicam de veſica corrugata, & exhauſto ex  
recipiente aëre, intumeſcente, tandemque vehemen-  
ti interdum impetu fiſſa. Neque commemorabo la-  
genam vitream, aëre plenam, & ore arcte obſtructo



sam, quæ intra campanam, educto aëre ambiente, a sui interioris aëris elatere extrorsum magna vi rumpitur. Silebo etiam bullulas ex aqua, vel spiritu vini, emergentes, aut liquores fermentantes, ac putrescentes. Nec afferam in medium fonticulos, elaterio aëris, magna copia immissi, & compressi, aquam alte jucundeque vibrantes: & tacebo pariter, id quod ope hydrargyri in vase vitreo, tubo suo, & cochlea ferrea instructo, fieri solet experimentum, quo, si vasculum illud per apertam cochleam ad dimidium hydrargyro impletum, clausaque cochlea, calice vitreo tectum, disco, antliæ adaptato, imponatur, educto aëre, hydrargyrum in tubo a 25. ad 26. pollices, vi elastica aëris interioris, in vaseque contenti, ascendere observatur. Prætermittam tandem, quæ apud Academicos Florentinos, Boyleum, & Borellum occurrunt hanc in rem experimenta, inter quæ non postremum est, quod ille Tr. de mira aëris rarefact. Exp. II. recenset. Nimirum eligatur vitrum globosum longioris angustique colli, idque totum, aquæ plenum, ita ut superficies aquæ & laterum vitri æquales sint. Deinde, inverso vitro, tantillum aquæ excutiat, ut portio aëris, guttulam aquæ æmulans, in eadem conspicua fiat. Sic enim, subtracto postmodum aëre externo, gutta aëris, vitro comprehensa, eousque dilatabitur, ut aquam ejiciat, solaque vitrum repleat. Quod si collo vitri illius, aqua repleti, in vas vitreum aliud, aqua itidem plenum, inverso, aër ambiens exantletur, numerosæ in aqua bullulæ emergent, quæ mox expan-

sæ.



sa, omnem e globoso vitro aërem expellent. Admisso vero iterum aëre exteriori, vitrum illud mox aqua iterum replebitur, omnisque aër, expansus antea, in bullulam prope insensibilem comprimetur, quæ tamen, exhausto iterum recipiente, ita denuo explicabitur, ut, rejecta aqua, totam vitri capacitatem impleat. Quod quidem experimentum cum primum instituisset Boyle, guttulam illam aëris plus 13769es auctam fuisse, & dilatatam, deprehendit. Quorsum quidem ejus rei cupidum remitto, ne mei oblitus videar, qui me in hoc argumento, ab aliis copiose sciteque explanato, industriæ modum habiturum esse, supra receperim.

Verum tamen præcipienda mihi & præmunien- *Respiratio*  
 enda hæc videbantur, quo clarius pateret, abstrusum *pendet a mo-*  
 quondam respirationis negotium, totum a motu mu- *tu thoracis, &*  
 sculorum thoracis, & pondere aëris, ac elaterio, *gravitate, ac*  
 dere, & alternata illius ventris dilatatione, ab *elaterio aëris.* subsi-  
 dentia, hincque reciproco aëris in pulmones ingressu,  
 atque expulsionem peragi. Nam qui suo pondere corpo-  
 ribus nostris undique incumbit spirabilis aër, uti par-  
 tibus aliis, sic ori & naribus, quæ ideo breviter sunt  
 apertæ, atque ad tracheam ducunt, est contiguus, per  
 eamque spiritalem fistulam in pulmones statim irrue-  
 ret, nisi interior in iis ductibus aër resisteret, aditu-  
 que eundem arceret. Cum igitur thorax, quo, velut  
 injuncto jugo, pulmones coërcentur, paulatim dila-  
 tatur, aër in illorum vesiculis adhuc conclusus, spa-  
 tium deinde nactus, & libertatem, suam explicandi



*Pulmones  
moventur ab  
aëre, non at-  
tracto, sed  
suo pte ponde-  
re ingresso.*

vim experitur, atque externo atmosphæræ cylindro, in aëra, ore & naribus, asperaque arteria, comprehensum, nitenti, facile concedit, & locum invadendi pulmones dat, viamque aperit, tum una cum eo vesiculas illorum, quousque potest, replet & expandit. Hæ vero elaterio aëris atque expansioni commode obsequuntur, neque magis aërem trahere possunt, quam utriculus, cum latera follis diducuntur, quando neutrum illorum receptaculorum aliquid habet, cujus adjumento aërem attrahere possit. Inspirare tamen, & aërem ducere dicimur, cum thoracem movemus, & ampliamus. Sic enim fit, ut aër exterior, propter debilitatam interioris spiram, suo pte pondere in pulmones illabatur, & vi sua elastica dilatet eos, ac explicet. In quo negotio non est, ut pulsionem aëris, nobis circumfusi, os versus & nares, factam motu & dilatatione abdominis, atque thoracis, in auxilium vocemus, cum sola aëris gravitas & pressio hic sufficiat, ut non uno argumento evicerunt Bohnius l. c. prog. V. & Lamzverde, de Respirat. Syvammerdam. Expiratione.

Magis hoc loco respicienda sunt experimenta, quibus illustrandæ respirationis causa, rerum naturalium studiosi utuntur. In primis autem, duce D. Mayovv Tr. de Respirat. follis solet confici, cum incluso, utris loco, lobo pulmonis, vel vesica, eo modo cum rostro, vel tubo follis conjuncta, ut ex eodem non nisi in vesicam aëri aditus pateat; hæcque per incisum utrique follis laminæ foramen amplum, vitro apto accurate obtectum,



ctum, tanquam per fenestram, videri & conspici possit. Sic enim simul ac laminas follis, thoracemaemulantis, diduxeris, aërem exterius per tubum in vesicam, vel lobum pulmonis, illabi, eundemque explicare, & diductis lateribus, & follis spatio, coextendere comperies. Quo vero magis diaphragmatis motum consequens aëris in pulmones illapsus aperiatur, in vicem thoracis vitrum adhibeatur oblongæ, ejusdemque rotundæ figuræ, angustî oris, fundum habens amplum, vel ejusdem cum vitro reliquo diametri. Immittatur ad medium usque vitrum, loco tracheæ, tubulus quidam vitreus, utraque extremitate patens, alterique, vitro inclusæ, alligatam gerens vesicam quandam rotundam, vel lobum aliquem pulmonis, altera vero extra orificium vitri prominens, nullo relicto illam inter hujusque marginem intervallo, sed eodem arte cera occluso undique & obturato. Tum vero fundus vitri membrana quadam madida, filoque inferius in medio instructa, septo veluti transverso, exterius ita tegatur, ut deorsum eadem duci, ac reprimi possit, omnisque aër per ejus ambitum introitu prohibeatur. Quodsi deinde hæc membrana filo subtrahatur, lobus pulmonis, vel vesicula, tubulo interius in vitro conjuncta, ab ingrediente aëre mox tota diducetur, & explicabitur, omisso vero trahendi motu, fursusque compulsâ membrana, idem lobulus, vel vesicula, collabetur iterum, ac subsidet. Ex quo sicuti usus & actio diaphragmatis clare cognoscitur: ita parum eidem officit experimen-



*Actioni & usui diaphragmatis in negotio respirationis nil officit experimentum CL. Sengverdii.*

tum CL. Wofferdi Sengverdii, qua diaphragma ad respirationem non absolute necessarium esse, neque respirationem reciproca thoracis elevatione, ac subsidencia, unice peragi, sed etiam thorace immoto, & perforato diaphragmate, alterna abdominis expansione, ac detumescencia procurari posse, demonstrare conatur, quando prædicto apparatusi mechanico, quo diaphragmatis actionem declaravimus, aliud addit vitrum cylindricum, eique mobilem pariter membranam alligat, vel vesicam, ita ut expansionem sui depressionemque admittat, quam quidem abdominis loco habet. Quibus omnibus recte præparatis, observat, adducta inferiore vesica, eadem opera non solum alteram intermediam, quæ vicem diaphragmatis sustinet, sed ipsum etiam pulmonis lobum, intumescere, & motui adductæ vesicæ inferioris obtemperare; & contra, reducta, repressaque eadem vesica, una alteram quoque lobum versus pulmonis redire, huncque collabi iterum, & flaccescere. Quin & membrana media, cultro perforata, lobum pulmonis pro varia inferioris vesicæ motione, nunc pandi, & distendi, modo iterum collabi, annotat, indeque inferendum putat, diaphragma ad respirationem absolute necessarium non esse, sed reciprocam pulmonum inflationem, & coarctationem, sive respirationem, in viventibus procedere posse, non obstante diaphragmatis ruptura & læsione. Sed aliam putarim esse rationem motus pulmonum in illo apparatusi mechanico, aliam in animante respirante. In illo enim experimento  
aëris



aëris plenum est vas utrumque vitreum; quo fiat necesse est, ut, cum vesica inferior adducitur, aër, qui tubo vicinus & contiguus est, ipsum in tubum, eique appensum lobum pulmonis, a circumstantis atmosphæe pondere impellatur, quia aucta diductione vesicæ capacitate vitri, hac comprehensus aër debilitatur, & locum exterius irruenti, ac spatium concedit, sive integra, sive perforata læsaque, media membrana fuerit. Quod multo se aliter habet in respiratione hominis. In hoc enim dubia, neque necessaria, est, & nullo idoneo experimento demonstrari potest, aëris in cavo pectoris, atque abdominis existentia quam tamen cum multis supponit CL. Sengverdius. Quippe si, ut autor est Pecquetus *Diff. Anat.* p. 146. avena, bronchiis insinuata, vivæ, quam dissecas, animantis inspires, quicquid nitare, nullus admotæ lucernæ flammam, nisi qua tunicam liberaveris, agitat aër. Quo ipso patet, imperviam aeri in naturali sanorum respiratione pulmonis membranam esse. E contrario certum est, diaphragma fornice suo, in superiora arcuato, moleque viscerum imi ventris tumente, magnam pectoris, cum non movetur, partem occupare. Quapropter, ut ambiens nos aër tracheam pulmonesque ingrediatur, non sola abdominis expansio, quæ ille propellatur, sufficit, sed imprimis requiritur, ut pectoris cavitas augeatur, quo debilitata aeris interioris, in pulmonibus existentis, spira, eidem contigui aëris exterioris pressioni minus resistere, isque adeo irruere in pulmones possit. Id vero potissimum dia-



phragma efficit, quando contractione fibrarum carnearum sinuosa ejus superficies in inspiratione complanatur, eoque motu non solum imi ventris viscera, que antea sinu ejus fovebantur, detruduntur, sed etiam extremæ interioresque costarum spuriarum partes oblique extrorsum flectuntur, & hac diaphragmatis contractione major, & amplior cavitas pectoris redditur. Quin & eadem septi motione cum etiam abdominis viscera protrudantur, expansio quoque ventris illius, atque adeo propulsio aëris exterioris, cui potissimum, sed immerito, respirationem Vir Doctiss. tribuit, promovetur. Cum contra cessante septi contractione, idem & suarum restitutione resultuque fibrarum in pristinum fornicem redeat, & adjuvante musculorum abdominis contractione, a visceribus imi ventris eo compellatur, unaque prædictæ inferiores costæ ad interiora reducantur; quo fit, ut ex compressis a coarctato pectore pulmonibus magna aëris portio elidatur, neque novus ingredi rursus possit, nisi prædicto modo pectus denuo dilatetur. Quare qui rem penitus considerat, is quidem facile intelliget, ex allato experimento rectius diaphragmatis, quam expansionis abdominis actionem & usum deduci posse. In qua re omni nos scrupulo experientia liberat, qua docemur, dissecto penitus canis abdomine, & resectis pariter, ablatisque musculis thoracis, modo intercostales, cum diaphragmate salvi integrique maneant, pectus recte moveri, spiritumque sine difficultate duci, incisis autem nervis diaphragmatis,



matis, animal anhelosum fieri, & genus omne vuln-  
rum, quod parti ejusdem septi tendinæ, vel etiam  
carneæ, paulo amplius infligitur, mortiferum esse.

Hæc vero uti septi illius transversæ actionem,  
usumque, egregie illustrant: sic nullam veri speciem  
habet sententia illorum, qui etiam de aliis ejusdem  
usibus solliciti, pericardium in homine, parte alte-  
ra & inferiore mediæ diaphragmatis regioni, ubi  
in amplum expanditur tendinem, eum in finem late  
connasci volunt, ut intumescencia ventriculorum cordis  
in systole pericardium ad superiora, & sic diaphragma quo-  
que, retrahat, & versa vice, quum diaphragma deorsum  
movetur, etiam pericardium trahat, & simul juvet, ut qui  
contrahebantur cordis parietes, nunc iterum ad elongatio-  
nem ab eodem expanso constringantur. Quemadmodum CL.  
Ortlobium statuere legimus Diff. Physil. X. §. XIV. & Diff.  
XXV. §. IV. Namque aliam esse motus cordis ratio-  
nem, quam ut a motu diaphragmatis ad diastolen red-  
ire, aut constitutum cor in systole, intumescere, &  
diaphragma retrahere queat, satis, opinor, unicuique  
erit perspicuum, qui motum cordis, & pericardii cum  
vasis ejus tantum communibus conjunctionem, re-  
cte intelligit, & alternos cordis, ac ejus, de quo ser-  
mo est, septi motus, non tantum non isochronicos, sed  
ne synchronicos quidem esse, nec esse posse, non igno-  
rat. In quam rem Lamb. Velthusius de Generat. C. II. No-  
ratu, inquit, dignum est, in respiratione cordis systolen &  
diastolen eundem rhythmum observare; sive ad tempus a re-  
spiratione voluntarie cesses, sive respirationem consueto modo

*Ratio conne-  
xionis peri-  
cardii cum  
diaphragmate  
in homine.*



secundum consuetum naturæ institutum per agas. Propius a vero abesse videtur Lovverus, Tr. de Corde c. l. qui, cum erectus sit hominis incessus, & figura, connexionem septi cum pericardio necessariam judicat, ne forte, quamdiu erecti incedimus, ab hepatis, aliorumque viscerum appensorum, mole deorsum adeo trahatur, ut a suo intra thoracem resultu, quo exspiratio perficitur, impediatur. Quocirca in quadrupedibus, ubi abdominis viscera in ipsum diaphragma incumbunt, idemque in pectoris cavitatem suo pondere impellunt, ista partium accretio expirationi quidem minus utilis, inspirationi autem, debitam diaphragmatis contractionem, & descensum impediendo, prorsus incommoda fuisset.

*Quid respiratio?*

Atque adeo, ut breviter summatimque complectar, quod paulo uberius prosecutus sum, operosum respirationis negotium; Illud, opinor, perspicitur, respirationem esse actionem muscutorum pectoris, præcipue diaphragmatis, & intercostalium, duobus constantem actibus, alternatim reciprocantibus, inspiratione, & expiratione, quarum, altera æram in pulmones admittimus, altera emittimus. Atque inspirationem quidem fieri, cum, aucta paulatim cavitate pectoris, ob contractionem diaphragmatis, & costarum, vi muscutorum, iis intertextorum, erectionem, aër, vesiculis pulmonum conclusus, spatium quippe nactus, suam explicandi vim experitur, huicque contiguus, a circumstantis, nobisque incumbentis mole & pressione, per patentem asperæ arteriæ viam eosdem



dem in pulmones compellitur, & per bronchiorum  
 squarum ramos, ad omnesque diductus vesiculas, vi sua  
 elastica inflat eas & explicat. Hancque deinde sequi  
 Expirationem, quem prædictis musculis resilienti-  
 bus & concidente rursus pectore, spatium thoracis ite-  
 rum contrahitur, & pulmones, adjuvante retis mu-  
 sculosi, exterius vesiculis superextensi, itemque mu-  
 sculorum, & tessellarum bronchialium, constrictione,  
 denuo comprimuntur, ac receptus paulo ante aër,  
 magnam partem, quosque pulmones coarctantur,  
 extruditur, ut locus detur iterandæ novi aëris inspira-  
 tioni. Quod dum affirmo, non eo inficias, id quod  
 negavit Borellus, ad inspirationem voluntariam, & ve-  
 hementiorem, etiam alios pectoris musculos, ac præ-  
 sertim levatores costarum Stenonis, subclavium, & fer-  
 rates, præsertim posticos, atque ad expirationem for-  
 tem musculos abdominis & sacrolumbum, aliquid con-  
 ferre. Id enim non minus ex situ, quam actione il-  
 lorum musculorum, constare cuivis potest.

Sed quanto clarior est aëris in pulmones ingres-  
 sio, tanto majorem difficultatem ejusdem ex asperis  
 in vasa lævia transitus, introitusque in sanguinem, *Aeris in vasa  
 pulmonum*  
 habere videtur, quem, judice Bellino, Sr. de ur. & puls. *transitus am-  
 biguus.*  
 ad Lect. neque sensui pateat, neque ex pulmonum mo-  
 tibus deduci possit, aut ipsum eërum, aut quid ab aëre  
 separatum, in vasa sanguinis pulmonaria ex iisdem  
 pulmonibus per respirationem derivari, &, si Cl. au- *Argumenta  
 pro eo asserre  
 solita, rejici-  
 untur a qui-  
 busdam.*  
 dias Bohinum l. c. prog. IV. argumentis, quæ eam in  
 rem afferri vulgo solent, locus nullus sit relictus. Ne-  
 que



que enim id satis sanguis arguere videtur, qui re-  
dux per venas, colore obscuriore, motuque minus ve-  
geto, ex dextro cordis sinu in arteriam pulmonum de-  
rivatur, & coccineus ac rutilans, vique pollens ma-  
jore elastica, per venam pulmonalem redit: quum  
etiam a sola pressione sanguinis, & solutione, divisio-  
neque in vasis pulmonum, eadem mutatio effici pos-  
sit. Namque necesse est, humores, cum tot innu-  
merabiles, & perplexas ac reticulatas vasorum pul-  
monalium angustias rivulis tenuissimis transmittunt,  
a pressione pulmonum, atque expansione reciproca,  
ictibusque aëris, vesiculas illorum, vasaque, iis inter-  
texta, pulsantis, ac succutientis, contundi minutius,  
ac discerpi, atque in tenerrimos divelli globulos, &  
permistos invicem, aliam plane figuram, alium  
situm, ordinem, & motum, atque vigorem parti-  
bus suis acquirere. Idem enim in liene contingere ob-  
servamus, cujus vasculosam & retiformem, ac mu-  
sculosam texturam qui pervagatur sanguis, is in com-  
plures, multoque minores particulas, sola visceris me-  
chanica, sine novi aëris accessione, ita conteritur, ac  
dividitur, ut fluidissimus, coccineoque colore rutilans,  
ex eodem ad hepar deferatur. Quamobrem etiam  
conquiescens fere sanguis in vasis pulmonum anima-  
lis, aëre per tracheam e folle in pulmones missò,  
ad motum ac progressionem compelli, cordisque pul-  
sus aliquandiu instaurari videtur. Quod vero  
ad Silvii & Svvammerdamii experimentum attinet,  
quo aër per tracheam in pulmones adhuc calen-  
tes



tes immiffus, ac lente intra horum fubftantiam pref-  
fus, tandem in vafa pulmonalia, cordisque finus, pe-  
netrare dicitur; id, nifi facta per impetum vafis cu-  
jusdam ruptura fuerit, frustra institui, cum Harvejo, &  
Highmoro, Bohnius exiftimat, pari loco numeroque ha-  
bens Truftonis experimentum, quo ille liquorem fub-  
atrum, in arteriam pulmonis ovilli per fiphonem in-  
jectum, non tantum per venam fociam, fed etiam per  
bronchia redire, contendit. Præfertim quum, fi hoc  
fuccederet experimentum, videri poffet multo ci-  
tius, vel ipfe fanguis, vel aquofa faltem ejus portio,  
per illas eadem vias, a laevibus in canales afperos,  
quam ab afperis in læves aër, ferri; idque eo magis,  
quod particulæ, aërem componentes, ramosæ omni-  
no fiut, itaque irretitæ, ac implicitæ, exiftant, ut pro-  
pter fuorum filaminum implicationem, more goffi-  
pii, vel lanuginis, aut fimilis corporis, ex pluribus te-  
nuiffimis filis agglomerati, difficillime tranfeant cor-  
porum nonnullorum poros, in quos tamen aqua fe fa-  
cile, fponteque infinuat, vel vi compelli poteft. Cui  
rei inter cetera fidem afferre volunt veficas agninas,  
vel porcinas, aut pelles, quæ, uti in follibus luforiis  
patet, citius crepant & rumpuntur, quam aëri, quam-  
vis violenter comprimatur, per poros exitum præbe-  
ant, cum tamen eos aqua fubeat, contentaque in iftis  
veficis, vel pellibus, falia lixivii exfolvat. Quibus  
demum addunt, quod, etfi aer ex vafe, quo animal  
continetur, ducitur, nulla tamen fanguinis, vel ferri  
ex pulmonibus rejectio fubfequatur, quam omnino  
fieri



fieri debere existimant, si via aëri in prædicta vasa adeo pateret.

*Horum sententia.* Has igitur difficultates qui verentur, non ipsas aëris inspirati spirulas, sed ejus quandam tenuiorem, & vel mediæ naturæ non elasticam, quam quidem ipsi satis exponere non queunt, portionem; vel spiritum quendam nitro - aëreum, cui eundem, quem aëri mediæ naturæ, honorem puto habendum, vel ipsam saltem aëtheream materiam, quæ tamen pervadere cuncta ac replere fertur, cuique adeo nihil est impervium in corpore, sed omnes patent pori, vasis pulmonum concipi, & sanguini commisceri, contendunt. Ad hoc autem sibi firmitus persuadendum, illo pervulgato experimento cum CL. Bohnio l. c. Prog. IV. p. 69. multi adducuntur, quo, si flatus per jugularium alterutram, ad robusti, vigentisque animantis cor adigatur impensius, syncope oboritur, & mors sæpe festinata. Quamvis, si fatendum, id quod res est, illud experimentum parum, vel nihil, evicerit; quippe cum aërem flatu, impetuque vehementi, ac turmatim immissum, damnum illud consequi indicet, quod minus profecto metuendum ab aëre diviso, & motu sedato, ac placido, sanguinem ingrediente. Haud aliter, atque idem experimentum, si aër paulatim, vel minore saltem impetu, in venam animalis infletur, perspicue demonstrat. Ita quoque in animantibus suffocatis si per ductum chyli ferum, vel venam cavam, hujusve ramos, aër infletur moderatius, cordis rigentis ac inertis motus denuo excitatur, vitæque sæpe



pe ipsa, nisi destructa ac lacerata essent vitæ, ad vigorem pristinum reduci posset. Immissus autem impetu in venam jugularem aër, atque ad cor adactus, hoc imprimis ultra modum dilatando, circulum vitalem pervertit, & mortem affert. Namque idem hic cordis fibræ accidit, quod in vesicæ, aliarumque expansionum musculosarum structura pariter usû venit, quæ a quacunque re præter modum distentæ, omnem sese rursus contrahendi vim amittunt, tono earum immutato, ac penitus soluto.

*Ratio, quam obrem immis-  
sum impetu  
in venam, &  
cor versus ad-  
actum, oris  
statum mors  
consequatur.*

Quod autem animantibus interiore aëris ipsius ingressu opus sit, vel expressione atmosphaeræ, corporibus nostris incumbentis, clare liquet, qua se tueri illa minus profecto possent, nisi eidem aëri, extrinsecus superficiem undecunque comprimenti, alia quædam vis ab interiori superficie per easdem lineas quaqua-  
versum pari se virtute objiceret, æquisque viribus resisteret. Quam quidem ipse sanguinis elater, quo cutis intra cucurbitulam, totaque manus, intra vas immissa, educto aëre, statim intumescit, non obicure prodit. Eoque magis, si observemus, sublata quavis de causa aëris ambientis æquabilitate, spiras aëris interioris in corpore prævalentes, nimiumque dilatatas, vi sua elastica & rarefactione majore, omnem particularum sanguinearum, tum & vasorum, renitendi vim superare, & receptacula quædam extra modum distendendo, alia plus æquo coarctando, comprimendo, & totum corporis ambitum inflando, ac intendendo, sanguinis pariter, & succi nervosi sistere cur-

*Aëris existen-  
tia atque ne-  
cessitas in san-  
guine com-  
probatur.*



sum. Quemadmodum cognoscimus, animantia vase quodam conclusa, exhausto aëre, in magnam sæpe molem intumescere, & prominentibus oculis, atque hiant ore, gravibus tentata spasmis, ægram tandem animam exhalare, nisi denuo admissus mature aër exterior, liquidi interioris elaterium temperet iterum, & revocet, atque ad pristini motus leges ducat. Ac vix jucundiore spectaculo experimentum hoc instituitur, quam cum rana, quando ex ejusdem ore pulmo, aëre tumens, & perspicuus, ab hujus elaterio propulsus, sese conspiciendum præbet. Secus fit in animantibus aliis, ex quorum pulmonibus solus aër eadem vi sua elastica per os egreditur, illosque suapte mole collapsos & compressos relinquit. Neque vero minus necessitatem aëris interioris in sanguine ipsa glutinosa materies, qua ille abundat, evincere videtur, quum ea vix aliis, præterquam interjectis aëreis, machinulis, utpote quæ humoris permixtæ nunquam quiescunt, sed comprimuntur facile, iterumque resiliunt; ab arctiori vinculo, quo inter se sunt colligatæ ejus partes, melius solvi, atque in vitalem circulum cogi & compelli possit. Ac quo minus dubitemus de præsentia aëris in sanguine, prohibent experimenta varia, quæ Nob. Boyle debemus. Sanguis enim, præcipue arteriosus, intra vas recipiens, educto ex eodem aëre ambiente, ebullit, spumat, & uvarum specie in bullas assurgit, adeoque sæpe intumescit, ut oras vasis, etiamsi vix tertiam ejus partem repleat, transcendat.

Cu-



Cujus rei cum nuper admodum semel iterumque, ac sæpius, periculum faceremus, sanguis ad uncias tres e vena, vix incisa, statim vitro exceptus, intraque receptaculum collocatus, post repetitam & sufficientem aëris ambientis ope antliæ educationem, in bullas innumerabiles, uvarum specie, ita exurgebat, ut fere totus in spumam abiret, eaque impleretur universa recipientis capacitas, quæ plus duodecies vitrum, quo sanguis continebatur, superabat. Quod si vere æstiment, qui aërem elasticum in sanguine pertimescunt, melius sentient fortasse Idemque in bile, lacte, & lotio, ex undis sanguinis proficiscentibus humoribus, observari licet, quamvis hi paulo minus turgescant, & spument. Neque vero tantum liquidæ, sed etiam solidæ animantium partes, exhausto aëre ex vase, quo continentur, intumescunt, bullulasque aëris eructant; quæ certe cuncta intus latitantis aëris explicationi & elaterio sunt tribuenda. Ut proinde experimentis suis nimium confisus, scripsisse merito reputetur vir curiosus & diligens, Ant. a Leeuvvenhoek, nullum neque in sanguine, neque in urina inesse aerem, præterquam tenuem illum, ac subtilem, in omnia corpora penetrantem, eaque permeantem; & aerem vulgarem, repertum in sanguine, per aliquot jam horas aeri exposito, vix memoratu dignum esse, Arcan. Natur. detect. Ep. 72. & 73. Magis experientiæ respondet, quod observavit laudatus Mayovv. l. c. sanguinem aliquandiu extravasatum, in machina pneumatica aere per exantlationem privatum, leniter saltem in superficie, aeri



contigua, rutilaque, in bullulas assurrexissē; recens autem arteria missum, exhausto per eandem antliam aere, mirum in modum expansum, atque in bullulas pene infinitas elevatum fuisse.

*Pars aëris  
cum chylo  
sanguinem  
intrat.*

Tametsi vero non ierim inficias, aliquam aëris partem una cum fluore chyli, cui est intexta, per vias lacteas, quæ aliorum est opinio, in sanguine colligi: tamen cum copiam illam aëris, quam continua transpiratione, & liquoris obscœni discessu perdimus, & illam glutinis abundantiam in sanguine, quæ dissolvi atque comminui debet, ipsamque constantem vim elasticam, cum omnium muscutorum, tum liquidorum corporis, & hinc pendentem resistantiam pressionem circumfusæ nobis atmosphærae, cogitatione complector, impediri non possum, quo minus credam, maiorem aëris copiam ex vesiculis pulmonum in horum venas infinuari, & pertranseuntibus humoribus misceri ac interjici, ut irrequieto suarum spirularum motu, intestinum in illis dissidium, solutionemque

*Pars vero  
major in vasis  
pulmonum  
sanguini per-  
mijcetur.*

instauret; atque hi vegetiore suarum partium, mutuis ictibus confligentium, explicandi vi, & agitatione, accedente præsertim nova auriculæ cordis, ventriculique sinistri conquassatione, per tubos arteriarum continuata, recreati excitatique, majori deinde contentione, & circa suum axem versari, atque in orbem ire, æquabilitatemque cum aëre externo, undique nos obsepiente, tueri, & poros omnes, ac meatus corporis apertos servare, & aptos quibusque partibus succos, alendo, movendo, gignendo, & obeundis actionibus



nibus ceteris utiles, ac necessarios non minus, quam rejectaneos, exuere atque dimittere possint. Nam ad eum potissimum finem univēsa liquidorum massa, redux a partibus, & cum aëris distillatione, tum succorum utilium secretionē, multum debilitata, ac per diversos canales disjuncta antea, & distracta, tum & *Causa reditus sanguinis ex toto corpore ad pulmones* recenti subinde succo, ex cibis advecto, prægnaans, in dextro cordis ventriculo denuo colligitur, & per pulmonum vasa continuo spargitur, ut, quando per tot angustissimorum ductuum retia dislicitur, & reciproco pulmonum motu, ipsiusque aëris, in vesiculis contenti, ictibus, conquassatur & contunditur, non minutatim tantum concidatur, atque attenuetur; sed novum quoque elaterem, ac veluti animam, unde motio interiorum particularum, vitæ fons, proficiscitur, ex pulmonibus recipiat.

Quo tamen minus cogimur, vel oscula quædam aspera inter & lævia pulmonum vascula comminisci, vel incognitas particulas ex aëre advocare, aut tantum tenuissimas, atque per omnia fusas, quibus nihil est occlusum, ac impervium, sed cuncti patent corporis meatus, per spiritalēs inprimis vias in sanguinem introducere, cum nihil verosimilius videatur, quam partem aëris, intra utriculos pulmonum admissi, per raram vesicularum, & quæ singulis illarum planis reticulatim intextæ, perque minima dispersæ sunt, venularum pelliculam, in ipsum sanguinem intromitti. Cujus quidem rei spumosa sanguinis, per illa vasa redeuntis, superficies, ab aëre

*Oscula inter aspera, lævia, que pulmonum vasa nulla.*

*Aëris in venas pulmonum ingressio.*



incluso, seseque explicante, oriunda, haud leve indicium præbet. Id quod inter alios non temere, opinor, affirmavit Borellus, quando prospiciens obstacula & impedimenta, ob quæ aer se accommodare angustis corporum poris minus possit, & inquirens in viam expeditam transmittendi aerem intra venas pulmonum, atque investigans modum commiscendi minimas ejus spirulas cum minimis partibus sanguinis: re diligenter agitata, existimat deinde, aerem inspiratum, permistum lymphæ rori, quo interior bronchiorum, atque vesicularum, superficies humigatur, & cum fluxu refluxuque continuo illius vitalis ventitum motu reciproco, atque agitatione pulmonum, a plexu illo, quo inter se conjuncta plicatilia ejus fila, separationi resistunt, solutum, sectumque in tenuem spumam, & divisum, in venas pulmonum facilius ingredi, atque in sanguinem deferri posse. l.c. P. II. Prop. 113. Nam etsi aer, cum sibi est relictus, propter elasticam suorum filaminum, mutuo plexu irretitorum, texturam, subire coecos venarum, vel membranularum, aut cutis porulos nequit: tamen cum aqua commistus, ac in minores concisus partes, & compressus, eos facile pervadit. Quippe cum ea sit aeris quædam veluti proprietas, ut aquam, & alios subeat liquores, atque in iis quodammodo dissolvatur, ut multis experimentis probat Mariotte, Tentam. de aere. Hucque pertinet, quod quotidie comperimus, per poros arborum & cutis transpiratione ejici aereas particulas cum aqueis, in vapores & sudores abeuntibus. At  
gran-



grandiores acervi, siphone insufflati, per eosdem poros exire non possunt, quia nimirum ipsæmet ramosæ aeris particulæ, inter se concatenatæ, & coherentes, impediunt transitum per pororum angustias.

Sed quoque modo sese habeat conjectura Borelli, *Confirmatur experimentis.* de aeris ingressione ex vesiculis in venas pulmonum minus nos dubitare finit experimentum hoc facile, & exploratum, quo injectus oris halitus non minus, quam immissa aqua tepida, non limpida tantum, sed etiam, quanquam difficilius paulo, & tardius negotium succedit, colorata, in lobi alicujus pulmonum canis, vel animalis alius, ductum bronchiale, continuata aliaquantisper injectione, nunquam non per venam pulmonalem, cum spuma redire observatur, etiam si nulla adhibeatur compressio lobi pulmonis, nullaque vis, aut violentia adhibeatur. Quin & injectam in ramum aliquem arteriæ pulmonariæ aquam, non tantum per venam cognominem, sed etiam per bronchiam reverti, nunquam fallente successu, deprehendimus. Ut dubitationi sit locus, jurene, an injuria, prædicta Sylvii, Svammerdamii atque Truistonis experimenta adeo despiciatui sint habenda. Neque vero est, ut, si transitum ex vesiculis pulmonum in ventillas concedas, propterea continua fere sanguinis sputa pertimescas. Quippe cum ea esse possit ac debeat vasorum pneumonicorum conformatio, ut tunicæ arteriarum per poros laterales, intus foras patentes, exitum quibusdam particulis, pelliculæ autem venarum  
per



*Ratione.*

per poros alios foris introspicientes, accommodatis eorum diametro aliis corpusculis aditum atque introitum concedant, nec, nisi illata vi, hanc pororum configurationem, & hinc pendentem secernendi, & transmittendi aptitudinem amittant. Cujusmodi fabrica & constitutio pororum atque meatuum corporis non raro occurrit, & illi Hippocratis, quo *διὰ πνοίας πάντα*, sive perspirabilia omnia in corpore dicuntur, respondet: ac si demum eam teneritudinem, sive tenuem, & raram, quæ reducendum tamen sanguinem facile coërceat, tunicam venarum pulmonalium spectemus, a ratione minus profecte abhorret. Quorsum etiam referenda est elegans Bellini meditatio Opusc. de Motu cord. Prop. IX. quando ex transitu aëris exterioris, quo stipamur, per canales putaminis ovi, v. g. gallinacei, vel anadini, aut anserini, in obtusum hujus verticem, ejusdemque deinde ex hoc folliculo, quem separatione interioris membranæ a putamine sibi effecit, per hanc æque ac tertiam pelliculam, in liquidum usque amnii insinuatione, possibilem quoque aëris in prædicta pulmonum vascula, sanguinemque ipsum, introitum judicat; quippe cum is eadem fere utrobique locorum impedimenta superare debeat. Siquidem corpora, quæ aërem ovi & liquidum amnii interiacent, sunt crassities secundæ tunicæ putaminis tenuissimæ, & crassities membranarum tenuissimarum, constituentium sacculos albuminum, & crassities adhuc tenuioris pelliculæ, constituentis sacculum amnii: Corpora autem, aërem inter



inter pulmonis, & sanguinem venarum ejus, interjecta, sunt duæ pariter pelliculæ; quarum altera est, quæ constituit folliculos pulmonum, tenuissima & altera adhuc tenuior, quæ constituit capillares ramulos vanæ pulmonalis, qui per membranam folliculorum copiosissimi dicuntur. Quemadmodum igitur pro certo habendum est, aerem folliculi, obtusum ovi verticem occupantis, derivari ex eodem folliculo in cavitatem amnii, ejusque liquidum: ita magis profecto credibile sit, aliquam aëris partem ex vesiculis in venas pulmonum per duplicem, eamque porosam, & tenuissimam pelliculam, adigi, præsertim si paulo ante expositam aëris divisionem in utriculis prædicti visceris, hujusque motionem, & compressionem vesicularum ope instrati tenuissimi muscoli, attendamus.

Atque in ea quidem refectione succorum corporis in pulmonibus, qua motus illorum intestinus, atque adeo progrediens, instauratur, unaque æquabilitas cum aëre, exterius nos ambiente, recepti per pulmones, atque in adversum nitentis aëris interioris vigore & elaterio conservatur, præcipuum respirationis usum positum esse, viventia cuncta indicant, quorum quidem nullum aëris, semel recepti, usura diu carere potest, & quæ adeo in fluido ambiente, ad liquida interiora proportionato, omnia degunt, sedemque suam vix sine periculo vitæ repente mutare possunt, sive in terris, sive in aquis, aut ipso in aëre, vivant. Namque plantæ per vasa spiralia, patula satis, & flexilia, atque ex lamellis, vel squamatim dispositis, vel in spi-

*Usus respirationis primarius.*



rae modum contortis, composita, & suis vesiculis, pulmonum ritu, turgentia, aërem ex terra recipiunt, quo deinde solutio liquidorum, & motus e radicibus per omnem plantæ fibrosam compagem, ejusque cunctas partes, propagetur. Quibus fere consimiles tracheæ, per totum corpus disseminatæ, lumbricis, & aliis multis insectorum obtigere, quæ quia succis viscosis vitam tolerant, non tantum corculis, varie fissis, atque per longitudinem corporis dispositis, quibus aliis post alia ex ordine pulsantibus, succi dispensentur, ut contra Boanum confirmat Malpighius Op. posth. p. 62. sed etiam multiplicibus ejusmodi ductibus atque vesiculis aëreis, spiraculis duobus pone quovis annulos, vel incisuras, in ambientem aëra, quo recepto succi solvantur & agitentur, patentibus, sunt instructa, ita ut in papilionibus interdum octodecim pulmones oblongos, tracheas & fistulas suas aëreas, vasorum ritu, per corpus diffundentes, laudatus Malpighius observavit, quorum quidem ductuum orificio-  
lis, oleo, alve materia pingui, obstructis, & occlusis, aëris incumbētis pondere undequaque compressa, illico suffocantur illa animalcula, convulsaque moriuntur. in vermibus vero, ut idem annotavit Malpighius l. c. p. 58. juxta anum gemina aperiuntur osti-  
ola trachearum, quæ per longitudinem laterum caput versus producuntur, & ramos hinc inde promunt, quibus viscera irrigantur. Ita quoque genus omne lacertarum, serpentumque, membranoso pulmone, e vesiculis, sive cellulis pluribus exiguis composito, per  
tra-



tracheam pariter spiritum haurit. Neque eodem carere potest testudinum genus, quod pulmones non in ventre quidem medio, sed potissimum in inferiore, infra diaphragma, locatos, & vesicis quibusdam tenuibus, & cellulis angularibus, favum mellis referentibus, atque ob frequentes, & veluti reticulatas vasorum sanguineorum ramificationes, rubro, eoque florido, tinctis colore, conflatos, lacertisque pariter carneis pro expiratione instructos, habet, in quos aspera arteria, a larynge in thoracem descendens, in binosque dirempta ramos, perfossa septo, spargitur. Rana autem, animal illud amphibium, pulmone e duobus lobulis, figura sua, & extimis protuberantiis conum pineum æmulantibus, intusque inanes in cellulas, favis apum quoque confimiles, eleganter divisas, gaudet, diductaque in amplum spatium bucca, per geminos narium hiatus, brevemque tracheam, aërem admittit. Et quamvis piscium pars multa, imo maxima, pulmone careat, paucis nimirum exceptis, ut delphino, vitulo marino, balænis, & similibus, cetaceis piscibus, qui solo gaudent membranoso pulmone: tamen illis analogas pulmoni bronchias, ex oblongis atque angustis cartilaginibus, tanquam ex foliis, sibi mutuo incumbentibus, & ossi, veluti basi, annexis, tam operose Deus fabricatus est, ut earum ope aërem cum aquis recipere, hasque iterum egerere possint. Ex quibus usus atque necessitas respirationis in animalibus ceteris, quæ liberioris aëris usura fruuntur, organaque habent spiritalia, mirabili artificio con-



structa, ipsoque in homine, de quo nos agimus, clare liquet. Nec profecto necesse est, ut alium quendam occultum vitæ cibum, vel sal quoddam, aut nitrum, spiritumve quendam, aut Archeum universalem, animamque quendam mundi, & Hermetis aviculam, aut alias vitales, quas vocant, particulas, verum solo verborum splendore cognitæ, ore & pulmonibus captandas, ex aëre arcessamus. Nam quicquid his, ejusdemque generis aliis, magnificis verbis promittitur, id omne a vi & elastica aëris, & agitatrice ætheris, expectandum est, cum ab utraque partium interiorum sanguinis commotionem, vitamque adeo ipsam, pendere, nulla amplius probatione egeat, sed abs quovis, qui rebus potius, quam oculis, pascere animum, atque exsaturare cupit, facile intelligatur.

*Usus respira-  
tionis secun-  
darii plures  
sunt, & varii.*

Præter hunc vero præcipuum, alios respiratio-  
nis usus, & multiplicia commoda, facile perspiciet,  
quisquis naturam aëris, totque organa, in hanc unam  
actionem conspirantia, animo reputarit. Nemo enim  
negarit temere, eam quoque ad sorbitionem liquido-  
rum, & suctionem præcipue lactis e mammis, vale-  
re; qui certe usus non postremo loco habendus, at-  
que ad tolerandam vitam nuper inprimis natis, per-  
quam necessarius est. Neque vero minus respiratio  
ad loquelam requiritur, atque ad cantum, clamorem,  
risum, & fletum. Pertinet quoque ad olfactum, ac  
motum ventriculi & intestinorum, chylique elabora-  
tionem, & iter per vias lacteas, & hujus pariter, ac  
lymphæ ex conceptaculo communi ascensum per  
ductum



ductum thoracicum, itemque bilis ex hepate ad intestina, ac sanguinis per viscera partesque thoracis, & corpus universum, cursum permultum adjuvat. Ex quo tamen minus consequitur, idcirco pulmones tantum pro torculari habendos esse, factosque eum in finem, quemadmodum ratus est Maurocordatus, Tr. de Pnev. Instrum. circ. sanguin. ut primum sanguineæ circulationis sint organum. Aliud enim circulus sanguinis in foetu, utero concluso, motusque cordis, motui pulmonum minus respondens, unicuique facile persuadet. Demum plurimum confert respiratio ad fecum, & liquoris obscœni, ac foetus, & quæ eidem sunt conjuncta, ejectionem, atque ad perspirationem insensibilem corporis universi. Ad quam cum etiam vaporosus halitus, quem expirando reddimus, pertineat, nihil hic attinet dicere de explosione fuliginum, quas in ventriculis cordis præcipue sinistro, ceu in fornace ardente, torrefacto sanguine, elevari, ac per tracheam, tanquam summum caminum, emit-  
ti, cum Galeno multi crediderunt. Hunc enim errorem cum mitis, & comis, sanguinis & cordis calor, tum & ipsi blandi pariter, & humidi vapores, satis coarguunt, qui quidem a multiplici humiditate, quam pori arteriæ pneumonicæ, atque arteriæ bronchialis meatus, sive glandulæ bronchiorum, tum & tracheæ, & faucium, ac oris, nariumque glandulæ fundunt, aëris exeuntis cursu evehuntur, eumque tanta sæpe copia inquinant, ut aer, qui semel iterumque

*Fuligini ex-  
plodenda sus-  
ficitur insensi-  
bilis transpi-  
ratio.*



inspiratus est, sit deinceps emeritus, atque ad inspirandum minus utilis.

*Respiratione  
sanguis non  
refrigeratur,  
& condensa-  
tur, sed potius  
dividitur, at-  
tenatur &  
incallescit.*

Ac tametsi facile largiar, pulmones subeuntem aërem inspiratum elaterem sanguinis, vasa illorum pervadentis, ita moderari, ne in itinere illo ultra modum dilatari, sibi que ipsi in suo per illam partem circulo obesse, viamque præcludere possit; quemadmodum idem ab aëre, totum corporis habitum obsepi-ente, fieri diximus: tamen de industria quoque prætereo, quam plerique medicorum sunt commenti, refrigerationem atque densationem sanguinis in pulmonibus. Namque id si ita esset, in laconico, vel hypocausto, ubi calidiorem ducimus aërem, quam ille est halitus, quem interea expirando reddimus, vivere haud possemus, neque sanguis per venas redux, ac minus vegetus, ex dextro cordis sinu arteriam pulmonalem intraret, multoque minus perveniam sociam coccineus, & rutilus, spumosusque, ac vividior, reverteretur. Quod cum res ipsa doceat, atque anatomie vivorum animantium aperte demonstret, certum omnino, nec dubium manet, illo in viscere solutionem potius sanguinis, motumque expansivum, atque adeo calorem quoque instaurari. Siquidem ea est caloris natura, ut a pressione, & motu, atque attritione, solutioneque partium, quibus vis, calorem ciens & excitans, coercetur, jugique successione proficiscatur.




## CAP. V.

## DE

## PERIODO,

## SIVE

## CIRCUITU SANGUINIS.


 Ujus vivi, & quasi ardentis, sensus atque  
 omnem totius vitæ rationem dum perse- *Motus sangui-*  
 qui est animus, vix aliam ineamus viam, *nis progedi-*  
 magis expeditam, quam si alterum per- *ens est ejus*  
 pendamus sanguinis motum, quo ille vi- *circulus ita*  
 talis liquor, ex ventriculis cordis in arterias exprimitur, *dictus, quia*  
 & per earum ramos, in pulmones, & omnia corporis *sanguis ad*  
 membra, corque ipsum, disseminatos, flumine quo- *idem princi-*  
 dam æquabili dimanans, receptusque a venis, atque *pium, unde*  
 ad cordis, unde venit, ventriculos rediens, universum *venit, perpe-*  
 corpus rivulis caléntibus perpetuo circumluit, quam- *tuore dicit,*  
 diu illi saliant fontes. Hunc sanguinis conversum  
 in orbem cursum jam pridem intellexerat, atque ami-  
 cis indicaverat Paulus Sarpus, Venetus, multoque an-  
 te cum designaverat Andr. Cæsalpinus pluribus locis,  
 præcipue in Quæstionibus, cum medicis, tum Peripat.  
 sed multis superior sæculis, Nemæius, Philosophus, &  
 Episco-



Episcopus, L. de Nat. Hom. aliquo modo agnoverat, & τῆς περιόδου nomine Hippocratem intellexisse volunt, quibus ex monumentis veterum inventa nova exquirere jucundum pariter & utile videtur cum CL. Th. I. ab almeloveen, in Invent. Nov - Antiq. §. XXVIII. Gvilielmus autem Harvejus demum cum immortalis nominis fama luci eum ita exposuit, ut eundem oculis cernere, & manibus contingere nunc liceat, usque confirmato circulationis vocabulo jam nemo non appetlet.

*Punctum vitalis circuli est musculus cordis.*

Punctum, copulans illum vitalem circulum, atque principium, sanguinem impellens, est pendulus cordis glomus, qui cum in finem tendine constat satis valido, a parte ejus latiore, quam basin vocant, oblique ad conum, figura sigmatis producto, in quem fibræ carneæ multiplices, eleganti serie, flexuque potissimum spirali, & sibi opposito, seseque mirabili artificio decussante, omnes in hunc usum mathematici ordinis lege dispositæ, inferuntur; ut principem corporis musculum, eumque spiralem, conicum, & cavernosum, ad hauriendos, propellendosque vitales liquores aptissimum, componant. Quatenus nempe fibræ exteriores interioribus contrario modo procedunt, utræque autem a basi deorsum oblique mucronem versus, in lineam spiralem descendentes, & inde sursum iterum ad basin lateris oppositi, in similem lineam spiralem resurgentes, circa partem sinistram, valde propterea robustam, maximam partem convolutæ sunt, atque in medio fasciculo partem



tem laxiorem dextram effingunt. Dum his intextæ alius ordinis fibræ, partim a basi ad conum usque non pervenientes, sed mox, ubi medium attingunt, semicircularum more, diversæ longitudinis reflexæ, partim vero ulterius protractæ, cum exteriores, tum interiores parietes insternunt: atque illæ præterea fibræ, quæ ex intimo lævo potissimum margine ductæ, intro in cavum cordis demittuntur, se varie decussatim interfecando, in binos illud ventriculos dividunt, & parietem velut intergerinum, septumque medium constituunt, ac deinceps cum quibusdam *Duobus con-*  
*stans ventri-*  
*culis,* fibrarum prædictarum, itemque superiorum, quæ quidem thalamos illos subeunt, in sese revolutæ, atque implicitæ, sinuosos illorum parietes, & columnas carneas efficiunt, in interiore deinceps basios margine finibus tendinosi pariter desinentes. Quem quidem implexum fibrarum cordis contextum, cochleae instar, aut heliciis, circumductum, vix verbis satis exprimi licet, & inter multos doctissimos viros, præcipue Vesalius, Columbus, Steno, Lovverus, Mayovv, Borellus, Pechlinus, Bellinus, Verheyen, Vieussens, sua quisque laude, evolvere studuerunt.

Duobus istis ventriculis cordis, septo intercedente divisis, etiam atria bina, unicuique alterum, non *Et auriculis*  
*duabus.* minore solertia Deus præstruxit. Hæc vulgo auriculæ appellantur, suntque muscoli pariter cavi, sed minores, a basi longiori in obliquum acumen, idque recurvum in sinistra, per ambitum cristata, procusi, atque ex consimilibus fibrismotricibus, sub duplici po-



tissimum serie, in tendines oppositos, quorum alter venarum, cavæ, & pulmonalis, principio in orbem conjunctus, alter basi, tendinique cordis confertus est, tendentibus, & in modum spiræ, ac fasciculos multiplices convolutis, seseque decussatim intercidentibus, & plures columnas semilunares, harumque latera jungentes, fibras obliquas brevissimas, & relictas inter easdem sinuosas foveas, sive scrobiculos, intus effingentibus, contexti, qui ramulis iisdem nerveis nexi devinctique, ostiis venarum, quas prædiximus, ac ventriculorum cordis, ita interponuntur, ut in eas appendices cordis, bina veluti diverticula, sanguini ex venis aditus pateat, & illarum deinceps adjumento is porro in ventriculos deferri possit.

*Vasa cordis  
communis,*

Ex his autem specubus & scatebris cordis duæ arteriæ, tanquam flumina ex humanæ naturæ fontibus, egrediuntur, quarum altera, vena veteribus arteriosa dicta, ex sinuque pronata dextro, mox in solos pulmones, a quibus nomen habet, frequenti admodum minimorum ramulorum propagine spargitur; altera vero, ex sinu prodiens sinistro, flexuque amplo se supra cor attollens, ex convexa, & superiore arcus parte ramos carotides, & subclavios, eosque in latere sinistro divisos, in dextro autem ad exortum spatio quodam in unum plerumque trunculum coalitos, more cervicalis, subclaviæque sinistræ, quæ modo simili interdum conjunctæ, ut in Fig. II. Resp. ad Epist. Anat. III. Ruyschius ostendit, modo distincta origine, ut nuper admodum in cadavere femineo observavimus,



ex ipso arcu aortæ enascuntur , partibus superioribus elargitur; postea vero descendens, magni instar aquæductus, ad inferiora porrigitur, & ramis fruticans innumerabilibus, salientem impetu sanguinem quaquaversum diducit. Quibus respondentes totidem venæ, altera emergentibus ex arteria pulmonali tubulis, atque ex his confluentibus unitis ramis, conflata, hiansque in cordis auriculam, & cavitatem sinistram, quam olim arteriam venosam dixere, altera sparsis per corpus reliquum radicibus se colligens in truncum, aortæ succuba, patensque in auriculam, & cavitatem cordis dextram, dicta cava, in sacculos membranofos, communes cum auriculis cavitates constituentes, quos eleganti icone Ruyschius exhibet in Resp. ad Ep. Anat. X. expanduntur, & delata per arterias flumina recipiunt, atque in auriculas cordis, ventriculosque, unde prodierunt, refundunt.

Vasa quoque propria, quibus fibrosus auricularum, atque ventriculorum contextus largiter irrigaretur, cordi conditor rerum intexuit. Nam basin ejus, & radices ductuum prædictorum, non numerosa tantum nervulorum cohors, minimorum quidem, sed copia parvitatem compensantium, atque a pari potissimum vago, tum & intercostali, propagatorum, perreptat, & non minus penitiora auricularum, quam ventriculorum subit, sed etiam arteriæ, in ipso aortæ exitu, e sinistro ventriculo ductæ, per orbem coronæ instar amplectuntur, quæ suos ramulos, ceu radios, deorsum, per fibras ventriculorum,



& in utroque latere furculorum arboris instar sursum, in fibras auricularum, tanta copia spargunt, ut artificio separatae, totam cordis, ejusque appendicum, figuram egregie reddant; quibus socias quoque venas, arteriarum æmulas, vasaque lymphatica, natura applicavit.

*Ratio structuræ cordis, & vajorum.*

Omnem vero tam admirabilem cordis, & vasorum structuram effecisse divinam sapientiam palam est, ut in unius circuli vitalis ministerium cuncta conspirent. Nam quia punctum, copulans hunc circum, cor est, ita fingi formarique hoc debuit, ut recipere sanguinem, & impellere eundem continuato filo, rectoque cursu per vasa derivare posset. Quamobrem non modo cavum illud viscus factum est, sed etiam in homine, atque in animantibus ceteris, in quibus duplicem motus circularis speciem, alteram cor inter & corpus universum, alteram vero inter pulmones & cor, observamus, duobus distinctum ventribus, quibus fontes vivi sanguinis contineantur, & quatuor illa vasa, quæ invehant sanguinem, iterumque excipiant, & asportent, sine confusione, salvaque motuum integritate, jungantur. Ob id etiam eundem cordis musculum pendulum esse Deus voluit, atque ex spirali, eoque contrario, fibrarum motricium ductu, harumque circa sinum lævum, valde propterea robustum, complicatione, contextum, ut a succis, machinam ejus, & glomerem spiralem subeuntibus, moveri facile & constanter, receptumque san-



sanguinem magna vi quaquaversum propulsare, atque in remotissimas corporis partes, perque universum corpus, tribuere possit. Ut autem hi duo ventriculi cordis figura, parum tamen, vel nihil, capacitate differunt. Namque, ut CL. Barthol. de Moor, Cogitat. de instaurat. Med. L. I. p. 68. perbene annotavit, latitudo interior ventriculi dextri est major, sinistri minor: sinister autem ventriculus longior, dexter brevior existit. Dexter magis rotundus est, & laxior, quod in capacius arteriæ pulmonariæ orificium, per ejusque breviores ramos, ad auriculam tantum, ventriculumque sinistrum, sanguinem tribuat. Sinister lunæ instar in orbem sinuatus est, atque ad extremum usque cordis apicem pertingit, & majore longe fibrarum copia, ac glomere firmiore gaudet, ita ut quantum ventriculus dexter sinistram amplitudine, tantum hic illum longitudine, & robore, superet, quia orificium aortæ minus, longitudo autem in omnes corporis partes exporrecta est, & fortior adeo contractio illius ventriculi, expressioque sanguinis in aortam, continuata per omnes hujus, venarumque ramos, ad cavam usque, & dextram cordis auriculam, ventriculumque dextrum, requiritur. Quo vero sanguinis per pulmones progressio recte, expediteque fiat, motus facit pectoris, quo dilatato hujus ambitu, aër in pulmones admissus, hos ita pandit & explicat, ut per libera omnino, patentiaque eorum vasa sanguis sine difficultate, nullaque interposita mora, propelli & traduci vigore cordis queat. Cujus quidem aptam ad

*Ventriculi  
cordis figura,  
parum, vel  
nihil capaci-  
tate, diffe-  
runt.*

*Ratio, quam-  
obrem ventri-  
culus cordis  
sinister robu-  
stior dextro.*

*Motum san-  
guinis per  
pulmonet ad-  
juvat motus  
thoracis.*



*Cordis ad motum habilitas.* motum dispositionem in strangulatis quoque animantibus perspicere licet, quando moderata aëris per ductum chyli ferum, aut venam cavam, insufflatione, cordis rigentis, atque inertis, motus denuo suscitari, nec raro diu satis conservari, potest. Nec minus etiam evulsa, & sanguine destituta, avium præsertim, & piscium, imprimisque ranarum, corcula, ad motum suum, antea intermissum, redire videmus, eumque diutius sæpe, non integra tantum, verum etiam amputatis auriculis, sinuque dextro rescisso, mutilata, continuare; resectumque pariter mucronem, retractis in se lateribus, constringi, sive solis, sive manuum, calore, vel oris, aut sanguinis halitibus, sive digitis, vel re quapiam alia, eae partes exstimulentur. Illud quoque inter alia memorabile, quod, collapsa jam motu cordis, cum is vel fœtu, vel immisso in venas flatu, revocatur, primum auriculæ pulsare incipiant, indeque statim cor ipsum, tota sui compage constrictum, durius reddatur, suoque cono anteriora versus efferratur, & simul arteriæ, pulmonaria, atque aorta, ab immisso sanguine nonnunquam intumescant. Quumque in moribundis languescit, & intermoritur motus cordis, auriculæ tamen, præsertim dextra, qua imprimis parte venæ cavæ proxima est, diu sæpenu-mero supervivere observantur, eaque auricula quiescente, ac emortua, prædicta cava, in utroque trunco, modo adscendente, modo descendente, imprimisque prope cor, adhuc aliquandiu micare deprehenditur. Quin & constricta, ligataque ea vena, atque sic  
aditu



aditu ad cor præcluso, mox motum auriculæ omnem cessare; redireque eum, ac restitui, cum cavæ, tum auriculæ, solutis vinculis, certum est. Quibus etiam addendum, quod multis experimentis compertum est, ligatis utrinque circa jugulum animalis vivi paris vagi nervis, ad cor abeuntibus, illud in motu suo valde turbari, multumque imminui, ac tandem emori, ut Willisius, Anat. cerebr. c. XXIV. & Lovverus l. c. c. II. primum observarunt, sæpeque constrictis arctius vinculis, vel resectis penitus, interruptisque illis nervis, cor momento conquiescere, vitæque animal repente privari. Quemadmodum doctissimi viri, Bohnius l. c. prog. IV. & Schraderus, Addit. ad Vesling. Synt. Anat. c. X. notarunt. Eoque pertinet, quod Carolus Piso observat, a nervorum prædicti paris obstructione mox motum cordis omnem sisti, mortemque aliquando inopinatam afferri, Tr. de morb. ex ferof. colluv. obs. 47. & 48. Quo loco non est, quod vereamur magnopere cum CL. Georgio Baglivo, ne, dum prædictum experimentum instituitur, cum nervis una arteriæ carotides illigentur, ob eamque causam potissimum animal apoplecticum concidat, quod sejunctis caute nervis prædicti paris, & decinceps demum ligatis, mors repentina insecuta non sit. Diff. III. Exper. Anat. Pract. VIII. Venit enim in mentem recordari, cum idem repeteremus experimentum, evenisse amplius, ut, ligatis caute, resectisque prædictis nervis, aliquando repente, sæpius autem tardius, & post dies demum tres, quatuorve, animal stupidum, ac languidum, obierit, & magnam

*Ligatis, vel  
resectis, vagi  
paris nervis,  
languet, &  
perit motus  
cordis.*



*Ratio, quam-  
obrem ligatis,  
vel resectis,  
octavi paris  
nervis, inter-  
dum cordis  
motus ali-  
quandiu sit  
superstes.*

gnam in cordis ventriculis, vasisque pulmonum, vim sanguinis grumosi, & interdum aliquid polyposæ concretionis, ostenderit. Quare illud inficiandum non est, id quod etiam Willisius & Lovverus fatentur, quamlibet succi per nervos paris vagi fluxio intercepta sit: tamen per furculos quosdam, a pari intercostali, in canibus præsertim, eo propagatos, qui quidem diligentius investigantem haud fugient, copias succi nervosi subsidiarias ad cordis machinam derivari, ob eamque rem diutius interdum superesse animal posse.

*Cordis, ejus-  
que auricula-  
rum, motus  
duplex, systo-  
le, & diastole.*

Quodsi hæc cum iis, quæ nos vivorum animantium sectiones docent, conferamus, fabricatum a Deo cor cum suis auriculis fuisse eo modo, eoque fine, comparebit, ut contrahi simul, restituique non possint, sed tanquam duo muscoli antagonistæ, duobus se contrariis, sed alternis, systoles, atque diastoles, motibus, perpetuo exagitent, & sanguinem ex venis in arterias, atque ex his iterum in venas, traducant, eo quidem observato ordine, ut motus auricularum motum ventriculorum antecedit, & quando illæ constringuntur, & sanguinem evomunt, hi elongentur, eumque recipiant, quumque ventriculi contrahuntur, & sanguinem in arterias exprimunt, auriculæ dilatentur, & sanguinem ex venis hauriant. Has enim auriculas, consulens & prospiciens circuli perennitati, Numen, utriusque venæ, cordisque sinuum, ostiis ita interposuit, ut, dum hoc contrahitur, & sanguinem in arterias extrudit, confluens humor, cum



ab universo corpore, per cavam, tum per venam pulmonariam, a pulmonibus, eodem tempore, cor versus, a ventriculis, tunc ad expellendum contractis, exclusus, illis, veluti secessibus, ac diverticulis vel atriis quibusdam, exciperetur, cum aliquin in vasis subsistere cogeretur, motusque sequentis interciperetur, quo dato, singulis momentis importuna quies universæ sanguinis massæ obringeret, non sine magno totius machinæ incommodo.

Vnam autem, & eandem sui motus causam, *Causa ejus* cum cordis, tum auricularum, muscoli agnoscunt, *motus* eaque a vi elastica fibrarum motricium, quam ex mechanica conformatione sua, & sanguinis arteriosi, liquorisve nervei, universum illarum textum irrigantibus undis habent, tum & ab impulsu sanguinis in cavitates eorundem, veluti stimulo, atque incitamento motus, pendere videtur. Fit nimirum systole cordis, cum ab irrumpente ex venis, adque auriculis, in cavum *Quid systole cordis?* illius sanguine ad motum incitata, atque a confluyente liquido nervorum constricta undique cordis fibræ, latera hujus adque parietes secundum suam spiralem seriem ad se invicem, septum versus medium, conum vero proprius ad basin adducunt, adque adeo spatia ventriculorum intus coarctando, eosdem pene totos replent, & sanguinem veluti emboli impulsu, in arterias exprimunt. Vnde cor abbreviari, & durius in systole reddi, suoque mucrone pendulo antè, ac sinistrorsum subsiliente, ejus lateris pectus ferire, arterias vero expandi, & micare, est necesse. A qua

*Dn. de Berger Physiol. Med.* I qui-



*Quid diastole?*

quidem actione cor desistit, cum ejus fibræ, eo modo tensæ, vi sua elastica resiliunt, & ad priorem redeunt longitudinem; quo fieri debet, ut conus cordis a basi recedat iterum, atque in cavum pectoris reclinet, unaque ventriculi sanguine venarum, & auricularum, se contrahentium, repleantur, ac dilatentur, novusque adeo motus, priori oppositus, vel restitutio cordis, quam diastolen vocant, consequatur. Quemadmodum motum cordis in sectis animantibus vivis acribus, attentisque oculis observantibus constat. Ut miremur adhuc esse, qui cor in sistole inflari, & intumescere putent. Quippe cum ipsius testimonio sensus latera cordis tam stricte coëant, & coarctentur, ut, si cono abscisso digitum minorem intromiseris, eum ipsa manu vix fortius comprimere possis; id quod optime Løvverus animadvertit l. c.

*Motus auricularum solo tempore distinguitur a motu cordis,*

Eadem est ratio motus auricularum cordis, utpote qui solo tempore a motu cordis distinguitur, propterea, quod auriculæ, a sanguinis, per vanas irruentis, renitentia distractæ, ad systolen venire, nisi quum cor in diastole versatur, non possunt. Quamprimum vero cor restitutum, reversumque ad diastolen fuerit, & via sanguini ex auriculis in ventriculos patebit, nihilque amplius liquido vernorum, quo fibræ constringuntur, in adversum nitetur, vel impedimento erit: Quare illud constringet fibras, & sistole auricularum, unaque sanguinis ex his, & venis, in ventriculos ejectio sequetur, cum hi in diastole sunt constituti. Qua finita, vi, superadditi eorum villis, liquidi nervei,



vei, denuo systole ventriculorum succedet, & reitutæ interea auriculæ, sanguinem a venis iterum haurient, & deinde subsequente cordis relaxactione, denuo contractæ, eodem modo in ventriculos se exonera- bunt, atque adeo porro istis oppositis, & sese alterna- tim superantibus, ventriculorum cordis, atque auri- cularum, veluti duorum antagonistarum musculo- rum, motibus, jugi circuitu humores circumpellentur, quamdiu illæ musculorum cordis alternæ contractiones vige- bunt.

Atque hæc quidem cum ita sint, nihil profecto causæ est, quamobrem illos hic moremur, qui oculo magis philosophico Cartesii, quam propria experien- tia anatomica fusi, paucas duntaxat guttas sanguinis ex venis in cor demitti, atque a relicta ex prius emissio sanguine parte, vel ex arteriis coronariis eo delata, aut ab igne quodam caëco, caloreque, vel fermento insito, aut subtili æthereâ materia, repente rarefactas, & se, & sinus illius, in majorem amplitudinem expan- dere, suapteque vi potius, quam adigente corde, qua- data via, in arterias exhalare, vel erumpere, existi- mant. Hujus enim sententiæ infirmitatem non ille tantum motus, qui in sectionibus animantium vivo- rum sub oculos cadit atque aspectum, & obstans ple- nitudo vasorum, immisnique in salientis cordis vul- nus digiti compressio, demonstrant; sed etiam ex eo judices licet, quod ex truncati capitis arteriis radios sanguinis magna vi in altum longe lateque, ac sæpe cum sibilo & sonitu, projici, atque ex dissecta quacun-

*Sanguis non exhalat, vel suapte vi e- rumpit e cor- de, sed ejus systole expri- mitur.*



que arteriola, insigni eundem copia, continuoque sine intermissione impetu, salientium instare vivis fontibus aquarum, spargi & prosilire videamus, dum brevi prorsus deficiat: quæ certe arguunt validam admodum cordis contractionem, & hanc insequentem fortem expressionem sanguinis in aortam per omnes arteriarum fistulas continuatam, quam eleganter prosecutus est laudatus Barth. de Moor l. c. Hanc etiam perspicuens Borellus, merito tanti fecit, ut vim ejus ponderi 300. liberarum æquiparare non dubitaverit, de Mot. Animal. P. II. Prop. LXVII. in quo eidem facile consentio, quamvis inflationem fibrarum cordis carnearum, qua ille pulsum ejus fieri opinatur, minus probare possim, ut inferius constabit.

*Valvula  
cordis,*

Quo vero artificium omne reliquum, quo motus ille reciprocus constat sibi, vigetque, clarius compareat, non prætermittenda sunt nobis plura alia huc concurrentia organa, primumque valvulæ commemorandæ, quibus vasorum ostia Deus communi-  
vit. Nam cum uterque ventriculus cordis duplici genere vasorum, inferentium venarum, & auferentium arteriarum, sit instructus, fieri profecto deberet, ut, contrahentibus se ventriculis, sanguis non in arterias solum, ut convenit, sed in venas etiam, & auriculas, per quas influxerat, extrudatur, magnaue oriatur motus confusio, ni tanto discrimini mechanico artificio provide esset prospectum, quo, omnis confusio, motusque perversus prohiberetur. Quare venarum,



narum, quæ sanguinem inferunt, orificia duo validis quibusdam, & planis pelliculis, firmantur, quarum tres quidem tricuspidēs in orificia cavæ circuli, in pulmonaria vero, cujus orificium magis ovale, duas cernimus, easque mitrales, quæ omnes suæ basi venarum marginibus affixæ, ac in unoquoque sinu nexæ inter sese, ac devinctæ, altera vero extremitate multiplici, & acuminata, in sinuum spatia versæ, lateribus suis, per fibrulas minores, parietibus ventriculorum, ipsis autem cuspidibus filamentis quibusdam tendinosis, ac firmioribus, veluti funiculis, ut in cataractis valvulæ catenis retinentur, papillis cordis, vel columnis carneis, alligata, ab exterioribus sinuum ad interiora ita inclinantur, ut in illius diastole sanguini, e venis & auriculis ventriculos ingressuro, liber apertusque concedatur aditus; idem vero inter valvulas, septumque cordis, conclusus, & hujus contractione impulsus, dum illarum vela, quæ prius connivebant, propter filaminum relaxationem sursum pellit, sinuosæque expandit, ipse sibi reditum in auriculas, venasque occludat, & qua data via, in ductus arteriarum, pulmonariæ, & aortæ, erumpere cogatur.

Nam tametsi hæ, quamprimum e corde emergunt, tribus quæque valvulis semilunaribus, vel sigmoidibus, convexis inferius, superius concavis & sinuatis, claudantur; tamen salientem impetu, expressumque ex cordis finibus sanguinem facile admittunt, quia hic contractione cordis ingruens, diducen-

*Tres tricuspidēs in dextro cordis ventriculo, juxta ingressum cavæ,*

*Et, duæ mitrales in ventriculo sinistro, juxta insertionem venæ pulmonariæ.*

*Valvula arteriarum, pulmonariæ, atque aortæ, tres in unaquaque sigmoides.*



do valvulas, patulum sibi vas utrumque reddit. Cum contra, qui semel corde sanguis est ejectus, istis velut obicibus eodem in cor aditu arceatur, quando, compresso intra arterias flumini objectus, mox ad latera earum reflectit, & intra concavas, ac sinuatas valvularum expansiones in gyros & vortices vertitur, protrusaque sui parte ex aorta in arterias coronarias, motu isto vorticoso a succedente pulsatione cordis novo semper, novoque sanguine, per varias deinde arteriarum propagines, in corpus universum provehitur.

*Ratio, & usus  
pulsus arte-  
riarum.*

Ad hanc vero progressionem, pressionemque sanguinis suam quoque operam confert ipsa constructio arteriarum, & vis elastica, qua illæ ternis, quaternisve constantes tunicis, atque harum una, ex densis fibrarum carnearum, a spiraliis, agminibus contexta, motu illo, & sanguine, ex corde ejecto, & cum sua quantitate, tum vi expansiva, & communicato sibi ab ipso corde impulsu, humoribus primum obvis, atque a commodo, propulsoque universo illorum flumine, aortæ, totique arteriarum systemati, impresso, quem pulsum vocare Medici solent, ultra tonum suum non sine aliqua resistantia tensæ, & dilatæ, subsequente restitutione, ac diastole, redituque cordis in pristinam figuram, resiliunt, atque ad suum tonum non redeunt tantum, sed etiam ultra cum aliqua ex parte constrictæ, sanguinem novis ictibus ulterius, per minores videlicet, atque extremas arterias, cum in ductus, & poros alios, tum in venarum ori-



origines, cooperantibus præsertim, intusque agentibus, aëreis machinulis, propellunt & adigunt. Quorsum imprimis attinet, quod universa arteriarum <sup>Ductus arteriarum conici.</sup> series a basi in verticem conicum, five, ex trunco in ramos, & furculos, diffundatur, & ductæ per arterias fibræ spirales & musculosæ, quibus vis contrahendi viget, per omnes earum ramos, inaequali admodum crassitie, maxima quidem in truncis ad cor, minore per ramos remotiores, & minima in remotissimis propaginibus, producantur, ex iisdemque per venas, serie tamen tenuissima, ad cavam usque, & pulmonariam, replicentur. Sic enim fieri oportet, ut vim omnem, nisumque expansivum, ab ejecto cordis pulsu sanguine toti humorum massæ impressum, hæc in parietes & tunicas illorum ductuum conicorum eodem tempore conferat, eosdemque extrorsum urgeat, & remittente rursus cordis pulsu, atque hinc pendente impetu sanguinis, resultum eorundem pulsationum ductuum, & contractionem, novamque adeo pressionem, qua motus sanguinis per vasa minima ad venas majores, ipsumque cor, promovetur, admit-  
tat.

Quod multo fit aliter in venis, si a porta, quæ <sup>Venarum or-  
tus & pro-  
gressio.</sup> eo loci arteriæ munus sustinet, discefferis. Namque hæc a furculis arteriarum, quasi germen ab aliena arbore, pullare videntur, ductuque inverso, in ramos, & trunculos, & partim in magnum venæ cavæ truncum, partim in venam pulmonariam, tandem abeunt, ac receptos ab arteriis humores ex rivulis in rivos,  
at-



*Venarum Pulsus nullus.*

atque ex his in fluvios, amplissimaque demum flumina, deducunt. Siquidem cava vasorum omnium capacissimum merito habetur, & si comparisonem instituas, aortam descendentem altero tanto superat. Idemque obtinet in progressionibus venarum, quando arteriarum quidem ubique comites, iis tamen duplo fere, triploque, ampliores, deprehenduntur. Quofit, ut quum ex angustiis venarum in spatia, magis magisque ampla, humores deriventur, hi tanto vigore in tunicas earum extrorsum niti, atque adeo ad saltum arteriarum venæ tripudiare, non possint. Quippe cum vis illa, & impulsus, deorsum vergens in conicis arteriarum ductibus, in fine earum frangatur, atque eludatur, quod non ampliores modo sint venarum tubi, minusque retinentibus tunicis consent, sed etiam vim omnem sanguinis, quæ arteriis continetur, non sustineant, quando pars humorum ex arteriis in varia emissaria, magnaue lymphæ copia per vasa lymphatica, ac massa reliqua, per venas prædictas sanguineas, regeritur.

*Quid pulsus?*

Ex quibus intelligitur, recte pulsum tensionem ac dilationem dici arteriarum, indeque orientem pressionem digitorum, arterias tangentium, pendentem ab illisu sanguinis, e corde ejecti, & cum ejus copia, tum vi elastica, & communicato impulsu a corde, universo sanguinis flumini, atque adeo aortæ pariter ac omnibus arteriarum conicis propaginibus, ad ultimas usque, indito & impresso, enim præcipue in finem, ut tensæ ita, ac percussæ, & dilatatæ arteriæ omnes,



omnes, resultu deinde suo, & constrictione, vitalem sanguinis circuitum, & cum exitum humorum in emissaria varia, tum introitum in venas, & progressionem ex ramis minoribus in majores, ipsosque ventriculos cordis, promoveant eo tempore, quo contractæ illius auriculæ, sanguinem in eodem cordis sinus effundunt. Illud quoque, opinor, *Pulsus res fallax.* facile perspicitur, pulsum indicem quidem motus cordis, & sanguinis, sed & rem esse, si solus is spectetur, fallacissimam, & levissimis causis, ac mille, ut ait Celsus de medic. l. III. c. VI. rebus turbari posse, omnesque illius differentias, a quibus signa morborum, atque eventuum, sumunt medici, ad ejus robur, & motus frequentiam, atque æqualitatem, tanquam ad summa capita, commode revocari. Nam ceteræ omnes *Tres ejus differentiae sufficient.* differentiae pulsum, in quibus nimium operæ posuit antiquitas alioqui veneranda, subtilitates sunt inutilis Herophileæ, atque a Galeno potissimum ex sublimi sapientia, quam metaphysicam vocant, depromptæ, quæ & tactum fugiunt, nec animo satis possunt comprehendi, quippe cum omnis illius de pulsibus doctrina fundamentis anatomicis adversa prorsus, & commentitia sit, ad usumque adjungi nullo modo queat. Id quod inter alios probe cognovit Plempius in Fundam. med. l. V. S. II. c. 2. multa, inquiens, medicos de pulsibus nugari, multaque mentem ingeniosam fingere, quæ sensus nequeat assequi. Idemque expertus etiam est Montanus, ceteroquin in verba Galeni jurare solitus, quando ingenue confessus est in suis Consiliis,



se ipsum longa annorum serie sex tantum differentias pulsum observare potuisse. Sed de his copiosius docteque egerunt Bellinus, & Schelhammerus, ubi pulsum pertractant. Quare cogitationes nostras ad venarum constructionem, usumque, unde paulisper secessimus, revocemus.

*Ratio constructionis venarum.*

*Harum valvulae.*

Harum igitur capaciores ductus solerti hoc, sapientique instituto sunt efficti, quo impetus sanguinis, arterias inundantis, retundatur, isque facilius, & sedato, ac placido flumine ad cor revertat. Quod ut recte atque ordine fiat, & filo non interrupto, peragatur, multa opera, magnaque industria venis est prospectum. Eum enim in finem plurimæ adsunt minimæ cataractæ, valvulæ nimirum sigmoides, vel semilunares, lunæ videlicet crescentis formam imitantes, quarum duæ plerumque, interdum plures, sibi invicem objectæ, atque ad certa intervalla, præcipue circa ramulorum ortum, collocatæ, progressum apertæ, ac patulæ viæ ita muniunt, ut, qui semel in venas incuneatus est humor, non nisi in cor, fluere possit. Nam quæ in venis, corde inferioribus, copiosissimæ occurrunt, earum bases imis venæ lateribus insistant, margines vero late expansi, liberique, superiora spectant. Ex quo illud consequatur oportet, ut ab ascendente sanguine diducti tenuium pellicularum margines, liberum ipsi, amplumque progressum concedant; suo autem vel pondere, vel motu, ac impetu, in adversum nitentem, compressi margines arceant. Aliter atque in partium superiorum

*sum*



rum venis accidit, quarum a superioribus deorsum, cor versus, spectantes valvulae, fluenti ad illud liquori accessum permittunt, sursum tendenti, conductis marginibus, omnino obviae, imo etiam adversae. Nec vero redeunti ex truncis ad ramos minores sanguini valvulae istae obsistunt tantum, ac reluctantur, sed etiam fibris suis motricibus, quarum ope contrahi possunt, ac relaxari, instructae, tanquam totidem exigui muscoli, impellentium cordis & arteriarum pressionem continuant, atque ad progressionem debitam instigant sanguinem, & exsuscitant. Quo etiam facit motus venarum systalticus, ope intextorum spiraliū villorum, cor versus se stringentium, qui magno numero collecti in vena pulmonaria, ac praesertim cava, utramque, ubi in auriculam hiant, totam pene carneam, ac musculosam reddunt. Unde motum contractionis satis validum juxta cor istae venae habent, inprimis cava, quo sanguinis ex pulmone, totoque genere venoso, allapsum, & pressuram, contractantibus se auriculis, recte sustinere, ac coercere, eundemque pari vigore impellere in cavitates cordis possint. Quemadmodum post Walaeum, Ep. de motu chyl. Charletonem, Oecon. animal. Exerc. VI. & Lovverum l. c. scite Vieussens declarat l. c. c. XIII. Quo loco non est praetereundum, quod inter truncum cavae ascendentem & descendentem intrinsecus elevatum Deus tuberculum expressit, impediens, ne in homine, erecto ad coeli contemplationem vultu praedito, sanguis descendens, adscendentis cursum turbet. Hisque ad-

*Motus venarum, cavae, & pulmonariae.*



*Mira vena-  
rum in cute,  
& partibus  
subjectis com-  
munitas.*

jungere haud pigeat, ramulos venarum non recta tantummodo niti, sed ab his plerumque hinc inde surculos produci, qui miro artificio in cute præcipue, & aliis etiam subjectis partibus, mutua anastomosi, retis modo, & fere ad libellam aptati, inter se conjunguntur, ita ut superiores cum inferioribus, posteriores cum anterioribus, sinistræque cum dextris communicent, more vasorum, quæ in foliis arborum, in fructuum pericarpis, atque in gallis, conspiciuntur: adeo ut cutis, & musculorum, ac partium aliarum compressione, sanguis per illos ramulos, nonnihil declives, facilius ad majores ramos appellatur, quam si recta promoveretur. Siquidem tot cooperantium organorum, atque expansionum quarumvis fibrosarum, quæ vasa sanguinea exterius in visceribus, & musculis, amplectuntur, & ambiunt, ictibus repetitis, & conspirantibus incitationibus, subinde pressæ, ac introrsum actæ, succussæque, arteriæ, & venæ, contentos humores ita concutiant, & propulsant, ut nusquam quietem inveniant, & cursu non impedito, stadium suum peragrent, in orbemque eant.

*Aëris ambi-  
entis vis tu-  
endi vitalis  
circuli.*

Ad quem quidem tuendum vitalem circulum magna quoque aëris ambientis vis ac necessitas est, cujus quippe moles incumbens atmosphaeræ pondere, & hinc pendente pressura, liquidum interioris elaterium recte temperat, & moderatur, unaque renitentiam solidarum partium, propulsionemque sanguinis per vascula pulmonum, & cutis, ac musculorum, promovet & conservat. Id quod nemini facile

obscu-



obscurum amplius esse potest, & mutato æquilibrio aëris, suo sæpe damno multi experiuntur, quando is excedens pondere, vel deficiens, corpora plus æquo stīpat, & comprimit, vel temperando elateri interiori minus est sufficiens, atque utroque modo motum humorum graviter nonnunquam turbat, itaque labefactat & evertit, ut inde gravissimæ prognascantur passiones, & repentina interdum mors suboritur. Quod etiam animalia, campanis vitreis inclusa, nos doceant, quando in nostra potestate situm est, aëris ministerio antliæ exsuctione, & restitutione, adimere illis, & reddere vitam.

Præter sanguineas, aliæ sunt venæ teneriores, *Vena serosa,* pellucidæ, & serosæ, quæ vulgo vasa lymphatica au- *sive vasa* diunt, & multas suis inventoribus, Bartholino, Rudbec- *lymphatica.* kio, Iolivio, & Bilsio, contentiones, sed nemini deinceps fortasse plus laboris, atque sollicitudinis, quam Nuckio, diligentissimo horum vasorum scrutatori, attulerunt. Hæc enim vasa, perinde ac reliqua, corpus univ-  
ersum, partesque omnes, nulla excepta, pervadunt, & arteriarum pariter ac venarum, quas sæpe hedera-  
ceo flexu, & pampinorum vitis in speciem eleganter amplectuntur, ubique fere sunt comites, atque simi-  
libus, quibus venæ gaudent, valvulis sigmoidibus, sed numerosioribus, donatæ, a partibus, sive circum-  
ferentia corporis, cor versus, non solum a partibus superioribus, sed etiam omnibus reliquis, per conce-  
ptaculum commune Pecqueti, & inde propagatos in thorace ductus, circa venæ cavæ divaricationem largi-  
ter corrivantur. De quorum ortu quum multæ sint



*Idem ortus.* opiniones, & magna doctorum pars ex fibris, vel earum intervallis, uti CL. Schelhammerus, Diff. de Lymphæ Ortu, evincere conatus est, emergere eadem existimet: tamen nulla vero magis consentanea videtur sententia, quam quæ originem illorum ab ipsis arteriis accessit, hasque unam omnium vasorum, cum revehentium venarum, tum secernentium, atque aliorum derivantium ductuum, stirpem agnoscit. Quod ut credamus, duo præ ceteris nos adducunt, alterum, quod injectus in arterias flatus, vel liquor, mox per venas, non minus sanguineas, quam lymphaticas, regrediatur. Id quod CL. Borrichius non fugit, cum inflata arteria coëliaca, vasa lymphatica pariter, ductumque thoracicum, flatu distendi observavit, ut apud Th. Bartholinum, Anat. renov. p. 136. legamus licet. Quemadmodum pari successus usu in arteriis renum, & viscerum, ac membrorum aliorum, evenire experimur, ut adacta syringis ope aqua tepida, facili expeditoque itinere, in venam conterminam, vasaque lymphatica, traducatur, & inde continuato filo profiliat; partim vero, si in emulgentem, quam vocant, arteriam injectio fiat, per ureterem refundatur. Alterum est, quod, ut primus observavit M. Aur. Severinus, duplo plus feri in sanguine, secta arteria profuso, quam e vena misso, deprehendatur, & eadem insit conditio omni lymphæ, serove, sive illum humorem ex arteriis depromas, sive ex venis, vel receptaculo communi, vasisque lymphaticis deducas, quando quilibet leni calore in bullulas agitur, & exhalat, relicta in fundo vasis gelatina,

*Eadem lymphæ in vasis lymphaticis, quæ in arteriis, & venis.*



latina, & uti Bellinus notat l. c. Prop. II. X, corpore albo & tubulato superflite, jucundissimum opus exhibente, non abfimili apum alveolis: nisi quod hi sex laterum sint, illud vero ex tubulis circularibus, ab extensis prædictis bullulis prognatis, constet, & eodem sapore, colore, odoreque polleat cum albumine ovi, simili modo cocto, sed minore copia in vasis lymphaticis, quam sanguineis, contineatur. Unde quidem jure colligas, *Motus & circulus lymphæ* sanguinem rubicundum, una cum sero, vel lymphæ, ex corde per arterias ad partes derivari, partemque lymphæ, vel feri, permixtam purpuræ, per venas rubras, partem vero solam, sine sanguine, per venas lymphaticas reduci, conjunctumque deinde in vena subclavia, & cava, utrumque humorem, cordi, unde profectus fuerat, reddi. Nam quem Bilsius finxit lymphæ, vel roris sui, cursum, is & ligaturis, & valvulis vasorum facile refellitur, nec tanti est, ut vel referendus amplius, vel confutandus videatur.

Istud autem humorum divortium ei præcipue fini fieri videtur, ut divisa humorum glutinosorum, & facile lentescientium massa, a cohæsiōe vindicetur, & facilius per vasa distincta refluat, quæque lymphæ portio in vasa lymphatica secessit, quandam suarum partium divisionem, atque elaborationem ulteriorem subeat. Unde inter motum lymphæ, quæ *Ac transitus per glandulas conglobatas.* venas iniit proprias, & illam, quæ per venas, communes, sive sanguineas regreditur, illud præcipue interest, quod prior omnis per unam, pluresve aliquando glandulas, quas globosas, & conglobatas nominant,



nant, trajiciatur prius, quam ad sanguinis massam redeat. De quo vix quisquam amplius dubitaverit, posteaquam rerum usus docuit, immissum operâ tubuli vitrei, vel siphunculi lignei, per lymphaticum ingrediens vas hydrargyrum, in ipsam glandulæ substantiam penetrare, eamque, in partes pertenuēs divisam, argenteo candore exornare. Pari modo injectum syringe atramentum, aliusve coloris liquores alii, glandularum substantiam facile trajiciunt, suæque tinctura imbuunt, ac sæpe per alia, e glandulis egredientia, vascula redeunt. Harum igitur glandularum utilitas merito tanta videtur Nuckio, Adenograph. curios. p. 48. ut nullum vas lymphaticum cursum suum absolvere possit, quin glandulas in transitu salutare semper necesse habeat. Uti potissimum apparet iis in locis, ubi nusquam glandulæ apparent, lymphatica tamen conspici, quæ per vias, Anatomicis nondum investigatas, & ut vocat Nuckius, caecas, glandulam aliquam, quam tamen ut propriam non obtinent, quærunt, eructantque in eandem lympham, cum alia lymphæ, aliunde prodeunte, commiscendam, & communi vase efferente, cisternam versus chyli, aliumve locum propellendam. Nam pedes, pergit ille p. 148. imo quilibet eorum digiti, sua obtinent vasa lymphatica, quæ compositis duabus, tribus, quatuorve ramificationibus, variisque insulis, recta sursum tendunt, vasa venosa sub integumentis associantia. Hæc porro, salutatis in itinere glandulis aliquot mucosis, glandes subintrant iliacas, ex quibus porro in chyli saccum cursum absolvunt. Eodem fere



fere modo manus se habent, ex quorum digitis lymphatica prodeuntia ramos componunt, variis insulis conspicuos, sub cute extensos, lymphamque, intermedia tamen glandula, in venam subclaviam exspuentes. Ita etiam exteriorem pulmonum membranam innumerabili copia eadem vasa obsident, & variis compositis insulis, ductum respiciunt thoracicum, & unius, pluriumque interventu glandularum, ingrediuntur. Neque aliter partium aliarum, & viscerum vascula lymphatica sese habere idem ille annotat: in quo quidem ipso ei cum *αυτοψία* & iudicio oculorum Nicol. Stenonis, Obs. de musc. & glandul. plane convenit. A quibus non dissentit Malpighius, Ep. ad Reg. Soc. Anglic. de Struct. gland. conglob. Certum est, inquit, conglobatis glandulis lymphatica appendi vasa, que cum ipsarum substantia intimum commercium habent, unde unicum lymphaticum minimas penetrat glandulas, & frequentissime multiplicia subintran grandiores glandulas, ita ut ex his, quæ hucusque observare potui, asserere liceat, quamlibet conglobatam lymphaticis dotari.

Atque illud omnino omnium hujus generis glandularum commune esse, satis jam aperte constat, ut præter arterias, venas, & nervos, duo lymphaticorum genera complectantur, evehens alterum, alterum invehens: quorum hoc, lympham ex partibus in glandulas apportans, tam arcto arteriis vinculo, commercioque est conjunctum, ut ab ipsis arteriarum partis illius, in quam illæ tendunt, atque ex qua lymphatica egrediuntur, furculis exoriri, iisdemque continuari & coaluisse videantur. Hi autem lymphæ

*Duo vasorum  
lymphatico-  
rum genera,  
quibus inter-  
jecta glandu-  
la conglobata.*



*Cor versus,  
venarum mo-  
re, omnia ten-  
dunt.*

ductus, ab ipsis profecti arteriis, in pluraque divisi brachia, numerosa furculorum propagine gibbum glandulæ ingrediuntur, dum ex altera, & sintra ejusdem glandulæ parte, nova vasa multiplicibus itidem ramis prodeunt, cursumque suum cor versus cuncta dirigunt. Nec tamen ductus lymphatici ubivis adeo una tantum fulciuntur glandula, quin potius a primis fontibus coepti, & glandulæ cuiuspiam inserti, ac novis inde radicibus egressi, in aliam glandulam propagentur. Sic enim rivuli lymphatici, quorum nonnulli aortæ, atque iliacæ arteriæ, injuncti, superstructique sunt, alii rursus e regione cavæ, & venæ iliacæ finitimi ac contermini, utrique autem ab inferioribus partibus ducti, glandulam intrant; inde ex priori in secundam, aliquando in tertiam, immo vero in quartam sæpe feruntur, ac vel soli, vel anastomosi conjuncti, lympham suam in commune receptaculum evomunt; quemadmodum autor est idem Nuckius l. c. p. 72. Ita quoque reliqua, ex glandulis emergentia, lymphæ vasa a circumferentia corporis ad centrum omnia contendunt, quamque vehunt lympham, cordi, mediate quidem, reddunt. Nam quæ ex ventre, & artubus inferioribus proveniunt, ea in commune receptaculum lympham convehunt. Quæ vero ex pulmone, corde, & aliis partibus thoracis interioribus emergunt, partim in ductum thoracicum contendunt, partim in venas subclavias, & jugulares sese exonerant. Quorsum etiam illa, quæ ex diaphragmate, & spatiis intercostalibus, nec non est capite,



pite, & artubus superioribus, atque ex glandulis, laryngi incumbentibus, & in axillis, atque ad bifurcationem venarum subclaviarum locatis, oriuntur, cuncta abeunt, ita quidem, ut concurrere plerumque observentur in latiore unum canalem, qui ductui chyliifero juxta insertionem in venam subclaviam conjunctus, cisternam constituit lymphæ, quæ cisterna, sive vasorum lymphaticorum hic loci cum ductu chyliifero concursio, labyrinthi, sive circuli specie Bilio imposuit.

Glandulæ autem, inter istos lymphæ ductus interjectæ, tales vasorum nexus, quales vulgo a multis <sup>Structura</sup> hodie creduntur, non sunt, sed potius contextu quo <sup>glandularum</sup> <sup>conglobata-</sup> <sup>rum.</sup> dam reticulato, fibrisque motricibus instructo, ac musculofo, folliculos glandulosos complectente, gaudent, annotante adversus Nuckium Malpighio, Op. posth. p. 100. Vt non omnino fortasse inepte hæ glandulæ totidem veluti corcula videantur, pelliculis suis lacinatis, & musculosis, reticulatum, & vesicularem glandularum contextum undique colligantibus, lympham transeuntem preli instar conquassantia, & paulatim per radículas, & ramulos capillares, in evehentes lymphæ ductus exprimentia. In quibus quidem tubulis frequentissime occurrentes valvulæ, cor spectantes, fibrisque suis motricibus, ab una in oppositam partem ductis, instructæ, non regressui tantum <sup>Usus valvularum in vas</sup> lymphæ resistunt, sed etiam tanquam totidem exigui <sup>is lymphaticis,</sup> muscoli, primi impellentis motum continuant, lymphamque per plures sæpe glandulas, eo usque prove-



hunt, donec per receptaculum chyli, ductumque thoracicum, & venas rubras, sanguini & cordi restituatur. Verum de structura & usu illarum glandularum plura inferius dicentur.

*De motu sanguinis per vasa minima opinionones varia.*

Supereſt hoc loco, ut de motu ſanguinis per vasa minima, ſive tranſitu ejusdem ex arteriis in venas, litigioſo valde, exponamus, quando cum Harvejo quidam per poros partium, alii per anastoſes, atque hiantia arteriarum, & venarum oſcula, ſe mutuo reſpicientia, pluresve hodie per interjeſtos extremitatibus illarum tubulos membranaceos, quod quibusdam Britannorum placuit, aut, ut noſtratium multi malunt, per ipſas fibras muſculorum, glandularum, oſſium, & partium quarumvis ceterarum, atque intervalla earum, ſanguinem & lympham ex arteriis in venas trajici, contendunt. De quibus omnibus nihil explorati licebit afferre, niſi expoſita ante conſtitutio extremarum arteriarum fuerit, utpote quam non eandem ubique partium eſſe, experientia teſtatur. Equidem illud multis in partibus, ac præcipue in pulmonibus, uteroque gravido, vel poſt partum, nec non in plexu duplici choroide ventriculorum cerebri, ipſa oculorum fide conſtat, vasa minima, retis inſtar, ex ſummis arteriis, ſummisque venis, conſerta & conjuncta eſſe, magnaque veri ſpecie ab arteriis capillaribus, flexu contrario cor verſus replicatis, venas tam ſanguineas, quam lymphaticas, deduci: cum contra inoſculationes, ſive hiantia in partium extremis illorum vaſorum oſcula, ortusque venarum ex parti-

*Continuatio arteriarum & venarum minimarum in quibusdam partibus evidens.*



um fibris, & vasorum lymphaticorum ex intervallis earum, nec ratione, nec ministerio sensus, comprobari possint. Quam in sententiæ partem mihi accedit Svammerdamius, Anatomes usu præstans, quem Th. Craanius. Tr. de Hom. C. CXLVI. tradit, idem illud, quod præcepimus modo, ac se ipsum sensisse, neque aliter potuisse illum suis experimentis, & microscopiis, exquisite confectis, & incisione quamvis subtili, quidquam indagare aliud, quam venarum, ut idem ait, cum arteriis continuationem. Hanc vero clare in renibus perspicimus, quando non solum immissus in arteriam emulgentem liquor in venam sociam, fibrasque renum transit, sed etiam artificio repletæ & tumentes utrorumque vasorum minimæ propagines, nihil inter easdem interjectum esse, ostendunt. In vasis quoque spermaticis talis vasorum nexus reperitur, ut vix ulla oculi acies queat ab arteria venam distinguere, & ligata vena spermatica juxta cavam, constrictaque pariter corporis pyramidalis basi, liquor, siphone injectus per arteriam, illico venam subeat conjunctam, eademque totam repleat & distendat. Ac nemo de ossibus aliter judicaverit, quando arterias, unum extremum intrantes, alterum versus excurrere, atque in furculos venarum, ex superficie illius oppositæ, vel intermediæ ossis partis magno numero egredientium, continuari, & ramos utrorumque vasorum ad membranam quoque, ossium cavitates succingentem, adque ad interiorem medullam, retis modo contextos, magna copia spargi, sectione ossium



docemur. Quemadmodum accuratius aliis Clopt. Havres Osteol. nov. tradit. Idem vero in vesica ranarum, lotio turgente, dilucide Malpighius ostendit, quando in eadem citatum vidit sanguinis cursum per vasa diaphana conjuncta, & talem sortita nexum, ac progressionem, quam in foliis arborum venas, sive fibras designare diximus. Nec novum is hunc naturæ morem esse existimat, cum in intestinis, & partibus aliis, eundem ipsa servet, ut vasorum fines in retia confundat. Ep. II. de pulm. Hunc deinde secutus Ant. a Levvenboek, magna spectantium, insigni autoritate virorum, voluptate, idem frequentibus experimentis confirmat, Arcan. natur. detect. Ep. 65. 66. 67. & 68.

*Circulus sanguinis, & transitus ex arteriis in venas immediatus, in ranis, & piscibus,*

Is enim eadem de re diu multumque laborans, non in foetibus tantum ranarum, recens ovo, gyrinorum forma, exclusis, omnem sanguinis protrusionem ex corde, ejusque transitum ex arteriis in venas continuas, armatis microscopio oculis vidit: verum etiam in ranunculorum, plures dies natorum, ac piscium variorum, inprimis vero anguillarum, rhomborumque, diversis partibus eandem sanguinis periodum per multa tenuissima vascula, sibi invicem conjuncta, & nexa, a corde ad partes directa, flexuque contrario cor versus replicata, quorum illa arteriarum, hæc venarum nominibus censeantur, advertit, & inter alia illud notatu dignum observavit, tres ex tenuissimis arteriis, singulas oblique inflexas, in uno puncto, atque in unum vas, sive venam ampliorem, denuo coivisse. Ac nusquam profecto melius perspicere potest

cir-



circulus sanguinis, quam in ranis; non solum, quia  
 vasa earum sanguifera sunt diaphana, sed etiam, quia  
 cultro subjectæ anatomico, diutius vivunt, & viscera,  
 vasaque, microscopio facilius, diutiusque possunt sub-  
 iici. Ita enim, non tantum quomodo cursus sangui-  
 nis ex arteriis in venas, verum etiam, ut laudati a no-  
 bis, Malpighius l. c. p. 93. & Baglivus l. c. Exp. XI. com-  
 memorant, quomodo motus ejus retrogradus per venas,  
 & quomodo idem ad quamvis corculi pulsationem  
 adinstar undæ, pellentis undam, ex minoribus ad ma-  
 jores, & tandem in venam cavam, pulmonesque, pro-  
 pellatur, jucundo spectaculo cernimus. Ex qua ana-  
 tome, quam vocant, comparata, idem de animalibus  
 aliis, ipsoque homine, non sine ratione judicatur.  
 Quorsum, ut cetera, quæ a CL. Pitcarnio cum in finem  
 sunt adducta, Diff. de Transít. sangu. per vasa min. omit-  
 tam, non parum adjumenti adfert, quod summa qua-  
 que animalis vivi capillari arteria, ex transversò in-  
 cisa, sanguis omnis cum impetu, sineque intermis-  
 sione effluat, adeo, ut brevi animal moriatur; ac post  
 mortem impulsus in arterias liquores, etiam crassiores,  
 lac, aliaque, per venas conjuges, sanguineas, & se-  
 rofas, nulla interposita mora, resiliant. Quod fieri  
 sane, ob impeditos in defunctis meatus, haud posset,  
 si liquor in fibras musculorum, spatiaque intermedia,  
 emigraret, nec via compendiaria e vase illico in vas  
 transiret: Aut, ut CL. Ortlobius diff. phys. IX. §. 20. scri-  
 bit, si per exilissima capillaria ostiola sanguis ex arteriis intra  
 fibras partium musculosas &c. efflueret, & eundem venæ,  
 radici-

*Injecti in ar-  
 terias liquo-  
 res, expedite  
 resiliunt per  
 venas.*



radicibus suis valde exiguis in iisdem incipientes, exinde imbiberent, dum serum lymphatica, similiter in partibus initium sumentia, subintraret. Vel, prout diff. XIII. §. 13. se porro explicat: si sanguis ex arteriis ad partium interstitia effunderetur, atque in illis exilissimis initiis inciperent venæ, præstoque ibi quoque essent ostiolis suis lymphatica, & pars rubicunda venas, pars vero serosa respondentia sibi magis vasa lymphatica, subintraret, atque hæc proinde cum mæandris partium colatorii vicem præstarent. Fieret enim non citato gradu, & rapide, ut solet, sed pedetentim, & aliquo temporis spatio, imo vero vix & difficilime, in cadaveribus præsertim, per adeo angustas musculorum, & partium aliarum, fibras liquorum etiam crassiorum in venas reductio. At comperi non semel, injectum lac in canum, vel cuniculorum, arteriam aortam, continuato impulsu, universum genus arteriosum, venosumque, eleganti spectaculo cito replevisse, atque per cavam in dextrum cordis sinum, per ipsaque pulmonum vasa, ad sinistrum illius ventriculum brevi rediisse.

*Continuatio*

*arteriarum*

*& venarum*

*in glandulis,*

*& organis se-*

*cernentibus.*

Neque multo aliter se habere possunt extremitates arteriarum in glandulis, quæ conglomeratæ & vasculeras vocantur, ut & in cunctis visceribus aliis, quæ secretioni humorum serviunt, quibuscunque demum nominibus veniant. Hæc enim organa omnia, si unum exceperis hepar, arteriæ capillares, quibus prædicto in viscere venæ portæ propagines respondent, ita effingere videntur, ut varie collectæ, & plicatæ, ac magno sæpe numero in minima

coa-



coactæ spatia, vel ultra juncturarum venularum origines, apicum instar pulposorum, succosæ, lymphæque turgidulæ, aliquanto propendeant, vel figuram suam conicam mutant, atque in ductus cylindraceos, ex ambitu interiore poris suis in ductus excretorios spectantes, abeant, & postquam hunc tractum cylindraceum superarunt, in ampliores venarum radices replicentur. Quam glandularum & organorum secretientium fabricam non obscure prodidit Malpighius, multis locis, sed præcipue Op. posth. p. 100. & seq. Eandem vero eleganter illustravit Bellinus, ac facili, luculentaque cum canale intestinorum comparatione, rei lucem attulit, Op. de motu bilis, prop. XXIIIX. Namque ad secretionem chyli respiciens autor naturæ, intestina, artificiosissime fabrefecit, quando gracilium quidem longitudinem teretem esse, ac omni fere ex parte æque patentem, & in varios, ac multiplices gyros, spirasque, convolutam, ac collectam, ex interioreque ambitu in radices lactearum perviam, ac demum in majorem intestinorum crassiorum, coli, rectique amplitudine desinere voluit. Unde haud inique colligas, eadem commoda, simplicique fabricandi ratione, machinas quoque alias minores, iisdem usibus accommodatas, opificem rerum effecisse: Præsertim cum eae arteriarum productiones, inflexæ, & plicatæ, suisque emissariis donatæ, ac reflexæ in venas, multis in partibus ipsis sensibus sint expositæ, & totum secretionis animalis negotium, una cum continuitate vasorum, quæ illi maxime obstare videbatur, hoc modo clarissime ob oculos ponatur.



*Arteriarum  
exitus, ortus-  
que venarum  
singularis in  
genitali,*

Sunt vero etiam alii fines arteriarum, quos neque in retia, neque in glandulas, vel organa alia discernentia, aut in venas, more naturæ in partibus plerisque solenni, abire videas, sed modo alio in partibus desinere. Exemplo sit genitale, per cujus duo nerveo-spongiosa, vel cavernosa corpora disseminatæ arteriarum propagines, in porosa illorum substantia terminantur, ex qua deinde venæ interiores, poris magnis, & conspicuis foraminibus, cribri modo pertusæ, initium capiunt, more venæ, splenem vitulinum perreptantis, quæ per longitudinem dissecta, tunicam ostendit, plurimis foraminibus perviam, & cribrosam. Id quod in illo quidem membro sola ejus inflatione, atque exsiccatione, lucide comparet, quemadmodum ex tanta clarorum hominum, qui partis ejus structuram studiose pervestigarunt, numero, Graafius Tr. de viror. organ. generat. inserv. inprimisque Ruyschius Obs. Anat. chir. C. & G. Guil. Covvper, Myotom. reformat. Append. posuere in promptu.

His ita constitutis, & præmunitis, est, opinor, perspicuum, quum non una sit extremarum arteriarum, atque incipientium venarum constitutio, diversum quoque sanguinis per ea vasa motum ac transitum esse, minimeque omnium iis cum re ipsa convenire, qui, cum per fibras partium illius circuitionem fieri velint, arteriarum in iis fines, principiaque venarum; & appensa vasis utrisque varii generis cribra discernentia, non confingant modo, sed etiam tantum non iconibus exprimant, quasi vero ejusmodi machi-



næ compositionem oculis usurpassent, quum tamen, *Sanguis ex*  
 si rem paulo ad verum exigas, ab archetypi norma *vasis non ef-*  
 longissime abscedant. Illud autem haud dubie affir- *funditur, sed*  
 mari posse, multis argumentis constat, sanguinem in *ex arteriis*  
 plerisque partibus, ex summis arteriis, sine alterius *immediate*  
 interventu, in summas venas, veluti recurvos arte- *transit in ve-*  
 riarum tubos, referri. Id quod quidem clare in pul- *nas,*  
 monibus liquet, utpote quorum vasa minima in mo- *In pulmonibus.*  
 tum retis confusa esse, & conjuncta, adeo quidem, ut  
 divisus sparsusque per ea sanguis, nusquam effunda-  
 tur, sed multiplici eorum, varioque flexu disiectus,  
 perpetuo per tubulos cursum ex dextro cordis ven-  
 triculo ad sinistrum dirigat, scite Malpighius declara-  
 vit. Cui quidem opinioni non parum afferre adju-  
 menti injectiones in arteriam pulmonalem, cera fusa  
 institutas, qua venosæ quoque propagines infarcie-  
 bantur, merito doctiss. Jo. Jac. Hardero est persuasum,  
 Diff. Anat. Pract. de viscer. præc. struct. & usu §. 32. Ne- *Et visceribus*  
 que aliter quis motum & transitum sanguinis per va- *aliis,*  
 sa viscerum aliorum, atque ossium, sibi facile persua-  
 serit, quando rem expedit Anatome, cui quidem ni-  
 hil obesse putem, quod in animalium vivorum, vel  
 recens mortuorum, fractis ossibus subinde guttulæ  
 quædam sanguineæ compareant: Siquidem, quum  
 franguntur ossa, vasa quoque rumpi necesse est, *In ossibus*  
 ex quibus guttulæ quædam sanguinis exstillare pos- *item,*  
 sunt.

Eundem vero transitum sanguinis per minima *Et musculis.*  
 musculorum vasa esse, reticulares eorum nexus, edi-  
 M 2 taque



*Argumenta,  
contra hanc  
sententiam  
afferri solita,  
examinantur.*

I.

taque rei experimenta revincunt ; quibus quantum tandem fidei derogare possint , quæ in contrariam sententiam , adversus continuitatem vasorum , a celeberrimo Bohnio , Circul. phys. prog. VI. aliisque , commemorantur , brevi videamus. Quod enim dicitur aqua , arteriæ v. g. brachii , vel crurali , cadaveris immissa , per venam non redire , nisi omnes illorum membrorum partes illa insigniter intumescant ; illud se habere secus , toties sumus edocti , quoties aqua , etiam frigida , vel lac , aut liquores alii , simul atque injiciebantur per arteriam , mox per venam ejusdem nominis expedite resiliebat , sine ullo musculorum tumore , quem tamen interdum citius , nonnunquam tardius , consequi , haud mirum videatur : siquidem ea est vasorum illorum continuatio , ut pars liquoris , qui ex arteriis in venas transvehitur , per porosas illarum pelliculas , certa que emissaria , in fibras musculorum , citius , vel ocyus , exundet , hærensque in iis , & cellulas earum distendens , excitet tumorem , cum æque cito regredi per poros alios , in venas , vasaque lymphatica ducentes , minus possit. Talium enim pororum nos inter alia certiores reddit injectio hydrargyri in arteriam musculi , qua illud per venam promte resilit , sæpeque fibras quasdam ejusdem musculi invadit , & replet. Quo minus etiam miremur , infusa in arterias aqua , muscululos ad motum incitari , tandemque albicantes reddi. Nam sive subactiorem tantum lymphæ partem , sive etiam aliquid purpuræ sanguinis , fibras musculorum prædicto modo ingredi dicamus , non tamen

II.



men propterea vasorum illorum, quæ sanguinem adducunt, & revehunt, continuatio neganda erit. Videtur autem non adeo improbabilis prior sententia. Quippe cum sensus ministerio constet, quamque fibrarum carnearum, quibus muscoli constant, e pluribus exiguis filamentis, ac veluti cylindrulis, liquore lim-pido turgidulis, compositam esse: at magno numero sibi mutuo incumbentes, ab intensa sanguinis rubedine, vascula sua, quorum innumerabilis copia musculos intercidit, penetrante, mutuatitium quendam colorem habere, cum illis in locis, ubi rarius sunt satæ fibræ illæ, pallidiores, imo pellucidæ videantur. In-  
jectam vero per arterias, venasque, ceram diversico-  
lorem, & harum valvulas, & capillarium vasculorum teneritudinem, impedire, quo minus eadem ubique intrare, ac peragrarè queat, facile est iudicium. Suf-  
ficit, quod cum aër, tum aqua, & lac, liquoresve alii, promte ex arteriis musculorum in venas commeent, salientesque a vulnere, his inflicto, redeant, quamvis cera idem minus faciat, cum etiam in partibus aliis corpuscula tenuiora, & valde alioqui penetrantia, ad-  
itu interiore excludantur. Id quod injectione hy-  
drargyri in arteriam splenicam Nuckius l. c. p. 54. con-  
firmat, quando præparatus ille liquor metallicus, ad-  
modum licet mobilis, & penetrans, injectus in illam arteriam, vasa lymphatica, lienem perreptantia, nullo modo subit, quum tamen infusus aër, vel injecta aqua, ea haud difficulter ingrediantur, & distendant: Con-  
tra variis aliis in partibus nihil plane valet aër, in qui-



IV.

bus tamen hydrargyrum facilem invenit viam. Quod autem ad discrimen inter sanguinem arteriosum, atque illum in venis fluentem, ex sectique musculi vas missum, attinet, illud tantum non esse, quantum in vulgus editur, neque a transitu sanguinis per fibras & intervalla musculorum, sed a majore tantum vi elastica, ab impulsu cordis, & arteriarum, ac segregata magna lymphæ, aërisque, per venas serosas discedentium, parte, proficisci, pervulgatum satis, & contritum est. Siquidem experimentis constat, sanguinem in arteriis ob prædictas causas multo serosior, ac vivaciorem, in venis vero crassior, & se-

V.

gnior, esse. Ac quo demum minus vereare, ne istorum vasorum conjunctio nutritioni partium fraudi sit, constitutio arteriarum capillarium prohibet, quæ cum interiora partium subeunt, in eam tunicarum teneritudinem atque constructionem abeunt, ut vel ante, quam in conjunctas, continuasque venas humores provolvantur, ex porosissimis arteriarum tunicis, in fibras musculorum patentibus, vel per apices illarum quosdam, ultra recurvos venularum tubulos productos, liquidior atque subactior lymphæ portio emitti, fibrasque ipsas rore suo perfundere & rigare, & si forte uberior se materia evolverit, quam nutritionis usus, aut vis elastica, & toni ratio exigat, ea teneriores, ac porosissimas venarum, sanguinearum, vel serosarum, aut utrarumque, pelliculas intrare, ac refluorum humorum flumini remisceri possit. Tales enim poros obliquos, & foris introspicientes, in utriusque generis



neris venis dari, humores arguunt, extra vasa in musculorum intervalla, cavaque corporis, missi, quos venas denuo subire, experientia docemur. Exinde etiam ratio patet, quamobrem secundum experimentum Lovveri, quod ex sententia quorundam vasorum continuationi obstare video, ligatis in cane vivo venis jugularibus, vel cava, magna feri copia vasis exeat, & animal hydropicum reddat. Namque impedita sanguinis per venas progressionem quavis de causa, necesse est partem serosiores a restagnante humorum in venis mole, continuoque per arterias affluxu, cum etiam per vasa lymphatica tam expedite reverti omnis non possit, per poros arteriarum majori copia exprimi, atque vel cava, vel intervalla partium, occupare, easdemque in tumorem ejusmodi hydropicum extendere & dilatare. Fere ut fieri observamus, ex vulneribus, imprimis artuum, accedente propter impeditum sanguinis circuitum inflammatione, aquam serosam, quæ vulgo synovia vocatur, manare. Cum contra restituta mature pororum atque meatuum libertate, humores reliqui in vasis recte progrediantur, atque in pristinum regerantur orbem, rosque tantum nutricius vel humectans, exspiret, partesque riget. Cui tamen lymphæ secretioni per arteriarum capillarium tunicas si obstare existimes, quod, ut contra anastomoses vasorum Bohnius urget, l. c. prog. VI. nullum fluidum meatus angustos & difficiles subeat, si patentiores, venarum puta ductus, offendat: trajectionem chyli ex amplitudine intestinorum in venarum lacunarum

VI.

VII.



arteriarum angustias, aut ejectionem sanguinis ex aorta in arterias coronarias, vel motum ejus per aortam descendentem respicias velim, qui utut per illius vasis tubum amplum satis, capacemque, ac directum, propellatur, tamen per exiguos arteriarum intercostalium, aliarumve, ex illa emergentium, poros partem sui dimittit: idque propterea facilius, quod sanguis non solum per longitudinem illius canalisis, atque arteriarum omnium, compressus progreditur, sed etiam motu suo expansivo quaquaversum in latera illarum connititur. Unde fieri omnino debet, ut pars quædam liquidi exprimatur, qua ostium vasis cujusdam, vel emissarii, aut pori alius, patet.

## IIX.

*Continuatio  
vasorum, &  
transitus im-  
mediatus san-  
guinis ex ar-  
teriis in ve-  
nas, non officit  
secretioni ani-  
mali, sed eam  
clare ob oculos  
ponit,*

Perinde prope agitur cum motu & traductione sanguinis in venas, per cylindraceas, & vel plicatas, vel directas, arteriarum productiones, quibus varie collectis, constare diximus glandulas, & organa alia, quibus aliquid secernitur a sanguine, ac derivatur. Has si satis perspexissent, qui, continuitatem vasorum secretioni animali obesse, cum Kerckringio existimant, aliter fortasse sensissent, neque tot fines, initiaque, & ostia vasorum, sanguinem vehentium, corporaque varia cribriformia, distincta a vasis, ac sejuncta, & spongiarum instar habentia, confinxissent, aut sanguinem ex arteriis ad partium intervalla effundi, aliasque particulas horum, alias aliorum vasorum ostiola subire statuisent. Quod si enim, ut in contentione horum organorum, cum intestinorum tubis facta, perseveremus, loco intestinorum gracilium, multis flexi-

*Exemplo secretionis chyli a fecibus in intestinis.*



flectionibus intortorum, sæpeque in se redeuntium, arteriam capillarem cylindratam, intortam, inflexam & plicatam, vel etiam directam; loco venarum lactearum, emissaria, & canaliculos illius arteriæ capillaris laterales, ductus glandularum v. g. salivalium, pancreatis, mammarum, & aliorum secernentium organorum, efformantes; loco intestinorum vero crassiorum, arteriam jam se ipsa ampliorem, atque in radicem venæ abeuntem, eandemque constituentem, animo complectaris, non minus transitus sanguinis per vascula illorum organorum, quam secretio & derivatio humorum per sua emissaria planissime constabit. Nam sicuti intra tubum intestinorum tenuium exsoluta ciborum massa per angustiam pylori impellitur, & quicquid ipsi inest succi laudabilis, chyli nomine in radices lactearum exprimitur, atque a fecibus segregatur: ita in cylindraccia illa arteriola ex impulsu sanguine per lateralia illius emissaria, & canaliculos, lacteis respondentes, fabrica, & usu, aptum illorum poris, atque accommodatum liquidum extruditur, & secernitur, atque in novis illis, quos subiit, tubulis, secretum a consortione humorum, propria se facie conspiciendum exhibet. Et quemadmodum ad intestina ampliora, colon, & rectum, ex tenuibus truditur id, quod ex chylo, in lacteas derivato, superest, atque foras, qua natura exitum patefecit, emittitur: ita ad ampliorem illam partem, in quam abit productio cylindracea arteriæ, ex eadem arteria mittitur illud, quod superest ex liquido, derivato in canalicu-



IX.

los organorum fecernentium, & reducitur proinde per venas. Hinc etiam haud difficile fuerit cognitu, quomodo secretio liquoris nervosi in cerebro, hujusque nutritio fiat, & quod experimentum Vieussens continuitatem arteriolarum ac venularum cerebri non tam impugnet, & evertat, quam confirmet, quando ligatis, mediam circa cervicem, carotidibus, spiritus vini, croceo infectus colore, in alterutram carotidem, pluribus iteratis vicibus, immittitur; apertoque cranio, cinerea tantum, sive vasculosa cerebri portio, explicatis quippe, inflexisque arterioli capillaribus, ultra revolutos venarum tubulos productis, atque in angustissima cerebri fila, quibus medulla illius constituitur, abeuntibus, contexta, croceo colore tineta reperitur.

*Motus sanguinis per membrum singularis.*

Ast in membro genitali, ejusque glande, illud occurrit singulare, quod sanguis, ab arteriis manans affluensque, per fistulosam corporum cavernosorum substantiam spargatur, idemque non per angustos venarum ramulos, sed per patentia earum foramina revertat. Vnde modus apparet, quo sanguis, contractione musculorum, quos vocant erectores, in compressa illa parte fistulosa congregatus, & coactus, cum illi muscoli relaxantur, citissimo gradu regredi, membrumque tensum jam, & tumidum, puncto temporis flaccescere & collabi possit. Quibus demum duo addenda, quæ quidem magis ad progressionem sanguinis per venas pertinent. Primum est, quod sanguis, qui per arterias interiores, caroticas, & cervicales, tam mul-



multas, copiose ad cerebrum adscendit, receptus a venulis, non per ramos majores, arteriarum comites, ut in partibus aliis, sed per singularia crassæ meningis emissaria, sinus dicta, in quæ prædictæ venulæ patentibus osculis hiant, quorumve plura, cum in superiore, tum inferiore illius membranæ parte, varie inter se communicantia, reperiuntur, in appositos venarum jugularium, & vertebralium interiorum rivos tandem refundatur. Cum enim hæ venæ sanguinem e cerebro in venæ cavæ oceanum, & cor, reducant, nec tamen sub cerebrum succedant ipsum, neque etiam hoc una cum arteriis, vehementius præsertim pulsantibus, per idem calvariæ foramen tuto subire possent, ex crassiore illius velo, in sese convoluta, multiplices sinus, & canales, tanquam venas oblongiores, effinxit naturæ parens, per quas via compendiaria, & tutiore, transfusio sanguinis intra calvariam fieret. Quem quidem in finem Vieussens autumat, sinus illos, imprimis longitudinalem, arterioso sanguine e propaginibus quibusdam arteriarum crassam meningem irrigantium, turgere, ac ferre arteriarum more pulsare, & plurimis intus cellulis distinctos, fibrisque transversis instructos esse, & communitos, quo sanguinis motum procurent & tuncantur, & cum segnius progredientem compellant & incitent, tum vehementius confluentem, velut habenæ, regant, ac refrænent. Sed nec pulsare sinus istos, nec sanguinem ipsis ex arteriis recipere, in eundem advertit vir CL. H. Riedley, Anat. cerebr. c. VI. quod

*Per sinus item  
crassæ me-  
ningis.*

*Sinus hi non  
pulsant.*



*Motus sanguinis venosi per hepar.*

*Vena portæ respondet arteriis.*

*Cor præcipuum circuli sanguinis organum.*

in cane vivo, remota superiore cranii parte, nec visu, nec tactu, pulsus aliquis sinus longitudinalis animadverti possit, neque in eodem, secundum longitudinem inciso, arteriæ, sanguinem cum saltu fundentes, appareant. Alterum est, quod sanguis, qui per venas ventriculi, omenti, lienis, pancreatis, ut & mesaraicas, atque hæmorrhoidalem internam, reduci-  
tur, non recta ad cavam pergat, sed per ambages, prius in venam portæ, concavam hepatis partem occupantem, atque ex confluentibus prædictis venis confluatam, delatus, per ejus propagines in omnes illius visceris plagas propellatur, ac deinde per venæ cavæ furculos, in hujus truncum inferiorem derivetur. Quamobrem illa portæ vena non minus fabrica, quam usu, arteriis respondet, quando non communem tantum cum poris atque ductibus biliariis, quæ vasa ubique se prosequuntur, capsulam musculosam induit, sed etiam in ramos conicos divellitur, quo circulus sanguinis illo in viscere, & hunc consequens segregatio materiæ biliosæ, recte possit procurari.

Adeo multiplici machinarum apparatu distributio vitalis humoris in corpore peragitur, inter quas præcipuam esse cognovimus cordis antliam, sanguini e venis in arterias transfundendo, magna-  
que vi quaquaversum propulsando, atque ex arteriis in venas refundendo, & derivandis per ductus alios liquoribus diversis, ita fabricatam, ut vigor ejus omnis in glomeris sui fibrosi, ac spiralis, succis vitalibus irrigui,  
vi



vi elastica, atque pulsatione consistat. Quam qui reputat cum animo, & illam sanguinis validam, fortemque expressionem in plenas humorum arterias, & hanc consequentem illorum attritionem, & divisionem, protrusionemque per omnes aortæ propagines, & harum emissaria, perpendit; is quidem facile intelliget, quantum motui cordis in negotio sanguificationis, & universæ secretionis animalis, ac conservatione virium, vitæque nostræ, sit tribuendum. Atque adeo, nihil causæ esse, cognoscet, quamobrem

hic antiquatum illud oblitteratumque de ignea anima dogma, & favillis fere obrutum sepultumque, excitemus, & vel connati, insitique caloris viventis, ac spiritus ignei, fabulam in scenam revocemus cum Galeno, vel biolichnium, ignemque perennem, ac vestalem, aut flammulam, & luculam vitalem, in cordis foco, ceu lare familiari, residentem, cum Helmontio, Willisio, Entio, Bartholino, Holstio, & aliis quibusdam eruditis cetera Medicis, sed hoc loco facete ludentibus, comminiscamur. Neque vero necesse esse quivis perspiciet, ut quandam sanguinis rarefactionem a calore, vel fermento quodam insito, aut reliquiis quibusdam, & guttulis sanguinis, cum Cartesio, aut ejus effervescentiam, ab humorum contrariorum concursu

*In corde spiritus, vel calor, ignisve insitus nullus*

& luctatione oriundam, cum Backio, Sylvio, Schuylio, atque Kerkringio, vocemus in partes, quando sine ejusmodi commentis, quibus certe omnibus non minus fabrica & motus cordis, ac vasorum, quam his comprehensi sanguinis, inepta ignitioni, atque effervescentiam, ab humorum contrariorum concursu

*Nullaque in eo peculiaris ebullitio, vel effervescentia.*



vescentiæ ejusmodi, natura & indoles manifesto ad-  
versantur, vitæ nostræ ratio clare liquet, nullumque  
in animantibus calorem, ac in nobis ipsis inesse con-  
stat, præterquam eum, qui ab impulso per arterias,  
actoque in orbem, sanguine, colligitur, nullique ad-  
eo membro congenitus, ac proprius, sed communis  
omnibus sanguinis motus, circuli que vitalis effectus  
est.

*Calorem cor-  
dis non mi-  
nus, quam  
corperis teti-  
us, mutuanus  
a motu san-  
guinis.*

Quod multo quidem clarius sese ingeret oculis,  
si recogitemus, vivum illum caloris sensum, quem in-  
fusus arteriis sanguis, per universum corpus distribu-  
it, lateque diducit, non aliunde emergere, quam a mo-  
tu, atque agitatione illius subtilis æthereæ, vel cœ-  
lestis materiæ, quæ cuncta implens, ac pervadens,  
omnibus se corporibus miscet, nulla que in re magis,  
quam in tortuosis valde poris tenuium, & ramosarum,  
ac sibi implexarum, sulphuris ac olei particularum vi-  
get, & lucis pariter, ac ignis, atque caloris omnis in  
omnibus opifex jure habetur. Nam quamvis ea di-  
spersa per poros, atque ab ambiente materia compa-  
ctiore impedita in misto, agere sensusque movere,  
atque excitare minus possit: tamen, ubi facta partium  
illarum ambientium, & cohærentium, dissolutione,  
liberius se diffundit illa, nactaque agendi spatium, co-  
piosior, & in majusculis spatiis regnat, atque suorum  
aculeorum vim in res obvias explicat, & exercet,  
tum sæpenumero satis efficaciter nos afficit, & prout  
diversis modis sensuum organa tangit & movet, vari-

*Hic vero ca-  
lorem a motu  
materia subti-  
lis capit, qua  
lucis ignis, &  
caloris omnis  
in omnibus est  
opifex.*

am



am in nobis perpeffionem excitat, ac diverfas appella-  
tiones fortitur.

Eam vero tenuiffimam materiam non ignora-  
vit Aristoteles, quum eam elementi primi nomine  
infinivit, remotamque, ac feclufam, ab hoc inferio-  
re mundo, coeleftia tantum corpora conftituere, &  
pro divino quodam numine habendam effe, voluit.  
I. de cœlo 17. Deinde vero, præter vulgaria ele-  
menta, docuit etiam corpus quoddam fubtile, quod ifti  
ftellarum, cœlique, elemento analogum effet, rebus  
quibusque fublunaribus permiffum, a quo vita motus-  
que omnis penderet. Nam I. de Gen. An. 3. Re-  
ftat vero, inquit, ut mens fola extrinsecus adveniat, eaque  
fola divina fit; nihil enim cum ejus actione communicat a-  
ctio corporalis: Omnis animæ potentia corpus aliud parti-  
cipare videtur, idque magis divinum, quam ea, quæ elemen-  
ta vocantur. Verum prout nobilitate ignobilitateve inter  
fe differunt animæ, ita & natura hujus corporis differt.  
Ineft enim in femine omnium, quod facit, ut, fœcunda fint  
femina, quod calidum τὸ θερμὸν vocatur: idque non ignis,  
non talis aliqua facultas eft, fed contentus in femine ac spu-  
ma fpiritus, naturaque, quæ in fpiritu eft, analogæ elemen-  
to ftellarum. Neque hoc loco alienum eft, quod III. de  
Gen. An. 11. legamus licet: Generantur in terra humore-  
que animalia & plantæ; quoniam humor in terra, fpiritus  
in humore, calor vero animalis in univerfo ineft, ita ut  
quodammodo plena fint animæ omnia. Eodem attinent,  
quæ I. de mundo c. IV. extant. Dicitur autem alias quo-  
que fpiritus illa, quæ in plantis & animalibus omnia per-  
means,

*Materia sub-  
tilis cognita  
Aristoteli,*



*Et Philosophis  
antiquioribus,*

means, animæ plena & prolifica substantia. Atque hanc quidem doctrinam haud dubie per manus traditam accepit Philosophus, sed vel superstitione quadam, & reverentia erga corpus illud cœleste, ut ratus est, divinumque, vel nimio antiquioribus contradicendi studio, aliqua ex parte mutavit. Nam qui eum ætate antecesserunt Philosophi, paulo aliter de illa materia differabant, eandemque vocibus ignis, calidi, & ætheris appellabant, quibus summam vim & singularem agilitatem significabant. Docebant autem illi, eadem ex materia non modo corpora cœlestia conflata esse, verum etiam eandem intima omnium rerum penetrare, & pro sua quamque natura movere, & caloris præcipue proprium unumque esse fontem. Perinde atque ex Hippocrate, & Platone, quantum satis est, docemur. Quodsi iidem veteres divinitatem quandam illi tribuebant, decori potius, quam dedecori illi fore, si omnibus præsens esset, existimabant, quando hujus divini, atque adeo intelligentis, viventisque corporis in sublunari mundo præsentiam expressuri, modo Dei, modo animæ, modo mentis appellatione utebantur. Nam corpus, quod assidue currit (æthereum nempe) simul θεῶν τε τὴν φύσιν, divinum natura, existimasse visi sunt majores nostri, ait Aristoteles 1. Meteor. 3. Ex ejusdem lib. de Resp. c. 4. & 1. de An. 2. Democritum docuisse, comperimus, in aëre ingentem numerum esse corpusculorum, quæ ille non modo τὸ θερμὸν, ἢ τὸ πῦρ calidum ignem, sed etiam mentem animamque appellabat, putabatque, in respiratione



tione una cum aëre ingredi animalium corpora, sicque vitam eorum conservare, mortem enim nihil aliud esse, quam exitum horum corpusculorum ex animalis corpore. Hippocrates autem 1. de Princip. vel Carnib. ubi disputat de rebus coelestibus, quatenus conferant ad demonstrandum de homine, & de reliquis animantibus, quod ex his constent, & procreata sint, quodque animo sint prædita, & quod sanitas ac morbus, quodque in homine inest boni, vel mali, & mors ipsa, inde proficiatur: de suo θεῖον, sive calido illo, per omnia fuso tractoque, adjungit deinde: Et videtur sane mihi id, quod calidum vocamus, immortale esse, cunctaque intelligere, videre & audire, sentireque omnia, tum præsentia, tum futura.

Eandem igitur tenuissimam naturam nos cum Phi- *Diligentius*  
losopho Christiano, Renato Cartesio, subtilis materiæ no- *Renato.*  
mine intelligimus, ita tamen, ut divinitatem in ea, & intelligentiam nullam agnoscamus, eandemque potissimam quidem sedem ac stationem in sole habere, sed non solum infra lunam descendere, verum etiam per omnia fusam esse, cunctaque pervadere, & replere, existimemus. Nec vero eam analogam modo esse coeli & stellarum elemento, sed paria cum eodem facere, putamus. Atque hanc illius, arbitramur, esse naturam, ut, quemadmodum in Timæo scriptum reliquit Plato, minutissimis constans partibus, iisdemque acutis, vel, ut Cartesius magna probabilitate affirmat, varie figuræ, motusque velocissimi, quorumvis corporum, utpote inter medias ejus agitationes natorum, & concretorum, poros ac meatus permeare, eorumque minima



commovere, & ubi majore vi motuque congesta, commotæ intus materiei partes agitât & versât, aliter atque aliter nos afficere, possit. Neque enim aliunde existit grata illa impressio, quam calorem vocare ab ineunte ætate assuevimus, quam quum illa subtilis materia tangendi organa ita subit, ut suarum agilitate particularum impertiatur eis novam, atque incitationem illam quidem, sed blandam & jucundam titillationem; qua sua fibræ docilitas, & vis elastica, vel servatur, vel restituitur quoque. Eaque habita ratione, natura calore dicitur refici, foveri, ac recreari. Sin vehementius organa eadem impellat materia, & terræ, saliumque stipata spiculis, suorum copia jaculorum, & impetu, molestiorem fibræ distractionem & stragem inferat: necesse est, impressionem, ac motum, indeque orientem calorem suavem, ac innocentem, in asperam quandam mordacitatem mutet, gravioremque æstus & ardoris sensum, vel ustionis, aut tostionis dolorem pariat, sive ex collectis radiis solis, vel calore, igneque quovis alio, eadem materia corpus invadat & impetat, aut ipso in sanguine vehementius commoveatur & colluctetur. Ut enim nullum datur elementum ignis, diversum ab eo, quod solem & stellas fixas constituit, & hinc porro diffusum per omnia, ac sparsum, ubique locorum principem effectricemque caloris, ac lucis causam præbet: ita non minus commentitium est discrimen, quo, secundum Aristotelem, calor coelestis & vitalis, elemento respondens stellarum, a calore mixti distinguitur, longeque nobilioris

*Idem est ignis, & caloris coelestis ac vitalis, quod vulgaris, elementum.*

con-



conditionis esse creditur, quam quæ tribuitur rebus aliis concretis; & cum illa caloris, partibus corporis innati, & insiti, distincti a calore sanguinis influente, fabula paria nunc facit, posteaquam usus docuit, privatam influxu sanguinis partem, aut intercepto motu cordis, mox corpus universum, inalgescere, nec ulla apparere caloris cujusdam insiti vestigia.

*Omnis calor est influens cum sanguine.*

Ex quibus facile intelligitur, quum eadem subtilis materia corpus quoque, & sanguinem, continue perfluat, & intus agentium spirularum aëris elaterium exsuscitet, ac instauret, isque ipse sanguis pingui & oleosa materia circumfluat, nec motione tantum interiorum partium agitetur, sed etiam tot variorum organorum ictibus & pressionibus circummagatur, primoque cordis auriculæ, ventriculique dextri, agitationes experiatur, & deinde in pulmonibus inprimis divisio ejus, attritioque, perpetuo instauretur, eadem quoque opera, & actione, calorem magis explicari, & liberiores fieri; quippe qui unice dimanant a vario illo, & perturbato, ac vorticoso corpusculorum sanguinis, inprimisque oleosorum, motu, quo continuo mutatos minimorum tortuosos meatus transiens, & multipliciter in iis reflexa, ac repercussa, subtilis materia, majore copia, fluxuque, & motu perniciose versat cuncta & gyrat, atque adeo agitationem internam & vorticosam, sensumque ipsum caloris, tanto magis auget, & intendit, quanto magis oleosæ, & terrestres, salinæque partes, cum organorum variorum pressione, tum mutuo ipsorummet sese

*Aucto motu sanguinis, augetur motus materiae subtilis, & calor.*



agitantium, exsolventiumque, minimorum occurſu & attritu; diſcerptæ & diviſæ, majorem ſubtilis materiæ copiam promunt, & admittunt, & motui ejus atque vertigini obtemperant. Ac quia renovata ſanguinis diviſio in pulmone, a cordis auriculæ, ventriculique ſiniſtri, contractionibus continuatur, preſſionesque aliæ alias in canalibus arteriarum continuo excipiunt; conſequens porro eſt, ac neceſſarium, conceptum in iſtis locis calorem ſanguinis vim ſuam, quoad humidum ſocium permittit, per omnes arteriarum propagines expromere, & perſpiratione corporis univerſi, cum exterioribus cutis papillis, tum aliis interiorum quarumvis partium fibrillis nerveis imprimere, indeque gratum & vivum caloris ſenſum in nobis excitari. Præſertim cum illa ſanguinis per conicos prædictorum pulſatiliū vaſorum ductus, a majoribus ad minores, preſſione, in ſeſe magis reflexæ, varieque refractæ, ac repercuffæ, ætherææ, atque æreæ particulæ, cunctas ſanguinis partes volvant fortius, & agitent, atque collisionem minimorum, diviſionemque, unde calor ſanguinis, fluminis inſtar, perpetuo gignitur, & fluit, foveant, ac conſervent. Dum per tot minimas capillares arteriolas, & patentiores venarum tubos diſperſi, & diſſociati humores, amiſſâque liberioris caloris parte, per tranſpirationem, ſecretionemque diverſorum rivulorum, fatigati admodum, & fracti, a motu ſuo, & preſſione, atque adeo expreſſione caloris, magis iterum magisque remittant, ac, ne in cohæſionem ſuarum partium, vitæ inimicam, abeant, ad pulmo-

*Ratio, qua  
cor, pulmo  
nes, & viſce-  
ra alia, ſan-  
guinem cir-  
cumpellentia,  
& dividen-  
tia, calorem  
excitant.*



mones regerantur, ut, recepto ibi novo vigore, in pristinum revolvantur orbem, & vivum caloris sensum perpetuo instaurent, ac reficiant, utpote qui proficiscitur a motu humorum continuo, qualem præter circularem in spatio, corpore circumscripto, haud concipias.

Ex eodem fonte illæ habitudines corporum, *Ratio Temperamento-  
rum corporis.* quas temperamentorum differentias Medici appellant, eorundemque per vitæ atque annorum decursum mutationes, manant. Quorum temperamentorum si numerum inire velimus, tot fere constituenda forent, quot sunt individua, quia propter varietatem sexuum, ætatis, sexus, vitæ generis, victus, incolatus regionum, sive aëris, aquæ, & locorum, roboris cordis, & pulmonum, ac viscerum aliorum, succum, sanguinemque elaborantium, tum & motuum, animi pariter, ac corporis, somnique, & vigiliarum, excretorum, & retentorum, morborumque, ac rerum aliarum, quibus homines subijcitur, & mixtio, motusque liquidorum varie immutatur; datur non definienda particularum sanguinis varietas, temperatio, & motio. Solent tamen ea omnia latitudine illorum quatuor temperamentorum, quæ in vulgus nota sunt, tanquam summorum generum, hodieque a multis comprehendi. Nam quibus sanguis ea suarum partium, oleosarum, & serosarum, temperatione gaudet, ut motu satis vivido, sed blando, per viscera, partesque omnes corporis, divagetur, hi sanguinei, ob floridum faciei colorem, purpuræ sanguinis indicem, atque ab illa particularum temperatione, re-

O 3

lata.



Iata ad organa tactus, calidi & humidi vocantur. Ex cuius temperiei, quæ jure suo optima habetur, vario excessu in cholicam, vel etiam in serosam & phlegmaticam, aut demum in melancholicam, quas quidem vocant, est mutatio: cum partes, vel mobiliores, salinæ, volatiles, & oleosæ, vel aquosæ, molles, & gelatinosæ, sive serosæ, exuperant, aut crassæ, terreae, & rigidæ, minusque mobiles, sed conceptum semel motum tanto deinde pertinacius servantes, sanguineam massam inficiunt, & aggravant, & partes agiliores, aereas, atque aethereas, coërcent ac præpediunt. Ab hac enim particularum sanguinis diversitate, & mixtione varia fit, ut intus agentis prædicti utriusque elateris corpuscula vigore modo majore, modo minore, sanguinem interfluant, eumque nunc paulo vehementius agitent, unde temperamentum calidius, sive biliosum, exsurgit; nunc vero segnius moveant, unde temperamentum contrarium, & si serum abundet, phlegmaticum; sin idem terra, saleque crasso grave sit, melancholicum ortum sumit. Indeque porro fit, ut succi quoque varii generis in visceribus, & ductibus diversis secedant, & lymphæ magis, vel minus pura, tenuis, ac mobilis, in cerebro secernatur, & genus universum nervosum, ac sensuum, motusque organa exsuscitet & confirmet; unde ingeniorum, & morum, viriumque discrimina ducuntur.

*Circuitio sanguinis non eodem in omni*

Ante vero, quam huic tractationi finem imponamus, non omittendum est, quod multi ab Harveio

præ



præstantes viri ostenderunt, illum, quem exposui-  
 mus, cursum & circuitum sanguinis, cum in iisdem,  
 tum in aliis atque aliis hominibus, multum variare,  
 & pro diversa sanguinis copia, & indole, cordisque &  
 viscerum, ac vasorum, vigore, & causarum aliarum,  
 cum interiorum, tum externarum, interventu vario,  
 modo tardiores, modo celeriores esse, intraque  
 unius horæ curriculum sæpius, quam vulgo opina-  
 mur, peragi. Quod intellectu facile erit, modo sup-  
 ponamus, id quod nemo hodie inficias ibit, quemvis  
 ventriculorum cordis, in homine adulto, sano, & flo-  
 rente, unam tantum sanguinis unciam inter valvu-  
 las, septumque, in unaquaque diastole admittere, ean-  
 demque singulis pulsibus iterum emittere in arterias,  
 & horum tres mille & quingentos unius horæ spa-  
 tio, quod multi observarunt, fieri, & septem adeo  
 mille uncias sanguinis intra id temporis per cor  
 transmitti. Tum enim si porro præsumamus  
 sedecim libris sanguinis (quæ quidem mensura  
 in aliis major, in aliis minor esse solet,) corpus rigari,  
 consequatur necesse est, sanguinem omnem intra ho-  
 ræ unius curriculum fere tricies per cor, corpusque  
 universum, circumagi. Quæ supputandi ratio uti  
 vero maxime est consentanea, ita exponendis pluri-  
 bus humani corporis phœnomenis, quæ alioqui ma-  
 gnâ pariunt difficultatem, fingendisque viis variis  
 ansam dederunt, egregie servit, quando nempe ali-  
 menta liquida subito per corpus diffundi, idemque re-  
 ficere, & ubera nutricum magna lactis copia celeriter  
 repleti

*bus, neque in  
 iisdem, equa-  
 bili semper,  
 motu peragi-  
 tur.*

*Sanguinis pe-  
 riodus sæpius  
 fit in una ho-  
 ra.*

*Ratio refe-  
 ctionis subita  
 ab haustu li-  
 quidorum, ci-  
 tique aquoso-  
 rum per renes  
 transitus.*



repleri & distendi, aquasve thermales, acidulas, & alia liquida, opinione citius per urinam reddi, observamus; ac præterea ex eo etiam confirmari potest, quod, secta per transversum arteria canis crurali, sanguis brevi omnis, fatigante quamvis pulsu cordis, ad plures sæpe libras, atque ut nuper in cane sex & quadraginta librarum experti sumus, ad libras quatuor, vix vigesima horæ parte exsilire deprehendatur. Sed minus haud dubie sanguinis a ventriculis cordis recipi in diastole, & ejici systole in arterias diximus, quum in homine valente insignis illorum capacitas, quatuor ut plurimum liquoris, plurave continens cochlearia, deprehendatur, atque ab Harveio, Lovvero, & Verheyenio, usu edoctis, spatium unicuique ventriculo, quod duas capiat uncias, & amplius, detur, nec minus arguat vasorum, ex corde egredientium, amplitudo, & totius sanguinis fluminis per omnes arterias, & partis ejus per harum emissaria, derivatio, unde robur corporis, visque omnis pendet.

*A circulo sanguinis vita, & actiones omnes pendunt.*


Illud postremo ex omnibus, quæ de motu sanguinis dicere hucusque attinuit, haud difficulter patet, a circulo illius vitam pendere, ac universam regi corporis machinam, ita ut nomen mereatur ipsius naturæ, quam, valetudine integra, tam multa præclare agere Medici existimant, quamque, afflicta sanitate, & labefacta, morbis mederi contendunt, cujusque ministerio, & diligenti actionum omnium observatione gloriantur.



## CAP. VI.

DE

SECRETIONE ANIMALI  
IN GENERE.


 Uod ut re ipsa constet, præcipuās actiones corporis animo lustrabo, atque de secretionē animali incipiam dicere, utpote in qua potissimam oeconomiaē corporis rationem sitam esse, sibi facile quisque persuaserit, qui omnium humorum generationem, & ipsam nutritionem corporis, secretionē quadam fieri, mechanica prorsus ratione, sine famulatu tot facultatum ancillantium, fictitiorumque spirituum, ac fermentorum, attentius considerarit. Est enim ea corporis actio, qua liquidum a liquido disjungitur, ac segregatur, necessarium circuli sanguinis consequens, pendens a solidi & liquidi contextu, & habitudine; sive, ab humorum secernendorum dispositione, porulis vasorum, & ductuum, quos subire debent, proportionis organicæ legibus accommodata.

*Præcipua oeconomia corporis ratio sita est in secretionē animalī.*

*Secretio animalis quid?*

Ad quam naturæ sedulitatem, recte capiendam, ipsorum tot variorum ductuum, quibus secretio perficitur, consideratio nos manuducit, quando videmus,



*Vasorum cor-  
poris conspi-  
rans constru-  
ctio.*

sapientissimum opificem nostrum pro diversitate humorum vasa varie structa distinxisse : atque elaborationi quidem chyli ventriculorum, & intestinorum volubiliū multiplices spiras, & illorum ampliora volumina excrementis destinasse; ex angustiorum vero atque gracilium tubis tenerrima chyli vascula, per glandulas mesenterii, ad receptaculum commune, ductumque thoracicum, cor versus corrivantia, disseminasse, atque ex hoc deinde fonte, per omnia viscera, & cuncta corporis membra, ac singulas membrorum partes, commeantia arteriarum flumina deduxisse, indeque porro non venarum tantum, sanguinearum pariter, ac ferosarum, rivos ad cor redeuntes, replicasse, sed etiam ante, quam hi egrediantur, alia lateraliter produxisse emissaria, aut ipsas arteriarum extremas propagines ultra recurvos venarum tubulos protendisse, variosque adeo poros & ductus effinxisse, quibus secretiones derivationesque humorum peraguntur. Hinc enim longissimæ atque angustissimæ cerebri ac nervorum viæ initium capiunt: indidem existunt glandularum salivalium, oculorum, atque pancreatis canaliculi, tum & ventriculi ac intestinorum glandulæ, crustæque villosæ, nec non fibræ complicatæ testium, & fistularum renalium fasciculi, ac glandulæ & spiracula cutis, omnesque pori & ductus reliqui, qui partes alias, secretioni humorum aliorum servientes, contexunt, si una exciperis biliaria hepatis vasa, quæ ex propaginibus venæ portæ ducuntur. Adeo ut corpus universum quidam veluti



veluti cumulus sit & congeries arteriarum, ex iisdemque egredientium venarum, & pororum, ac ductuum fecernentium, in variam figuram, ac minimum sæpe spatium, eo artificio coactorum, ut in illo minimo spatio plurimum longitudinis contineatur, & licet magnitudo corporis non pertingat ad ulnas tres, longitudo tamen arteriarum, indeque exorientium vasculorum, quæ in hac longitudine tam brevi continentur, sit quoddam longissime patens, & omnem mensuræ opinionem excedens; sicuti eleganter id Bellinus indicavit l. c.

Quo minus iis suffragari possumus, qui secuti CL. Malpighium, unum secretionis organum glandulas esse contendunt, omnesque propemodum partes glandulosas faciunt, quando illud jam compertissimum est, in variis partibus fieri secretionem, quæ nullis gaudent glandulis, & pro his multa organa falso haberi. Quod ut eo melius pateat, non prætermittenda est vulgaris illa & fere recepta in scholis Medicorum, divisio glandularum in conglobatas, & conglomeratas, quarum illas ex vasis capillaribus in pilæ modum conglobatas, ex iisdemque varie connexis, & conglutinis, alteras conglomeratas constare crediderunt, dum facta diligentiore inquisitione comprehensum est, multum inter utrumque genus glandularum discriminis interesse. Nam quæ conglobatæ vocantur glandulæ, eae ex folliculis constant, quodam reticulato fibrarum motricium nexu fultis & communitis, ac præter arterias, & venas, nervos-

*Organum secretionis non sola sunt glandula.*

*Constructio glandularum conglobatarum,*



que, duplici vasorum lymphaticorum genere, quorum alia lympham inferunt, alia auferunt eandem, & cor versus deducunt, instructis. Cujusmodi sub alis, ad inguina, in artubus, mesenterio, & hinc inde in corpore, copiosissimæ occurrunt, atque a Malpighio vesiculares, & muscosæ a Nuckio appellantur. Atque hæc quidem omnes ductibus excretoriis carent, & machinularum instar hydraulicarum, lymphæ saltem conquassandæ, atque ex uno vase lymphatico in aliud transfundendæ, serviunt, organis autem discernentibus immerito annumerantur. Neque apparet, quo jure inter eas jecur, pancreas, mammas, testes, ventriculum, intestina, aliaque secretioni servientia viscera, Malpighius referat, cum neque structura, neque usu cum illis conveniant. Quæ enim glandulæ vocantur conglomeratæ, hæc membranosi sunt folliculi, qui tanquam basis, fulciendis saltem vasis sanguineis, & inde egredientibus tubulis excretoriis serviunt, & parte una collectos gerunt capillares arteriarum ramulos, ante, quam in venas replicentur, in cincinnos veluti inflexos, atque intestinorum more magis, vel minus, plicatos, parte vero altera ab his orientes poros & tubulos, quorum plures plerumque confluent, & majores ductus excretorios constituent, emittunt, & omni sua fabrica, seminum instar milii, vel acinulorum, per cutim, atque membranas plures alias disseminati, & vel solitarie hinc inde dispersi, vel in peculiaria variæ figuræ, & magnitudinis, organa glomerati, variis nominibus insigniuntur. Quem-

*Et conglomeratarum,*

admo-



admodum in mammis, pancreate, glandulis salivalibus, & oculorum, ventriculo etiam, præcipue castoris, observemus licet. Sed alia est constructio glandularum in intestinis, quarum inventionis gloriam doctissimum par virorum, Pechlinus, & Peyerus, sibi vindicat. Hæ enim propriis, quibus fulciantur, folliculis destitutæ, nihil aliud sunt, quam productiones arteriarum extremæ, ultra recurvos venularum ductus in tunica nervæa perparum propendentes, nec plicatæ illæ, aut circumvolutæ, sed recto fere tramite decurrentes, & succosæ valde, ac molles, lymphæque turgidulæ, quæ in tunica illa hinc inde, apicem instar pulposorum, prominent, & minores quidem, eaeque vel solitariae, vel acervatim in arcolas & plexus congregatæ, in intestinis gracilibus, majores autem in crassius, sed tantum sparsim, atque in distinctis veluti stationibus, collocantur, ac inter crustæ villos ita ubique eminent, in cavaque intestinorum prospiciunt, ut una cum crusta, vel tunica villosa, facile avelli, aut fortius tantum atque incautius deteraso mucos, deleri possint, sed evidens tamen vestigium in tunica nervosa, poros nimirum notabiles, relinquunt, injectamque in arterias mesentericas ceram coloratam, non admittant tantum, sed etiam paulo fortius adactam, in ipsum intestini cavum transmittant, colore rubro relicto. Cujus rei merito nullam aliam agnoscit causam Ruyschius, in Resp. ad Epist. Anat. XII. quam quod productiones arteriarum extremæ, quibus hæe glandulæ, quas ille spurias appellat, constitutæ

*Glandula in-  
testinorum  
sunt apices  
arteriarum.*



stituuntur & constant, adeo sint tenues & subtiles, ut materia cerata, ut decet, adacta, contentum minium, aut simile quid, colorem largiens, relinquat in itinere, & sine colore cava intestinorum ingrediatur.

*Glandula  
nulla in ce-  
reberi cortice,*

Quodsi organorum secernentium aliorum, quæ hodie pro glandulis habentur, constructionem propius intueamur, eam aliam omnino, ac vulgo opinamur, deprehendemus. Inter hæc corticem cereberi ex acinis glandulosis cum Malpighio plerique contextum putant, quem tamen, accuratior docet inspectio, totum ex vasculis constare sanguineis, per meningem tenuem, tanquam fulcimentum, numero innumera-bili ita pariter disseminatis, ut ultra recurvos venularum tubulos prolatae arteriarum extremæ propa-gines, succosæ appareant, quemque secretum conti-nent, lymphæ succum in fibras medullares conve-hant. Unde musci, vel tomenti instar, illa cereberi corti-cosa portio apparet, atque a parte altera medullari sine notabili læsione auferri potest. Qui autem coctione ce-rebri in oleo, vel simili liquore, apparent grumuli, & ex-pressi a Bidloo exhibentur, hos artis effecta esse, falsoque pro glandulis haberi, & res ipsa loquitur, & diligenter Ruyschius ostendit l. c. Nec vero in hepate, facta diligen-tiori inquisitione, præter vasa, aliud quid, quod glandu-larum, vel acinorum mereatur nomen, reperias, utut iisdem segregatio biliosæ materiæ adscribatur. Qui-bus, ut cetera hic organa, quæ glandularum nume-ro perperam habentur, taceamus, addendum, quod per solas arteriarum extremarum porosas pelliculas

*Re hepate.*



in fibras musculorum, & partium aliarum, quas illæ peragrant, ros lymphæ nutritivus emittatur, nec minus aër per meabiles venarum pulmonalium tunicas concipiatur, perinde prope, ac chylus in venarum lactearum radices admittitur.

Ex his constare arbitror, non ubique partium, in quibus fit secretio, glandulas esse, & unum secretionis organum poros & meatus vasorum constituturæ, multumque a vero abesse, qui sanguinem extra vasa sua in glandulas, vel partes alias, emitti, in iisque demum, tanquam cribris, & spongiis, pro varietate pororum, secretionem institui, & partem quidam rubicundam in venarum, lympham in lymphaticorum, & humores alios, in vasorum aliorum, distinctis locis, atque ab arteriis sejunctis, orientia oscilla admitti & derivari, perhibent. Namque hæc sententia non minus a glandularum, quam partium quarumvis discernentium, fabrica & constructione longissime abest, quæ quippe omnes ex variis vasis varie sunt contextæ, atque ex uno in alia humores transmittunt, sine ullo sanguinis ex iisdem egressu, vel extravasatione. Nec vero ambigam, quin assentiendum putem laudato Anatomico, plerosque viscerum humores, quos in glandulis discerni commune fere dogma est, ipsis in arteriarum extremis propaginibus segregari, quod in omnibus prope partibus, in quibus fit secretio, extremæ arteriolæ multo molliores, succique pleniores existant, atque aliam induere naturam videantur. Unde idem illud, quod de glandulis

*Verum je-  
cretionis or-  
ganum sunt  
pori vasorum.*

*Sanguis vasa  
non egredi-  
tur.*

inte-



intestinorum dictum est, ipsis etiam in arteriis usu venire solet, ut injecta in easdem cera rubicunda, pro varietate pororum, per has vias rubicunda, per illas alba, per alias flavi coloris cera prodeat, cum tamen antea tota massa rubicunda fuerit. Eoque potissimum pertinet, id quod præclare Bellinus annotavit l. c. de Ferment. Probl. XXXVII. omnis ille mirabilis arteriarum textus, in organis quibusque secernentibus, vel secretionem adjuvantibus, in modum retis, ex innumerabilibus compositi maculis, ita implicatus & dispositus, ut, cum per tot arteriarum tenuissima filamenta, in textu illo reticulato, eoque comprehensis maculis, sibi millies occurrentia, propulsus sanguis, ad tot innumerabiles macularum angulos incurrit, & superatis iisdem, sibi deinde ipsi occurrit & superaffluit, eo accuratior particularum solutio & divisio, & facilior, ac copiosior in obvios, aptosque quibusvis, poros secessio ac derivatio fieri possit. Quo etiam facit, quod in iisdem angustissimis viarum anfractibus humores a motu vorticoso, quo in vasis capacioribus agitabantur, remittant, quæque adeo confusæ antea erant particulae, & permixtæ, secedere a se, & quæ figuræ ac superficiei similitudine magis conveniunt, coherere incipiant, & promptiores ad secretionem fiant. Uti videmus, easdem aquæ, vini rubri, hydrargyri, & aëris guttulas, quæ in tubo vitreo facile confunduntur & permiscentur, in tubulis angustioribus, licet concutiantur, vel aër insuffletur, mixturem haud admittere, sed sua quasque loca tueri.

Atque



Atque eam quidem sententiam eo libentius amplectimur, & firmitus tenemus, quo certius constat, eam solam justo fundamento inniti, & quævis impedimenta, illi corporis actioni alias objecta, facile amoliri, & tam claram rei lucem afferre, ut, præterquam quod ea vasorum continuatio, & structura, multis in partibus ipsis sensibus est exposita; illud quoque illustre det indicium, ac documentum, opinionem nostram rei respondere, cum effector naturæ haud dubie commodissima, & simplicissima fabricandi ratione, machinam construxerit, nullis ambagibus supervacaneis, quas perfectio ejus, numeris omnibus absoluta, nunquam esset receptura. Quod si enim isti prædicto vasorum & ductuum contextui humorum, particulis, figura, mole, motuque, variis, turgentium, pressionem, & illam, quam modo diximus, solutionem in minimis arteriis, propulsionemque per harum tubulos ad ostia pororum secernentium, sive transmittentium, addas, non organum tantum, sed etiam causam effectricem secretionis habebis, nec adeo difficile erit intellectu, qua ratione a motu ventriculi & intestinorum peristaltico ex massa exsolutorum ciborum liquidiores particule, ministerio cribrationis, in vasa lactea exprimantur, & quomodo eadem in fluidum interius commune, sanguineam nempe massam, ad ejus, quod per continuum effluvi-um decedit, instaurationem delatæ, & motu hujus indefinente, varioque, mixtæ, & agitæ, atque a systole cordis, resultuque arteriarum, tum & fibrarum

*Secretionis  
causa effe-  
ctrix est mo-  
tus humo-  
rum, cum in-  
testinus, tum  
progrediens.*



aliarum motricium, quibus viscera quædam secernentia sunt instructa, pressione, per omnes arteriarum canales provectæ, nova secretionis via, vel in liquida interiora propria, videlicet cerebri & nervorum, glandularum pancreatis, salivalium, atque aliorum organorum ductus transmittantur, vel fibras partium tantum rigent & conspergant, aut per renum, cutisque, meatus plane e corpore ejiciantur; prout nimirum a substantiæ cujuslibet partis proprietate fuerint determinatæ, citra concursionem aliorum instrumentorum, sive fermentorum, quæ sine causa ex Helmontio, Sylvio, & Willisio, in auxilium advocari a multis hodieque cognoscas. Quæ quidem etsi rejicimus, tamen succi nervosi operam ad secretionem, in visceribus recte peragendam, exclusam omnino nolumus, non quo eum humoribus sanguinis commisceri, eosdemque fermenti instar solvere, ac segregare, & singulis eorum particulis motus determinationem imprimere ac in suos quasque poros dirigere, existimemus cum Gvilielmo Cole, de Secret. Anim. Cogitat. sed quod succus ille tonum fibrarum motricium, quæ vasa in organis secretoriis ambiunt, conservet, quo pressa succusque vascula, intorta varie, & convoluta in glandulis, nusquam quietem humoribus concedant, atque adeo progressiones succorum, derivationesque, ubivis sine intermissione peragantur. Ac nescio, annon eorum admittenda sit conjectura, qui fibris nerveis venas inprimis, cum sanguineas, tum serosas, stringi existimant, quo retardato motu humorum retro-

*Succi nervosi  
ad secretio-  
nem concursio*



trogrado, uberior succorum secretio fieri possit. Nam quod doctissimus Britannnus succo nervoso acceptum tulit, id omne ab interiorum sanguinis partium agitatione, & prædicta solutione, motuque cordis & arteriarum, repetendum est. Ut nullo proinde alio intus agente, & solvente, aut dirigente, fermento opus sit, sed universum hoc secretionis animalis negotium necessarium circuli vitalis effectum sit, atque a solidi & liquidi contextu & habitudine proficiatur.

Etsi vero hæc expedita videri possunt, tamen <sup>Ratio secretio-</sup> nondum apparet ratio, qua tot varii generis succi, in <sup>nis non sita</sup> partibus variis, ab una sanguinis massa secedant & se- <sup>est in relatio-</sup> gregentur. Equidem communis fere est opinio, id <sup>ne fluidi secer-</sup> omne a determinata particularum secernendarum <sup>nendi ad figu-</sup> & pororum secernentium, figura dependere, & par- <sup>ram pororum</sup> tículas triangulares poros & meatus trigonos, cubicas <sup>secernentium.</sup> cubicos, quadrangulares tetragonos, & ita porro moleculas alias alios, sibi accommodatos, poros subire & intrare. Sed eam vitii non expertem esse, satis, opinor, luculenter evicerunt Viri clarissimi, Archibaldus Pitcairnius, s. c. Burcherus de volder, Orat. de Ration. virib. & us. in scient. & Bernhardus Connor, de Secret. Anim. Nec enim, ut illorum utar argumentis, sibi quisquam persuaserit, fluidum, si fluidi specie humores secerni opinemur, quod facile quibuslibet se meatibus accommodat, determinatam pororum exigere figuram? Quum illud abunde aqua declaret, quæ omnes poros, cujuscunque sint figuræ, transit, modo amplitudo illorum permittat. Idem statuendum est de



corpusculis, si forma solidi transire credantur. His enim respondeat pariter pororum diameter, necesse est, quam demum cunque figuram habeant. Nam si minores sunt, constat, transitum eisdem corpusculis intercludi. Si majores, patebunt etiam aliis majoribus, nec in minoribus ulla requiretur figura. Sin vero diameter corpusculi respondeat diametro pori, hæc utique sola pervadent, quæ ejusdem sunt figuræ, & excludentur omnia ejusdem magnitudinis, sed alterius figuræ, corpuscula. Vt vero transeant, quæ ejusdem sunt diametri, non tantum requiritur, ut similis sint figuræ, verum insuper, ut similiter ponantur, & accurate latera lateribus, angula angulis respondeant; quod ultimum non nisi in uno situ locum habet ex innumerabilibus diversis corporum positionibus. Sic e. g. ut per orificium triangulare triangulum, aut triangulare prisma, illi exacte respondens, transeat, hic præcise situs requiritur, quo apex apici, basis basi conveniat accuratissime. Hoc nisi contingat, frustra transitus expectabitur. Quæ si recte expendamus, & cogitemus pariter, particulas sanguinis, cum motu intestino agitatae, tum cordis & articularum incitatione a vasis majoribus ad minora pressas & propulsas, varias in situ mutationes subire, nihil prope difficilius videbitur, quam ea ratione secretionis peragi negotium, quum in ea humorum agitatione & progressionem impossibile prorsus sit, ut particulae discernendæ situ suo figuræ pororum discernentium tam exacte conveniant. Et quis pertenderit, transitum



tum chyli, & liquidorum aliorum, ex intestinis in vasa lactea a figura pororum dependere, quum tot diversarum figurarum liquida, uti sunt chylus, ex variis extractus esculentis, potulenta item varia, parum, vel nihil, aliquando immutata, ac varia etiam medicamentorum genera, per illas vias transmittantur, Quibus addendum, quod, qui secernuntur, humores, omnes varia aquæ, terræ, salis, & sulphuris conjunctione consent, atque adeo propter multiplicem, & variam suorum corpusculorum figuram, mechanicam ejusmodi prorsus respuant. Neque est, quod quis existimet cum Havero l. c. p. 131. hic non supponi figuram pororum, solis unius, & puri ejusdam principii, sive salinæ, sive sulphureæ, aut alius sint indolis, utpote quæ nusquam adeo puræ reperiantur, particulis accommodatam, sed humores secernendos ex pluribus componi diversis moleculis, harumque unionem in peculiarem abire figuram, a singularum quidem figura discrepantem, at pororum figuræ congruam & convenientem. Huic enim commode occurrit prædictus Connor l. c. quamlibet v. g. bilis, vel humoris alius, particulam, ex mixtione aquæ, terræ, salis & sulphuris, varia proportionem conjunctorum, ortam, fluidam, atque adeo in omnes figuras formari aptam & idoneam esse, quæ cujusvis figuræ poros, modo cum diametro conveniat, subire possit; quemadmodum observamus, chartæ bibulæ meatus liquores quosvis, sulphure, terra, sale, acido, & acri, eoque fixo, & volatili, scætos, pervadere, Adeo ut ea ratione promiscua fieret hu-



morum omnium in poris quibusvis sine ullo discrimine secretio. Non aliter, atque fieri non raro comperimus, obstructo uno aliquo excretorio, aut redundante quadam materia in sanguine, per alia, plurave interdum, excretoria secretionem fieri. Ita videmus, suppressæ occultæ transpirationis & sudoris excretioni non raro succedere diarrhæam, hacque cohibita, salivationem nonnunquam excitari. Sic in variolis, quando concidunt pustulæ, & salivatio ægrotantis præter expectationem sufflaminatur, sæpe etiam diarrhæa oritur, aliquando vero per renes materia divertitur. Ita quoque obstructis renibus, lotium per ventriculum, & os excretum fuisse, constat: obstructoque jecore, bilis per corporis habitum diffunditur, & cum urina secedit, interdum etiam salivam imbuat, certo satis indicio, non adeo dissimilem esse diversorum humorum, & pororum atque meatuum figuram, nec tam disparem illorum proportionem, quin aliquando data occasione sibi queant adaptari. Quin & evenire videas, a fortiori sanguinis pressione, aut modo alio dilatatos poros, ipsum subinde sanguinem pervadere, & emitti per renes, meatusque cutis, & glandulas oculorum, ac partes alias, suppressis præsertim evacuationibus consuetis per muliebria, & hæmorrhoides. Nec vero succos tantum vitales eo modo excerni & profundi, sed etiam subinde morbosos, ac partibus infensos, ita gigni comperias, si nimirum forte fortuna fiat, ut a quacunque causa mutato partium contextu, minus convenientes quædam particu-



ticulæ poros quosdam occupent. Sic enim iisdem ejusdem indolis moleculæ ex præterfluentibus succis facile accedent, replendoque meatus, similium successionem, cohæſionemque admittent. Qua ratione non raro calculi, seminiaque morboſa, unde cancer, & alii, graves sæpe, morbi pullulant, exoriri ſolent.

Quare illud vero videtur ſimilius, rationem ſecretionis animalis, non ſitam eſſe in relatione fluidi ſecernendi ad figuram pororum ſecernentium, vel transmittentium, ſed potius pendere a varia illorum diametro, & continua particularum ſegregandarum, ob figuræ & ſuperficieſi ſimilitudinem magis cohærentium, ſucceſſione. Nam quia ductus, vaſaque cuncta corporis, ſuccis quæque ſuis plena ſunt, & minimarum arteriarum anguſtias pertranſeuntium ſuccorum partes, non motu ejusmodi vorticoſo, quo in vaſis agitantur ſatis capacibus, ſed placidiore provolvuntur, minusque adeo confuſæ ac permixtæ ſunt, & quæ natura ac indole conveniunt, ſuarum contactu ſimilium ſuperficieularum cohærere & congregari incipiunt: fieri aliter nequit, quin imbutos ſemel peculiari liquore ductus, porosque ſecretorios, conſimiles particulæ, continuo ſuccedentes, ingrediantur, quamdiu motus & progreſſio liquidorum, atque diameter pororum durat, dum reliqua maſſa humorum eos præterlabitur, atque in patentiora venarum vaſa regreditur. Cujus rei vulgare quidem, ſed evidens habemus exemplum in mixtura a

*Sed a varia pororum diametro, & continua particularum ſecernendarum, & cohærentium, ſucceſſione pendet.*

quæ




quæ & olei, quæ si separare velis, prout adhibita ad filtrationem charta bibula, imbuta prius aqua, vel oleo, fuerit, aqua, vel oleum transibit, retento altero supra chartam, quo hæc madefacta & saturata antea non fuerat. Pari modo ex una sanguinis massa, particulis turgente aquosis, oleosis, salinis, acidis, terreis, aëreis, & athereis, aqua, harum illarumve magis satura particularum, hos illosve meatus, qui semel ejusmodi liquido fuere perfusi, subire videtur, ita ut omnes corporis liquores omni propemodum genere particularum constent, sed ex diversa earum proportionem, atque a dominatu quarundam, diversi, ac proprii quibusvis ductibus & receptaculis, succi, falsi, sulphurei, insipidi, tennes, & crassi, evadant, quo serviant usibus, quibus natura comparati sunt. Nec vero ratione quadam docendi magis expedita explicare, & comprobare possumus chyli, & sanguinis, succique nervosi, & ceterorum humorum, non minus vitalium, atque utilium, quam excrementiorum, generationem, ac denique corporis totius nutritionem: Unde has actiones omnes animali secretionem merito comprehendimus.



## CAP. VII.

DE

CHYLI SECRETIONE  
ET MOTU.


 Quo autem spatium, quod nunc decurrimus, recte conficiamus, exponemus ordine singula secretionum genera, primumque chilyficationis videbimus negotium, quod concoctionem, digestionemque veteres nominaverunt. Hoc quidem secretionem utilis ab inutili fieri, nemo temere negaverit, quum satis constet, succum ciborum chyli nomine ex intestinis in vasa mitti, perque cor in membra omnia diffusum, irrigare universum corpus, ac vegetare, relictis alvo fecibus, & scybalis, foras, qua natura exitum patefecit, emittendis; tametsi eam secretionem aliter olim, quam nunc, neque uno omnes modo, explicent. *De chilyficatione opiniones varia.* Namque, ut habet C. Celsus, Præfat. duce alii Erasistrato, atteri cibum in ventriculo, contendunt: alii Plistonico, Praxagoræ discipulo, putrescere: alii credunt Hip. *Veterum.* procrati, per calorem cibos concoqui. Acceduntque Asclepiadis æmuli, qui omnia ista vana, & supervacanea



*Et recentiorum.*

nea esse proponunt. Nihil enim concoqui, sed crudam materiam, sicuti assumpta est, in corpus omne diduci. Ita vero veteres dissensere. Neque magis nostros audias consentire, quando multi per fermentationem, nonnulli per eliquationem, & solutionem, & jam demum aliqui sola ventriculi agitatione, & comminutione, cibos confici existimant, quorum postremi prope in Erasistrati, atque Asclepiadis sententiam delabi videntur. Et hæc quidem inter eos parum constant, quos tamen ideo in tantum falsos esse dicendum non est, ut omnino egerint nihil. Nam & attritione simul & dissolutione, & quæ hanc sæpius consequitur, fermentatione, calore etiam adjuvante, cibos confici, non minus varietas materiæ, qua vescimur, quam instrumenta illa, quorum multiplicia in nobis per totum alimentorum canalem machinatus est rerum opifex, indicant, ut fortasse non omnino inique totum chylicationis processum cum operatione illa mechanica, quam extractionem chymici vocant, olim comparasse videamur.

*Comparatur cum extractione chymica,*

*Et inchoantur in ore, opedentium motus maxilla inferioris, lingua, & salivæ:*

Ac primus quidem alimenti aditus est os, in quo prominens ex alveolis maxillarum, & gingivis molli-  
bus, duplex series dentium, ex fistulis & lamellis of-  
seis constantium, & suis instructorum vasculis, suc-  
cum, sanguinemque affudentibus, conspicitur, quo-  
rum omnium durities major est, & asperior, quam in  
ossibus ceteris, ut pistillorum instar, & lapidum mo-  
larium, dividendis cibis, pabuloque sufficerent, de quo-  
rum generatione & compositione præ aliis elegan-

ter



ter egit Malpighius l. c. p. 51. & seq. Eorum enim alii ad incisionem ciborum facti sunt prompti, & parati, qui propterea in priore oris parte locati, acutique facti, nec scalpellis incisoriis absimiles: alii his utrinque adjunguntur, atterendis cibis utiles, quos Deus ideo rotundos fecit, & rotunde acuit, ut firmitus, majusque foret eorum in opere robur, quorum similibus scalpellis lapidæ marmora, cotesque effringunt. Pluribus vero post hos molaribus ad comminuenda, molendaque cibaria utimur, quos ideo latiori capite, & inæqualiter aspero, Deus armavit. Mobilem quoque maxillam inferiorem ita reddidit, ut sub acutis dentium cuneis concisi cibi, & confracti, ac discerpti, inter mensas molarium, veluti lapides inter molares, volvi varie, revolvique motu linguæ, ac genarum, & commoli minutatim possint. Quo magis Creatoris sapientiam miremur in avibus, quæ quia a dentibus imparatæ sunt, albos plerumque & splendentes lapillos, hisque similia corpora dura seligunt & deglutiunt, & ventriculo, duobus crassis, ac robustis musculorum paribus constructo, & duplici intus crusta dura, ac veluti cornea, sulcisque transversis, aspero, utuntur, ut inter crustas istas asperas, motu musculorum inter se commissas, molere queant & pinsere, quæ integra in se ingurgitare coguntur, lapillis dentium vicem suppleantibus. Nec vero dentibus modo dividitur cibus, ac veluti in pulverem comminuitur, sed etiam eadem opera salivæ, e pluribus ductibus, in os hiantibus, emergentis, aërisque, poros &



intervalla cibi divellentium, vi colliquescit, crebraque linguæ, & genarum, modo contractarum, modo in similitudinem collium, leniter iterum exsurgentium, coagitatione, sursum, & deorsum, in omnemque partem volutatus, in molliorem massam dehiscit, & dissimilibus exui partibus, ac suos odores nativos, saporisque amittere, paulatim incipit. Quæ quidem præparatio, quam vulgo masticationem vocamus, jure quodam suo tanti habita fuit ab Arabibus, ut animam suam male odisse, dixerint, qui eam oderit; quod inde cruditates, & morborum materia, oriantur.

Subactam hoc modo, & commolitam dentibus, ac salivario imbutam humore, massam ciborum, lingua deinde colligit, & conglobatam vi sua ad folles faucium deprimi, ac conspirantibus in hoc unum illorum pariter, gulæque musculis, clauso larynge summo, per operculum hujus cartilagineum, sive epiglottida, veluti per subjectum pontem, in pharynga, & ipsam cibalem fistulam, per eamque, lubricam intus, & glandularum rore madidam, ac perfusam, ad ventriculum dimittit. Cujus porro cum adstringentis sese, tum remittentis, commotione, adjuvan-

*Continuatur  
in ventriculo  
a motu hujus,  
& lymphæ, ac  
perspiratione  
interiore:*

te alterna diaphragmatis, tanquam preli injecti, agitatione, massa hæc eliquata magis ac divisa, in substantiam, pulti similem, dissolvitur. Idque ope & ministerio novi liquidi, lymphæ puta, quam arteriarum gastricarum pori, sive glandulæ stomachi numerosissimæ, reddunt, ac perspirationis interioris e crassa villosa tenuium & acutarum particularum, a quibus,



bus, compressis in stomacho, lymp̄ha, quam diximus, gastrica, sua natura mitis, vim illam septicam acquirit, macerandis, dissolvendisque, ac eliquandis alimentis necessariam, quam proinde menstrui, qua voce liquores solventes barb̄re appellamus, itemque fermenti nomine, quod multi hic oderunt inique, jure insigniamus. Quippe cum acie, & elaterio liquoris illius, ac perspirationis, exagitata intus contentorum corpuscula, pro varietate quidem assumptorum, plus minus fermentescant, & magis deinde magisque tumescens massa, ac dissoluta, modo ventriculi distendat latera, modo a coarctatione visceris, laterumque ipsius, compressa iterum, & constricta, pedetentim e fundo ad orificium dextrum, quod pylorus appellatur, & distento ventriculo, orificio alteri altitudine par, imo superius interdum esse deprehenditur, emergat, & per angustum ipsius, fibrosumque circulum, hoc longo, atque obliquo ascensu, in fistulam intestinorum protrudatur. Quo fit deinceps, ut cum interfusis humoribus novis, bilis nimirum sale salso, volatili, & oleoso, ac lymp̄ha, quæ ex racemo pancreatis, multisque aliis, quæ poris arteriarum mesaraicarum continentur, glandulis, in ejus canalis cavum confluit, tum & illis, quas crusta exspirat vilosa, particulis, intime commixta, justum, idoneumque liquorem acquirat, atque ad universi corporis utilitatem porro elaboretur.

*Absolvitur & perficitur in intestinis a motu horum, & liquoribus variis.*

Neque enim chylus omnis in ventriculo perficitur, sed magnam partem tantum ad macerationem,



*Chylificatio-  
nem adjuvant  
aër, & calor.*

*Lympha ven-  
triculi indur-  
les varia.*

solutionemque alimenta rediguntur. Ad hanc vero permultum quoque aër confert; qui non oris tantum cavum subit, sed etiam una cum alimentis ventriculum ingreditur, ac vi sua elastica poros ciborum, ac intervalla divellit, eorumque particulas liquat, adiutus præsertim calore blando sanguinis, & viscerum, quibus, tanquam vas quoddam recipiens, prunis, calentibusque arenis, vel aquis, aut vaporibus, arte fotum, uter ille membranaceus ubique incingitur. Quantam enim vim in exsolvendis rebus aër habeat, compressus in vase, & motu caloris pausus & agitato, vix aliunde melius, quam machina Papiniana docemur, cujus ope non minus partes duræ, & osseæ, quam molles, & carnosæ, brevi emollescunt, atque in gelatinosam & mucaginosam materiam rediguntur. Potissimum autem in stomacho agunt, suasque exerunt vires, lympa ejusdem, & perspiratio, quæ pro natura quidem sanguinis, & constitutione pororum ventriculi, variant, & propriæ sunt cujusvis speciei, individui etiam, ut generatim adeo naturam earum definire nobis liceat minus. Quæ eadem causa est, si totum ventriculi non negligamus, quamobrem homo alter altero acrius appetat cibum, sumptumque digerat citius, & quæ alimenta ab uno forte animalium genere difficulter, vel nullo fere modo possunt digeri, ab alio facile conficiantur. De quo tamen, quisquis est, qui dubitet, is exta hominum æque, ac brutorum, inprimisque castoris inspiciat ventriculum. Hoc enim genus animantis, quia alimento exsucco,

&



& segmentis potissimum corticum, atque radicum arborum pascitur, prope orificium sinistrum interius, ut scite tradit Wepferus, Ephem. med. phys. Germ. Dec. I. Ann. II. obs. 251. nosque sæpius non sine quadam animi voluptate vidimus, plurima habet majora oscula, mucum, veluti mel favi, atque præsepiola, continentia, exteriusque superstructum iis musculum ostendit ovalem, quo leniter compresso, in stomachum effunditur magna vis muci illius albi, & lenti, castoreum redolentis, & subsalsi. Reciso vero, ablatoque musculo, ipsi in conspectum prodeunt folliculi illorum, quæ prædiximus, osculorum, maizi seminibus, & acinis granatorum non adeo absimiles, albicantes, & molles, unciæque circiter longi, ac pluribus porulis in oscula interiora spectantes, qui tanquam glandulæ conglomeratæ, aut congregatæ, pulchro quodam ordine, secundum rectam fibrarum musculi seriem, veluti in acie collocati, & vasculis innumerabilibus sanguineis, ad latera, & in fundo, prope insertionem in stomachum, intus, extusque instructi, succum illum a sanguine recipiunt, atque contractione musculi compressi, in contenta, ad macerandum, solvendumque durum illud, atque asperum alimentum, magna copia evomunt. Sic etiam aves rapaces, & quæ membranoso gaudent ventriculo, insignem consimilium fere glandularum acervum ostendunt. Quemadmodum in aquilla vidit Maipighius l. c. p. 82. non superiorem tantum stomachi partem, sed etiam œsophagum, ingenti glandularum ovalium copia cooper-

*Glandula  
stomachi in  
animalibus  
diversis.*

tum,



tum, reliquam vero illius portionem, ac superficiem interiorem, brevibus, atque ex tunica nervea productis fistulis, succum pariter fundentibus, fuisse exornatam. Similem prope glandularum congeriem aves quoque gerunt ceteræ, quæ carnosæ præditæ sunt ventriculo, non ipso quidem in stomacho, idque propter callosam interiorem tunicam, & lapillos, quibus apices glandularum facile læderentur; sed extra eum, in ostio, atque introitu gulæ, antequam cum ventriculo conjungitur, quæ eo loci, ut non inscite Peyerus in Anat. Ventr. gallin. observat, in bulbum quasi quendam extuberat, exteriusque variis orbiculis, atque circellis, per membranam musculosam transparentibus, constat, remotoque hoc velamento, totam circulorum illorum compagem ostendit, ex glandulis oblongis, teretibus densisque ordinibus tunicæ musculosæ imbricatim appositis, coagmentatam. Sectæ secundum longitudinem glandulæ, cavæ sunt, & patentibus ostiolis in cavum gulæ spectant, ita ut pressæ earum bases, succum pariter albicantem emittant, qui maceratis in ingluvie, ex eaque per oesophagum in stomachum tendentibus frugum granis, & alimentis aliis, in ostio ejus permiscetur, ut, cum illa motu musculorum ventriculi, & agitatione reciproca, inter lapillos franguntur, alterantur, & commoluntur, hic emolliendis iisdem, in pultemque tenuem eliquandis, ac dissolvendis serviat. Nec vero aliam digestionis causam, præter perspirationem illam interiorem in canale alimentorum, afferre ullam



iam possumus in piscibus, quos alios sæpe integros pisces devorare observamus, eosque sine calore, & sine attritione, non in stomacho tantum, sed etiam in gula adhuc propter magnitudinem hærentes, perbene conficere, ita quidem, ut partes primum exteriores tabescant, ac paulatim ad interiores colliquatio procedat. Quemadmodum in sectionibus illorum piscium sæpe multumque se vidisse, vir doctissimus Mart. Lister, testatur in Exerc. Anat. III. Conchyl. bivalv. p. 150. Quorum sunt commemorandæ observationes celeberrimi Branneri in glandulosis serpentum ventriculis, in quibus pedes ranarum, quas illæ deglutiverant, qua parte ventriculo immergebantur, una cum portione ossiculi, in liquamen resolutos, solventisque vim ad partem quoque alteram, quæ adhuc in atrio stomachi hærebat, jam pervenisse, deprehendit. Diatr. de Lymph. & usu pancr. c. IV. Sed de varia ventriculi, ac intestinorum, in animalibus variis dispositione, quæ eodem intendit, legat, qui volet, Nehem. Grevv Comparat. Anat. ventric. & intest. Hæc vero huc adducta sunt, ut ventriculum humani constructio illustraretur, quem l. c. Malpighius amplam vocat, extensamque glandulam, quod interior ejus nervea tunica non acinis tantum minimis abundet, sed ab eadem tunica ex propagatis per eam densissimis vasorum sanguineorum ramulis assurgens filamentosa fibrosa que moles, quam crustam appellamus villosam, tota ex fistulis & tubulis, succum, rigandis solvendisque cibis utilem, ac necessari-  
um, promentibus, sit contexta. Quod uti veritati con-

*Quid crusta  
villosa ventri-  
culi?*

*Ejus usus.*



sentaneum, ita non alienum est, ejusdem crustæ villos etiam impedire, quo minus alimenta asperiora vim inferant nervosæ tunicæ, sensus, quo memores reddimur refectionis corporis, exquisiti.

Ufus bilis, & succi pancreatici, Sipienti autem hoc, providoque naturæ instituto, maceratae in stomacho ciborum massæ, atque ex amplo illius & capaci spatio, per angustiam pylori in tubum intestinorum detrusæ, concurrentes succi, amarus nempe, ac serosus, ductuum, cholidochi, & pancreatici, quorum alter alterum diluit, & temperat, miscentur, ut eorum energia penitissime tota lique scat, itaque exsolvatur, quo succulenta deinde portio a vinculis atque compedibus viscidiorum facilius extricari, evolvique possit. Qualis enim quantaque vis insit elastica, & liquandi, solvendi que facultas prædicto jam utrique, ac bilioso inprimis, succo, si minus aliunde constaret, celebri experimento Schuylii, quo ille pro confirmanda hypothese falsa nititur, patere non obscure potest. Nimirum, si, secundo canis vivi abdomine, intestinum duodenum filo uno haud procul a pyloro, alterove paulo infra insertionem ductus pancreatici, ligetur, & confuto deinde ventre, animal sibi relinquatur, tribusque post horis vulnus illud iterum aperiatur, non interceptum tantum vinculis spatium ad rupturam usque distentum, sed etiam vesicula fellea admodum dilatata reperietur, cum urente veluti calore, ligatum illud, tumensque duodeni spatium occupante. Facta autem tumoris incisione, flatus, spumantesque bullæ cum strepitu, & sonitu;



sonitu prorumpent, ac valida quadam, acrive exhalatione nares vellicabunt. Unde vim elasticam illorum succorum insignem haud temere conjicias. Sed magna etiam dissolvendi vi prædita est lymphæ, ac perspiratio crustæ intestinorum villosæ, ex vasculis constructæ innumerabilibus sanguineis, & inter eam ex subjacente tunica nervæa prominentium apicum arteriosorum, sive glandularum, quæ ab ipso duodeni initio, per totam intestinorum fistulam hinc inde collocatæ, dispersæque sunt, quarumve congeries & copiæ complures junguntur juxta prominentias illas jugosas, sive valvulas conniventes gracilium intestinorum, ex contracta in rugas, & complicata tunica interiore villosa, ita formatas, ut intra duas ubique illarum contignationes, tanquam productiones ventriculi, promota, ac provoluta ciborum massa, gradum sistere, & quæ ampliore evolutione indigent partes, porro exactius, expeditiusque dissolvi possint. Adeo ut natura quandam dissolvendi vim toti alimentorum canali indiderit, ope ministerioque motus continui, & compressionis, præsertimque lymphæ, ac perspirationis, quam glandulæ oris, oesophagi, ventriculi, & intestinorum, ut & illius pariter, horumque crusta villosa, fundunt, ut tenui ejus lymphæ ac perspirationis acie, & molli visco, lique scat alimentorum materia, & irretitæ illius, collectæve oleosæ moleculæ, conjunctæ cum æquosis, in succum illum, naturæ genio gratum, vertant. Quorsum permultum etiam bilis confert, quæ instar saponis, corpore

*Ac lymphæ glandularum, & perspirationis crustæ villosæ intestinorum.*

*Valvula intestinum conniventes.*



constans oleoso, eique juncta magna salium acrium atque tenuium copia, cum aliquali parte acidi, non vi tantum dissolvendi, sed etiam acrimoniam alimentorum, si quam habent, obtundendi, & resultantem ex illa solutione commotionem nimiam temperandi, pollet. Atque id videtur maxime necessarium, ut liquores, quibus cibi subiguntur, non aliunde, quam a corpore, ipsoque sanguine, dimanent, quo sint corpori ipsi familiares, non alieni.

*Secretio chyli-  
a fecibus, tra-  
jectioque, in  
vasa lactea.*

His igitur tot variis, tamque affabre effectis, instrumentis, solidis pariter & liquidis, ad diligentem perfectamque ciborum solutionem utimur. Unde sensim elatescens massa, coloris ut plurimum cinerei, cremoris instar, in intestinis apparet, floremque suum lacteum, chyli nomine appellatum, in vasa lymphatica, quæ eo loci lactea ab Asellio, primo eorum observatore, dicuntur, quorumque numerus iniri non potest, copiose transmittit. Id quod sola quidem secretionem, atque mechanica quadam percolatione, expressioneque peragitur, quando in eo negotio porosæ ac perviæ lactearum tunicæ coli, & incerniculi, ipsæ autem illæ venæ excipulorum officium faciunt, motuque intestinorum dilatationis, & compressionis alternatæ, quem peristalticum, Græca usi voce, appellamus, adactum eo succum recipiunt. Dum enim liquoribus prædictis infecta, perfusaque ciborum massa, per orbes intestinorum, motu horum undante, ac placido, ope & ministerio fibrarum, longitudinalium pariter ac annularium, vel potius spirali-  
qui-



quibus a transeunte materia humida , aëreque , quo & ventriculus , & intestina mollius inflantur , dilatata illorum latera alternis constringuntur , ab uno paulatim ad alterum devolvitur , & ista massa eadem intestini portio modo repletur , modo depletur , ea non solum dividitur magis , comminuitur , atque exsolvitur , verum imbibitur etiam a crusta villosa , per hujusque vasculorum intervalla exprimitur deinde , & percolatur pars ejus subactior , & quantum satis est , elaborata , intra anfractuosas lactearum radices : detrimen-  
torum sordibus , quæ pororum angustiis arcentur , relictis , atque ad ultima intestina perpetuato eodem motu , adjuvanteque intestinorum compressione a septo transversò ac musculis abdominis , ut & cooperante agentis interius aëris & flatuum elaterio , sublabentibus.

Quas ob causas intestinum , non minutum , rectumque , sed longum , & orbibus quam plurimis , atque anfractibus , spirisque multiplicibus involutum , & uno tamen mesenterii , quo sine confusione cavo abdominis comprehenderetur , substrictum , collectum-  
que vinculo , singulari quodam artificio fabricata est mens divina , quo & perfectius alimenta exsolverentur , & si quid succulenti , humidique nutrìcii in confecto cremore esset , id lacteas venas omne subiret. Nec vero dubitandum est , quin egressa ventriculo alimentorum materia , quandam succi portionem mox per intestini primi , quod duodenum dicitur , lacteas emittat , quas quippe magno numero ex eodem super

*Ratio longi-  
tudinis & an-  
fractuum in-  
testinorum.*



pancreas ad magnam mesenterii glandulam contendere, non semel in canibus vidimus. Ut sine causa Whartonus ab intestinis, venis lacteis gaudentibus, duodenum eximat, nullamque observationem mereatur opinio illorum, qui oleosas ciborum partes cum ferosis non nisi bilis, veluti vinculi cujusdam, & glutinis, ope, conjungi existimant; quippe cum ex cibis etiam ante, quam cum bile misceantur, chyli quædam portio lactea duodeni vascula ingrediatur. Si quid autem in ea transitu primi anfractus effugerit, secundi quidem tangit, & si hunc prætereat, tum omnino per tertium, aut quartum, vel alium eorum anfractuum, qui frequentes admodum, numerosique, subsequuntur, ut tandem nullus effugiat, aut lateat, aut excidat chylus, magis utpote magisque elaboratus, sed universus distribuatur. Atque id quidem præcipue tenuium intestinorum munus est. Quo multum expedit transitus angustia, & motus atque agitatio intestinorum, compressioque materiæ, cibum in exiguas comminuens particulas, cogensque, ut is propemodum totus tangat crustam villosam intestinorum, interioremque tunicam, per quam sparsæ sunt, disseminatæque, lactearum radices. Hæ tamen non hiantibus in cavum intestinorum osculis, quæ pervulgata est opinio, sed per insensibiles tunicarum poros, in quos motu illorum contruditur, chylum recipiunt, quo fieri omnino debet, ut is tam angustos subiens meatus, quaslibet crassiorum excrementorum sordes exuat. Neque vero aliam arteriæ,

*Vene lacteae  
non hiant in  
intestina.*

quæ



quæ succum corpori nutrimentum apportant, vel humores alios in emissaria alia transmittunt, aperturam habere possunt, præterquam quod per porosas, tene-rioresque tunicas, aut productos subtiles tubulos, pu-riore ac tenui lymphæ minimas partium, quas pera-grant, fibras, aut alio, convenienti quibusvis succo, du-ctus illarum, rigent. Quodsi secus foret, chylusque per patentia oscula in lacteas intraret venas, & san-guis etiam per fines, vel hiatus, & oscula arteriarum, in meatus, porosque partium diffunderetur, machina corporis brevi collaberetur.

Intestina vero crassa etsi ipsa quoque vasis qui-  
busdam lacteis sunt donata, atque ad chyli distribu-  
tionem conducunt, sigillatim tamen eo conferunt, ne  
continuo, sed quibusdam intervallis, egeramus. Hæc  
enim, tanquam venter aliquis, siccis excrementis, uti  
vesica urinæ, subjiciuntur. Unde etiam intestini ilei  
corpus ante, quam in colon explicetur, non solum ex  
latere processum illum vermicularem, multis intus  
refertum glandulis, quem complures hodie monocu-  
lum, cœcumve intestinum nominant, sed inter crassa  
im merito referunt, emittit, verum etiam ex corru-  
gata in cingulum, ac veluti valvulam, cujus invento-  
rem alii Bauhinum, alii Albertum, vel Varolium prædi-  
cant, tunica nervea, & villosa, fibris intexta spirales,  
& glandulis pariter donata, exitum in colon ea arte  
claudit, ut progredienti ad hoc materiæ janitor ille  
obsequens, explicatis ad circumferentiam fibris, eva-  
dat quidem, sed eam tamen paulatim, nec nisi tenui  
stria,

*Ufus intesti-  
norum cras-  
sorum,*

*Valvula coli,*



*Intestini coeci.* *stria*, transmittat partim, partim in appendicem illam coecam, ad latus propendentem, ut ulteriorem ibi solutionem subeat, prius divertere cogat, ingressæ vero semel, ac devolutæ ad colon materiæ, contractis, adductisque iisdem villis, regressum ac reditum intercludat. In eo autem intestino feces ita colliguntur, ut, quicquid ipsis inest humidi, quo corpus alitur, membris pariter omnibus dispertiant. Quamobrem illud non amplum modo, latumque, & multis cellulis atque anfractibus convolutum est, sed etiam flexuoso admodum itinere circumductum, quando a rene assurgens dextro, & jecoris cavum attingens, *Ejusdem situs & progressio,* transverso mox itinere, sub costarum notharum cartilaginibus, per summam abdominis regionem, stomaticam dictam, fundo ventriculi applicitum, in sinistrum hypochondrium pergit, atque lieni, & paulo inferius reni ejusdem lateris committitur, ibidemque sæpe valde coarctatur; hinc vero descendens ad finem ossis ilii, iterumque assurgens ad summum usque ossis sacri, ac figuræ instar sigmoideæ inversæ circumflexum, atque in angustiore demum coactum fistulam, mole minore, recta, & æquali, quæ proinde intestinum rectum nuncupatur, ad exitum usque procedit. Quo anfractu intestini flexuoso, & longo fecum, impeditoque itinere, fieri debet, ut si gracilium intestinorum lacteas aliquid utilis succi præterfugerit, in illius lacteas id compellatur. Ne qua tamen forte obhærescant feces, ac resistant: quod fieri poterat propter ipsorum voluminum flexiones, in sese re-



redeuntes, neque id sine incommodo: alio quodam crassiore succo, ex propriis ejus intestini glandulis stillante, perfunduntur, quo, tanquam glutine, coagmententur, ipsiusque intestini superficies ita lavigetur, ut illa ventris purgamenta ad exitus suos facilius per lubricum niti, & per rectum, extremumque intestinorum, egeri possint.

At chylus, a fecibus, alvo relictis, ista secretionē repurgatus, & undecunque ex omni intestino-  
*Motus chyli per vias lacteas ad sanguinem.*  
 rum genere in venas lacteas compulsus, a subsequen-  
 tis protrusione, impresso ipsi ab intestinis motu, per infinitos fere furculos, mesenterium perreptantes, in hujus glandulas ingreditur, & motu earum, ac con-  
 quassatione, magis elaboratus, lymphæque accessio-  
 ne dilutus, novis inde radicibus, sibi passim occur-  
 rentibus, ac coeuntibus, majores in ramos, ceu rivu-  
 los, atque ex his in fluvios quasi varios propellitur,  
 & juvantibus semilunaribus valvulis, motuque reci-  
 proco abdominis, ac ejus viscerum, ad confluentem  
 suum, sive receptaculum Pecqueti, lacteis & lymphaticis inferioribus commune, inter processus diaphragmatis omnis corrivatur. Ubi affusa ex ventre, & cruribus, lymphæ magis perfusus, compressionibus septi illius colliditur, & aortæ, atque arteriarum intercostalium, iterata quavis diastole elatus, ductus, in thorace propagati, valvulisque insignis, quem una cum prædicto receptaculo primus notavit descripsitque Bartholomæus Eustachius, lib. de vena sine pari, gradibus ascendit, donec superata ultima valvula, quam



idem clarissimus Anatomicus ostiolum semicirculare dixit, quæque lacteis ostiolis operculi instar ob-  
tensa, sanguinis in ea ingressum impedit, in venam sub-  
claviam sinistram transcendat, sanguinisque alveo  
confusus, dextrorsum cor versus abripiatur, exquisito  
naturæ artificio summe perficiendus.

*Chylus nullus  
ex intestinis  
venas ingre-  
ditur mesen-  
tericas.*

Atque hæc quidem regia chyli via est, præter  
quam qui alios quarunt ductus, & iter chyli divi-  
dunt, partemque ad hepar, vel per venas quasdam  
lacteas ex glandulis mesenterii, cum Asellio, vel per  
sanguineas mesaraicas, cum Syvammerdamio, vehi, ocu-  
lorum judicio aspectuque confirmare hodieque pa-  
rant, illi vero nihil agunt, hocque uno Lovveri expe-  
rimento facile refelluntur. Nimirum, si in cane,  
non ita diu a pastu, immisso per vulnus thoracis digi-  
to, ductus hujus comprimatur, nihil chyli in sangui-  
ne, e sectis venis quibusvis, ipsisque mesaraicis, misso,  
conspicietur, vasaque lactea magis, magisque turgi-  
da, ad crepaturam usque, apparebunt, quamdiu com-  
pressione ista motus chyli intercipitur. Contra, in-  
termessa compressione, paulo post magna lactis, five  
chyli, copia sanguini innatare deprehendetur, claro fa-  
tis, certoque indicio, unam tantum, eamque lacteam,  
chyli viam esse.

*Chylus est  
emulsio.*

Quodsi nunc ea, quæ paulo amplioribus verbis  
edisserenda erant, in pauca conferre libeat, non erit  
difficile intellectu, recte chylum emulsionem dici na-  
turalem, ex cibis ore contritis & præparatis, atque a  
lymphæ & perspiratione interiore, ac bile, aëreque,  
cum



cum alimentis illato, in canale alimentorum, adjuvante motu hujus, & agitatione diaphragmatis, ut & calore, quem sanguis affundit, exsolutis, elaboratam, & percolatione mechanica a fecibus, alve relictis, perpurgatam, atque in venas trajectas lacteas, ut in sanguinis oceanum deriveretur, & huic suppetias ferat, deperditamque ejus massam instauret. Ad quod ille quidem lacteus humor suapte natura aptus maxime, atque accommodatus est. Nam parum a compositione sanguinis differt, & perinde atque ille, ex aquoso, limpidoque, ac glutinoso humore, & innatantibus ei globulis pinguibus, non rubris quidem, sed pellucidis prope, & plurimum magnitudine & rotunditate inter se distinctis, aliisque præterea figuræ irregularis, sed ad rotundam tamen accedentibus, plurimis particulis turget, & omnem hunc contextum globosum acceptionum refert oleosis, ac glutinosis ciborum partibus, ab aëre, aqua, saleque, ita comminutis, confectis, & collectis, ut suis bullulis, & minimis specularibus superficiem, radios lucis, quos recipiunt, confertim, & justo quodam ordine, quaque versum omnes pene reflectant, eorumque collecta vi oculos, & fibras nervorum opticorum, ita perstringant & commoveant, ut inde lactei candoris sensus in anima exoriatur. Haud aliter, ac videmus emulsiones artefactas similibus bullulis constare: aut essentias resinosas, aquæ limpidæ instillatas, in globulos candidos coire: vel olea, confusa cum aquis, & agitata, sicque in numerosissimorum globulorum con-

*Ejus compositio.*

*Ratio albedinis chyli.*

T 2

riem



riem redacta ; vel aquam admisto sapone concussam ,  
atque in spumam, bullulasque, agitatione distractam,  
ob eandem suarum superficierum sphaëricam dispo-  
sitionem, eundem in nobis sensum vel colorem, ex-  
citare.

## CAP. VIII.

DE

SECRETIONE  
LACTIS.

**H** Ac igitur facie receptus in vasa chylus,  
permixtusque sanguini, nusquam iterum  
dimittitur, nisi in muliere, cui suscepto  
foetu, cum pariendi tempus appetit, ob  
compressa uteri mole arteriarum iliaca-  
rum, atque cruralium, & deinde, cum peperit, constricta  
paulatim, atque ad pristinas flexuosas angustias rede-  
untia, uteri vasa, turgescunt copia humorum mam-  
mæ, pingui isto, dulci que succo distenduntur, atque ad  
nutrimentum nascentis, vel nati, fontibus lacteis foe-  
cundum pectus exuberat. Id adeo solertissime compa-  
ratum est, ut lac ex sanguine, quovis modo, & vel co-  
ctione, vel fermentatione dealbato, confici, vix quis-  
quam



quam amplius existimare possit, posteaquam e doctrina Prosperi Martiani, doctissimi Hippocratis interpretis, Comm. in Hipp. p. 32. repugnantibus licet Eudemii nomine Nardio, Nocte generali 6. & Hieron. Barbato Diff. Lac est lymphæ pinguior, vel chylus, secretus a sanguine in vasculis mammarum, de sangu. & ejus sero p. 42. satis jam aperteque constat, lac lympham esse pinguiorem, ipsumque chylum, non quidem immediate ex canale alimentorum, aut receptaculo lumbari, vel ductu thoracico, per occultas quasdam lacteas venas, quæ aliquorum falsa est opinio, qui vasa forte lymphatica partium thoracis pro lacteis habuerunt, sed cum sanguine per communes arteriarum vias, & ratum statumque illius circum-  
 lum, pulsû cordis traductum. Quamobrem universa sororiantium mammarum moles variis arteriarum propaginibus, præcipue autem thoracicis, & illis, quæ ex subclaviis oriundæ, mammariæ dicuntur, iisdemque appensis sacculis ovalibus, sive folliculis glandulosis, atque ex his productis tubulis & vasculis lacteis, ad papillam abeuntibus, extuberat, quo ex advecto per arterias sanguine portio lymphæ pinguior & chylosa in istis glandularum canaliculis, recedente interim per venas, vasaque lymphatica, sanguinis massa, non separetur tantum, ac recipiatur, sed etiam colligatur & asservetur. Namque hæc vascula lactea ubi radicibus tenuissimis ex arteriis exierunt, in varios deinde trunculos confluunt, qui per glandulosam areolæ expansionem progredientes, multis anastomosibus coeunt, & modo diducti magis, modo iterum coarctati, cellularum instar, & cisternularum, lac

Constructio  
mammarum  
vasculosa,

Vascula earum lactea,



*Papillam con-*  
*sistuentia.*

secretum, advectumque a radicibus, colligunt, & que sufficiens semper infanti alimentum adsit, asservant. Idem vero canaliculi, ubi ad papillam, cujus fasciculum una cum intextis fibris quibusdam nerveis, carneisve, constituunt, accesserint, in fistulas angustiores, atque ostiola tandem exigua, in suprema papillæ parte incerta hiantia numero, ita coacti sunt & desinunt, ut exitu insperato lac prohibeatur, idemque accedente deinde pressione interiore humorum subsequenti-um, ipsorumque vasculorum, & quæ his intexuntur, fibrarum motricium, tum etiam exteriori aëris, mammæ incumbentis, vi, cum infans labiis papillam appetit, prensamque comprimit, & inspirando pectoris cavitatem auget, in ora illius facili negotio egeratur, & pressa porro a lactante mamma, ex suis ostiolis prorumpat, eleganti naturæ artificio, cujus simiæ sunt aquilegæ, qui fonticulos & cisternas in hortis ita construere norunt, ut aquæ præter opinionem, e locis occultioribus, hominum illorum arbitrato, profiliant. Videas tamen aliquando etiam puellas, & virgines, suppressione mensium laborantes, imprimisque lascivas, illibata quidem virginitate, non minus, quam vetulas, virosque interdum mammosos, frequenti mammarum contrectatione id efficere, ut & lac in mammis colligant, & fundere, quoties libuerit, possint. Cujusmodi exempla cum ex sua, tum aliorum, observatione recenset Isbrand. de Diemberbroeck, Obs. & Curat. Med. LXXVII. Aliud etiam extat apud Adr. Cyprianum Epist. ad Th. Millington p. 23. Eodemque



que pertinet, quod habet Hippocrates S. V. Aph. XXXIX.  
Si mulier, quæ neque gravida est, neque peperit, lac habet,  
ei menstrua defecerunt.

CAP. IX.

DE

GENERATIONE

SANGUINI ET

LYMPHÆ.

**C**eteroqui vero chylus omnis cum pulsu *Chyli in san-*  
cordis per pulmones, totumque corpus, *guinem mu-*  
semel atque iterum, ac sæpius circumagi- *tatio fit motu*  
tur, atque ab impuritatibus liberatur, *sanguinis,*  
lenta sui commutatione, tacite, paulatimque facta, parte  
minima in vitalem purpuream tincturam, partem  
vero maximam in limpidum, atque crystallinum hu-  
morem convertitur, mutatoque adeo colore, sangui-  
nis & lymphæ, quorum naturam sub candido velo-  
prius occultaverat, nomen adipiscitur. Quod ut cre- *Qui parte*  
damus, huic quidem rei sanguis ipse jam perfectus, *constat pur-*  
atque elaboratus, fidem facit, quippe qui, si diligenter *purea, aquea,*  
perquiratur, tribus potissimum partibus constare de- *& gelatinosa,*  
prehendetur, aqua nimirum, micis imbuta salium, & *quarum po-*  
gela- *steriores con-*  
*junctim lym-*  
*pha & serum*  
*nuncupantur.*



gelatina, utraque pellucida, quas conjunctim serum, & lympham nunc appellamus, ac intertextis huic, eaque irretitis, globulis pinguibus, pellucidis, subluteis, atque purpureis, qui colorem sanguini, nomenque largiuntur. In illas enim sensibiles partes non sanguis tantum vivus, atque circumfluus, mechanica vasorum, & ductuum necessitate in corpore secedit, quando tota quidem sanguinis massa, parte constans purpurea, aquea, & gelatinosa, ex corde per arterias diffunditur, divisa vero per venas, pars nempe lymphæ sola per lymphaticas, pars vero cum purpura per sanguineas, reducitur: sed sanguis quoque, ex vasis emissus, in easdem partes mox sua sponte discurret, undecunque fuerit exantlatus. Ita enim partem guttulæ sanguinis recens emissæ, atque aquæ instillatæ, per hujus superficiem olei instar diffundi, partem vero filorum forma subsidere, videmus. Pari modo observamus, quoties incisa pedis vena sanguis, ut moris est, in aquam calentem profunditur, succum feri gelatinosum secedere, atque ad fundum delabi, neque coagulari tantum, sed etiam fibrosum, membraneumque fieri, uti de sero sanguinis, lente igni admoto, scribit Barbatius l. c. sanguinem vero rubicundum cum aqua confundi, quod optime Corn. Consentinus advertit in Prog. de Natricat. Quanquam hic probe distinguenda est constitutio sanguinis fluidi, prout jugi cordis pulsu in vasorum canalibus in orbem redit, ab illo, qui motu vitali, atque hydraulico est privatus. Nam sanguis, qui extra vasa motumque constitutus,

non



non solum in illas dissimiles partes abit, sed etiam per suarum partium gelatinosarum nexum, & cohæsionem coactus, in lentorem quendam, albumini ovorum similem, atque in fibrosam compagem, qualem eleganter Malpighius Tr. de polypo cord. describit, con-<sup>Discrimen sanguinis vi-  
vi & extra-  
vasati,</sup> crescit: is debito gaudens fluore, suorum angustias vasorum expedite trajicit, quamdiu corporis machinam alit, & sustentat. Ei tamen tenuissimas quasdam, minimasque fibrulas permixtas esse, adversus Bohnium, qui fictas esse omnes sanguinis fibras, ait at-<sup>Fibra sangui-  
nis.</sup> que extra vasa demum ex congelascente parte glutinosa gigni, Malpighius annotavit l.c.p.45. Cujus quidem rei certiores ipso sensu reddimur, cum ex inflicto parti cuidam vulnuscule mox exceptum tenuibus vitreis fistulis sanguinem calidum, non globulis tantum rubris, & hinc, & inde, in omnemque dimensionem agitat, constare, sed iisdem interjecta quoque fila minima, atque cinerea, sero limpidio innatare, armato oculo conspiciamus, quæ deinde fila, cessante motu, implicata, in corpus fibrosum, reticulatumque, coeunt, atque in sanguine, vena missò, manuque, vel ligno agitato, & succussò, in stamina tenaciora con-  
crescunt. Nec vero metuendam putat Malpighius minimorum vasculorum ab his exiguis admodum fibris obstructionem, quum eaë sero lubrico innatent, ac confusæ sint, motuque cum interiorum particularum, tum progrediente, a cordis arteriarumque impulsu pendente, per omnia vasa facile provolvantur. Sed fieri tamen facile potest, ut, si copia



peccent ejusmodi fila, vel crassitie, & quiete, vel si, turbata mixtione sanguinis implicentur, & cohæcant, circulo vitali, & secretioni derivantionique humorum obicem ponant, atque in cordis vasorumque polypos concrecant.

*Sanguinis sa-  
lia, atque a-  
nalysis chymi-  
ca.*

De sale, quod sanguinis & lymphæ gelatinosæ regimine coercetur, ac temperatur, dicere hoc loco nil attinet. Namque id vi tantum putredinis, & ignis extrahi potest, quo ipso in figura, & magnitudine multum immutatur, aliaque se facie prodit, quam in sanguine habebat. Videtur autem illud potissimum esse de genere salis acris volatilis, cujus non sanguis tantum, & lympa, sed etiam gelatinæ, & omnes animalium partes, imprimisque duræ, atque ossæ, magnam copiam fundunt. Neque vero hujus solum generis sale massa sanguinis abundat, verum etiam acidi non omnino expers est, sed eo tamen pauciori gaudet adeo ut quibusdam sal sanguinis ex compositorum genere esse, atque ad naturam salis mixti, sive ammoniacalis, falsique volatilis, quodammodo accedere videatur. Ac tametsi pro naturarum, alimenterumque, & aëris varietate, magna quoque illorum salium diversitas esse soleat, tamen id multis argumentis constat, in hominibus sanis salem imprimis tenuem, & volatilem, sub olei, paucique acidi, temperatione vigire. Quod inter alia declarat putrefactio, ut & destillatio chymica sanguinis humani, qua ex eodem siccato magna spiritus, salisque volatilis, minor olei empyreumatici, minima capitis mortui, copia



pia obtinetur, atque ex hoc deinde sedimento, continuata diu fortiore calcinatione, remanet exiguum salis candidi & fixi, non tamen lixiviiati, sive alcali, ut appellant, sed potius salis instar communis, aut marini, relicto pauxillo terræ insipidæ, ac damnatæ, quam vocant, sed elementarem nemo temere crediderit. Qua de re legi merentur experimenta Boylei in *Histor. sangu. hum. P. 11. ad Tit. 22. & seqq.*

Quo vero proportio partium, quibus constitui sanguinem, expositum est, recte dignoscatur, in loco <sup>*Rata partium sanguinis portio.*</sup> recogitamus vulgare illud, contritumque experimentum, quo sanguis ex incisa sani hominis vena in aquam calentem certo pondere missus, & deinde percolatus, transmissa per colum aquæ parte, magnam gelatinæ copiam, in fibras, lanæ instar carptæ, cocuntem, relinquit; quæ si satis eluatur, parum tincturæ rubræ, exhaulatione aquæ in fuscum collectæ pulverem, qui ignis flammæ objectus, resinarum more micat, & crepitat, dimittit, ita ut, si comparatio inter eas partes instituat, minima, & vix duodecima sit purpuræ, maximam vero gelatina fibrosa, aquave constituent. Quamvis hæc proportio in diversis diversa esse possit. Unde haud difficulter colligas, quam exigua chyli portio rubedinem induat, vel potius, quod chylus maximam partem in aquam, & gelatinam puriorem, sive lympham pellucidam, commutetur, <sup>*Pars chyli minima in tincturam purpuream, maxima in lympham commutatur.*</sup> & quædam ejus pinguis oleosaque portio, continuata digestionem, in illam purpuream partem sensim paulatimque explicetur. Id vero prima quoque <sup>*san-*</sup>



sanguinis formatio ex crystallina ovi lymphâ in embryone indicat. Idemque animantia, senio, aut macie, atque inedia, confecta, docent, quorum quippe sanguis parum, vel nihil gelatinæ habet, & fibrarum, concretionisque propemodum expers est, ac totus fere ex aquoso, rubroque liquore, & globulis, sive segmentis, tanquam minimis pinguedinis orbiculis, constat.

*Motu sanguinis cum intestino, tum circuli.*

Quod elegans summique artificii naturæ opus si sagatius scrutari velimus, & modum quærere, quo chylum, tanquam quintam alimentorum essentiam, in illos nobiles liquores, & vitalem purpuream tincturam, convertat: facile admonebimur, eam continuo motu, & agitatione particularum, ac percolatione, & circulatione, cohobationeque veluti chymica, uti; instrumentis quidem eo necessariis, ut partes, chylum conficientes, in portiunculas, limatas magis, ac tersas, & plurimis insuper aëreis, æthereisque particulis erectas, dividantur, & sanguineis moleculis per minima confusæ, secundum omnes suarum superficierum partes atterantur, polianturque ad amussim. Tantisper nimirum, dum, subsecuto detritorum ramentorum, atque excrementorum diversorum, secessu, in particulas, motu, figuraque consimiles corpusculis massæ sanguinæ, faceffant, atque in limpidam conversæ lympham, aptæ & idoneæ fiant, quæ utiles cuique parti succos distribuant, ac vim elasticam singulis membris impertiantur, & sensuum, motusque organa excitent, & animent; parte vero sui  
ful-



sulphurea, & pinguiore, a salibus exsoluta magis, &  
 agitata, rubescant, motuque suo vario, & vorticoso,  
 suavi & vivo caloris sensu corpus perfundant, ac re-  
 foveant. Nam quod ex lacteo humore limpida, cry-  
 stallinaque fiat lymphæ, id utique limatis, ac veluti *Ratio lymphæ  
pellucida.*  
 politis, secretisque a consortio opacarum particularum,  
 gelatinosis, & aqueis partibus debetur, talem quip-  
 pe motum, & texturam nactis, ut radios lucis citra  
 magnam conturbationem, & nullo fere interrupto  
 ordine, transmittant. Atque hic partium situs posi-  
 tusque multo se aliter habet in pinguibus & oleosis  
 sanguinis partibus, quæ assidua viscerum, & vasorum, *Et tinctura  
purpurea san-  
guinis,*  
 quibus vehuntur, pressione, aerisque, intus agentis,  
 elaterio, mutuoque ipsarummet sese agitantium, ex-  
 solventiumque, particularum illarum oleosarum, &  
 salinarum, occursum, & attritu, divisæ satis, excus-  
 sæ, ac dilatate, majorem ætheris copiam admittunt, &  
 promunt, ejusque vertigine abreptæ, & juxta se,  
 ac circa propria centra volutatæ, radios lucis non  
 transmittunt amplius, sed eo modo alterant, atque  
 ad oculos remittunt, qui ad movendum coloris pur-  
 purei sensum requiritur. Neque vero illa coloris mu-  
 tatio, qua permixta sanguini lymphæ in vasis sangui-  
 neis, inprimisque arteriis, tota rutilat, aliunde recti-  
 us deduci potest, quam a vividiore totius massæ san- *Ac rutilantis  
totius massæ  
coloris.*  
 guineæ motu, quo confusæ, & agitatae, atque in com-  
 munem abreptæ vertiginem, omnes sanguinis &  
 lymphæ partes, propter varium in se mutuo impul-  
 sum, & citatiorem juxta proprium axem rotatio-



nem, lucem non directe, & imperturbate, sed cum motu isto vorticoso, & gyratione suorum globulorum, continuata ad oculos, reverberant, hosque fulgente quadam vibratione, unde mens purpurei, & rutilantis coloris speciem concipit, commovent.

*Causa effe-  
ctrix & offici-  
na sanguifica-  
tionis est san-  
guis, vitali  
agitatus mo-  
tu, cum suis  
canalibus, ac  
receptaculis,  
præcipue ve-  
ro corde, &  
pulmonibus.*

Quare non difficile est iudicium, unam eandemque esse causam effectricem pariter & officinam sanguificationis, sanguinem nimirum ipsum, in vitali motu constitutum, & canales, atque organa, quibus ille continetur, & vehitur, præcipue vero cor, cum pulmonibus, quorum omnium assidua actione, & interstino humorum dissidio, non minus divisio, quam mixtio, & temperatio minimorum chyli, & sanguinis perficitur. Tali modo si unquam, hic certe, locum invenit pervulgatum illud axioma: Simile simile gignit. Quippe cum fieri aliter haud possit, quin, dum receptus venis chylus, veteri sanguini miscetur, & per foramina angustiora ex venis in auriculas, & ventriculos cordis, exindeque porro in arterias exprimitur, tot repetitis, seseque proxime consequentibus, conquisitionibus, & comminutionem partium, & harum miscelam in locis capacioribus, utrique humores subeant. Præsertim cum confusæ ita chyli, & sanguinis partes, atque ex dextro cordis sinu in amplum, sed brevissimum, arteriæ pulmonalis truncum vix propulsæ, mox iterum per innumerabiles ejus, atque implicatas, reticularesque angustias, rivulis tenuissimis dissiuantur, & agitatione pulmonum reciproca, novaque aeris in venulis pulmonum accessione,



sione, minutius concisæ, ac discerptæ, majorem explicandi vim, motumque acriorem, recipiant, atque in minimas spumescant bullulas, & confluentes de-  
nuo, ac congregatæ in trunco illarum, atque a sinistra cordis auricula, ventriculoque sinistro, rursus validissime compressæ, ac displosæ, ejectæque in aortam, & flumini humorum antecedentium objectæ, in novos agantur vortices, & constanti hoc, varioque bullularum, mutuis ictibus confligentium, seseque displodentium, collisu, & luctatione, non intermit-  
tentibus arteriarum incitationibus, per omnes earum propagationes continuata, in tenuissimas divelli moleculas, atque eam suorum minimorum figuram, situm, ordinem, ac vigorem acquirere debeant, ut non in commune tantum elaterium vitale conspirare, sed etiam in his illisve tubulis, aptos quibusvis poris humores, noxios æque, ac utiles, atque alendo, movendo, sentiendo, ac gignendo idoneos, exuere atque dimittere possint. Quod quidem non uno chyli per corpus circuitu, sed longiore demum, & pluries repetita circulatione fieri, facile est intellectu, & chylus ipse, qui aliquod a pastu horis ex apertis venis cum sanguine profluit, quemque pro pituita quondam habuere veteres, affatim demonstrat. Quanta vero salium, motusque interiorum particularum, vis sit in exsolvendis chyli, exaltandisque, oleosis & pinguibus particulis, vel sola lactis, quod chylum esse diximus, secretum a sanguine in vasis mammarum propriis, digestio cum sale tartari, vel alio lixivio, doceat, quod illud



*Chyli & sanguinis  
mutatio  
in pulmonibus.*

lud subflavum primo, ac demum sanguineum colorem contrahit. Sed ut intelligamus, quantam chylus cum sanguine mutationem in suo per vasa pulmonum transitu experiatur, non alienum erit hoc loco commemorare, quod sæpe in canibus vivis fecimus experimentum. Nimirum, si paucis a pastu horis aperiatur pectus animantis, in vena cava, dextroque cordis ventriculo, chylus cum sanguine, & lymphæ leviter saltem confusus observabitur, & quivis illorum humorum ex varietate coloris discerni facile, dignoscique poterit. Aliter atque in vena pulmonaria, lævoque cordis sinu accidit; quibus quippe locis ita permixti, & temperati conspiciuntur iidem humores, ut vix ulla appareat colorum varietas, sed una fere massæ facies, tota nimirum rutilans, atque sanguini arterioso similis, videatur.

*Sanguificatio  
nec soli cordi,  
aut visceri a-  
lii, nec soli  
sanguini, tri-  
buenda.*

Atque hæc cum potissimum in corde, & pulmonibus, atque arteriis, ipsoque in sanguine, peragantur, facile illorum error patet, qui, quod omnibus simul debetur, sanguificationis negotium, uni tantum visceri, ac præcipue cordi, quod plerisque cum veterum, tum recentiorum probatur; vel soli etiam sanguini, aut ejus spiritui, quod Harvejo, Glissonio, aliisque Anglorum, placuit, adscribunt; aut etiamnum, Galeno duce, hepatis id muneris demandant, quos tamen cum maxime falli, inferius dicemus. Quantum autem cor conferat, constantes ejus motus docent, quibus chylus, haud secus ac lac in vase œconomico, ita conquassatur, ut pars ejus pinguis a gelatina, aquave,



ve, facile secedat. Neque vero adeo mirum nunc Ratio discriminis sanguinis arteriosi, & venosi. videri poterit discrimen illud, quod inter sanguinem arteriosum, atque illum in venis fluentem, intercedit, quum tantum quidem illud non sit, quantum vulgo creditur., atque a majore vi elastica, a solutione sanguinis in pulmonibus, accessioneque aëris, & impulsu cordis, atque arteriarum, ac diversa lymphæ quantitate, omne proficiatur. Nam quia sanguis, per arterias, assiduo harum, cordisque, incitatu delatus, multo majore copia lymphæ, & aëris, ac minoribus, motuque vivaciore agitatis, bullulis in istis prædictorum ductuum conicorum, ac pulsatilium, angustis turgēt, rutilante omnino, coccineoque colore gaudere debet præ illo, qui per ampliores, ac minus resistentes venarum tubos reducitur, cum propter secretam magnam lymphæ, aërisque, copiam, quæ vel per vasa lymphatica refertur, vel alio per ductus alios secedit, tum propter remittentem humorum motum, & divisionem in venis, a spatiis quippe angustioribus ad ampliora directis. Siquidem a globulis sanguinis, se-gnitus agitatis, & sibi invicem laxius cohærentibus, ac incumbentibus, necesse est quosdam lucis radios imbibi, alios vero minore vigore reflecti, ac regeri, atque adeo mutari colorem sanguinis, & jam ad obscure rubrum, atrumque devergere, qui paulo ante rutilabat in arteriis, ac veluti flammæ quodam fulgore oculos perstringebat. Quibus addendum, quod, ut in ranis observavit Malpighius l. c. p. 92. sanguis in arteriis minimis, ubi a motu vorticoso remittit, & mo-



*Vulgaris humorum quaternio infirmo insistit fundamento.*

*Ratio coloris varii in sanguine, vasis omisso.*

tu progreditur placidiore, parum rubescat, & mixtos habeat globulos quasi subluteos, in quibus vix apparet motus rotationis, in venis autem minimis sanguis sit decolor, & in eodem interpositi videantur orbiculi diaphani, & quasi sublutei, dum luce irradiantur. Constat etiam multiplici experientia, multis in partibus corporis extremos arteriarum ramulos, & apices succosos, lymphæ tantum pellucida turgere. Ut lubrico valde fundamento insistant, qui ex varietate colorum missi e vasis sanguinis, atque refrigerati, varios humores, ac illam præsertim quadrigam veterum, comprobare audent, quando quod in suprema refrigerati sanguinis parte rutilante colore splendet, igneum & biliosum, quod vero ei subest, & magis rubet, temperatum magis, & sanguinem per excellentiam vocant, infraque illum crassam & atram melancholiam consistere, & gravitate sua terræ instar, infimum obtinere locum, ac pituitam, aquæ instar sibi permixtam gerere, contendunt. Namque istæ colorum differentiæ a mutato tantum situ, motuque earundem sanguinis & lymphæ partium, quibus lucis radii varie modificantur, & reflectuntur, dependent, & prout sanguis citius, vel tardius refrigeratur, aut in vase plano, vel profundo, colligitur, varie se habere solent. Ita sanguis, ut scite tradit Franciscus Bayle, Probl. phys. II. & III. undecunque guttatim stillans, quia ab ambiente aëre cito refrigeratur, rubicundior est, quam si per amplum foramen affatim exiliens, aëris pressionem fortiter resistat, & tardius refrigescat. Eandem

ob



ob causam fluens ex una eademque vena sanguis, si pelvi excipiat, lata, rutilat, vase vero collectus angusto, ac profundo, magis ad nigrum deflectit. Pari modo sanguis, qui in loco mittitur frigido, rubicundior, qui vero in calido funditur, nigrior evadit: non aliter, atque sanguis, qui ex internis fluit hæmorrhoidibus, si aliquandiu in intestino subsistat, crassus, & ater apparet, si statim foras profiliat, floridus, rutilusque profunditur, sæpeque formam grumi sanguinis, rubentis, ac miniati, aspicit. Nec vero sola refrigeratio subita saturatiorem sanguinis colorem efficit, sed motus etiam, & gravitas aëris, qui cum superficiem sanguinis lambit, extantesque particulas deprimit, ita lævem eam, & tersam, politamque reddit, ut propter majorem luminis reflexionem, splendidior purpuram exhibeat; idque more ligni, rubro tincti colore, quod rubicundius apparet, posteaquam lævigatum est, atque politum, convenientis instrumenti pressione. Hac enim de causa qui in fundo vasculi nigricabat sanguis, si aëri exponatur libero, saturatiorem & splendidior colorem induit; quia scilicet sparsæ eminentes illius particulae depri-muntur, comprimunturque in pelliculam densam, quæ plus reflectit luminis, quam idem sanguis, cum ejus particulae essent laxæ, & minus cohærentes, quia tunc magna pars lucis in meatuum partium, & intervalla, penetrabat, nec reflectebatur, reliqua in partes incidens molles, resiliabat diminuto impetu. Itaque suprema missi ex vasis corporis, atque refrigera-



ti, sanguinis portio est rubicunda, quia citissime refrigeratur, & sine cujusdam rei interpositu afficitur aëris attactu: infima vero nigricat, quia sensim refrigeratur, eamque aëris vim haud experitur. Adeo, ut cuivis sit integrum, sanguinem, qui e secta quavis vena exit, totum rutilum, vel nigricantem, ac melancholicum, ut appellant, reddere, si lata, & plana, vel angusta capiatur pelvi, aut in loco frigido, vel calido, citius, vel tardius, congeletur; claro satis, certoque indicio, inanem esse differentiam partium, quæ a colore refrigerati sanguinis capi, arcessique solet.

*Lympha elaborationi etiam serviunt glandulae conglobatae.*

Prædictis tandem organis, quæ sanguinis & lymphæ præparationi serviunt, merito glandulas subdimus, quæ globosæ, & conglobatæ solent appellari, & magno ubique numero per corpus sparsæ, ac duobus vasorum lymphaticorum generibus, invehente altero, ab arteriis oriundo, gibbumque glandulæ numerosa furculorum propagine intrante, altero ex altera, & sima, ejusdem glandulæ parte multiplicibus itidem ramis prodeunte, & cor versus evehente, instructæ, factæque esse idcirco videntur, ut speciatim lympham perficiant. Quam enim de his glandulis Th. Bartholinus opinionem fovit, eas nullum cum vasis lymphaticis artuum colere commercium, illam, autopsia evincit, non meliorem esse sententia eorum, qui cum Georg. Segero, Defens. Lymphat. contra Riolan. lymphæ, propriis contentæ vasis, originem a nervis arcessunt, eamque ex spiritu animali, in splendidam aquam resoluta, vel coagulata, nasci putant, ut



is, ad sanguinem & cor reductus, priora nervorum vestigia relegat, & circulum efficiat singularem. Atque earum quidem glandularum compagem ex vasculorum capillarium, vasis majoribus sanguineis continuatorum, nexu, ac implicatione, conglobatam a multis perperam haberi, sed propius eam intuentibus musculosam, atque ex fibris motricibus, & vesiculis contextam, deprehendi, supra jam dictum est. Etenim exterius duplici convertiuntur tunica; quarum interior densa valde, & crassa est, fibrisque carneis, in tenuia filamenta divisis, aliis directis, aliis in orbem ductis, & varie inter se implicitis, circumducitur, vasorumque, quibus sanguis vehitur, laterali-  
*Harum glandularum constructio,*  
 bus ramis irrigatur. Intus autem plurimæ fibræ, itidem carneæ, cernuntur, huic membranæ ex transverso adjunctæ, eæque hoc ordine collectæ, & prolatae, ut plurimas, & angustas, exiguasque vesiculas complectantur, quæ succo lymphatico turgidæ, plurimis minimis, iisque rotundis, tuberculis inæqualem glandulæ superficiem reddunt. Quæ autem has excipiunt, & interiora glandulæ fubeunt, fibræ, eae varios componunt angulos, alius quidem, atque alius figuræ, & magnitudinis, ubivis tamen firmiter cohærentes, muscumque arboreum referentes; quamobrem etiam muscosæ a Nuckio appellantur l. c.. Ad quarum intelligentiam cum lumen facemque præferant, quæ habet Malpighius in Ep. ad Reg. Soc. Angl. de Struct. gland. conglob. facere non possum, quin eadem capitulatim commemorem. Is enim, facta glandu-



læ per longum dissectione, diuturnaue ejusdem aqua vulgari maceratione, diligenti indagine observavit: Ab ambiente, densa satis, fibrosaue membrana, fibras, quas diximus, carneas, per transversum emergere, & sibi oblique occurrentes, inosculatione laceratorum, vel saltim implicatione, multiplices & pene innumeras retis areas effingere, quæ subrotundæ sint, interdum angulares, & magnitudine dispares: in medio autem cujuscunque areæ locari loculum, sive folliculum, qui ovali, vel sphaerica constans figura, & ex majori, minorive humoris contenti copia, amplior, vel contractior sit, eoque exinanito, in se ipsum collabatur tandem. Ac porro præter vasa sanguinea, supra fibrarum carnearum fasciculos excurrentia, nervos quoque glandulam intrare, ita ut totum illius corpus e variis filamentis, retis instar, contextum constet, horumque plurima portiones sint fibrarum carnearum, atque laciniatæ membranæ, quæ exterius universam tegit glandulam. Intus autem congesti intra areas folliculi, pleni sunt lymphæ, eumque in finem facti esse videntur, ut suis pelliculis parte una radices lymphaticorum invehentium, per porosque suos lympham in cavo folliculorum excipiant, & parte altera alterius generis lymphaticorum evehentium radices emittant, ut per eandem lympham cor versus reducatur. Quam quidem illarum glandularum constructionem repetiit deinde Malpighius, eamque coagmentari, scripsit, copiosissimis folliculis, & quasi totidem miliaribus glandulis, quæ



quæ nihil aliud sint, quam vesicæ membranosæ, sanguineis vasis, & nerveis irrigatæ, quibus addantur vasa lymphatica, efferentia, & deferentia, totamque molem carneis fibris ambiri, & firmari. Quæ uti iudicio sensus comprobantur, ita merito arguit ille, Nuckium, nulla habita ratione folliculorum, & sacculorum membranorum, tanquam partium præcipuarum, glandulas illas solis intervallis, & spatiis, inter fibras carneas relictis, integrari voluisse, atque adeo mancam eorum descriptionem, & solam nominis muscoli novitatem continentem, edidisse. Op. posth. p. 100.

Quare, si conjecturæ locus est, in re minus adhuc expedita, non sine magna veri specie statuitur, ductibus lymphaticis hæc interjici organa, tanquam totidem corcula, aut veluti machinas quasdam hydraulicas, & officinas lymphæ, ut particulæ chylosi, vel serosi laticis, retisimiles earum angustias, & folliculos pervadentis, motu systaltico & compressivo fibrarum muscularium tritæ, concussæ, & conquassatæ, in plura minora, minusve continua, frustula dividantur, & gelatinosæ, pinguesque moleculæ, implicatæ adhuc, & colligatæ, aut ad nexum saltem proclives, in novos motus concitatæ, ex se ipsis extricentur, ac divellantur, quo pristinis vinculis solutæ, & sui quæque juris effectæ, liberrimo inter se motu volvi, provolvique possint, & promptiores ad secedendum fiant. Nam quo sæpius humores contractione partium, quas peragrant, agitantur; hoc magis, necesse est atterantur earum partes, ac dissolvantur.

*Zeusius.*



tur. Cui rei præclaro admodum est argumento, quod lymphæ, quæ aliquantum adhuc lactescens, glandulis infundebatur, ab iisdem diaphana magis redeat, & gelatina adeo non spoliata, ut hæc magis evoluta, ac pellucida cernatur, id est, ut, quæ in chylo parum manifesta fuit, in lymphæ postea reddatur conspicua, notante Bohnio l. c. prog. X. Nec vero minus consentaneum videtur, valvulas vasorum lymphaticorum fibris pariter motricibus, de quibus supra dictum est, instructas esse, ut contrahi possint, & relaxari, ac tanquam totidem minimi muscoli, impressum ab arteriis, ipsisque glandulis, motum continuent, & ita refluæ lymphæ progressionem, perfectionemque, operantur. Quæ si recte perpendantur, facile constabit ratio, quamobrem pluribus nervorum propaginibus, quam sensus requirat, eadem glandulæ gaudeant, scilicet, ne succus unquam nervosus, fibrarum motricium motioni necessarius, deficiat; neque opus erit, ut illis in glandulis lympham connubia spirituum petere, eisdemque misceri, ac eam mixtionem adeo necessariam opinemur, ut spiritus sine lymphæ accessione, (pro spirituum vehiculo inserviente) & illa sine spirituum adminiculo (lymphæ motum promovente) in sanguinem redire non possit, quod Nuckio fuit persuasum l. c. p. 47. Multo autem minus Sylvianæ scholæ assentiemur, quam secutus nuper admodum est CL. vir, Jo. Munnickius, quum lib. de Re Anat. p. 46 existimat: Lympham ex serosa, & acidiuscula arteriosi sanguinis parte, spiritibusque animalibus, per tenues nervorum canaliculos abunde con-

*Lymphæ natura non est acida.*




confluentibus, in folliculis, seu loculis conglobatarum glandularum membranosis, secerni, ac generari, & deinde in receptaculum, ductumque chyli ferum, perpetuo effundi, ut chylum diluat, attenuet, & comminuat, utque ei, atque adeo ipsi sanguini, subacidulum, & spirituosum, hinc temperatum valde, & naturæ amicum, conciliet fermentum. Ac porro eodem statuit loco, subacidos esse omnes succos, qui in glandulis conglobatis gignuntur. Sed evictum jam satis est, & multiplici experimento comprobatum, acorem naturaliter nullum, neque in glandulis, neque in lymphâ reperiri, hancque ipsum esse serum sanguinis aqueum, & gelatinosum, quod ex arteriis, partim per venas sanguineas reducitur, partim per vasa lymphatica primi generis in glandulas conglobatas deferitur, ex iisdemque per alios, qui exportant, lymphæ ductus, cor versus reducitur, atque adeo nunc promiscue utroque feri & lymphæ nomine appellatur.

*Lympha, & serum sanguinis, sunt unum idemque humor, parte constans aquea, & gelatinosa.*

## CAP. X.

## DE

NUTRITIONE  
CORPORIS.

Atque hæc quidem lymphæ, cum sanguine in vasis per corpus oberrans, & satis elaborata, humor est ille benignus, quo ma-

*Lymphæ est succus originalis,*

*Dn. de Berger Physiol. Med.*

Y

tu-



turum mulieris ovum turget, atque ex qua germen ejus lineamentorum cujusque membri rudimenta capit, & in vivum deinde embryonem, partibus suis etiam ante natum sanguinem integrum, explicatur. Neque dissimilis est ei liquor; cui foetus innatat, & affuescit, quamdiu materno carcere conclusus teneatur, quoque in homine etiam nato, & adulto, non solum omnes humorum rivuli, & vasa dilatantur, sed etiam quicquid humidioris substantiæ effluxit, consumtumque fuit, sarcitur, & cuncta membra, omnesque partes, augescunt, ac vires suas magnitudinemque tuentur. Adeo, ut, quemadmodum embryo adhuc tenerimus, solius ope calidæ, in tenuem ejusmodi, & limpidum liquorem dilui, diffundique potest: ita quoque partes cunctæ corporis, non albæ tantum, sed etiam rubore perfusæ, quas vulgo sanguineas nuncupant, clarum suæ ejusdem originis documentum dent, cum, injecta sæpius aqua, quæ cruorem arteriarum, venarumque eluit, ejusdem omnes indolis, contextusque fibrosi albicantis, apparent, & carnes, vasaque cuncta, & membra reliqua omnia, membranæ, carneæ, cartilagineæ, & osseæ, coctione gelatinam fundunt, atque in mucaginem dissolvuntur; ut pulchre submonuit doctissimus Brunnerus in Diss. de Lympha & usu pancr. c. XIV.

Quapropter si verum est, quod inde ab artis nostræ initiis ad hæc usque tempora valuit, & ratum apud omnes firmumque mansit, nutritionem esse continuatam generationem, &, quibus constant cor-



pora, iisdem nutriri, & conservari: nullus profecto *de nutritio*  
 corporis liquor humidi ipsius radicalis, atque nutriticii *corporis,*  
 nomen meliori jure sustinebit, præterquam ille, quem  
 feri lymphæque nomine insignimus. Hic enim par-  
 re constans aqua, & gelatinosa, & sub ea latentibus  
 moleculis variis generis, maximam sanguinis molem  
 constituit, & dum pulsu cordis, & impressionibus ar-  
 teriarum, agentisque intus aëris vitalis elaterio, per il-  
 larum ductus, quaquaversum in omnes partes deriva-  
 tur, emissio per poros laterales extremarum arteria-  
 larum ante, quam in venas replicentur, vel ultra has  
 productos illarum apices, rore, omnes, fibrarum, quæ  
 prima sunt corporis stamina, ex simili concreta liquo-  
 re, partes conspergit, & rigat. Cujus deinde nutri-  
 ciæ particulæ, amplius in meatuum, & cavernula-  
 rum angustias tacite invecitæ, dum aliæ alias conse-  
 ctantur, & tridunt, quiete & contactu suo cum fibris  
 cohærent, easdemque alunt, & viribus paulatim suf-  
 fectis, corroborant, atque in omnes dimensiones ex-  
 plicant, & diducunt. Unde non solum toti, sed etiam  
 singulis partibus, quædam fit accessio magnitudinis,  
 quam tamen nemo fieri, sed factam demum sentit.  
 Nam quia lymphæ non est unum corpus simplex, sed *Elementa*  
 commixtum ex dissimilibus moleculis, apta utique *partium ani-*  
 & idonea est, ut veluti commune genus nutrimenti, *malis conti-*  
 suum cuique parti, duræ non minus, quam molli, ido- *nens,*  
 neum, atque convenientem, succum contineat, & pro-  
 mat. Id quod facile potest intelligi, si serum sanguinis  
 leni igne non in fibrosam tantum compagem coire, sed



etiam cartilagineam tandem, ac diuturnitate temporis osseam quoque, naturam induere, observemus. Sic enim fieri etiam potest in corpore, ut, quemadmodum ignis dissipando aquam, & sales mobiliiores, soliditatem in sero relicto excitat: ita ope ministerioque vasorum segregatæ ab humoribus ceteris, aptæ cuivis parti, duriores & concrescibiles particulæ, quasvis fibrarum angustias subeant, suæque accessione robur, & soliditatem, quibusve convenientem, addant. Ut minus proinde opus sit advocare gluten quoddam aliud, vel aliquem vegetationis opificem, qui segreget, & assimilet succum, atque in substantiam carniū, cartilaginū, vel ossium, aut partium aliarum, convertat, quemadmodum multi ridicula inanique spiritus insiti, & architectonici, vel archei, & succi nutritii rectoris ac ducis, aut fermenti, vocula delectantur. Quippe cum sola sanguinis pressio, & hinc pendens secretio mechanica, & segregatarum particularum incuneatio, contactusque mutuus, & immediatus omnium superficiecularum cum partibus nutriendis, suffecerit. Qui cum eo firmiorem efficiat unionem, quo interius incuneatæ alibiles atomi, secundum omnes superficies arctius cohærentis, ac copulantur: parum profecto recto decerrasse videntur Heraclitus, atque Asclepiades, quum per vapores nutritionem fieri, putant. Quamvis ea quidem sententia non solum ab Aristotele confutata sit lib. Probl. sed etiam a Galeno l. 1. de Fac. nat. quos hodieque multi sequuntur, qui succum alibilem, non nisi len-

tere

*Causa effe-  
ctrix nutri-  
tionis,*



tore & crassitie adhærescentem, requirunt. Enimvero tantum abest, ut divisio partium alimenti, modo roscidæ fuerint illæ, nutritioni sit impedimento, ut eam ad hanc summe necessariam putem, existimemque haud temere veteres humoris ejus attenuati, nomine roris, passim mentionem fecisse. Nam cum alimentum non extremis tantum oris affundi, sed interiora quoque, & spretas quasque partes, pervadere, atque ad ossa, ossiumque partes usque, adigi, & perferri debeat, judicio Hippocratis l. de alimento: id vero contritum admodum, fluxum, & extenuatum, atque in humorem roscidum conversum sit oportet, quo facile quacunque penetrare, & atomos tenuissimæ cujusque partis, quasi rore quodam, imbuere, suisque minimis superficiëculis eas omni ex parte tangere, & coalescere adeo, firmamque unionem cum iisdem inire, atque ex corpore liquido, in firmum, & consistens, in ipsamque partis nutriendæ naturam, sive fibram membranæ, carnis, ossis, & partium ceterarum abire possint. Quicquid enim fibræ accedit, fibra fit, ni potius jam fibrula existat. In quo quidem opere assimilationis permultum patet tribuendum esse pressioni humorum, quam pulsus cordis, & ictus, atque constrictiones arteriarum, tum & corpus ultro citroque permeans materia æthereæ, ac vis elastica intus nitentium aëris machinularum, seseque contrudentium particularum continua successio, efficiunt. Sic enim fit, ut natura, quæ conclusis, compressisque exilibus corpusculis motus suos perficit, lente quidem & tacite agat, sed ea tamen actione fir-



miorem partium alibilium, alendarumque, cohæſionem efficiat, & corpora fluida in ſolida, firma, duraque, convertat. Quemadmodum comperimus, teneras arborum radices, ſolidi, magnique ponderis marmoris commiſſuræ infixas, cum paulatim, nobis nihil ſentientibus, accreſcunt, atque attolluntur, tanta vi pollere, ut non fiſſuram modo dilatent, ſed etiam ingens illud pondus ſublevent, & diruant. Neque enim alia huius rei cauſa in promptu eſt, quam ſucceſſivus & lentus motus partium tenuium nutricia-  
 rum, quæ in radicis fiſtulas, porosque, ſenſim intruſæ, molem earum & robur adaugent, nec maximo pondere, ac marmorea ſoliditate, impediuntur.

*Ratio adole-  
ſcentiæ,*

Ita vero ſenſim firmiore alimento proficit corporea moles, & augeſcit, & robuſtior paulatim, humore conſumto, efficitur, quoad ſufficiens incrementum, extensionemque ſuarum fibrarum, aſſequatur. Quæ proinde actio nutritio vera, & augmentatio, vereque continuata generatio dicitur, cujus terminus æ plerisque adoleſcentia, ab adoleſcendo, creſcendoque, ac ipſo vitæ flore appellata, ſive ea proprie ætas ſtatuitur, quæ a decimo octavo ætatis anno progreſſa, vigefimum quintum, vel trigefimum complectitur. Nam ea plerumque ætate ad perfectam extensionem, atque ſoliditatem veniunt fibræ oſſium, quibus, cœu fundamento, ſuperſtruuntur & neſtuntur ceteræ partes, & tam pertinacem ſuarum particularum cohæſionem nanciſcuntur, ut diduci a ſe amplius haud poſſint. Quo fit poſtea, ut incrementum iſtud ſiſta-  
 tur,



tur, utpote fibris illis ossium non amplius ductilibus, & sequacibus, atque ad extendendum diducendumque aptis: quanquam sanguinis, & ceterorum succorum, rivuli & canales humoribus satis dilatantur. Neque hic fere amplius quicquam nunc requiritur, quam ut sanguinis, & succi nervosi rivuli, vasaque omnia, & fibræ, humoribus turgeant, eaque succorum omnium copia, ac plenitudo corporis conservetur, qua & naturalis partium tensio, & reparatio illorum, quorum jacturam perpetuo effluvio facimus, recte fieri possit. Quare hæc alendi ratio quædam tantum restitutio est absumpti, qua quicquid humiditatis perdidimus, sarcitur & instauratur, nihil vero amplius accedit. Nisi quod fibræ musculorum, spongiosa quædam mollitie præ ceteris præditæ, cessante incremento ossium, imbibitione succorum ampliorem sæpe molem recipiant, & augeant corpus. Sic enim fieri solet, ut, qui macilenti adolescentes, & juvenes fuere, in habitudinem athleticam degenerent, cum ultra ætate provehuntur, & viri fiunt. Imo tunc redundans in chylo, & sanguine, oleosa materia, in variis membranarum alveis hinc inde uberius secedit, & pingue oleosumque corpus reddit, atque abundans pariter roscida lymphæ portio, expressaque arteriis majore copia, quam ut imbibiri a fibris, dispergique per poros, aut æque cito recipi in venas, reduci que omnis possit, in intervallis fibrarum haud raro crassescit, & constituit tomentum illud gelatinosum, musculis intextum, quo corpus pariter attollitur, & intumescit.



*Ætatis con-  
firmate,*

mescit. Unde in promptu causa est, quamobrem subito quidam corpore increscant, alii minus, quidam, ubi e morbo convaluerunt, incrementum capiant, quidam cito diminuantur. Ita autem ætate confirmati, quasi consistimus in fastigio virium, partoque vivimus, dum ingravescente ætate, ex variarum concursione causarum, & illa quidem vicissitudine, qua, tanquam reciproco æstu, assidue quædam de corpore exeunt, quædamque identidem recipiuntur in locum relictum, & detritorum inprimis, languentiumque viscerum, quibus succus & sanguinis elaboratur, & tribuitur, inertia, & collectione excrementorum, mitis, & gelatinosa lympa deficere incipiat, atque ab illa prompta, agilique motione, & fluxu, quo juvenus vigere solet, desciscat, & attritu multo, diuturnoque motu, fractæ partim & absumptæ, partim rigidiores redditæ, duratæque fibræ, sensim plusculum exsiccentur, & viribus diminuantur, ac corpus ob subsidentiam, & contractionem vasorum, & fibrarum, assiduo macilentius, graciliusque reddatur, & rugas contrahat, adeo ut deinde corporis pariter, ac animi vires frangantur, & repuerascant, qui paulo ante viri fortes, robustique, ac sapientes fuerunt. Sic senium paulatim furtimque adrepando, nunc demum corpus occupat, & propter poros ac meatus ductuum magis immutatos, tonumque viscerum, & vasorum debilitatum, secretiones, derivationesque humorum ægrius perficiuntur, & siccus proinde, atque imbecile fit corpus, membraque omnia, perinde ac stirpes

*Ac senectutis,  
mortisque  
naturalis.*

anti-



antique, sensim exarescunt. Ut causa sit, quamobrem senectutem marcescenti stipiti comparemus. Hoc enim fato mutamur, & naturæ lege obimus, sic animantes sua morte defunguntur, ut corpus prius, quam extinguatur, quotidie magis & magis exhauriatur, & iunceum fiat, strigosum, rugosum, atque effoetum tandem, & vietum.

Ex his vero etiam perspicuum est, quid causæ sit, quamobrem ab intercepto succi nervosi motu, & influxu, pars paralytica, non sensu tantum, motuque, sed etiam, protracto morbo, nutritione privetur, & atrophiam contrahat, ac contabescat. *Ratio atrophie partis resolute.* Nam uti villi partium aliarum, sic fibræ cerebri ab arteriis succum recipiunt, qui cum ex his per omnes nervorum propages, quaquaversum in cuncta finalenta nervosa, musculis, membranis, & partibus aliis intexta, diffundatur, ut in tensione naturali conservet eadem, & non solum sensus, motusque, operationibus præsit, sed & suis roscidis particulis omnia ista nervosa filamenta alat, quodque perpetuo effluyio decedit, instauret ac reficiat: necesse omnino est, cum fibras musculorum & partium ceterarum nervosas, ingressu solito succi destitutas, exarescere, & contrahi, tum vim elasticam & tonum fibrarum carnosarum, articularumque, oblanguere, ac impediri adeo distributionem alimenti, quod partim per nervos in fibras nervosas, partim per arterias in fibras reliquas adducitur, eamque ob causam partem magis, vel minus, ocius, vel tardius, arescere, prout læsa est succi ner-



*Sanguis rubi-  
cundus corpus  
non alit.*

*Neque chylus  
partes nutrit.*

vosi ad partem derivatio, Illud quoque, puto, ex iis, quæ ante dicta sunt, facile ac satis cerni potest, nutritionem corporis ad secretionem animale[m] recte referri, & vitalis sanguinis circuli necessarium esse consequens, minus vero cum veritate iis convenire, qui sanguinem ipsum rubicundum, vel pro totius, aut saltem partium, quas vocant, sanguinearum, alimento habeant, cum tamen ille alveos suorum ductuum haud excedere videatur, ac nutriendis etiam fibris, ex succo limpid[o] lymphæ concretis, minus sit idoneus. Neque vero chyl[o] id muneris posse tribui existimaverim, quando inter omnes constat, succum nutriticium elaboratiorem, a fordibusque repurgatum esse debere, & segregatum a particulis accretioni ineptis, antequam nutriendo corpori impendatur. Id quod de chyl[o] nemo dixerit, cum certum sit, eum purgamentis variis semper onustum, per arterias ad partes commeare, magnamque sui phlegmatis copiam, pluribus terræ, saliumque ramentis imbutam, in renibus, cute, & multiplici partium aliarum colo, perpetuo abjicere. Quibus quidem depositis, in succum demum alibilem partium solidarum adolescit, mutatoque, colore albo cum chrySTALLINA limpiditate, lymphæ, vel seri, nomen promeretur.

*Purificatio  
succorum vi-  
salium,*

Qua de re cum jam amplius sit dicendum, non satis mirari, & laudare possumus sapientissimi Creatoris providentiam, qui quo de puriore fluido vitali corpori provideret, hinc inde varia, & miro ordine fecernicula disposuit, per quæ ab impuritatibus, & red-

un-



undantia humorem se liberare sanguis possit. Namque huc multorum viscerum, & partium vasculosa structura tendit, ut sanguis, dum arctos arteriarum ductus interluit, in iis, tanquam cribris, percoletur, & per eorum meacula, porosque excretorios, conformes ipsis supervacaneas, atque excrementitias particulas, corpori infensas, viresque labefactantes, ac prostermentes, veluti scobem, assiduo sanguinis motu, ab hujus, chylique particulis abrasam, vel vaporetenuis, & transpiratione insensibili, vel sub specie crassioris substantiæ, efferat, atque rejiciat. ipse vero sanguis hoc modo perpurgatus, purior in tubos venarum regeratur, ut in pristinum suum revolvatur, orbem, ac valetudinem firmam, integramque conservet.

## CAP. XI.

DE

# TRANSPIRATIONE OCCULTA, QUAM VOCANT INSENSIBILEM.

**M**erito autem in hunc censum venit, atque evacuationum, quæ corpori animato adveniunt, omnium princeps habetur occulta perspiratio, vulgo insensibilis, &



*Transpiratio  
insensibilis  
quid?*

*Superat ex-  
cretiones ce-  
teras.*

ἀδνηλῶ αἰθῆσαι διαπνοὴ Græcis dicta, sive perpetuum illud totius corporis effluvium, quo una cum tenuissimis recrementis quædam nostri portio, in commune omnium effluviorum receptaculum, quod atmosphæram nuncupamus, motus interioris vi, assidue, taciteque, ea copia elabitur, ut inde universa nobis moles concideret, vitamque amitteret, nisi victu, & respiratione restitueretur, quicquid perspiratione effluxit, & consumptum, amissumque fuit. Siquidem præter omnem expectationem, & quod pene fidem excedat, in arte statica edocemur, pleniorē esse eam exinanitionem omnibus, aliis evacuationibus ceteris simul unitis, ita ut Sanctorius, qui, iudice doctissimo Iac. Sponio, Aph. nov. XXX. Sect. III. materiam hancce exhaustisse videtur, pluribus tantum per eam unica die naturali evacuari, quantum per alvum quindecim dierum cursu, asserere non dubitarit, quando spatium unius noctis uncias sedecim lotii plus minus, quatuor fecum crassiorum per alvum, & quadraginta, ac ultra, per occultam perspirationem evacuari ut plurimum solere, eodem prædicto statico scrutinio observavit in Med. stat. sect. I. Aph. 59. & 60. Quas quidem Sanctorii observationes non rejiciendas esse existimat Nobiliss. Boyle, & factis solícite in se ipso experimentis, accollatis cum curiosi, magnique cujusdam principis, experientia, calculo suo comprobatur, observato tantum clima inter Italicum, in quo Sanctorius vixit, atque Anglicanum, ubi ipse degit, atque experimenta edidit, discrimine. Tentam. porolog. c. III. Sed minus ea in dubi-



in dubitationem vocabit, quicumque norit, expirationem vegetabilium, in quibus nulla est sensibilis excretio, ut plurimum, comparate ad pondus, longe majorem esse, quam omnes simul excretiones, tam sensibiles, quam occultas, animalium. Constat enim experimentis, tertiam sui ponderis partem quotidie exiguum plantam perspirasse per poros, dum interim sola aqua nutriretur. si fides habenda Francisco Tertio de Lannis in Magist. N. & A. T. II. Exp. 127. seqq.

Equidem materiam illius exhalationis, atque excretionis inconspicuæ, maximam partem aqua constituit, quæ ex primis viis cum chylo sanguini infer-<sup>Ejus materia,</sup> tur, & cum hoc utroque per varios vasorum ductus cordis pulsu circumagitur. Quo nomine Hippocrati ὄχημα τῆς τροφῆς, alimenti vehiculum, nominatur, eoque functa munere, vehiculum quoque excrementi constituit, quando per crebriorem sanguinis circulationem detritis, abrasisque a massa humorum prominentibus terræ, saliumque ramentis, mollibus quibusdam dissoluti olei ramulis paululum irretitis, ac delibutis, menstrui instar imbuta potissima sui mole per universum corporis habitum expirat. & halituum, atque vaporum forma redditur. Quod nisi fiat,<sup>Necessitas.</sup> retentæ sordes illæ, atque collectæ in vasis, implent ea, sanguinemque foedant, & inquinant, ac vires inimicas, nocentesque consequuntur, vel in ductibus impactæ, viam humoribus intercludunt, quæ claustra cum sanguis perrumpere non potest, in itu suo, redituque impeditus, sistitur facile, & corpori, ac valetu-



dini vim infert. His tamen terræ, saliumque ramen-  
tis, oleosa delibutis materia, ac supervacaneis aquæ  
partibus, negandum non est, permultum quoque  
ætherei, atque aërei & elastici, multumque succosi, &  
nutricii, misceri, quorum jactura deinde similium  
substitutione sit resarcienda. Nam si hoc non esset,  
corpus neque lascesceret, neque alimento opus habe-  
ret, cum nihil effluxisset, quod instaurari, ac resarciri  
deberet. Quorsum respiciens Hippocrates, eos, quibus  
corpus bene transpirat, imbecilliores ac salubriores  
existere, promteque ad sanitatem redire, judicavit,  
lib. de morbis. Imbecilliores enim sunt aliis, quia cum  
transpirantibus humoribus supervacaneis multum quo-  
que alibilium, atque elasticarum particularum, quæ  
effectrices sunt virium atque opifices, pereunt, ac  
dissipantur. Hi tamen salubriores vivunt ceteris, eo  
quod hoc quidem modo sanguis recte expurgatur.  
Et si in morbum incidunt, hujusce expurgationis  
ope sanitatem facile recuperant. Ex quibus illud  
quoque consequitur, quod eodem loco habet lauda-  
tus Senex : Quibus corpus male transpirat, ii, pri-  
usquam ægrotent, robustiores, cum vero in morbos  
inciderint, difficilius restituantur. Etenim, ut lau-  
datus Sponius l. c. interpretatur, quibus parva sicut  
transpiratio, parum utilis succi dissipatur, ideoque sa-  
nitatis tempore robustiores sunt : at si in morbum in-  
cidant, difficulter restituantur, quia per habitum cor-  
poris sufficienter eliminari nequeunt pravi humo-  
res, retentique, majorem, & diuturniorem in-  
cor-



corpore perturbationem pariunt. Quin & ipsa partium solidarum, atque membrorum corporis elementa adeo firma, compactaque non sunt, quin ex iisdem, dum villi eorum continuo distrahuntur, & contrahuntur, tanquam reciproco quodam aestu, effluant assidue, & exprimantur, atque in singula pene momenta decedant quædam, quibus levamur, rursusque alia in eadem influant, ac redeant, quibus illud, quod effluvio deperiit, restituitur. Qua quidem mutatione clementorum, eorumque compositionis varietate, veluti continuo quodam fluxu, toto vitæ curriculum ita necesse est mutemur, ut etiam magna affectuum, & morum mutatio in nobis fiat. Hinc quantum senex statura, figura, corporisque conformatione, atque elementorum ratione, differt a sese, in puerili ætate adhuc constituto; tantum etiam moribus, animique motibus dissentit: & animalis senectuti, vel nihil, vel parum restat formæ, quam recens habebat. Siquidem ea ex pluribus facta particulis, quotidie per partes fluit, & in earum vices succedentibus aliis continue renovatur, ita ut ex necessitate materiæ, motusque, perpetuo solvamur, sensimque moriamur, & vita nostra quidam sit continuus veluti fluxus, in mortis tandem otiosam, dulcemque piis, quietem desinens.

Dux vero potissimum viæ sunt expirationi corporis a Deo patefactæ. Nimirum pori cutis, & commune illud aëris ex vesiculis, & bronchiis pulmonum, ac trachea, & faucibus, per patentia oris, nariumque  
fora.

*Et organa secreteria.*



foramina iter, ex quarum partium contextu vasculoso, & glanduloso, magnam vaporum copiam dimitti, vel ex solo halitu, quem una cum aëre perpetuo exspiramus, & ex quo, ministerio pnevmatolabii concentrato, crytalli, salique, & sulphur a curiosis confici solent, ut prodiderunt Fabr. Bartholetus lib. V. de diffic. Respir. & Bartholinus de subst. & motu pulm. S. II. judicari liquido potest. Nam si rem recte reputamus, altero fere tanto amplius exspiramus, quam inspiramus, quando videmus spiritu aliquoties in speculum illiso, nubeculam statim, roris instar, oboriri. Sed majorem tamen ejus inanitionis partem sibi vindi-

*Quid cutis et,  
ejus glandula  
miliares, pori-  
que majores?*

cant innumerabiles illæ Stenonis militares glandulæ, majores, minoresque, quæ reti cutis vasculoso, ex fibris subjectorum muscutorum tendineis, hisque intextis propaginibus extremis nervorum, arteriarum & venarum, pulchre constructo, interjectæ, & substratæ, suis emissariis una cum processibus, sive papillis nervorum pyramidalibus, e foraminibus corporis cujusdam reticularis, quod cum papillis illis Malpighius detexit, protuberant, atque in superficiem cutis ad cuticulam spectant, porosque illius satis conspicuos constituunt. Ex his enim veluti fontibus, ac minimis siphunculis, extrusi a sanguine prædicti humores serosi, roscidi, falsi, calidi, atque aërei, continua serie, rivulisque tenuissimis, per totum corporis habitum tacite exsiliunt, vel facto agmine erumpentes, in madorem, ac copiosas aquæ guttas, largosque interdum

*Sudor quid?* sudoris rivos, in superficie corporis congregantur.

Cui



Cui quidem excretioni non parum pili conducunt, *Pilorum generatio & usus* qui tanquam plantulæ sui generis, actis in substrata cuti pinguedine, veluti amico solo, radicibus, ex folliculo ovali, eique concluso molli & glutinoso bulbo, per prædicta perspirationis & sudoris vascula, in tenuissimas fistulas, & caules quasi graciles, extra superficiem corporis productæ, afflatuque aëris siccatae, germinant, & expirationi unctuosæ oleosæque pinguedinis materiæ, & muniendis partibus, arcendis-que injuriis aëris, ut & decori corporis serviunt. De quibus quidem pilis illud non est prætermittendum, eos non solum consueto naturæ ordine sub cute, & pellibus, corioque animantium plantari, & quasi conferi, sed etiam interdum in tumõribus morboſis, lento pinguique humore refertis, ipsisque in glandulis, & visceribus, ex necessitate materiæ, vario motu in fistulas ejusmodi, & tubulos cylindræcos, atque integros interdum folliculos pilorum, productæ, ac congestæ, gigni. Quemadmodum inter alios doctè Malpighius animadvertit in Op. posth. p. 95.

Nec vero non operæ pretium est cognoscere, istud mirabile cutis rete non solum duplici cuticulæ, vel epidermidis, lamellâ, interiore una, fibrosa, & membranacea, altera exteriori, ac tenuissima, plane-que squamosa, ex erumpente cum transpirantibus particulis in superficiem corporis tenui, lento, ac veluti oleoso rore, ab ambientis aëris pressione in squamas coacto, densatoque, producta, tegi, & hac læviore, ac decora planitie, decus universo corpori, ac

*Cuticula duplex lamella.*



*Fibra nervæ  
poros cutis la-  
xant, & strin-  
gunt.*

*Hiatus poro-  
rum cutis ra-  
tiores.*

pulchritudinem conciliari; sed ipsos quoque poros cutis, illos perspirationis pariter, ac sudoris fontes, ea conformatione gaudere, ut paulo ante hiatus suos pelliculis quibusdam incurvis, quasi valvulis, ut suspicatur Malpighius, muniantur, & prout implexæ iis, ac colligatæ nervorum fibrulæ, quarum textu reticulari continentur, laxantur, vel tenduntur, ipsi quoque pororum hiatus laxari, & aperiri, vel stringi, corrugari, claudique, atque adeo cursum perspirationis varie moderari possint. Rarius autem contingit, poros illos & meatus ita hiare, ut per eos sanguis procedat, vel calx atque materia podagrica, vel arenulæ, quæ inducta manu abstergi possint, una cum sero exeat; id quod memorant Ant. Benivenius Lib. de abd. ac mir. morb. & sanit. caus. c. IV. Conrad. Lycosthenes de prodig. Horstius Manud. ad Med. P. I. p. 191. Kerckringius Spicil. Anat. obs. 28. Bartholinus Hist. Anat. XXXIV. Cent. I. aut eos ita dilatari, & patefieri, ut non magna tantum pituitæ sebaceæ copia quotidie exire, sed etiam hordei granum, aut pisum, aut minime etiam digiti extremitas imponi iis possit. Quemadmodum a 10. Ant. Lindenio observatum legimus in Physiol. c. XVI. art. 13. §. 24. Quo tamen loco illud est notandum, ea quidem facie atque crassitie, qua in cute conspiciuntur, illa excrementa ex porulis arteriarum haud egredi, sed ex confluxione materiæ intra meatus glandularum, porosque cutis, collectas demum, conjunctasque plures particulas, eam crassitiem acquirere. Nam plura haud dubie emissaria arteriarum in unum communem gland-



glandulæ ductum, porumque cutaneum, contendunt & confluunt. Ad hos vero sunt referenda etiam meatus auditoriorum spiracula, siquidem humor eorum <sup>Glandula ceruminosa.</sup> subflavus, & oleosus, cerumen dictus, e propriis meatus illorum in cute pariter satis, ovalibus, atque subluteis glandulis, & ex iisdem egredientibus tubulis, exspirat, occursumque aëris collectus, in crassiorem ejusmodi consistentiam, & diuturnitate temporis in calculosam materiam, compingitur. Ac cum <sup>Exspiratio papillarum cutis nervorum.</sup> iisdem foraminibus corporis reticularis universæ cutis fibrillarum quoque nervearum papillæ pyramidales contineantur, non est dubium, quin magna etiam liquoris nervosi portio expiratione ista excludatur, ac difflatur.

Præter illos autem majores, conspicuosque cutis poros, ex quorum plerisque, inter rugas cuticulæ ordine parallelo dispositis, pili efflorescunt; alii etiam <sup>Pori cutis minores.</sup> minores, & aciem oculorum obtutumque pene effluigentes, atque innumerabiles, existunt, qui relicta inter priores intervalla punctis quasi creberrimis adimplent, & cutim universam multiplicibus effluviis atque exhalationibus, perviam ubique, ac meabilem reddunt, quemadmodum microscopiis, & argumentis variis Willisius Pharm. Rat. P. II. S. III. C. V. & Boyle l.c. confirmant. Quare ut quis recte perspiret, multum interest, quo tandem corporis habitu præditus sit. Qui enim densiore sunt habitu, & compactæ <sup>Pro vario cutis habitu variat transpiratio,</sup> atque solidioris texturæ, illi, quia minus sunt porosi, ac pervii, minus etiam perspirare possunt, quam ii,



qui tenui & molliore cutis textu gaudent, pluresque adeo humores excutere facile, atque exsudare possunt. Quemadmodum de pueris constat, eos copiosa gaudere transpiratione, ob abundantiam humidi, & rariorem cutis texturam.

*Causa esse.  
Arix est mo-  
tus sanguinis,  
cum intesti-  
nus, tum pro-  
grediens.*

Est autem, quæ reliquarum secretionum, eadem transpirationis causa, motus nimirum uterque sanguinis, cum expansivus interiorum particularum, tum progrediens totius massæ per corpus universum. His enim divisio minimorum, & segregatio, ac pressio, expressioque, & discussio liquidi ex arteriis, & nervosis cutis fibrulis, per meatus porosque corporis, constat. Quare non tantum pro diversa pororum constitutione, sed etiam pro varietate motus, & mixtionis sanguinis, transpiratio varie agere, & nunc fortior, atque calidior, nunc mitior esse, solet.

*Pro motu, &  
mixtione san-  
guinis varia,  
variat tran-  
spiratio.*

Cum enim sanguinea massa, in vasis suis fluctuans, remisso ignavoque cordis, atque arteriarum motu, lente tardeque iter facit suum, & spirulæ aëris, atque aethereæ particulæ, a crassioribus obrutæ humoribus, & quibusdam quasi nodis devinctæ, vim suam minus adhibent; necesse est, particulas sanguinis minus atterit, magisque cohærere, & pressionem humorum, atque adeo expressionem, ac perspirationem quoque minui, poros infarciri, & obstrui demum. Contra vero ubi liberior explicatioque est elater & circulus sanguinis, nec minus agentes intus mobiliores partes, quam cordis atque arteriarum ictus, eum adjuvant, felicius omnino solvi debent humores, ac di-



divelli, ejicique majore quadam copia & vigore, ubi patentés reperiunt meatus. Qua in re permultum tribuendum puto, cum ætheri, corpus universum ultro citroque permeanti, tum aëri, qui per pulmones sanguinem, continuo quasi gurgite, respiratu subiens, suarum agitatione spirularum dividit humores & disjungit, rursusque expiratione corporis universi emissus, humida illorum, hisque innatantia, dura, falsa videlicet, & terrea corpuscula, secum aufert, & volatilisationis, quam vocant chymici, sine capite mortuo, sive sine incrassatis, tostisque reliquiis in sanguine, causa præcipua merito habetur. Aliter, atque solo caloris motu fieri solet, quo si e corpore istæ fugarentur aporrhæae, magna omnino vis crassiorum, tostiarumque partium in corpore fieret, & relinqueretur. Quemadmodum comperimus, omnes animantium partes, propulsis exhalatione, vel destillatione, tenuibus particulis, insignem adustæ, duræque fecis carbonariæ copiam relinquere, licet tepidissimo caloris motu agas. Quam in sententiam Boyle de Orig. Form. observat, ipsam etiam aquam pluvialem limpidissimam, quamvis vel centies exhalet, aut destilletur, semper terrestre quid relinquere, idque fixissimum, ac nulla ignis vehementia ulterius mutandum.

Sicuti vero motus, & mixtio sanguinis variat, ita transpiratio quoque non tantum major, minorve, fieri, verum admosphæra quoque inde exorta differre, ac singulis pene individuis singularis quædam, propriaque, & vel nihil olens, vel suaveolens, aut molesta, & ingrata esse, ipsaque aliquando assumpta redolere,



*Sudor, assum-  
torum redolens naturam.*

lere, solet. Sic multi post haustum aquæ frigidaë, grato aliquo odore, cinamomi, florum namp hæ, iasmini, & similium, medicataë, æstivo præsertim tempore, sudorem effundunt, ejusdem aquæ odorem perfecte redolentem. Sed rarum est, ipso quoque colore assumptorum sudorem tingi, quemadmodum sudorem luteum ab usu rhabarbari doctissimo Mentzelio omni ex parte exstillasse, in Eph. Germ. Dec. I. Ann. VI. & VII. obs. 78. relatum legimus. Neque aliter a liberaliori potu vini rubri Hispanici quendam literarum studiosum, in similem quondam sudorem solutum, vidit Th. Bartholinus, ut refert Hist. Anat. rar. LXII. cent. IV. Imo vero cerevisiam, liberalius haustam, per sudorem excretam fuisse, & alii intus assumpti odorem, & aceti, aut succi limoniorum, & aurantiorum acorem, tertia, quartaque a comestione hora pervasisse ad cutem, idem ille ex Salmutho Cent. II. obs. 28. & Bennetto Theatr. Tabid. vestibul. Exerc. XXIX. eodem loco refert. Pari modo corpora lactentium, uti teneritudine sua, & albedine lactis naturam referunt: Ita peculiari quadam atmosphæra, acidum ferme lactis nidorem redolente, gaudent. Cedit tamen cum ætate hic nidor, & cum lacte plerumque evanescit. Sunt vero etiam sua adolescentibus, sua viris pariter ac feminis, eaque tenuia sæpe, & suavia, ut de Macedonum Rege narrant Historici; sæpe vero satis crassa, impuraque, & tetri odoris, effluvia, cadaveris interdum odorem spirantia; quale quid de viro quodam nobili, quoties vino incaluerit ille, memoravit Edm. de Meara in Exam. diatr.

Willis.



Willis. de febr. p. 137. Sacerdotem quendam scorbuticum hominem, sibi familiarem, meminit eruditissimus Pechlinus, animam semper foedam, & impudici foetoris exhalasse, eamque cum gratiores moschi odore commutasse, quotiescunque morbi gravioris periculum impenderet, Obs. phys. med. L. quo quidem loco multa de varietate transpirationis, eademque lectu digna, habentur. Illud certe inficiandum non est, hanc occultam corporis expirationem multarum operationum & motuum sympathicorum causam existere. Constat enim interdum parentes ad filios præter opinionem, nec cognitos, accessisse, & utrisque, cum, qui essent, ignorarent, mutuo aspectu internam quandam, & jucundam sanguinis commotionem, ac lætitiā excitatam esse. Ceterum cum rerum aliarum, quas vocant, nonnaturalium, præsertimque victus, & motuum, animi pariter, ac corporis, somnique, & vigiliarum; tum imprimis ambientis nos aëris, ad mutantem excretionem istam cutaneam magna omnino vis est, cujus quippe variis habitudinibus fluidum interius varie cieri, & poros nunc laxari, & aperiri, fluidumque eorum exprimi & diffusi, nunc adstringi vehementius, & comprimi meatus, introque rejici diffundendos perspiratione humores, usus rerum docet. Quæ causa est, quamobrem pro varietate regionum, ac tempestatum anni, variare quoque transpiratio soleat. Sub coelo enim calidiore liberius perspiramus, ob dilatationem pororum, factam a calore, quam ubi inclementior aër poros stringit. Imo vero ipso etiam

*Varietas rerum nonnaturalium, imprimisque aëris, variat transpirationem,*

tem-



tempore æstivo, a frigore, calori superveniente, libram sæpe integram uno die coerceri corpore conclusam, quæ alioquin exspirasset, fidis experimentis constat. Hujus igitur rei considerationem multum ad tuendam sanitatem valere, facile intellexerit, quicumque animo reputaverit, quantum, vigente ea corporis perspiratione, utilitatis, quantumque, ea suppressa, detrimenti ad corpus humanum redundet.

## CAP. XII.

DE

## SECRETIONE LIQUORIS

## OBSCOENI.

*Materia, usus,  
& necessitas  
secretionis  
urinae,*

**P**Ræter hanc humorum per poros, habitumque corporis, expirationem, non parva quoque ejusdem laticis vis, variis ramentis, iisdemque salsis, aculeata, per cribra renum secedit, quæ, lotii & urinæ nomine, per ureteres in vesicam abducitur, contractione hujus musculosæ tunicæ, per cervicem, cujus osculum musculi sphincteris fibræ oblique ambiunt, & claudunt, in urethram, extraque corporis ambitum



tum exprimenda, quo sanguis effoetis, incommodis, & supervacaneis particulis liber, exsolutusque, iter suum sine offensione obire, & convenientem unicuique parti succum distribuere possit, vitæque & valetudo totius corporis facta recta conservetur. Ea re, ut eleganter Malpighius & Bellinus demonstrant, in renibus <sup>Qua fit in renibus,</sup> capillaria arteriarum emulgentium vascula in multos racemos, & perexiguas admodum glebas, quæ glandularum specie multis imposuere, abeunt, indeque tenues membranei tubuli propagantur, ab ampliore orbe, ambituque renum, centrum versus angustius adducti, & hinc inde in varios fasciculos, junctisque arctius extremis, in carunculas papillares, quas totidem fistulæ membranaceæ, in communem pelvis expansionem desinentes, excipiunt, ita collecti & congregati, ut sanguis, qui per amplos satis prædictarum arteriarum ductus, ex ipso aortæ trunco deductos, pari vasorum amplitudini copia, per omnes eorum capillares ramulos ad venas contendit, in illos tenues renum tubulos ratam feri portionem transfundat, eaque hinc per illorum fasciculos, & horum papillas, ac fistulas membranaceas, transudans, perenni ploratu in pelvim, sive infundibulum, destillet. Unde deinceps ulterius per ureteres, utrinque alterum, ex coarctato paulatim infundibulo, fistulæ instar, vel canaliculi, effictos, & tribus, quatuorve, & quinque interdum locis, imprimis sub exitum & finem, contractos, & angustos, delata, in vesica colligitur, dum reliqua sanguinis moles, reflexo ex arteriis per vena-



rum emulgentium ramos, vasaque lymphatica, itinere, ad cor reducitur.

*Sola percolatione.*

Neque enim secretio urinæ alio, præterquam solo percolationis, modo peragitur, & uni materiæ conditioni, conformationique organorum debetur.

*Confirmatur.*

Quod si minus ratione posset colligi, hoc insuper familiari experimento confirmatur, quo adacta, ope syringis, in emulgentem arteriam, aqua, vel urina tepida, experimur, eam facili, expeditoque itinere in venam finitimam & continentem, ac vasa lymphatica traduci, indeque continuato filo profilire; partim vero per ureterem refundi. Quod tametsi successu impari a multis sit tentatum, quemadmodum inter alios Malpighius, atque Academia a Sarroto Venetiis instituta observatores, fatentur, tamen illigatis etiam venis, quam quidem cautionem præcipit Casp. Bartholinus in Spec. administr. anat. p. 68. promte succedet, modo in animante adhuc calente, aquave tepida, experimentum fiat. Idemque magis adhuc patebit, si revocemus in memoriam, id quod plus semel se observasse, Nuckius l.c. confirmat, ex arteriis emulgentibus vasa venosa pariter ac tubulos renum urodochos, oriri, talemque inter hæc, illaque vascula intercedere conjunctionem, ut non immissus tantum in arteriam flatus, reliqua vasa peragret, sed idem quoque injectus copiosius in ureterem, eadem vasa subeat.

*Urina est sudor renum,*

Quare haud, opinor, recto decerraverit, quisquis urinam sudorem renum dixerit: Siquidem ex iisdem sanguinis undis uterque venit humor, & elementis  
simi-



similibus constat, ac modo eodem secretionis a sanguine divellitur, nec nisi loco excretionis differt, sic ut pro varia solius etiam ambientis constitutione, modo hanc, modo illam vacuationem magis vigere, & suppressa transpiratione, augeri fluxum urinæ; & contra illa aucta, minorem hujus copiam secedere, quotidianus admoneat usus. Aut perinde erit, si urinam liquorem vocaveris acido-acrem, sive falsum, eumque volatilem, ministerio renum a sanguine segregatum, & particulis constantem liquidis, & duris, sive, *constans aqua,* aqua, sale, & terra, quibus tantillum sulphuris, sive *sale, terra, & paucis sulphure.* olei, arctissime copulatur. Has enim partes sola urinæ exhalatio perspicue demonstrat, utpote qua liquidum exhalans collectum, nihil sapit, pellucet, & aquæ instar vulgaris fluit. Salem vero sapor urinæ, tum sedimenti, post exhalationem relictæ, prodit, cujus spiculis implexi, & irretiti quidam tenuissimi sulphuris, sive olei, ramuli, ex foetore, quem urina spirat, cognoscuntur. Et sal quidem duum generum in urina deprehenditur, acidum, & acre, idque volatile, quod *Sal urina duplex.* vulgo urinosum appellatur, a quorum conjunctione urina salis falsi volatilis, sive ammoniacalis, nomen invenit. Terra denique insipida, tum corruptione, quam subiens urina, feces, pollinis instar tenuissimi, deponit, tum facta elixivatione sedimenti, deprehenditur.

Ab his igitur, quas commemoravimus, partibus, aqua nimirum perspicua, salibus minus pellucidis, & terra, densa, & opaca, omnis urinæ & condi-

*Color urine a mixtione prædictarum particularum.*



tio pendet, & color ducitur, quando earum partium iusta quadam, convenientique temperatione lumen ita modificatur, & reflectitur, ut micantis inde, ac splendentis cujusdam flavedinis, que fere naturalis urinæ in sanis esse solet, sensus in nobis oriatur. Tali enim modo explicanda est quorundam chymicorum sententia, qui a particulis salino-sulphureis urinæ colorem arcessunt. Quod quidem minus illis videbitur dubium, qui mutata, solius ope evaporationis, illius liquoris textura & mixtione, qualitates quoque ejus affectionesque mutari, cum Bellino l. de urinis p. 7. animadverterunt. Nam si urina naturalis ad ignem in cucurbita vitrea bulliat, & exhalet, observabimus, colorem a dilute flavo in intensiorem, & magis saturam flavedinem primo transire, ac difficilioris fluxus fieri, mox vero magis flavedinem intendi, & cum quadam subobscura rubedine conjungi, vix tamen pellucere, & multo difficilioris fluxus fieri; inde in croceum, & fusce rubentem colorem transire, atque opacam, crassiolemque urinam evadere; tum dilute ferrugineam, magisque opacam, ac tenacem, mox saturæ ferruginis, majorisque opacitatis, ac tenacitatis: postremo tandem nigricantem prorsus apparere, quo tempore superest in fundo vasis sedimentum viscidum plane. Hoc si totum simul adspiciatur, nigrum videtur, illitumque corporibus, aurea quadam flavedine eadem imbuunt. In eadem hac exhalatione sapor fit falsior, quo magis augetur exhalatio, ita ut sedimentum illud sal satiat maxime falsum, quod lin-



gua vix ferre possit, quamvis nulla sit conjuncta amaritudo. Quodsi ad singulas illas colorum mutationes urina ponderetur, ut intelligatur, quantum liquidi exhalando decedat, & tandem, finita evaporatione, tantum aquæ vulgaris sedimento paulatim affundatur, quantum ad singulas mutationes de urinæ fluico exspiravit; apparebit deinde sedimentum ex nigerimo, & plane viscido, per eosdem diversos colorum, & fluiditatis, gradus ad quandam citreæ flavedinis similitudinem, & fluiditatem aqueam transire, ac urinæ liquorem ad statum naturalem, quo emissus erat, redire.

Unde pro varia liquoris, & contentorum, sive partium, liquidarum, & durarum, habitudine, & copia, varia quoque erit indoles urinæ, cum ratione consistentiæ, tum etiam coloris. Vt minus adeo sit <sup>Omnia urina ex sanguine venit.</sup> necessarium, id quod a quibusdam inter urinam potus, & cruoris, discrimen affertur, quando illam ex primis statim viis per vias hætenus incognitas, & peculiare ductus excretorios, ad renes, vel vesicam, devehiri opinantur, eamque sententiam ex aquosa urinæ facie, & rapido properoquo exitu, approbare student. Sed falso suppositi, & commentitii sunt ductus illi aquosi, atque a nemine unquam, post tot in scholis totius Europæ facta, repetitaque pericula, cogniti, aut oculo certe vacillante, & decepto visi, quando nonnulli vasa lymphatica pro talibus frustra habuerunt. Neque vero adductæ rationes tantæ sunt auctoritatis, ut quicquam ejus rei confirment. Qui enim ce-



heritatem circuli sanguinis, potiusque laxiorem cum sanguine cohæſionem, & copiam ſatis perpenderit, is quidem facile intellexerit, quo modo brevi tempore magna urinæ aquoſæ viſ ex advecto per vias ordinarias, arteriaſque emulgentes, ſanguine trajici per renes, ejicique poſſit, & præter hos, nullis aliis obſcœni liquoris rivis opus eſſe, idem judicavit. Unam tamen fortasſe excipies veſicam, in quam, per poros foras introſpicientes, vapores & exſpirationes interiorum viſcerum abdominis contendere, urinæque, ex ſanguinis undis, & renibus venientis, molem augere, ac per eodem poros aſciticorum aquas exitum interdum invenire, non negaverim.

*Secretionis  
urina læſæ  
incommoda.*

Quum igitur urina ſit pars ſanguinis aquoſa, ramentis terreis, ſaliſ, & ſulphureis inquinata, non leve exiſtimandum eſt commodum, quod inde in ſanguinem, & corpus univerſum redundat. Namque ſuppreſſa ſecretione illa, ſerum in vaſis abundat, atque ut partes alias, ſic cerebrum inprimis, utpote magnam humorum copiam recipiens, & molle, minoreque vi reſiſtendi pollens, ita non raro impetit, ut vel ſopore oppreſſus, vel convulſus, homo concidat. Aliquando autem eo modo congeſtum in vaſis ſerum, per vias alias, porosque inprimis cutaneos, exitum invenit. Ceu eveniſſe legimus cuidam apud Salmuthum, cui cum ex ſuppreſſa urina a dolore nephritico, corpus univerſum ad crepaturam uſque tumeret, obortus ſudor, tumorem ſolvit, calculique egreſſum promovit. Quodſi urina ſeccedat quidem, ramenta

vero



vero terræ salſaque ſeri quoquo modo in corpore con-<sup>Elementa, &</sup>  
 grediantur, jactum eſt lapidicinæ fundamentum, ex qua<sup>generatio cal-</sup>  
 veluti matrice calculi gignuntur. Neque enim in ex-<sup>culorum.</sup>  
 plicanda eorum generatione ad ſemen quoddam pe-  
 trificans, aut ſpiritum quendam lapidificum, vel Gor-  
 gonicum, aut ſimile quid confugiendum eſt, quum  
 ſeminia eorum ipſi ſero ſanguinis, quod vehiculum  
 alimenti ad ſanguinem, & excrementi ex eodem eſſe  
 diximus, ſemper innatent, micas puta ſalium, & ter-  
 ræ, quarum quædam, aqua dilutæ, quotidie cum uri-  
 na exeunt, cum autem arctius ſeſe comprehendunt, in  
 arenulas abeunt, quæ vafis, quibus vehuntur, aliquas  
 ſenſim affigendo, interiores eorum parietes incruſtant,  
 atque in hac, illave, parte hærentes, in calculos coë-  
 unt, perinde ac particulæ, quæ vino etiam limpi-  
 do continentur, ad latera dolii primo ſub parvis qui-  
 busdam micis, deinde majoribus fruſtis, cruſtisque,  
 tartari nomine concreſcunt. Quod quidem inprimis  
 in noſtro corpore accidere, non ſine ratione judicavit  
 Carolus de Maets in Prodr. Chim. Rat. C. VI. cum acu-  
 tæ ſalium cuspides, mollibus olei partibus minus delibu-  
 tæ, ac temperatæ, particulas terreas fortius aggredi-  
 untur, iisdemque clavorum inſtar infixæ firmitus, &  
 conjunctæ, gradum alicubi ſiſtunt, & ſimilium acces-  
 ſione particularum, vires & incrementa capiunt,  
 ac preſſione præterlabentium humorum extruſis lu-  
 bricis aquæ particulis, paulatim ad ſe propius ac-  
 cedunt, arctiusque tandem compreſſæ, in duros com-  
 pactosque calculos abeunt. Vnde vi ignis vi ma-  
 gnam,



gnam, & fere quartam partem falis volatilis, perparum vero olei præbent, relicta in vase terra, quæ calcinata, & elixiviata, parum, vel nihil, falis fixi largitur. Ab eadem calculorum parte falina, & volatili, haud dubie etiam vis existit, sudorem ac urinam ciens, nullis lapidibus aliis, quos terra suppeditat, conveniens, de qua observatio Iac. Bontii in Not. ad Garc. ab Orta C. XLV. legi meretur. Vt vero in cunctis partibus corporis, nulla excepta, gigni possint calculi, imo genitos fuisse, observationes medicorum doceant: tamen nusquam magis, & sæpius, id fieri solet, quam in renibus, & vesica. Per has enim partes serum falsum, sive terra, faleque saturum, continuo dimittitur, quæ proinde particulæ duræ ab exiguis meatibus tubulorum, per quos transmitti in renibus debent, sisti, vel facili alia de causa hære in illis angustis, & plurimis junctis sese contingentes, in arenulas primum, & nucleos, ampliusque majorem in molem, atque in calculos accrescere & converti possunt. Quodsi nuclei isti ex renibus in vesicam propellantur, inibique hæreant, nec inde mature ejeciantur, in mediis urinæ undis iisdem ejus duris particulis augmentur, & crustis quibusdam inducuntur, atque in calculos corticosos abeunt. Vnde in multis vesicæ calculos corticosos abeunt. Vnde in multis vesicæ calculis, & nuclei ejusmodi, hisque superinducti cortices, reperiuntur. Quemadmodum inter alios Fernellius L. VI. Path. CXII. & Nukius l. c. sæpe sæpius annotarunt, nosque in cadavere Casparis Ziegleri, Acti illustris, vidimus, in cujus vesica calculos depre-



prehendimus XXIII. candidos omnes, & magnitudine nucem prope juglandem æquantes, plurimumque laterum, intus vero ex corticibus, ceparum more, vel lapidum bezoar, concretos, nucleumque minimum gerentes. Neque tamen omnem vesicæ calculum suam in renibus matricem habere, existimandum est cum Fernelio, cum neque nuclei in omnibus vesicæ calculis reperiantur, neque in pueris idem admitti queat: qui cum integros & illæsos habeant renes, calculo tamen vesicæ maxime sunt obnoxii, ac fieri omnino potest, ut quando urina diutius in vesica retinetur, & duris ejusmodi, quas diximus, ac crassioribus particulis prægnans & onusta est, hæc sese comprehendant, & subsidant, factoque ita cohæsionis fundamento, nunc citius, modo tardius, ex eadem materia augeantur, eodem propemodum modo, quo matulis diu usurpatis, nec mundatis, arenosa ac sabulosa accrescit materia, quæ nisi purgetur, in spumas, crustas, & tandem lapides abit. Et si novæ materiæ appositione & congestionem ex nucleis, ex renibus demissis, calculi in vesica fieri, & augeri possunt, quid obest, quo minus illi ibidem originem sumere queant? Sed hæc alius loci res est.

Ex his vero, breviter disputatis, perspicuum est, quid tandem de ratione illa, morbos ex inspectione lotii dignoscendi, & dijudicandi, sit existimandum, Nam qui circulum sanguinis, ex eoque profectæ urinæ elementa, considerat, is facile quidem intelliget, *Uroscopias* *abusus, & usus.* supervacaneam esse, & si non temerariam, at certe



non sine fraudis suspicione , inspectionem ejus , si capitis , oculorum , aurium , pulmonum , cordis , lienis , hepatis , aut aliarum remotiorum partium , affectus inde hariolari quis auset . Interdum vero ea aliquod præbet indicium , si viarum quas illa transiit , habitudinem , ut & elaborationem chyli , ac sanguinis mixturem , & motum , imprimisque coctionem ejus , quam vocant , in febribus , sive motum , & segregationem durarum particularum , unde colorem , atque contenta lotii proficisci , quibusque sanguinem purgari dictum est , pernoscere velis , neque soli tamen urinæ fidas , sed coram lecto , adhibitis in consilium aliis signis , examen instituas . Quantum enim judicio , ex sola urina sumto , tribuendum sit , vel exinde colligas licebit , quod illud fieri debeat per comparisonem urinæ naturalis , & præternaturalis , cum tamen illa non eadem in omnibus deprehendatur , sed pro diversitate motus , atque temperiei sanguinis , quibus homines a se valde distant , tum ratione ætatis , regionis , tempestatum anni , & horæ diei , atque similium , plurimum differat , & quæ huic est morbosa , alteri naturalis observetur , ac præterea cum ab assumtis , tum per breve illud temporis spatium , quo emissæ , atque inspicienda est urina , ab aere , ipsisque propriis contentis , varias mutationes subeat . Sæpe etiam sola pororum in tubulis renum dilatatio multigenere , nec raro cruentam , urinam reddit , ex qua mira interdum prælagiri audias , cum tamen nihil deinde mali consequatur . Quare quod de pulsu notatu



tatu dignum est, eum in febribus malignis sæpe naturali respondere; idem illud de lotio, quod in peste urinæ sanorum Avicenna dixit esse simillimum, usus testatur, cum evenire soleat, ut & pulsus bonus, & urina bona sit, aeger tamen brevi moriatur. Quibus addendum, quod cum ne ipsius quidem sanguinis, ex cuius tamen undis dimanat, constitutionem ex urina cognosci semper liceat, multo minus de partium solidarum dispositione scire aliquid certi queamus. Unde ex eadem pauca admodum apud Hippocratem, & Galenum, collecta reperias. Eoque facile intelligas, quam vani sint uromantes, & jactatores illi, ac medicorum Vespasianeorum, quorum verissimum inventum hæc stulta pessimaque consuetudo dicitur a Montano Consil. 137. æmuli, qui ex urina, tanquam ex speculo, nunquam visis iis, quorum urinæ sunt, non solum statum corporis sanum, vel morbosum, sed etiam ætatem, sexum, graviditatem, ac filiane, an masculus, utero geratur, se venari posse gloriantur, tantum ut homines argento emungant, & quibus decipi volupe est, eos in fraudes inducant, id quod longe abest a viro gravi, atque honesto. Rectius omnino cum Foresto, Cordo, Minderero, multisque aliis, ad elegantiam medici pertinere, censet Doctiss. Schefferus in Cæsaris Odoni Libello posth. de Vr. ad sordida illa nequaquam temere recurrere, adeoque ne quidem urinarum inspectioni facile se dedere, nisi summa demum exigente necessitate. Præsertim quum alia signa satis multa non desint, ex quibus morbi naturam re-



etius cognoscamus. De istis autem σφαγιστονυχαρχοις  
 ρήταις audiendus est eruditissimus Io. Langius Ep. XXIII.  
 L. II. Nonne dudum a me, inquit, accepisti, duos esse in  
 re medica impostorum ordines? quorum primi uromanres di-  
 cuntur, ex lotio divinatores, qui ex solo urinæ iudicio,  
 de substantia, & causa ægritudinis, ob vile pretium, quo  
 nec triobolare scortum prostat, perfricta fronte nugari,  
 (divinare, ignosce, dicere volebam) non erubescunt: quum  
 sit periculum in nullo mendacio (teste Plinio) majus, &  
 perniciosius: qui sunt in republica ægrorum pernicies, rei  
 medicæ calamitas, & Libitinæ præsides &c. Horum igitur  
 sordidorum, & sterquilinio se pascentium, quem  
 tandem alium panegyristen optemus, quam Aristophanem,  
 comicum illum quidem veteris comœdiæ li-  
 centiæ assuetum, sed Atticum prorsus, & cum ipsius  
 Platonis iudicio prudentem, tum medicorum gra-  
 vium suffragio eoquoque sapientem, quod deri-  
 deret priscos illos medicos, qui feces, seu  
 stercorea, & urinas, inspicere at-  
 tente solerent.



## CAP. XIII.

DE

SECRETIONE SUCCI  
RENUM SUCCENTURIATORUM.

Ed interest instituti ut, misso liquore ob-  
 scœno, ad aliorum succorum, qui aliquem  
 corpori usum afferunt, secretionem a san-  
 guine pergamus. Non possumus tamen  
 a renibus animum & cogitationem aver-  
 tere, quin multa esse in corpore, fateamur, quorum  
 vim rationemque perspicere, nisi qui corpus huma-  
 num condiderit, possit nemo. Ecquis enim, ut unum  
 illud hic commemorem, enarrare se posse, existima-  
 verit, quid utilitatis, quantumque commodi habeant  
 illa glandulosa, depressa, & plerumque triangularia,  
 cavaque intus, corpora, quæ renibus imminet, &  
 ductis ab arteriis emulgentibus ramis, ac venis, dex-  
 tra quidem ut plurimum ac cava, sinistra verò ab emul-  
 gente, orientibus, nervisque tenuissimis, a plexu me-  
 senterico propagatis, instructa, renes succenturiati,  
 capsulæque atrabilariae nominantur. Nisi forte *De usu renum*  
 Francisco de le Boe Sylvio accesserimus, qui sanguini, a *succenturiato-*  
 cruribus, & renibus, ac partibus aliis inferioribus, mi- *rum sententia*  
 nori *probabilior.*



nori momento refluenti, spirituosum aliquod liquidum ex glandulis hisce affundi existimat, ut a facili suarum partium cohæsione sese tueri, motumque suum retrogradum per venam cavam, propter cuius situm, & ascensum perpendicularem, ab inferioribus redeuntium ea humorum vis ac copia difficilior omnino movetur, eo alacrius continuare queat. Diss. med. V. 6. Namque secerni iis in glandulis succum quandam a sanguine, singularis earum constructio arguit, quando, annotante Malpighio in Ep. de Struct. Glandul. Conglob. secta secundum longitudinem ejusmodi glandula, tota ejus moles constare videtur fibris fistulosis, quæ a circumferentia ex luteis quibusdam folliculis, reticulatum vasculorum sanguineorum, nervosarumque fibrillarum contextum fulcientibus, exoriuntur, & medium versus, uti contingit in renibus, deductæ, more vasculorum excretoriorum, in unum communem sinum, tenui intus membrana, pluribus pertusa foraminulis, obtectum concurrunt, & segregatum in illis folliculis succum convehunt. Ex hoc autem sinu manifestus in venas emulgentes, cavamque, per venulas aditus, & conspicua explorataque cum sanguine venoso communicatio patet. Neque vero adeo insolito hoc naturæ more motus sanguinis in vasis quoque aliis adjuvatur. Cujus quidem rei illustre satis exemplum lien præbet, per cuius machinam trajectus sanguis, in venam portæ derivatur, humoribusque pariter venosis affunditur, ut eorum per hepar cursum, & secretionem bilis, expeditiorem



tiorem reddat. Quæ vero de secretionē humoris atrabilarii veteres, vel succi biliosi, pro confirmanda Sylviana sanguinis effervescentia in corde Kerkringius, in Prooem. Spic. Anat. aut pro segreganda, tingendaque urina in renibus, cum Th. Bartholino in Anat. L. I. C. 18. alii memorant, ea nullam veri speciem præ se ferunt. Quippe cum succus atrabilarius nusquam existat in corpore sano, nullique adsint ductus, per quos ille, si quis esset, vel alius quicunque succus, ibi secretus, vel elaboratus, ad renes confluere, aut alibi locorum excerni, possit. Effervescentia autem sanguinis Sylviana in corde, quam sedatam sopitamque Kerkringius excitare conatus est, æquis rerum existimatoribus non necessaria, aut somnio similior videtur.

Neque vero temere accesserimus Ant. Molineto, quum Diss. An. Path VI. 7. opinatur, naturam corpora illa glandulosa condidisse ad declinandum a renibus sanguinis motum ante ortum animalis, quo nimirum humorem, copiose perfluentem arterias, intercipient, brevissimoque itinere ad venas reducant, quo deinde per illas in corculum foetus delatus, indeque exiens per aortam, partim in renes eosdem succenturiatos, parcius in renes ipsos feratur, sed copiosius per ramos iliacos, horumque furculos umbilicales, properet in placentam, & receptus ibi a venis matris, in corejus pariter abeat, hincque per aortam, & ramos emulgentes, in renes contendat, ut in iis tandem a ferosis excrementis repurgetur, eaque per matris vesicam excludantur. Retur enim ille, foetum in utero pa-

rum,

*Opiniones  
merito susce-  
ptæ.*




rum, vel nihil prorsus, urinæ secernere, sed renes matris duplici eo tempore munere perfungi, inprimisque id agere, ut necessitati utriusque corporis, foetus videlicet, & matris, eorumque actio respondeat. Indeque fieri arbitratur idem ille, quod foetantes mulieres, iisdem ipsis non prægnantibus, non solum sæpius, sed multo etiam copiosius mingant; quodque in foetibus succenturiati renes molem legitimorum, servata proportionem partium, multis vicibus excedant. Cui quidem opinioni inter alia hæc potissimum fraudi sunt, quod neque per exiles illas arteriolas, quæ ex emulgentibus ad renes succenturiatos pertinent, ea humorum copia, quam sibi Molinettus mente fingit, diverti, neque quicquam a foetu ad matrem revehi possit, siquidem anastomoses atque inoculationes vasorum matris & foetus, quas ille cum quibusdam fundamenti loco præstruit, experientiæ haud respondent. Omnem vero Molinetti conjecturam hoc unum facile everteret, si, quam post Io. Hornium, in Microcosm. §. 69. Regn. Graafium, de Organ. mul. Tab. XXII. & Godfr. Bidloo in Anat. Tab. LII. LIX. non ita pridem in cadavere mulieris, quæ quatuor menses uterum gesserat, pluribus medicinæ doctoribus & studiosis in Xenodochio Ultrajectino se demonstrasse, affirmat CL. Munnickius, l. c. p. 86. tunica allantoïdes, sive urinaria, non in foetu tantum bruto, sed etiam humano, daretur; de qua quidem re Lib. II, amplior dicendi locus erit.



## CAP. XIV.

## DE

SECRETIONE MATERIÆ  
BILIOSÆ IN HEPATE.


 Tque hæc quidem, ut multa alia, merito fatemur, humani sensus acumine vix satis perspicui posse. Sunt tamen etiam multa, quæ facilius possunt, & sensibus percipi, & ratione comprehendi. Inter ea vero, de quibus nunc dicendum est, magis evidens est, studio laudati sæpius Malpighii, separatio illius sulphureæ, vel oleosæ sanguinis partis, quæ assidua viscerum, & vasorum pressione, mutuoque ipsorummet sese exagitantium, exsolventiumque, minimorum occursu & attritu, excussa a salibus & soluta, ac lymphæ crySTALLINÆ interjecta, eaque irretita, vorticoso suorum globulorum, quorum subluteos alios, alios purpureos esse, suo loco dictum est, motu, colorem sanguini, nomenque largitur, & magis deinde discrepta, contracta & divisa, unaque cum salium & terræ ramentis, aqueove, cui hæc innatant cuncta, vehiculo, secreta a sanguinis massa, & propriis contenta ductibus, bilis nuncupatur. Cum enim ea sanguinis pars

*Bilis materia  
est pars san-  
guinis oleosa,  
ministerio  
motus a sali-  
bus excussa &  
soluta.*



ex alimentis, motuque humorum, assidue colligatur, in alimentum vero, atque substantiam partium haud mutetur; idcirco ne copia major evadat, quam usus exigat, commodumque partium reliquarum in massa, & geometrica proportio molis humorum admittere queat, ad tutandam sanguinis crasin, quædam ejus portio secerni a sanguine, dimittique debet.

*Organum secretorium est hepar.*

Id vero illi evenire sanguini observamus, quem vena portæ magna copia ad hepar adducit. Namque cum ad finem viscus hoc ex vasis quidem omnis generis, potissimum autem ex illius, quam diximus, venæ propaginibus, in varios fasciculos abeuntibus, atque ex iisdem egredientibus, & per viscus universum tenuissime sparsis radicibus, & ductibus cholodochis, est contextum, ut sanguis, qui per omnes illius venæ ramos diffunditur, quandam sui partem oleosam, exsolutam magis, & divisam, unaque cum salibus in massam saponiformem, & bilem abituram, ex minimis illorum propaginibus in radices, ductusque cholodochos transmittat, & depositis, relictisque istis exuviis, majore sui parte per venæ cavæ furculos, ejusque truncum, parte vero quadam serosa, per vasa lymphatica, & conceptaculum Pecqueti, cor conscendat. De qua vasorum hepatis communione, & liquidorum per ea motu ac derivatione, qui dubitare aufit, is siphone injiciat liquorem quendam tenuem, coloratum, ac tepidum, in venam portæ. Sic enim contempnet, immissum eundem liquorem, non totam tantum visceris substantiam, ipsosque vasorum extremos, fasci-

*Vasa recipientia sunt pori & ductus biliarii.*



fasciculos, qui specie glandularum Malpighium, multosque alios, decepere, & minima folliculi fellei vascula, retis instar apte contexta, tinctura sua replere & imbuere, ac ipsam denique interiorem illius tunicae superficiem irrorare; sed etiam continuata injectione majorem partem per cavam tandem redire, corque ipsum invadere, minorem vero portionem vasa biliaria subire. Contra si in arteriam hepaticam fiat injectio, idem haud observes. Indidem illud etiam colligamus licet, non in vasis solum jecoris, sed in vesica quoque fellea, per quosdam eo propagatos portæ ramulos, abeuntes in apices, quorum complures in collo, rariores circa fundum, ut eleganter Ruyschius in Resp. ad Ep. Anat. v. Fig. VII. demonstrat, reperiuntur, & vulgo glandulae dicuntur, materiam biliosam segregari. Neque profecto Deus aliam ob causam venæ illius conformationem, arteriis fere in omnibus similem esse, & ramos ejusdem, ductusque cholodochos, una cum arteriæ hepaticæ propaginibus, communi quadam membrana, sive capsula, fibris suis motricibus instructa, quæ ab inventore Glissonio nomen duxit, veluti musculo quodam, intra jecur concludi voluit, quam ut motu & contractione illius involucris, atque arteriarum pulsatione, distributio sanguinis per viscus illud, & separatio bilis, motusque, perinde ac fieri par est, peragi possit. Nam radices quidem ejus venæ, per omentum, ventriculum, pancreas, lienem, intestina, & mesenterium, dispersæ, atque ab angustioribus tubulis in ramos majores, in unumque tandem

*Pars bilis etiam in vesica fellea segregatur.*

*Ratio con-  
structionis  
venæ portæ.*



*Per quam  
materia bilis  
omnis ad he-  
par adduci-  
tur.*

truncum coalescentes, venarum morem habent, usumque præbent. Quum vero eadem vena ramificationes suas, a spatio amplo ad angustius tendentes, ductu contrario per hepar distribuit, & sanguinem ad omnes illius visceris plagas deducit, arteriarum naturam & dignitatem induit pariter, atque officium facit. Quo magis inducimur, ut omnem bilis secretionem per illius venæ ramos fieri, credamus. Equidem alii munus hoc vel soli arteriæ hepaticæ, quacum communicantes arterias novas hepaticas, a vasis diaphragmatis oriundas, & per gibbam hepatis substantiam disseminatas, detexit Ruyschius in Resp. ad Ep. Anat. IX. tribuunt, vel commune ei cum venis portæ esse volunt. Ac nuper CL. Pechlinus eundem arteriæ coeliacæ ramum, ad hepar pariter, ejusdemque vesiculam abeuntem, multo esse majorem, quam accuratissimi vulgo Anatomici voluere, & vaginam quoque ubique comitari, singulisque lobulis surculos suos impertire, eleganti schemate contra Glissonium, aliosque, præclare ostendit l. c. L. I. Obs. 59. Quia tamen singularis adeo venarum portæ, arteriisque respondens, est conformatio, & extremarum ejus propaginum cum vasis biliariis arcta conjunctio, collectioque in fasciculos, & horum vasorum communio, ipsis sensibus patet; idem vero de arteria jecoraria haud liquet, & hujus præterea propagines ductus biliarii copia & amplitudine sua multum superant, ut dispar omnino utrorumque vasorum sit proportio: nihil adeo obesse video, quo minus Malpighii, Glissonii-  
que



que sententiæ accedamus, omnemque bilis materiam unius portæ venis acceptam esse referendam, existimemus.

Quid autem causæ sit, quamobrem a sanguine venoso, atque ex omento, ventriculo, liene, pancreate, mesenterio, & intestinis refuso, neque a sanguine arterioso, perinde ac ubique corporis secretio humorum fieri solet, biliosa materia segregetur, minus indicari potest. Nam circulus bilis, sive reditus per venas mesaraicas ad hepar, quem Borellus de Mot. Animal. c. X. Prop. 102. & 103. commentus est, idoneo experimento defensum nondum est. Quodsi in re difficili, nec parum obscura, quid probabilius esse videatur, fari liceat, existimarim id quidem idcirco accidere, quod materia biliosa ex eo sanguine facilius secerni possit, quam quidem ex arterioso. Hic enim quum lymphæ turgeat totus, & duplo plus illius contineat, quam venosus, ac præcipiti valde motu feratur, interjectam illius gelatinæ, arctiusque cohærentem, falso-sulphuream materiam difficilius longe dimittit, quam sanguis venosus. Neque vero tanta humorum moles, quæ ex inferioribus per cavam propter situm hujus atque ascensum perpendicularem, & languescentem, minoremque cordis, utpote maxime remoti, vim & impulsionem, difficilius progreditur & refluit, continuando sanguinis per vasa hepatis itineri, secessionique materiæ biliosæ, apta æque & idonea foret, atque ille est sanguis, qui ad hepar ex visceribus vicinis, minusque acclivibus, quæ modo diximus, revertitur. Quippe

*Ratio probabilis, quamobrem materia biliosa a sanguine vena portæ segregetur.*



qui cum partem quandam pinguedinis, minus exsolutam, in lobulis omenti, sacculisque pinguiferis mesenterii, reliquerit, magnamque lymphæ copiam, partim per pancreatis, ventriculi ac intestinorum glandulas, in cavum illius alimentorum canalıs deposuerit, partim vero ad vasa lymphatica tam numerosa ablegarit, a vinculo segregatæ lymphæ liberas solutasque, & propius sibi conjunctas, ac minore agitatatas motu, sibi que magis relictas, excussas a salibus oleosas particulas continet, quæ accedente in venâ portæ ex liene sanguine, multum attenuato, atque fluidiore, divisionem illarum augente, a reliquæ lymphæ, cui adhuc permixtæ sunt, contextu facile exturbari, & vasculosi visceris ministerio, in peculiare ductus expelli, atque secedere poterunt.

*Lienis usus,*

*Et constructio,*

Neque enim alium lienis usum esse, præterquam eum, ut percolando succo bilioso in hepate operam det, visceris ipsius mechanica, & exeuntis ex eodem sanguinis tenuissimi miniatus, idemque rutilans fluor, in portam derivandus, adeo indicat, ut nihil nos impediat illud, quod alia lienis fabrica in homine, alia in animantibus aliis, deprehendatur. In omnibus quidem arteria, ut plurimum a coeliaca, aliquando etiam ab ipso aortæ trunco, oriunda, major multo hepatica, totum interiorem visceris textum ramis numerosis, densissimis nervorum paginibus, cum a plexu mesenterico conjugationis octavæ, tum a costali ramo ejusdem nervi sinistro, distinctis, capsulaque membranacea, ac musculosa,

con-



conclusis, subit. Sed præter hanc, ejusque propa- *Discrimen*  
 nes, in ovibus, multoque magis in vitulis, tam copiosæ, *lienis ovilli,*  
 & tenues, firmæque, fibræ ramosæ, a succingente *& vitulini,*  
 membrana per transversum ab uno ad alterum latus  
 miro quodam ordine ductæ, occurrunt, ut univer-  
 sum lienis corpus fibrosum reddant, relictis multipli-  
 cibus inter se intervallis, & tanquam cellulis, ac sulcis,  
 ex quibus aditus patet per patentia foramina in ve-  
 nam, sparsam per lienem, moreque venarum, per  
 interiorem penis cavernosam substantiam dissemina-  
 tarum, cribri instar perforatam, ut contra Highmo-  
 rum docuit Rayschius in Obs. Anat. Chir. C. Quod qui- *A liene hu-*  
 dem aliter se habet in splene humano, in quo nullæ *mana.*  
 ejusmodi fibræ, quas etiam homini pariter cum Syl-  
 vio, Highmoro, & Bidloo, multi affingunt, nullique ad-  
 eo inter eas relictæ sulci, venarum vicem gerentes in  
 splene vitulino, nisi violento quodam motu efficiant-  
 tur, occurrunt, quando tam numerosæ propagines  
 arteriarum, in spiras quasi, & helices, contortæ, ac  
 revolutæ, ipsas in venarum, quibus ad amissim re-  
 spondent, & lymphæ ductuum, radices desinunt, &  
 una cum nervis, capsula illa, vel tunica musculosa, ab  
 altera lienis membrana, in tubum extensa, obductæ,  
 in plures fasciculos, ceu penicillos, ita inter se com-  
 plicantur, ac colligantur, ut suis mollibus, succosis, ac  
 rotundis capillamentis, plurimas pellucidas vesicu-  
 las, præsertim si frigida in arteriam injectio fiat, re-  
 ferant, & veluti racemosæ appareant, glandularum- *Glandula*  
 que specie oculis viri alioquin acerrimi visus, Mal- *lienis humani*  
 pighii, *nulla.*



pighii, aliorumque clarissimorum Anatomicorum, illustrerint. Neque enim aliter, lustrata accuratius textura visceris, de se ipso fatetur exercitatus, idemque candidus Anatomicus, Fr. Ruyschius in Resp. ad Ep. Anat. IV. Quo loco fibras lienis vitulini factas esse, scite monet, ut efficiant & fulciant sulcos, qui per lienem, loco ramorum venosorum, sunt dispersi, ne a sanguine refluxo nimis extendantur; in liene autem humano, nullis sulcis, sed venis, instructo, tales fibras haudquaquam requiri, eumque totum nihil aliud esse, præterquam singularem contextum arteriarum, venarum, lymphæ ductuum, & nervorum, iope membranarum comprehensorum, & præter hæc nihil aliud ad sui constitutionem lienem hunc adsciscere. Nam quæ injectione aquæ in venam splenicam, ejusque expressione, ut moris est in excarnatione, quam vocant, lienis vitulini, eluto e vasis cruore, fibræ comparent transversæ in liene humano, eæ ipsæ sunt vasa sanguinea, fibras ejusmodi æmulantia, quorum quidem molliores extremique fasciculi, rupti quoquo modo, & discerpti, ablatique, sinulos relinquunt, qui pro cellulis vulgo haberi solent.

*Ufus lienis  
explicatur.*

Hanc igitur omnem vasorum lienis congeriem, intra duplicem membranam adeo concinne, elegantique artificio, in retis cujusdam mirabilis modum contextam, non vana opinione auguramur, ut sanguis, qui per arteriam capacissimam, & serpentino reptatu progredientem, atque multiplici suorum ramulorum diremptu tenuissime divisam, in omnes eorum spiras



spiras, ac convolutiones, pressu & contractione ambientium capsulæ musculosæ fibrarum, longe lateque diffunditur, sibi que ita ipsi in illo arteriarum reticulari & labyrintheo textu, & variis hujus, ac multiplicibus angulis, occurrit, & superaffluit, a suarum partium cohæsiōe magis divellatur, atque in plures multo minores superficiēculas sectus, & solutus, emissā magna lymphæ parte in vasa lymphatica, fluidior, & mobilissimus, per venæ ramos exprimatur, atque in portarum propulsus truncum, hujus quoque sanguinem dissolvat, & biliosas ejus particulas a compedibus gelatinæ, cui adhuc cohærent & intextæ sunt, exturbet ac divellat, quo sibi accommodatos radicalarum biliarium meatus, per solas expressionum leges, facili secessione ingredi, & humores reliqui in venarum, cavæ, ac lymphaticarum, furculos, regeri commodius possint. Ut adeo lienem machinam vocare liceat, vasculosam æque, ac musculosam, juvando sanguinis per venas portæ circulo, & maturandæ particularum salino-sulphurearum secessioni in hepate, vera bilis officina, ac derivationi hujus per suos proprios canales, a natura præfectam. Nam quæ de fuga vacui in hypochondrio lævo, vel de succi & fermenti acidi, aut subausteri, secretionē a sanguine, motuque ad stomachum, vel intestina, per vasa brevia, vel hæmorrhoidalia, vel ductum pancreaticum, aut de sanguinis eodem in viscere generatione, vel ejus temperatione, & condensatione, vel de chyli collectione, atque ablegatione per nervos ad

*Opiniones  
alia, suspecta,  
& falsa.*



cerebrum, vel de elaboratione mucilaginis, fibras musculorum, & tendinum, juncturasque ossium lubricantis, vel de animæ, aut veneris, hilaritatis, risusque sede, cum Schola Democriti, Galeni, Arabum, Helmontii, Sylvii, & eruditis quibusdam Britanniarum Medicis, ac nostrorum denique nonnullis, alii comminiscuntur, ea ridicula partim, partim mechanicæ visceris, & circulo sanguinis, atque experientiæ Anatomicæ prorsus contraria sunt, ab ipsisque animantibus, exsecto splene, falacioribus, voracioribus, atque notabilem bilis in suo folliculo, & ductibus, mutationem, ac inopiam monstrantibus, id quod CL. Bohnii observationi debemus, confutantur, suisque adeo inventoribus merito relinquuntur. Nec attinet alios hepatis usus tribuere, & munus sanguificationis jam pridem sepultum rursus excitare, cum ex constructione visceris pateat, illud biliosæ tantum materiæ colum esse.

*Usus hepatis,*

*Motus bilis  
omnis ad in-  
testina,*

*Vel immédia  
re per porum  
hepaticum,*

*Vel interme-  
dia vesica fel-  
lea, per po-*

Bilis autem, secreta eo modo a sanguine in jecore, & vasis propriis excretoriis, quæ biliaria nuncupantur, recepta, ad intestina omnis corrivatur. Atque eo quidem, vel immediate compellitur, ac derivatur, per illos ductus, qui radicibus & surculis innumeralibus, per hepar undique sparsis, colligentes ipsos se ad similitudinem propaginum portæ, ex minimis in majores, rursusque, ac iterum majores, in caudicem postremo, abeunt, vel truncum, porum, ductum, que hepaticum appellatum, quem demum canalis communis, dictus cholodochus, excipit. Vel eadem prius colligitur in vesicula ex priorum vasculorum apici-



apicibus, & ductibus præsertim peculiaribus, qui vul-<sup>rum cysticum,</sup>  
go cyst-hepatici, melius hepato-cystici, dicuntur,<sup>in ductum</sup>  
quia ex vasculis jecorariis, poroque hepatico, ori-<sup>communem,</sup>  
undi, vesiculæ committuntur, de quibus Glissonius in <sup>ductum cholo-</sup>  
Anat. hepat. C. XIII. Bohnius l. c. Prog. XVII. & Verheyen l.  
c. Tr. II. c. XV. legi merentur. Collecta vero in illo  
folliculo bilis, hujus deinde fundi contractione, ope  
muculosæ tunicæ, fibrisque contextæ motricibus  
trium generum, rectis, obliquis, & transversis, aptissi-  
mæ ad continendum pariter, atque expellendum.  
per cervicem, porumque proprium cysticum, in  
communi illo, quem cholodochum diximus, cum bile  
hepatica confluit, ut idem cum ea iter suscipiat ad  
amplam duodeni cavitatem, utpote in quam ductui  
istius communi, confecto inter duas tunicas itinere ob-  
liquo, exitus patet, prope fines pancreatici, ubi in  
oscillum desinit. Nunquam vero, nisi præter natu-  
ræ ordinem id fiat, folliculus ille omni bile vacuus,  
sed moderate semper plenus esse solet, quia fibræ  
quædam orbiculares cervicem ejus ita coarctant, ut  
vix humoris aliquid effluere possit, nisi accedente  
vesicæ compressione. Nec vero latera ejus facile  
ita possunt contrahi, ut omnis evomatur humor.  
Quare si vel vitio vesicæ, vel ipsiusmet bilis lento-  
re & visciditate fiat, ut diutius inibi subsistat & sta-<sup>Generatio</sup>  
gnet, facile ea quiete contactuque immediato sua <sup>calculorum</sup>  
rum partim cohærere, atque in calculos concre-<sup>ex bile.</sup>  
scere potest. Id quod haud raro alii, nosque in  
cadavere Icti clarissimi, Casparis Zigleri, observa-



vimus, cujus vesica fellea ter naturalem magnitudinem superabat, & glandulas conspicuas valde ostendebat, ac bile intus copiosa, & viscida, calculisque XXII. referta erat, ejusdem omnibus prope magnitudinis, æquantibus nucem avellanam, figura depressæ rotunda, pluriumque laterum, aliis trium, nonnullis quatuor, quibusdam quinque, excepto uno majore anguloso, tribulum aquaticum referente. Leves autem sunt omnes, coloreque extus virescente, & maculis nigrescentibus conspersi: intus vero ex flavis partim, partim obscuris corticibus, ceparum more, vel lapidis bezoar, aut calculorum vesicæ urinariæ, quorum in eodem cadavere laudati Icti XXIII. repertos fuisse, capite superiore dictum est. Aquis autem innatant calculi vesicæ felleæ, facileque flammam concipiunt, & comburuntur. Quod aliter se habet cum vesicæ urinariæ calculis, qui graviores multo, & duriores sunt, nec accendi possunt.

*Probabile est, bilem a poro hepatico etiam immediate per cysticum in vesiculam felleam transmitti.*

Utrum vero bilis a poro quoque hepatico immediate per cysticum in vesiculam felleam transmittatur, adeo haud liquet, ut nihil dubitationis relinquatur. Namque iter obliquum, deorsumque vergens, meatus cystici ad ductum communem, confluentis cum hepatico, id quidem minus videtur arguere, quod bilis viam rectam & communem, ac patentiore, quæ a poro hepatico ad intestinum ducit, derelinquat, ejusdemque loco angustiore & obliquum cystis ductum adscendat. Præsertim cum in animalibus quibusdam ductus uterque, hepaticus, & cysti-



cysticus, distincte, ac seorsum, ad intestinum usque, decurrant. Quemadmodum in aquila observavit Borrichius, primo ductum hepaticum, inde duos pancreaticos, tandem cysticum, omnes intervallo vix latissimi digiti a se distantes, tribus circiter spithamis cum semisse infra pylorum intestinis inseri. Atque in anate annotavit Blasius, intestinum remoto satis a ventriculo, loco ductum primo hepaticum, & deinde cysticum, duobus distinctis foraminibus ingredi, illumque bilem viridem ex hepate, hunc vero nigricantem magis ex vesicula adducere. Idem in pavone, gallina, ulula, & pennatis aliis, alii observarunt. Videtur tamen non improbabile, in homine, & animantibus aliis, quibus porus hepaticus, ductusque cysticus, in unum communem porum abeunt, aliquam bilis partem ex poro hepatico per cysticum in vesicam transmitti, eo quidem tempore, quo vesica bile minus referta, minusque compressa, eandem facile admittit & recipit, dum a collecta copia bilis distenta, ac deinde constrieta, compressaque a tumente ventriculo, quandam illius partem iterum evomat, hujusque propulsione per ductum cysticum, motum quoque bilis ex poro hepatico per ductum communem promoveat & adjuvet. Nam quia vesica felle a declivi & capaciore fundo ad cervicis sublimioris angustias assurgit, atque principium ductus cystici annulo quodam fibroso munitum habet, non nisi compressa, vel constrieta, bilem emittere, extra hunc vero motum constituta, eandem ex poro hepatico, per cysticum, facile ad-



mittere potest, quamdiu nimirum ea ex ductu communi, propter angustiores hujus, obliquamque insertionem, ad intestinum parcius, tardoque pede progreditur, atque adeo per ductum cysticum in folliculum divertit quodammodo cogitur, donec contrahente se vesicula redeat, unde divertit, illiusque opera machinæ compulsa, bilis quoque hepaticæ motum acceleret, & commune cum ea, rectumque ad intestina iter recipiat. Atque illi quidem bilis motui ex poro hepatico, per cysticum, in vesicam favere videtur experimentum, laudatum a Bohnio, Ruyschio, & Collecto-ribus Bibl. Anat. quo, dilacerato in diversis animantibus vivis folliculo felleo, ad cervicem usque, bilem tamen ex angustiore ductu cystico ad latiore cervicem eructari, injectoque ductui eidem vinculo, inter eum & intestinale meatum, bilem colligi, viri doctissimi observarunt. Quibus tamen objicit CL. Verheyen in Ep. Anat. ad Ruysch. motum illum bilis præternaturam fieri; impedito videlicet bilis transitu ad intestinum duodenum, per compressionem ejusdem, vel ductus communis, a brachio operantis, aut partibus illuc in operatione detrusis; maxime cum operatio illa fieri nequeat, nisi hepate inverso.

Præter has nullæ patent aliæ viæ, quibus ab hepate ad vesiculam, vel ab hac ad illud, bilis deferri possit. Namque commentum illorum, qui etiam bile vesicam repleri a radicibus quibusdam, fundo vesicæ infixis, affirmant, experientia refellit, quando radices ejusmodi nullæ reperiuntur in fun-

*Radices cysti-  
ca, fundo ve-  
sicæ infixæ,  
nullæ.*



do vesicæ, quocunque ille modo, sive liber natura, nec conjunctus cum hepate, sive connatus eidem, arteque solutus, æstimetur. Quod vero ad ingeniosam Jacobi Backii de corde p. 130. seq. & Fr. de le Boe Sylvii in Dissert. p. 90. opinionem attinet, qua illi gaudebant se comperisse, bilem omnem in vesicula elaborari, indeque partim deorsum ad intestina vergere, partim sursum per truncum canalis hepatici in suos ramos, per hepar sparsos, moveri, & per cavam ad dextrum cordis ventriculum duci, ut in eo cum lymphâ descendente confluens, effervescentiam, ignemque vitalem, exsuscitet; ea nunc prope omnis sepulta est, nec plus existimationis fideique habet, quam effervescentia, vel fermentatio, aut flammula, luculaque vitalis, quas alii in sinistro cordis sinu mirantur. Nam præterquam quod defectus naturalis vesiculæ, quem in cervo, dama, atque animantibus quibusdam aliis observamus, ut & insertio ductus cystici in intestinum duodenum, distincta a poro hepatico in pennatis, contrarium suadeat, constat etiam Malpighii industria, multisque experimentis comprobatum est, ligato ductu cystico, exsectaque penitus vesicula fellea, bilem gigni in hepate, genitamque amandari ad intestina. Mitto, quod progressio obliqua ductus cystici e vesica ductum versus communem, eademque ita obliqua, ut ubi cum poro hepatico jungitur, angulo acuto hepar, obtuso autem intestina respiciat, quemvis facile commonere possit, fluxum bilis naturalem esse e vesicula in porum communem ad intestina;

*Pars bilis minima in vesicula gignitur, nihilque ejus per ductum cysticum, ad porum hepaticum, atque ad cavam deferretur.*



stina; non vero e vesicula ad jecur, ut copiose egregieque demonstrat Bellinus de Mot. bil. prop. XXXI. Accedit, quod cystis illa fellea in serpentibus poro hepatico appensa, atque ad aliquam ab hepate distantiam sita, nullam aliam cum eo connexionem, aut communionem habeat. Immo vero bilem a ramis ad truncum, & nihil a trunco ad ramos, moveri, capsula illa musculosa fidem facit, quæ, veluti machina, bilis motum dirigens, non extenditur ad truncum canalis biliaris, qui extra jecur est, sed ipsi demum advolvi ad illum, ejus terminum incipit, ad quem idem canalis jecur subit, ex quo deinde omnes minimos illius canalis capillares furculos, una cum venæ portæ, arteriæque jecorariæ, propaginibus, comitari prosequique solet. Quare quia totus truncus pori biliaris, qui extra jecur situs est, nudus omnino, nullaque illius involucris musculosi parte tectus est, nihil quidem videtur clarius esse posse, quam bilem a ramis ad truncum, intestina versus, demitti, ejus vero nihil ex hoc ad illos derivari, quia machina illa, qua bilis intro in ramos suos agi posset, idem nudatus, & destitutus reperitur. Neque vero est, quod quisquam cum Sylvio contendat, bilem in glandulis hepatis secerni quidem, sed exinde non solum in vasa biliaria, atque ad intestina, sed etiam in venæ cavæ furculos mitti, sanguinique iterum conjungi. Id quod nuper admodum CL. Munnickium l. c. p. 59. statuere meminimus, subtiliorem, ac magis volatilem, purioremque bilis portionem sanguini, per venam cavam ad dextrum

*Nec quicquam bilis secreta ex hepate in furculos cavæ mittitur.*

cor-



cordis ventriculum ex hepate adscendenti, denuo misceri, ut ei sit loco primarii fermenti. Namque hæc sententia modo secretionis bilis, & vasorum structuræ, ac conformationi conciliari haud potest. Quippe cum particulæ constituentes bilem, salinæ illæ & sulphuræ, tunc demum id nominis mereantur, quum ministerio pororum propaginum portæ, ductuumve biliarium, secretæ a consortio sanguinis, intraque propria vasa collectæ, existunt, ex quibus vel in portæ, unde venerunt, propagines, vel in surculos cavæ, via reditusque naturalis nullus patet, siquidem eadem prædicta musculosa machina motui isti repugnat, bilemque omnem ex ramis ad truncum, & intestina, provolvit.

Quamobrem vero bilis non solum ex hepate, <sup>Ratio, quam-</sup> poroque hepatico, immediate ad intestina derivetur <sup>obrem bilis in</sup> sed etiam in homine, & aliis quibusdam animalibus, <sup>peculiari col-</sup> in peculiari colligatur folliculo; <sup>ligatur folli-</sup> varie multumque di- <sup>culo.</sup> sputatur. Videtur autem verosimilius, propterea id fieri, ut cibo plenus,ensusque stomachus, contractione septi transversi, premendo vesiculam, in cavo jecoris sitam, largiorem bilis accessionem, perficiendæ chylificationi necessariam, sollicitet. Nam bilis, quæ vesica continetur, <sup>adest</sup> illa, & mora, majorem acrimoniam, & amaritudinem, vimque adeo fortio-rem contrahit, quam illa habet, quæ per ductus hepaticos diluta magis, immediate ad intestina defer-  
tur. Estque hic amarus fellis liquor purgamentum quidem sanguinis, sed utile, nec nisi exuberans ejus <sup>Bilis composi-</sup> <sup>tio.</sup>



pars oleosa, a salibus, motuque sanguinis, excussa, divisa & soluta, quæ lymphæ intertexta, vorticoso suorum globulorum motu colorem sanguini, & calorem, nomenque dat; & ne sua copia naturæ molesta, atque noxia fiat, in hepate segregatur, istaque nova transvasatione arctius conjuncta cum salibus, & alium adeo suarum particularum situm, ordinem, figuram, & motum, atque adeo colorem quoque alium, & saporem nacta, bilis nomine ad intestina devehitur, ut sale suo salso, volatili, & oleoso, ciborum, ex ventriculo egressorum, massam condiat, ac temperet, & una cum succo pancreatico, lymphaque intestinorum, penitissime totam exsolvat, atque adeo chyli secretionem pariter ac relictarum fecum depulsionem, procuret. Quantam enim illa vim in exsolvendis, miscendisque rebus habeat, fel bubulum ostendit, quod pannorum maculas ipso sapone potentius extergit. Idemque pigmenta doceant, quæ mirum, quam late, adjecta bile, diffluent. Non solum autem bilis massam ciborum dissolvit, atque fluidiorem reddit, sed etiam quasvis illorum aculeatas, acres, acidas, salsasque moleculas, lævibus suis, ramosisque, & flexibilibus, particulis, involvit & mitigat. Tantum abest, ut cum mitis ingenii pancreatis succo effervescat, quemadmodum Sylviana schola docuit. Neque vero est, quod cum CL. Vieussens in Ep. ad Facult. Med. Lips. de Sangu. hum. opinemur, bilem, effusam in intestina, sulphure suo volatili chylum album reddere, eundemque ad fermentescendum

Et usus.



dum in corde, ad formamque sanguinis suscipiendam præparare & disponere, ac novum adeo quotidie fermentum sanguini suggerere, quod nativis ejus fermentis vigorem inspiret, jacturamque eorum resarciat, & fermentationis vitalis motum tueatur & conservet. Scimus enim, exciborum, e ventriculo egressorum, massa etiam ante, quam cum bile misceatur, quandam chyli portionem lactea intestini duodeni vascula ingredi, coloremque ejus album mixturæ oleosarum & aquosarum particularum, indeque ortis quamplurimis bullulis, & minimis specularibus superficiiculis deberi, & male etiam habente, nec affluente satis illo bilis, liquore, talem deprehendi, ipsorumque humorum, & viscerum, vasorumque conquassantium, motu & agitatione in purpuram sanguinis, & lymphæ crystallum, commutari. Nec illud amplius ignotum, nullo fermento transmutante, vel sanguinem ad motum incitante, opus esse, cum partes chyli, permixtæ humoribus sanguinis, & cum iisdem per vasa pulmonum trajectæ, illoque itinere attenuatæ magis, & comminutæ, non solum a novis vitalis aëris subsidiis, sed etiam a pressione pulmonum, & ictibus cordis, atque arteriarum, majorem vigorem concipiant, & continuatis, ac sæpius repetitis circuitibus, exutisque sordibus, in communem demum humorum motum conspirent, atque in vitalem sanguinis massam convertantur.



## CAP. XV.

DE  
SECRETIONE PINGUEDI-  
NIS ET MEDULLÆ OSSIIUM.

*Pinguedinis  
materia est  
pars chyli &  
sanguinis ole-  
osa, minus ex-  
soluta.*

Ed de secretionē, usūque, solutæ, ac explica-  
tæ a salibus, partis oleosæ sanguinis for-  
tasse satis. Præter hanc illa quoque, de  
qua supra agendum erat, pinguis & oleo-  
sa chyli & sanguinis portio, quæ cum mo-  
tu cordis, & arteriarum, tum glandularum globosa-  
rum conquassatione, a reliquorum humorum, ac  
præcipue lymphæ gelatinosæ, textu & cohæsione  
extricata quidem, a salibus vero, motuque sanguinis  
nondum excussa satis, & distracta est, in peculiaribus  
folliculis secernitur, atque pinguedinem corporis con-  
stituit.

*Receptaculum  
sunt sacculi  
ovales mem-  
branacei, ap-  
penso extremis  
arteriarum  
propagibus.*

Ad quam quidem colligendam ex observatione  
Malpighii in Exerc. de Oment. pingued. & adipos. duct. dila-  
tatæ in ramos, arborum instar, propagines arteria-  
rum, in multiplices tenues vesiculas, vel cellulas, at-  
que alveolos, sive sacculos ovals, substrato cuidam ve-  
lo membranaceo, veluti fulcimento, ac basi, plerum-  
que inhærentes, hinc inde abeunt, in quos exsudans,

ex-



expressusque per aptos arteriarum poros, sive glandulas, ut ab Haverol. c. nuncupantur, adiposas, succus <sup>Concretio</sup> ille pinguis & oleosus, mutua suorum ramulorum <sup>pinguedinis</sup> cohæsione facile congelatur, atque in globulos pinguedinosos concrescit, qui sacculis illis ovalibus, & depressæ figuræ, comprehensi, atque lateribus arteriarum, sicuti uvæ grana racemis, adjuncti, ad similitudinem foliorum, ab extremitatibus vasorum sanguineorum, plantæ, & arboris speciem referentibus, pendent; sic ut ex pluribus ejusmodi pinguedinosi lobulis, conjunctis inter se, & superimpositis, insignes pinguedinis portiones in obesis constituentur; in emaciatis autem, ejus loco, non nisi inanium pellicularum & vesicularum complicationes occurrant. Quippe cum ex istis membranarum alveis, ac cellulis, quibus pinguedo, succi instar aurantiorum, vel limonum, in cavitatibus pulpæ suæ membranosæ, conditur, & asservatur, vi motus & caloris, atque aculeatorum, humorum, eliquatæ magis, & in fluorem, succumque <sup>Et solutio, ac</sup> oleosum resolutæ pingui massæ, via & reditus in sanguinem, per porosâs venarum, & vasorum lymphaticorum, <sup>reditus in venas,</sup> tunicas pateat. Præcipue autem pinguedo cuti substernitur, ac totum prope habitum corporis investit, multaque non solum exterius in investiente membrana, cujus fibræ, quibus est implicita, adipem pervadentes, in cutem usque porriguntur, luxuriat, sed etiam spatia & intercapedines fibrarum penetrat, & per intima muscutorum propagatur, nec non in artubus, interque orbitas, ac musculos oculorum, at-



que in locis aliis interioribus, in pectore ad basin cordis, imprimisque in abdomine, ad renes, lumbos, atque in omento, & mesenterio, congregatur. Quorum hoc, si utramque ejus membranam juxta arterias venasque detraxeris, vasa illa una cum adjacente pinguedine velo quodam membranaceo, veluti omento, clausa & recondita ostendit. Illud vero, tanquam panniculus quidam adiposus, intra duplicem tenuissimam lamellam, totum ex cellulis & sacculis adiposis est contextum, quorum tenues ramos, & strias membranosas, in modum retis expansas, ductuum adiposorum nomine Malpighius distinxit, dubitans, eademne vasa per universam pinguedinem, ab ambitu etiam corporis locatam, propagata ab omento, veluti radice, & metropoli, atque excentro corporis, fluant. Quod minus quidem verosimile est, quum ab ipsis arteriis in diversis partibus secretio pinguedinis fiat. Non tamen hæc in omnibus partibus, sed in iis tantum, quibus natura, a primo statim origine, pingua stamina concessit, ex necessitate materiæ, secernitur, ideo potissimum, ut collecta sub cute, externas injurias arceat, suoque lævore, ac mollitie musculos, & partes ceteras interiores obliniat, lubricet, ad motumque promptas, & obsequiosas reddat, ac replendo spatia inania æqua superficie, ad ornatum & pulchritudinem totius corporis faciat. Addit Malpighius, spicula aculeosque salium oleosis, ramosis quippe, & mollibus, pinguedinis partibus, tanquam vinculo, involvi & coërceri.

*Omentum  
quid?*

*Usus pinguedinis.*

Ejus-



Ejusdem fere indolis oleosa, sed tenuior paulo, *Materia medulla ossium paulo tenuior pinguedine.* materia in cavitatibus quoque ossium colligitur, quæ medulla appellatur. Ad quem finem arteriarum, cava ossium subeuntium, exterior tunica in tenuissimam expanditur membranam, quæ interiori ossis laminae arcte conjuncta, in pluresque cellulas, atque vesiculas, inter se communicantes, distincta, secretas *Ejus receptacula sunt intus recondita in cavo ossium alvei membranosa.* a sanguine oleosas moleculas colligit, & custodit, quæ in exiguo medullæ frustulo, cum induratum est oleum, ope microscopii inspectæ, racemum effingunt exilium margaritarum, quarum una alteri adhærescit. Collectum vero in illis cellulis oleum, contractione earum, per membranam prædictam communem, porosque laminae interioris, in omnem ossis substantiam, atque per meatus, qui in extremitate illius, & finibus ejusdem, sunt formati, ad juncturas & articulationes diffunditur, ut particulis suis tenuibus, mollibus, *Ufus medulla ossium.* ac flexibilibus, acrimoniam quamvis, ossibus valde inimicam, obliniat, ac temperet, fibrasque earum molles, atque ad motiones aptas, & faciles, fracturisque minus obnoxias, reddat, ac conservet, & permixta in articulis, quorum beneficio natura tot ossa in unum quasi os coegit, mucilagini, quam ibidem ex arteriis per peculiare glandulas, in juncturis collocatas, segregari, multis argumentis laudatus Haverus l. c. disc. IV. comprobat, læviget eos, ac lubricet, atque ad facilem motionem, & illam positus variationem, necessariam in unaquaque junctura & articulatione motibus celeribus, ac frequentibus, aptos & idoneos reddat,



dat, dumque continuis & variis motionibus agitantur, adversus incallescendi periculum præmuniat, ac defendat. Alioquin enim fieri non posset, ut duo corpora ea soliditate, qua ossa sunt, in nonnullis locis, atque articulorum ossium extremitates, tam sæpe vehementer, diuque, agitentur, & unum alteri toties affricetur, sine magna quadam caloris vi, nisi materia quadam madeant, quæ & illa paulum emolliat, sui que interventu liquoris impediatur, ne se proxime attingant. Illud quum non fugiat eos, qui curru, plaustris, assedisque utuntur, idcirco oleum quoddam, & mucilaginem, sive compositum potius aliquod, adhibent, quo illud naturæ compositum imitantur, quodque nihil est aliud, quam mixtura ex adipe, & pice liquida, qua interiorem rotæ modiolum, & extremum axis, circa quam volvitur rota, inungunt, sine cujus ope cita unius, circa alterum circumacti, agitatio calorem gignit, eumque interdum adeo validum, ut instrumenta ista flammam concipiant. Ac nisi in juncturis & articulationibus contra præternaturalem talem incallescendi vehementiam, a motu violento oriundam, provisum fuisset, homines obtorpuissent, nec nisi ad tardos & deliberatos motus fuisset apti, etiam cum necessarias, & valde præcípites festinandi causas habuisset. Quare cum oleum medullare spargi per meatus porosque ossium quaquaversum debeat; materiam ejus tenuiorem, purioremque esse oportuit, ac magis liquidam, quam pinguedinis, quæ per corpus dispersa reliquum, collectaque in propriis vesiculis



ficulis, interclusa in iis motione, in molles fibrulas protinus elongatur, & facili earum cohæsione, ac implicatione, contactuque immediato, in consistentem magis materiam, eamque, pro varia terrestrium particularum copia, magis, minusve, solidam, concre-  
scit. Quorsum facere videntur sub dominatu partium oleosarum latentes rigidæ salium colummellæ, quarum ad cogendas in corpore, partes oleosas ad solidiorem pinguedinis consistentiam vim magnam esse, ex artificiali adipis generatione colligit C. L. Nehem. Grevv in Disc. de mixtione Sect. V. Ex. 2. Nam si oleum, ex olivis expressum, cum spiritu nitri per aliquot dies digeratur, primum medullæ, & demum adipis colorem ac consistentiam adipiscitur, nec nisi ignisui, adipis more, liquefcit. Quodsi in ipsa digestionem, vase per aliquot dies aperto, pars spiritus tenuior exhalet, firmior multo, atque compactior soliditas redditur. Ex quo laudatus autor coniicit, pinguedinem animalium nihil aliud esse, præterquam coactionem oleosarum sanguinis partium, a sale earum proprio, vel nitrosis partibus, quas ille ex aëre ore & pulmonibus captari putat.



## CAP. XVI.

DE  
SECRETIONE  
SALIVÆ, LYMPHÆ VEN-  
TRICULI, INTESTINORUM, ET  
PANCREATICÆ.

*Secretio sali-  
va fit in glan-  
dulis variis.*

✻✻✻✻✻✻ **V** T vero abundans sanguinis oleosus pingu-  
is succus, in variis arteriarum mem-  
branosis expansionibus, & alveis, multis  
in locis colligitur, & coacervatur: sic  
quoque magna lymphæ, vel feri copia,  
in diversis partibus, variis serviens usibus, a sanguine  
segregatur. Id quod in canale inprimis alimentorum  
fieri cernimus, in cujus quippe introitu, & ostio, lym-  
pha salit non unius generis, sed alia aliam tenuitate  
superans, eaque ex pluribus arteriarum carotidum pro-  
paginibus, per glandulas peculiare, ore comprehen-  
sas, nimirum basilares, laterales, buccales, sublingua-  
les, labiales, uvulares, palatinas, ut & tonsillas, tan-  
quam perennes fonticulos, in cavum illius effunditur.  
Sunt vero præter has, aliæ adhuc glandulæ, capiti adia-  
centes, ex quibus per sex contemplatione dignos ca-  
nales



nales, segregata a sanguine lymph a eodem deducitur. Horum duo superiores, a glandulis lachrymalibus in utriusque puncti lachrymalis compluvium depluentem lympham, ad extremum palati fornicem subducunt. Laterales alii ex glandulis parotidum pluribus confluentibus radiculis emergentes, atque a Stenone celebrati, lympham suam trans musculos, in buccas internas, juxta molares extremos, & labrum inferius, convehunt. Alii demum, dicti Whartoniani, e glandularum maxillarium acinis pluribus furculis egrediuntur, qui prope dentes postremos desinentes suam pariter lympham in oris interiora deferunt. Atque eo quidem humor ille omnis salivofus, motu oculorum, linguæ, buccarum, & labiorum, atque maxillam inferiorem moventium musculorum, corrivatur, ut non tantum singulas oris, & faucium plagas, linguamque ipsam, irriguas servet, & molli fisco obliniat, sed etiam præparatorum dentibus ciborum solutionem inchoet, ac solutorum salium puncturas in papillis nerveis linguæ, unde sapor gustusque pender, juvet & perficiat. Quare quo ille salivofus succus *Ejus indole* variorum ciborum meatus recte subire, & partes alias ab aliis divellere, quasdamque, corpori utiles, imbibe, ac sibi jungere possit, non unius generis particulis constare debuit, sed plurimis quidem aqueis, pauco sale, acri pariter & acido, sive salso, volatili, & ramosis quibusdam & mollibus olei ac gelatinæ partibus concluso, imbutis. Quemadmodum non solum mixtura salivæ cum salibus diversis, sed etiam ejus



exspiratio docet, qua, exhalante leni calore aqua, id quod parum restat materiae fusci coloris, permixtas scintillantes habens particulas, acie tenui linguam pungit, ac penetrat, sed æque atque ipsa saliva, nullam adeo insignem mutationem, & luctam subit, sed cum quibusvis se facile jungit & miscet, sive acidi, sive acres, fixi, vel volatiles, oleosique, liquores affundantur; ut variis experimentis comprobant Steno l. c. & Nuckius in Sialogr. p. 42. Quanquam illud etiam usu docemur, & vel ipsa monet ratio, salivam non unius in omnibus indolis, sed pro diversa sanguinis constitutione, naturæ quoque diversæ, & insipidam in multis, in quibusdam dulcem, in nonnullis falsam in aliis acidam, aliterve se habentem, observari.

*Lympha ventriculi, intestinorum, et pancreaticæ secretionis,*

Ab hoc salivali humore non nisi loco differre videtur multiplex illa lympa, quæ ex multiplici emergit glandularum oesophagi, ventriculi, intestinorum, & illius fini, horumque initio, substrati pancreatis, colod, quod omne ex extremis arteriarum, coeliacæ, ac mesaraicarum, ramulis in pancreate, & interiore intestinorum tunica nervea efficitur. Quam quidem omnem lympham rigando intus toti alimentorum canali, & his exsolvendis destinatam esse, & vitalis mentrui obire vires, chyloque ebriam, sanguini, unde exit, reddi, superius satis dixisse videmur. Quibus hoc loco addendum illud est, multos nostræ ætatis existimare, non tantum salivæ, sed etiam lymphæ ventriculi, & intestinorum, spiritum, quem vocant, animale, sive succum nervosum, misceri, indeque illam solvendi vim, qua chylifi-



lificatio peragitur, pendere. Sed minus videtur ne-  
 cessaria ea mixtio, quum lymp̃ha illa vim efficaciamque  
 omnem, quam habet, debeat aqueis, & falsis, ac  
 sulphureis, ut & aëreis, atque æthereis, in motu con-  
 stitutis particulis, quibus ex sanguinis veniens undis,  
 gaudet partim, partim cum cibis, & expiratione inte-  
 riore crustæ villosæ, illatis, intusque in illo canale com-  
 pressis, acuitur & invalescit. Liqueur vero nervosus  
 exquisitum s̃adeo sensum, quo præditus est ventricu-  
 lus, largitur, & conservando potissimum tono, ac ju-  
 vando motui fibrarum carnearum, cum glandularum  
 salivalium, tum universi canal̃is alimentorum, servit.  
 Unde quidm̃ ratio in promptu est, quamobrem ligato,  
 sectoque nervo, ad glandulam salivalem abeunte, non  
 cessare prorsus secretio, & fluxus salivæ, sed tardius  
 duntaxat fieri, deprehendatur.

*Mixtio spiri-  
 tuum anima-  
 lium cum  
 lymphis istis  
 nulla.*

## CAP. XVII.

## DE

# SECRETIONE LYMPHÆ, ET HUMORIS AQUEI OCULORUM.



Adem secretionis arte, & ex iisdem sangui-  
 nis undis, per propagines saltem, poros-  
 que alios arteriarum caroditum, lymp̃ha-



*Glandula, & ductus, quibus fit secretio, excretioque limpha oculorum.*

unctuosa, motui oculorum utilis ac necessaria, in glandulis diversis, una majore, adjecta oculo, cantumque versus exteriorem porrecta, dicta innominata, & pluribus aliis minoribus, intra palpebrarum tunicas absconditis, dimanat. Unde porro ex priore quidem glandula, per canaliculos Stenonis, interiorum intra palpebram progredientes, exiguaque in ostiola, brevi a ciliis distantia, desinentes, ex ceteris vero palpebrarum acinis, per ductus Meibomii, in utrumque tarsum contendentes, bulbum oculi pariter & palpebrarum interiora rigat, ac redundans, in decliviorum interiorum angulum confluit, atque a molli, & spongiosa caruncula, punctisque lachrymalibus, in unum coeuntibus truncum, excepta, per sinum ovalem orbitae, sensim in nares, hinc & in palatum derivatur, ac si tam excedite eo abduci devehique nequit, largioribus rivis per genas, lachrymarum nomine, destillat, quas intra cavitates cerebri colligi, vel ex humoribus in cerebro, nivium instar in montibus, tabescentibus, gigni, & per conferentia emissaria ad oculos mitti, aut ex vaporibus pituitae ad oculos missis, ibique concretis in guttas, vel etiam a spiritu animali, sensu rei tristis compresso, ex nervisque exstillante, gigni, multorum quondam falsa fuit opinio. De qua re qui plura scitu digna desiderat, is Stenonis Obs. Anat. de gland. or. & Doctiss. Henr. Meibomii adeat Epistolam de Vaf. palbebr. nov. ad Langelottum.

*Ortus lachrymarum.*

Nos secretio humoris aquei oculorum ad sui considerationem avertit, quem in perenni lento constituit.



stitutum motu, ad oculum affluere, iterumque effluere, non uno argumento persuademur, præcipue vero, <sup>Secretio humoris aquei oculi,</sup> quod læso oculo, & perfosso, emissoque humore aqueo, sensim novus accrescat, & visus paulatim redeat. Id quod olim de hirundinibus & serpentibus Aristoteles tradidit lib. VI. Hist. animal. c. 5. deque generat. animal. c. 6. & Philoponus in iis, quæ illic annotavit. Idem etiam in puero observavit Galenus lib. I. de Sympt. caus. c. 2. & pluribus experimentis ac observationibus ita jam compertum est, ut ejus humoris renovandi gratia, nemo amplius ad aquam opthalmicam, ex chelidonia destillando confectam, de qua tantopere gloriatur Fr. Burrhus peculiaribus Epistolis, ad Bartholinum scriptis, confugiat, cum, uti alios inter Tulpius refert Obs. Med. lib. 1. c. 30. inducta saltem vulnere citatrice, brevi iterum succrescat deperditus humor, ac solius adeo sit naturæ, quod ille aquæ suæ tribuit. In quo secutus videtur Plinium, qui, homines, scribit, usu chelidoniæ mederi defectui oculorum, edoctos ab hirundinibus, quæ pullis excæcatis ea herba visum restituant. Lib. VIII. c. 27. L. XXV. c. 8. Sed merito fabulam putat C. Celsus Lib. VI. c. 6. ubi postquam ostendisset, læsam oculorum hirundinum aciem aliquanto post in pristinum redire statum, subjungit: Unde etiam locus fabulæ, aut per parentes, aut id herba chelidonia restitui, quod per se sanescit.

Dimanant autem humor is, non ex depluente a cerebro liquore, ut suspicatur CL. Borrichius in Act. Hafn. <sup>Fit per poros arterio larum,</sup> P. 1. obs. 69. sed ex communi humorum omnium fonte,



te, advecto nimirum sanguine per quosdam arteriarum carotidum ramulos, qui juxta nervi optici truncum incedentes, eidem in toto progressu propagines quasdam exiles impertiuntur, pluresque in scleroticam, ac innumirabiles in uveam spargunt, quorum quidem furculorum quosdam, in sclerotica conspicuos, pro ductibus oculorum aquosis singularibus habuit Nuckius, ignarus originis eorum, ut pluribus evicit Warnerus Chrovet in Diss. de trium oculi humor. orig. & Solut. Apologet. ad object. Nuckii, resque ipsa loquitur,

*Quas pro ductibus aquosis habuit Nuckius,*

quamvis Ruyschius eosdem pariter pro peculiaribus ductibus, habeat, nihil vero certi de iisdem audeat affirmare in Resp. ad Epist. Anat. XIII. Constat enim non uno experimento, facta oculi, intra orbitam animantis vivi adhuc constituti, sectione, ablatisque humoribus una cum tunica uvea, & retina, scleroticam pluribus foraminulis pertusam apparere, immissumque per ea liquorem, prædictos arteriarum furculos, quos pro ductibus aquosis habuit Nuckius, ipsasque arterias, subire. Ad hæc oculum observamus, nunc subsidere, corrugari, & contrahi, modo plus æquo dilatari, & tumere, prout filo constricta, vel arteria carotis, cujus ramus ad oculum tendit, vel vena jugularis externa fuerit. Nam modo priore affluxus humoris ad oculum intercipitur, altero autem refluxus ejus cohibetur, unde deficiens humor, vel redundans, illam oculo mutationem affert. Quare illud vero proximum videtur, per angustos meatus arteriolarum extremarum tunicæ scleroticæ, & choroideæ, tenuem & limpi-




























limpidum emitti rorem, aqueove humori permisce-  
 ri, ex eoque partes quasdam, partim per alios vena-  
 rum, sanguinearum, vel lymphaticarum, poros, in  
 massam humorum refluentium retrocedere, partim  
 per exiguos corneæ meatus exspirare, atque adeo in  
 perpetuo fluxu eundem humorem versari. De cujus  
 quidem natura illud notandum est, ejus maximam par-  
 tem aquam esse, parum salis acris continentem. Quod-  
 si enim vasculo quodam colligatur, & destillationi, vel  
 evaporationi exponatur, partem aquosam exhalat, ac  
 spissamentum remanet crassiusculum, quod amplius  
 ustum, ut candescat, in pulvisculum abit saporis falsi,  
 qui acriter effervescebat cum liquoribus acidis, & fami-  
 liæ salium acrium ac lixivorum annumeratur a Bor-  
 richio l. c.

## CAP. XIIX.

## DE

SECRETIONE AQUÆ  
PERICARDII.






 Equæ vero magnopere de origine aquæ *Secretio a-*  





**N** pericardii laborabimus, posteaquam Mal. *qua pericar-*  





 pighii industria edocti scimus, interiorem *dii sit per po-*  





 ejus capsulæ tunicam acinis glandulosis, *ros arteria-*  





*rum ejus*  
 Dn. de Berger *Physiol. Med.* Hh vel *capsula.*



vel potius apicibus arteriarum, dotatam esse, pressamque multas ex his minimas guttulas, quas etiam ante notavit Peyerus in Meth. Hist. Anat. Med. c. VI. sudare, eosdemque acinos, vel apices, in statu morbofo turgidos sero, & mole sua multum excedentes, atque auctiores, interdum ostendere, ut in cachectici, qui diu paralyfi crurum inferiorum laboraverat, & cor tabidum cum hydrocardia ostendebat, cadavere observavimus. Quo minus fortasse de existentia ejus liquoris dubitemus, aut eum plane negandum existimemus cum CL. Bohnio l. c. prog. XX. Ac sicubi reperiat ille, pro morbofo tantum, aut violenta morte expresso, habeamus, quem quippe in animantibus vivis pariter ac defunctis deprehendimus, eumque ex collecto prædictorum pororum rore ea copia orientem, qua cordis motui haud officiat. Siquidem is liquidus natura, & tenuis, per poros venarum, cum sanguinearum, tum serosarum, foris introrsum spectantes, se sensim subducere, atque in communem sanguinis oceanum, unde venit, redire potest. Quippe cum hic unus ejus roboris, quo interior pericardii superficies perfunditur, usus videatur, ut liberum cor inter, ejusque capsulam, & necessarium illius motui, spatium conservet, ac utriusque coalitum prohibeat, quem propter inopiam defectumque illius aquæ, non minores cordi molestias, quam molem ejus ac redundantiam, creasse, fidæ medicorum observationes testantur. Qui vero præterea eas aquas in fines alios in pericardio colligi asseverant, ut

nem.

*Usus aqua  
pericardii.*



nempe, vel cordis siccitatem, æstumque & squalorem temperet, vel ejus motum, more aquarum, navim vehentium, expediat, ut cum quibusdam opinatur Blancardus in Anat. ref. c. II. hos quidem minus audiendos esse existimaverim.

Idem vero, quod de capsula cordis, etiam de *Secretio ma-*  
 membranis pleuræ, peritonæi, ac tunicæ vaginalis *doris pleura,*  
 testium, affirmemus licebit, eas consimilium glandu- *peritonæi, &*  
 larum rore conspergi & madere, ne quas sejunctas *similium*  
 Deus voluit, cum partibus contiguas coalescant. Et *membranarum.*  
 solet id membranis fere omnibus, quæ partibus aliis, præsertimque iis, quæ motui serviunt, sunt contiguæ, aut cavitatem & ductum quendam efformant, commune esse, ut, licet pro simplicissimis habeantur, integra tamen, diversique generis, organa in se complectantur, & fibris pleræque motricibus, omnes vero acinis, vel apicibus glandulosis sint instructæ, ex quibus continuo madorem sudant, quo superficies membranarum humigatur, atque a concretionem cum contentis visceribus præmunitur, ac defenditur. Eum vero humorem deinde venæ, vasaque lymphatica, resorbent, atque ad communem humorum massam reducunt. Ut minus fortasse aberrare videar, si ex iisdem fontibus interdum aquas repetamus, quibus hydrocele, ascites, hydrops pectoris, & hydrocardia gignuntur.



## CAP. XIX.

DE

# SECRETIONE LIQUORIS GENITALIS UTRIUSQUE SEXUS.

*Constructio  
testium ex  
longissimis &  
angustissimis  
canaliculis,*

¶ **N**unc ad secretionem liquorum genitalium, quibus in uterum, tanquam foecundum naturæ agrum, coniectis, humanum genus seritur, provehimur. Hos sagax rerum Parens in utroque sexu, ex eodem communi corporis liquido, sanguinea nempe massa, eleganti instrumentorum apparatu excerpit, suisque deinde propriis conceptaculis affervat provide, ac custodit. Ad quem finem in viris quidem, in uno latere ex aorta, in altero ex emulgente plerumque, arteriæ ducuntur, dictæ spermaticæ, quæ una cum venis conjugibus, ultra terminos abdominis porrectæ, in minores, quam capillares, ramulos, atque in gyros plexusque labyrinthicos, dirimuntur, ex quibus producta fila quasi nervosa, seu vascula tenuissima, miro complicata ordine, & eleganter congesta, testium glomos construunt. Horum unum si, prius tunicis exutum suis, & aliquandiu maceratum, ad trutinam expendas, & partem



tem deinde ejus in vascula, vel filamenta aliquot ulnarum acu distrahas, ac dissolvas, eandemque ipsam trutina pariter expendas, & cum pondere totius tandem conferas; intelliges profecto facile, ex datis tribus hisce terminis, dari per regulam, quam appellant, auream quartam, h. e. ex dato pondere ulnarum, deductarum ex glomo dati ponderis, dari numerum constituentium totum glomum, hoc est, dari totam longitudinem filamentorum, totum testis glomum constituentium, quam quidem majorem invenit Bellinus, quam efficiunt trecentæ ulnæ Florentinæ. Op. de Mot. bil. p. 156. In illas igitur arterias spermaticas qui lege circuli vitalis, pulsuque cordis continuo, deducitur sanguis, is quasdam lymphæ subactissimas, atque vividiores particulas, quas vix sensu assequi liceat, veluti florem sanguinis, ex ultimis arteriarum ramulis, regrediente interim per venas cognomines, vasaque lymphatica, reliqua humorum massa, in fila testiculorum emittit ac protrudit, quæ per tot longissimorum ductuum anfractuosas pressæ angustias, in continuatis demum epididymidum vasculis confluunt, & inibi collectæ, humoris denuo conspicui rudimentum induunt, ac superatis deinde variciformibus, intortisque pluries illarum productionibus, quas etiam parastatas vocant, per hinc procedentia recto ductu vasa deferentia, in capsulis, ac vesiculis collectæ feminalibus, liquorem illum masculum, lentum & glutinosum, atque ex conclusis tenuibus, agilibus, & elasticis, corpusculis, quæ appellant spiri-

*Quibus fit secretio liquoris masculini.*

*Ejus collectio,*

*Indoles,*



tus, spumescens, constituunt, qui oestro veneris turgescens, & fusus, ex suisque conceptaculis, constrictione fibrarum carnearum, quibus ea conceptacula cincta undique & circumducta sunt, successionem quadam, per duos angustos meatus, in urethram expressus & promotus, atque per hujus fistulam in arum muliebrem evibratus, conceptionis est opifex.

*Et vires,*

Atque hic quidem liquor per fibras testium tam multas, tamque longas, & tortuosas, ac intricatas, percolatur, & colligitur, non ut ex omni corpore, cunctisque membris deciduæ coeant ibi, & concrecant feminales particulæ, quæ perantiqua Hippocratis fuit opinio: neque ut partes ejus liquoris eo ordine, modo, reponantur, ac moveantur, quo ipsum vitale organicum embryonis automaton componant, quemadmodum voluit Borellus lib. II. de Mot. Animal. vel animalcula Leuvvenhoekii constituent: aut plurimum partium ideis imprægnentur, quod visum est Drelincurtio in Systemate de Foetu Hum. P. II. Per. 39. hæc enim omnia humana mens, quomodo fiant, non potest comprehendere; sed ut longo isto, angustove itinere ita subigatur ac præparetur genitalis massa, ut in suo glutinoso corpore plurimis tenuibus, compressis valde, ac elasticis, & vivacissimi motus particulis universe turgat. Quo enim magis est agilis liquor ille masculus, & conclusus turgat ac spumat elatere, eo etiam est generosior, atque ad excitandum germen muliebrem efficacior.

Præter hunc vesicularum seminalium liquorem,  
alius



alius humor serosus in glandulis prostaticis a sanguine segregatur, qui ex utriculis suis, contractione *Humoris serosi prostatici secretionem* panniculi musculosi, per vascula propria excretoria, horumque exiguos meatus, in ambitu tubulorum seminalium locatos, sub caruncula, qua, veluti valvula, urina a meatibus seminalibus, lymphaque genitalis ab exitu involuntario arcetur, in eandem urethræ fistulam, urgente veneris oestro *Et usus.* contendit, ut collectum e testibus magno artificio florem genituræ involvat, atque in sinum muliebrem comportet. Quod enim alii existimant, illo in corpore glanduloso semen, a testibus affluens, ulterius perfici, vel, ut opinatur Molinettus in Diss. Anat. Pathol. c. IX. excipere corpora isthæc duo adenosâ materiam genituræ e capsulis, vel potius ex omni materia genituræ subtilissimas particulas, prorsusque aethereas, ac summe volatiles, allicere, illasque usque ad tempus coitus integras servare, & continere, ut jam instante concubitu, crassioribus, ac lentis, nec omnino puris, a capsulis & vesiculis expulsis in urethram, commisceantur, quo genituræ vim & efficaciam addant, cum partes ceteræ vices materiæ subeant, atque ad suscipiendas, continendasque meliores potissimum a natura comparentur; id quidem, nullo Anatomes suffragio, affertur, qua constat, nullum prostatici commercium intercedere cum vesiculis seminalibus, & distinctum utrobique succum separari, ac colligi, & per meatus quoque distinctos, in urethram utrumque evomi, quem-



quemadmodum accurate satis ostendit Regnerus Graafius in Tr. de viror. organ. generat. inserv. p. 75.

*Secretio seminis muliebris in ovaris,*


Neque alio sane artificio seminis muliebris peragitur secretio, quando sparsæ ab arteriis spermaticis, quæ in sexu femineo ex ipso aortæ trunco plerumque ducuntur, propagines in testes muliebres, glandulas illorum molles, vesiculasve, quibus in unam molem, ac veluti racemum congestis, & coacervatis, substantia testium, ovarii instar, luxuriat, puriore lymphæ parte irrigant, dum ex iisdem glandulæ lutei coloris, atque ex his vera demum ovula succrescant, & latentia in iis tenerrima stamina ad germenis muliebris maturitatem perveniant, & quanta satis est, lymphæ copia irrigua, & plena, maturaque ovula, aptam in complexum viri mulierem, pronamque, jucunda nervorum, quibus instructa sunt ovaria, titillatione, moneant. Hæc enim sunt fundamenta naturæ muliebris, quemadmodum in viris turgescens in capsulis feminalibus genitura, ex quibus, tanquam ex fundo concupiscentiæ, gignendi, coeundive desiderium excitatur.



CAP. XX.

DE

# SECRETIONE SANGUINIS MENSTRUUI.


 Uum autem sollicitum non minus de alen-  
 do, quam concipiendo, foetu Numen pro-  
 vidum, mulieri statâ conceptionis tempo-  
 ra, more ferarum, non præfinirit, sed  
 ad amorem, ac consuetudinem aptam  
 quovis fere tempore, atque ad concipiendum, geren-  
 dumque uterum habilem condiderit, ovulaque adeo  
 alia post alia sensim paulatimque ad maturitatem perve-  
 nire voluerit: sic quoque ejus naturam comparatam  
 esse voluit, ut viro maturæ ea succorum vitalium uber-  
 tas a visceribus gigneretur, e qua cum uterum gerit,  
 sufficiens explicando foetui alimentum suppeditare,  
 cujusque copia, si eo usque excreverit, ut naturæ  
 partium oneri incipiat esse, non gravida, neque la-  
 ctans, se levare commode posset. Hinc enim illa san-  
 guinis secretio, purgatioque per muliebria proficisci-  
 tur, quæ quia inde ab ineunte adolescentia, ad limen

*Secretio sang-  
guinis men-  
strui.*



affecta male valetudine, necdum femina conceperit, necdum foetum ubere alat, lunæ, velut tributum, redditur, fluxus menstrui, itemque mensium, tribu-  
tique lunaris, nominibus in scholis medicorum insi-  
gnitur.

*Non repeten-  
da a motu  
lunæ,*

De cujus quidem motus fluxusque periodici causa multum varieque differitur a medicorum filiis, cum eam veterum multi a plenitudine vasorum, atque a phasium lunæ, nostrorum autem aliqui ab Archæi, quem vocant, coelorum rhythmum explicantis, aut a fermenti cujusdam, quod muliebri sexui proprium & specificum esse voluit, virtute & efficacia, petendam esse, existiment. Sed quantopere fallantur, qui illum fluxum menstruo lunæ motui alligant, atque a variis ejus fideris phasibus, pro varietate ætatis, regi- & concitari, opinantur; inde dilucide comparet, quod usu rerum constet, cujusque ætatis mulieres quacunque lunæ phasi purgari, aliisque mulieribus vacuationis periodos esse tringinta, aliis viginti dierum, aliis inter hos terminos medias, paucissimis longiore, aut brevioris spatio contineri; quæ omnia a communi sententia sejuncta, prorsusque aliena esse, scite Francisc.

*Neque ab Ar-  
chæo, vel Fer-  
mento quo-  
dam uteri.*

Bayle edisserit Dissert. de caus. flux. menstr. mulier. Neque vero opus est, ut in assignanda ejus fluxus causa ad ignotum aliquod principium confugiamus, & vel Archæi fabulam, paulo inferius notandam, huc advoce-  
mus, vel fermeetum aliquod utero affingamus. Nam tametsi lubens fatear cum laudato Bayle, uterum magnam cum terra muneris similitudinem habere, &  
agrum



agrum quendam naturæ merito cenſeri, cum & ſemen humanum excipiat, ſuoque colore non foveat tantum, ſed etiam ſuccum alimentarium foetui promat: tamen quæ idem vir doctiſſimus de fermento ſalino, quo uterus, veluti terra nitro, excitetur, fluxumque illum concipat, addit, ea vero minus conſentanea videntur. Sentit nimirum ille, eam uteri eſſe fabricam, ut, poſtquam juſtum cepit incrementum, ſalis cujuſpiam, ſive fermenti, particulas e ſanguine ſenſim decerpat, aut ex eodem ſanguine materiam ſecernat idoneam, quæ in fibrarum interval-  
lis hærens, in ſales quosdam, aut corpuscula fermentati-  
va, formetur. Atque hiſ quidem ſalibus ſimul ac turgere incipiat uterus, ignem uberius colligere, fervorem concipere, dilatari, rareſcere, tubulorum oſcula, in ipſius cavum hiantia, aperiri, ſanguinem ipſum fermenti vim excipientem attenuari, & per reſeratos ductus, in cavitatem uteri effluere, indeque foras effundi, & ubi jam ſanguis libere fluit, collectum fermentum abſtergere, ea ratione, qua aqua e terra, quam abluit, nitrum ejiciat. Reſtituto deinde in ſtatum priſtinum utero, idem fermentum colligi eodem modo, quo prius, & niſi quid obſtet, ſpatio æquali, pari quantitate congeſtum, & ad ſimilem turgelcentiam evectum, novam efficere in utero fermentationem, indeque circuituum cauſam pendere. Hæc ſatis quidem ingenioſe dicta ſunt. Sed & conſicta ea eſſe, hoc unum evi-  
denter docet, quod ipſe uterus ſentinam ſanguinis



*Locus secretionis non est uteri fundus, sed vagina.*

menstrui excipere, magnasque eo tempore mutationes experiri credatur, cum tamen id negotii soli vaginæ, vel sinui muliebri datum sit, nullaque prorsus mutatio ipso in utero consequatur. Ita enim tradit Carolus Piso lib. singulari select. observ. & consil. de epileps. p. 116. experimento plurium Anatomicorum, suoque ipsius, in puellæ, quo tempore menses fluere, strangulatæ, cadavere a se publice dissecto solum pudoris sinum observatum fuisse sanguine perfusum, tinctumque menstruo; uterum autem siccum prorsus, & arcte conniventem. Id ipsum quoque Bohnii experimentis constat, qui in binis, quo tempore fluxum illum paterentur, extinctis, solam uteri vaginam cruentam, cavum vero uteri mundum, nitidumque vidit, quæque in adversam partem afferri vulgo solent, mascule, ut solet, confutavit l. c. Prog. XVI. Idemque ipsi olim in pago prope Ienam in puella, quæ sibi manus intulerat, & paucis abhinc annis hic in infanticida observavimus. Quibus addendum, quod, occlusis quamvis viis, quæ patent in muliebria, sanguis tamen menstruus solo adactus pleonasmò, & inde concepta turgescencia, qua data porta, ruens, alios sibi exitus quærat, & vel ex hæmorrhoidibus, aut per oculorum angulos, sub rubentium specie lachrymarum, cruentarumque, erumpat; aliquando etiam ex mammis fontis instar saliat, vel statis mensibus tussi e pulmone, vel vomitu e ventriculo, vel ex partibus aliis, excernatur. Quo loco notari



notari refert, quam Molinettus Venetiis vidit futoris uxorem, inter pulcherrimas relatam, quæ statis temporibus menstrua ad quinquagesimum usque annum vomitione eiecit, sic ut nec minimum quidem hoc obfuerit foecunditati ejusdem, vel incolumitati, quando filios peperit plures, aluitque eos valetudine integra usos. Fuisse autem illi, scribit l. c. lib. VI. c. 12. graviditatis indicium intermissum vomitum menstruum, qui nihilominus tertio mense rediret, deinde desinere-  
ret usque ad partum. Alia exempla prætereo, quæ habent Ballonius Epid. & Eph. lib. 1. constit. hyem. Ann. 1574. Riverius Cent. III. obs. 65. & alii.

Quæ cum ita sese habeant, nihil obesse video, quo minus causam fluxus menstrui ab una justa solidi, liquidique, ex quibus coaluere corpora mulierum, proportionem repetamus. Est enim sanguis ille menstruus natura sua non degener, ac depravatus, quemadmodum quidem de corrupta ejus indole, & graveolentia, Plinius, ab eoque cum multis aliis plerisque Albertus ille, falso memoriæ prodidere; sed bonus, & integer, ideam gerens illius, qui pulsu cordis per corpus circumvehitur, succisque vitalibus cunctas partes fovet, at recreat, atque in gratiam futuri foetus paulo uberius in vasis colligitur & coacervatur, extraque illud gestationis, aut lactationis negotium redundans, ad salutem & conservationem corporis per muliebria dimittitur. Sed quia evenit interdum, ut ille sanguis labem impuro in corpore contrahat, conceptusque sinu muliebri, & interceptus ibi,



exituque prohibitus, cunctando majus vitium capiat, vel nimium etiam profluat, & variis tædiis, atque periculis mulierem implicet: hinc emerfit de venenata ejus sanguinis indole opinio, qua a contractu ejus herbae, frugesque, emori, ac sterilefcere, atque in rabiem verti, qui eum hauserunt, creduntur. Id quod suo quidem damno expertus fertur Lucretius Carus, poëta physicus Quiritium primus, cui, cum afflatu poetico exitatus incaluisse, uxor ejus, amore alieno enim incensum esse, rata, suum hunc sanguinem præbuit. Unde miser poëta in rabiem versus, sibi tandem manus intulit. Ab hac vero tali suspicione alienus esse debet sanarum ille sanguis menstruus, utpote qui natura roseus, purpureusque est, magnamque lymphæ gelatinosæ, atque alibilis, copiam continet. Cujus cum mensis uniuscujusvis curriculo tantum semper congeratur, quantum proprii conditio corporis ferre, & capere canalium suorum alveo vix egreque possit; necesse est, redundantem ejus partem singulis quibusque mensibus despumari, siquidem salva manere debeat, & æque parique libra subsistere illa solidarum, fluidarumque partium proportio, a qua maximum vitæ nostræ momentum pendere, nemo jam est, qui inficias eat. Unde fit, ut isti periodicæ depulsioni sensim paulatimque natura mulierum assuescat, eaque ipsa nec concitetur immature, nec nimium retardetur, sed, interrupto nunquam ordine, singulis mensibus in suum orbem retrovolvatur; nisi forte corporis vitio secus evenerit, aut vitæ genus.

*Usus fluxionis  
menstrua.*



ac multus, & victus coelique ratio, & complexio at- *Variat eandem*  
 que compages mulieris, eam legem immutent. Hæc *pro varietate*  
 enim cuncta quia in variis mulieribus admodum sunt *naturarum.*  
 varia, varios necessario vacationum circuitus, & in  
 aliis copiosam, in aliis exiguam purgationem, ferius  
 ocysue urgentem, commovent, commonstrantibus  
 id passim historiis, & teste, magistro rerum, creberri-  
 mo eventu. Neque vero temere solidi liquidique pro-  
 portioni, ac consuetudini, quicquam hic attribui exi-  
 stimaverit, quicumque observarit, multos hominum  
 evacuationibus, quæ sponte naturæ ex naribus, per  
 vasa hæmorrhoidalia, aut arte, per incisionem venæ,  
 vel scarificationem, fiunt, ita assuefieri, ut sine iis vi-  
 vere non nisi moleste possint, subindeque magna inde  
 incommoda incurrant.

Quo vero fluxus illius menstrui ratio causaque  
 clarior appareat, & quamobrem sanguis potius per *Ratio quam-*  
 muliebria, quam partem quamvis aliam, vacuetur; *obrem sanguis*  
 non prætermittenda est fabrica uteri ac constructio, *ille per mulie-*  
 qua ille ex omni varietate fibrarum eleganti concinna- *bria fluat, pen-*  
 tus artificio, totque vasis varie ludentibus lecupleta- *det a singulari*  
 tus, non ad fovendum modo, verum etiam ad nutrien- *constructione*  
 dum foetum, atque adeo ad secernendam, excernen- *vasorum,*  
 damque humorum redundantiam, aptus natura &  
 comparatus est. Quæ enim ex hypogastricis sperma-  
 ticisque eum rigant numerosæ satis arteriarum pro-  
 pagines, non recto atque inoffenso, sed flexuoso ad-  
 modum cursu, secus atque alibi in corpore fieri so-  
 let, feruntur, & in varios cincinnos, pampinos viti-



um imitantes, contortos & implicatos ductus abeunt, sibi que tot ac tam patentibus invicem nexibus illigantur, ut aliquandiu inflato unius arteriæ principio, omnes totius uteri arteriæ peræque distendantur. Pari modo, venarum uteri ab hypogastricis pariter spermaticisque oriundæ divaricationes, sed numerosioribus longe ramis dictas arterias comitates, serpentino ac pampiniformi ritu, cum illis conjunguntur. Idemque in vasis, vaginam uteri irrigantibus, atque ex hypogastricis & hæmorrhoidalibus oriundis, ac in superiore parte cum vasis uteri coeuntibus, observes. Ante vero, quam arteriæ, quæ uterum perrepant, in venas abeant, plures tubi, sinusque membranacei, lacteis mammarum tubulis haud multum absimiles, & propagatis lateraliter ramis, retis in formam impliciti, ac frequentibus admodum orificiis itidem coeuntes, plurimis autem exilissimis osculis in cavitatem uteri hiantes, excurrunt. Ex qua structura, ut par æquumque est, disposita, non potest non effici, ut qui vigore cordis ad uterum devolvitur sanguis, de impetu suo, motuque, in partibus aliis solenni, propter illos anfractuosos arteriarum canales, multum remittere cogatur, & parte quidem minima per vasa uteri, a solidiore ejus substantia compressa valde & coarctata, partem vero maximam ad vaginam, mollem eam, laxamque, derivetur. Ac, si mole insuper sua, aestuve, turgeat idem, ob eamque causam per venarum tortuosos itidem ductus, collectis viribus, no-



to circuitu, satis cito expediteque reverti non possit; necesse est, ex arteriis, per dilatatos a copia & turgescencia humorum meatus qui vaginam spectant, quadam sui parte exprimatur & exundet, atque in cavum illius erumpat, dum, allevato satis corpore, ac sedata turgescencia, collabentibus iterum, atque cocuntibus, constrictisve viis istis deviis, ad pristinum suum & naturalem circulum eo loco sanguinis massa redeat. Quibus quidem obstructis viis, mirum non est, si sanguis, redundans in vasis, ac turgescens, motuque cordis & arteriarum provolutus, vasa alia perrumpat, & proxima quaque via evolvatur. Quod multo fit aliter, cum facta conceptione, vi masculi liquoris & elaterio, mollita, & subacta, alias compactiore fibrosa uteri compage, flexuosa ejusdem, obsequiosaque vasa majorem humorum copiam admittunt, atque ex arteriis in dehiscencia pariter tubulorum uteri ostiola elaboratior lymphæ, ac dulcis, lacteaque portio deponitur, foetui pro alimento circumfundenda. Hoc enim modo absunta sensim alibili parte, in eam, qua ante solebant, copiam assurgere humores minus possunt, nihilque adeo superflui colligitur, quod sui excretionem requirat. Quam etiam ob causam initio graviditatis, foetu adhuc parvulo existente, ac nutrimenti minimum assumente, multis mulieribus, ac præsertim plethoricis, menstrua fluunt. Atque hæ quidem bona fruuntur valetudine, nec ullo eorum tenentur symptomatum, quibus ceteræ prægnantes graviter nonnunquam primis mensibus conflictari

*Causa, quam obrem fluxio isthac intermittat in gravidis,*



*Et Lactantes  
bus.*

*Generatio la-  
etis in gravi-  
dis.*

ri solent. Hinc vero etiam ratio patet, quamobrem plerisque mulieribus, diuturnas passis ægritudines, menstruæ purgationes vix redeant, nisi priorem habitum recuperent; & quod præterea lactantes toto propemodum, quo lactant, tempore purgationi ejusmodi nequaquam subjiciantur, nihil iterim detrimenti, neque his, neque illis incurrentibus. Neque alia est ratio generationis lactis in mammis, præterquam quod ab incremento & mole uteri arteriæ iliacæ, atque ex his egredientes crurales, plus æquo compressæ, minorem copiam humorum ad partes inferiores transmittant, hique adeo ad superiora uberius delati, vasa mammarum obsequiosa valde repleant & distendant, & partem lymphæ pinguiorem, ac chylosam, in tubulos lacteos amandent. Quæ deinde secretio, in mammis continuata, quicquid supervacanei gigni potest, pariter subtrahit, eoque nihil reliqui facit, quod per muliebria mitti queat.

## CAP. XX.

## DE

SECRETIONE MOTUQUE  
SUCCI NERVOSI.

Estat, ut de liquidi nervorum generatione dicamus, quam in cerebro, hujusque per spinam productione, quam medullam vocant



cant spinalem, solius ministerio secretionis fieri, jam fere conspirantibus medicorum iudiciis comprabatum est. Neque enim quenquam fore putarim, qui post Io. Argenterium, cuius argumentis solide satisfecit CL. Bohnius l. c. Prog. XIX. cum Bartholomeo Cabrolis in suis observat obs. II. impervios omnino nervos esse, nullique patere transitui, quod meatu sensibus obvio destituantur, amplius existimarit. Namque vanam esse hanc Cabrolis ratiocinationem, vel inde iudicemus licet cum doctissimo Jac. Tappio in Diss. de Princ. l. sens. inter. funct. læs. dedic. quod etiam in radicibus plantarum, pediculis foliorum & fructuum, manifesti meatus, per quos succus alibilis ad illos transeat, non occurrant. Quodsi fucus ille alimentum foliis, floribus, & fructibus suppeditans, & quidem satis crassus, per occultos meatus ex imis radicibus ad summa arborum culmina emergere potest, quid obstat, quo minus succus quidam per fibras cerebri & nervorum distribui propagarique possit? Mirari potius convenit, qui viro, Anatomes perito, in mentem venire potuerit, ut nervos clausos prorsus, ac impervios, pro fulcrisque tantum arteriarum haberet, quum non minus eorum fabrica, quam compressio, & ligatura, ac sectio, quibus sensus motusque illarum partium, ad quas nervi illi pertinent, pereunt, facile unumquemque inexistens iisdem liquidi commonere possint. Quæ tamen quo minus urgeam, unum hoc Bellini experimentum, laudatum a Bohnio, prohibet, quo idem illud liquidum, intra ductus suos digi-

*Dari liqui-  
dum in cere-  
bro & nervis,  
cum ratione,  
tum experi-  
mentis con-  
stat.*



tis utrinque districtum, moveri loco, provolvique potest. Nam qui canis adhuc vivi, aut vix dum enecti, sternum agili cautaque manu diffuerit, & partem septi anticam a costis reciderit; tum nervum quandam phrenicum haud ita procul corde digitis alterius manus comprehenderit, & tantisper compresserit, dum sublato omni cum cerebro commercio, a motu suo diaphragma conquiescat; ac tum demum eidem nervo binos alterius manus digitos sub prioribus, nunquam remissis, semperque firmiter infixis, injecerit, eosdemque quadam nervi compressione diaphragma versus duxerit, ac semel atque iterum, ac sæpius, nervum ita distrinxerit: is quidem cernet oculis, diaphragma propter liquidum, e districto nervo in fibras septi motrices compulsum, reviviscere quasi, tripudiaeque sua & motus redintegrare. Ita tamen, ut, si superiori manu nervus arcte teneatur, atque alterius compressio alternis continuetur, omnis septi motus postremo insistat. Donec dimissa utraque manu, nervoque sibi paulo momento relicto, atque eadem deinceps reiterata manuum compressione, & stritura, nova liquidi supplementa, in superiore nervi parte conclusa antea, & impedita, in diaphragma immittantur, atque adeo ad intermissos motus idem aliquandiu exsuscitetur.

Quod utique liquidi nervorum existentiam satis manifesto arguit, quamvis naturam ejus non ita expediat, ut nullus dubitationi locus relinquatur. In hac vero determinanda ut sua quisque libertate utatur.



tur, tamen vix quenquam fore crediderem, qui illud liquidum ignis, vel lucis, ætherisve instar, cerebri & nervorum fibras collustrare, uti loquuntur irradiare, etiam nunc contendat. Namque qui ita sentiunt hi neque ignis, neque lucis, neque ætheris, naturam satis videntur affecuti, cosque idem illud, quod prædiximus, experimentum Bellini, atque ipsa nervorum constructio, facile refellit. Intelligimus enim, ætheris, omnia trajicientis, ac pervadentis, materiam multo subtiliorem esse, quam quæ mollibus nervorum, tenerisque, ac meabilibus fibris se coerceri patiatur. Novimus etiam, flammulam, vel luculam, ignemve vitalem, quem pro anima bruta, vel sensitiva, quam vocant, cum Epicuro, Gassendo, Fabro, & Willisio, multi habendum putant, nullum esse in corpore, nullosque adeo radios lucidos, vel lucis, ut aliqui existimant, scintillulas, ex quibus liquidum istud confletur, ad cerebrum, genusque nervosum, diffundi posse. Præterea satis, opinor, est perspicuum, radios lucis perpetua agitatione a corpore lucido ad oculos nostros ferri, lumenque tale quid, quale visu percipitur, haud esse, neque extra nos existere, sed ex motu appulsuque undularum ætheris, a corporibus luminosis excitato, & per spatia diaphana oculis communicato, intus in nobis, atque in anima nostra, excitari. Est enim ea lucis natura, ut singulæ objecti lucidi partes vehementissime agitatae, circumjectum æthera in undas orbiculares quaquaversum, atque ad oculos nostros propellant, sensumque luminis in no-

*Illud vero non est igneum, neque lucidum, neque æthereum, vel aura instar, aut exhalationis tenuissima.*



bis gignant. Ex quibus nihil, patet, similitudinis intercedere posse liquido, nervis comprehenso, cum radiis lucis, quippe qui nihil sunt aliud, quam motus quidam ætheræ & coelestis materiæ, a subtilissimis lucentis rei partibus excitatus, qui cessante motore, statim ipse desinit. Præsertim cum corpus tale luminosum & radians in corpore existat, & constructio cerebri ac nervorum ejusmodi irradiationem haud admittat. Neque profecto est, ut ex hominum quorundam, & animantium aliorum, noctu cernentium, micantibus in tenebris oculis, ignem quendam, vel lucem, aut spiritum aliquem luminosum, corpori ingenitum, atque per oculos emanantem colligamus. Id quod, duce Platone, inter multos CL. Th. Bartholinum fecisse legimus, Tr. de Luce hom. & brut. c. XV. seqq. Constat enim jam luce meridiana clarius, lucem nullam oculis insitam esse, sed omnem extrinsecus advenire, & cum fulgorem illum oculorum, tum aciem vespertinam, a singulari oculorum constructione, qua radios etiam debiles, languidos, ac dispersos, facile, magnaue copia recipiunt, ac magnam partem reflectunt, pendere. Namque si animal ejusmodi, v. g. felis, vel noctua, in loco prorsus obscuro constituatur, nullus omnino fulgor, nullaque lux apparebit, quæ tamen illico ex oculis emicabit, simul ac in eum locum vel tantillum luminis admittatur. Habent enim ejusmodi animantium oculi illud præ cæteris singulare, ut non solum pupilla multo ampliore, iride liberiore, nullaque parte coheren-

*Fulgor oculorum non probat spiritum corporis igneum, vel lucidum.*

*Causa fulgoris oculorum.*



te cum cornea, sed hac etiam tenuissima gaudeant, ac præterea plus quoque humoris aquei inter tunicam corneam, & humorem crystallinum, minus vero vitrei contineant, atque adeo humorem crystallinum magis remotum a pupilla, propiorem vero retinæ, gerant, ac demum tunica choroidea non nigricante, & obscura, sed pallide flavescente, aut coërulea, sint præditi. Quemadmodum in felibus, inprimisque in noctuïs liquet, quarum oculus pupillam gerit amplissimam, ac posteriorem quoque corneæ partem, quam scleroticam vocant, adeo pellucidam habet, ut oculo integro, telescopii instar adhibito, rerum visibilium imagines, inversa figura, in retina clare conspici quæant. Quare quo propius ab illorum animantium oculis humani conformatio oculi abest, eo majore quoque acie nocturna & igneo fulgore gaudebit. De quibus quo minus plura dicamus, vetat vetat felix CL. Bohnii industria, qui usque adeo doctæ sententiæ istus vanitatem perstrinxit, ut urbem addere tædeat. Veremur autem, ne cum spiritu isto æthereo & lucido paria faciat, quam ille partem aëris mediæ naturæ summe mobilem, tenuissimam, & propter summam subtilitatem insensilem, atque æthereæ materiæ secundum Anaxagoram æmulam, si-ve ex corpusculis sphaericis congestam, per respirationem sanguini commisceri, & hujus particulas elasticas reddere, ex eoque in cerebrum ingeri, & spirituum animalium nomine per nervos spargi ac dividi, existimat l. c. Prog. XIX, p. 308. In quo prope in sententiam



tentiam Democriti delabi videtur vir doctissimus. Is enim, ut author est Aristoteles lib. de Resp. c. IV. & I. de An. II. docuit, in aëre ingentem esse numerum corpusculorum, quæ ille non modo τὸ θερμὸν καὶ τὸ πῦρ, calidum & ignem, sed etiam mentem & animam appellabat; volebatque in respiratione ingredi animalium corpora, ficque vitam eorum conservare. Eaque corpuscula putabat rotunda, & hinc præ aliis apta ad motum & calorem esse. Videtur autem mihi, ut dicam, id quod sentio, ejusmodi pars aëris mediæ naturæ, aut nusquam existere, aut non differre a globulis coelestibus Cartesii, ipsaque materia ætherea, variis quippe figuris donata, cui quidem coercendæ imparem esse nervorum fabricam, nemo non intelligit. Adhæc illud quoque, opinor, patet, non materiam tantum coelestem & ætheriam, cui omnes patent meatus corporis, sed ipsum quoque aëra, venis & sanguine in pulmonibus respiratione concipi, & una cum ætheris, omnia pervadentis, materia, intus agentem sanguinis motorem constituere. Nec perperam fecero, si huc retulero spiritus animales Cartesii, per quos ille nihil vult intelligi, præterquam corpora, nullum aliam habentia proprietatem, nisi quod sint corpora tenuissima, quæque moveantur celerrime, instar partium flammæ, ex face exeuntis. Tr. de Pass. animi. Ad quos proxime acedunt spiritus animales Stenonis, quos e congerie quadam subtilissimarum particularum, instar vaporis tenuissimi, e liquore rarefacto



cto adscendentis, vel potius flammæ purissimæ com-  
poni, voluit in Diff. de Anat. cerebri.

Ut vero hæc pro suspectis merito habeantur, non tamen illorum opinioni accesserim, qui liquidum cerebri & nervorum, vel nitro aeris universali imaginario, vel stimulo quodam salino, eoque acri volatili pungente, quem vulgo urinosum appellant, vel acido secante, aut etiam sulphure inflammabili, vel denique sale quodam volatili oleoso, more liquorum, vel spirituum, quos vocant, chymicorum, turgere volunt. Quorum quippe neutrum neque odore, neque sapore, nec ipsa analysi chymica, qua merum phlegma insipidum ex cerebro nervisque acquiritur, demonstrari potest. Ac constat omnino, maiorem longe copiam salis in minima quantitate urinæ, quam in magna cerebri & nervorum mole inesse. Quibus permotus Borrichius, in Diff. de Somn. & Somnif. p. 8. spiritus hos, quos vocant, animales, putat, mitiores esse oportere sale volatili vulgari, propter blandissimum, quo in cerebro separantur, teporem; immo nec gustu linguam afficere, more liquoris, e typhis cervinis per balneum roris prolecti, insipidi quidem, sale tamen illo non omnino destituti. Neque vero liquor eiusmodi spirituosus, & fugitivus, quem quidam auræ instar, vel halitus, se habere opinantur, sensuum magis, quam motionum, operationibus, & phænomenis aliis, explicandis idoneus censendus est, cum molibus cerebri & nervorum fibris haud ita possit comprehendi & coerceri, quin in suo per eas itinere ex-

*Liquidum  
nervorum  
perperam cum  
spiritibus chy-  
micorum uri-  
nosus, vel aci-  
dis, vel sul-  
phureis, vel  
salino-volati-  
libus oleosis,  
comparatur.*



spiret & evagetur, nec integris adeo viribus ad extremos nervorum, partesque corporis, perveniat, ac suarum agilitate partium fibras cerebri & nervorum turbet & laceffat, magnamque motuum confusio-  
nem pariat, operibus sensuum prorsus adversam. Hi enim, cum in cerebro fiant, occasione motus, in sensoriis primum excitati, ex iisque per nervos ad principium eorum delati, liquidum non agitatum valde sed mitis indolis, & placido progrediens motu, requirunt, cum alioqui confundantur motiones, organis externis impressæ, nec eo modo ad cerebrum deferri, quo organis sunt inditæ, queant. Quæ metuens Casalpinus: Simile est, inquit in Quæst. Peripat. lib. V. qu. 3. cerebrum instrumentis Chymistarum; hi enim, cum ex vino aquam ardentem sublimare volunt, fistulam tenuem, & in spiræ modum recurvam, adscendentes vapores calidos recipientem, vasi coaptunt, in quo aqua frigida contineatur: fit enim, ut hujus refrigerationis beneficio temperati spiritus minime evanescant. Sic quoque, cum ex sanguine in corde fervente tenuissima pars sublimetur; nisi fuisset locus refrigerationis, optima pars sanguinis in auram evan-  
isset, nec admirandæ naturæ opera perfecisset. Optima igitur ratione cerebri substantia frigida, & humida, in superiori loco a natura condita est; quia caloris natura est sursum adscendere; & quæ plurimum habent caloris & sanguinis, iis plurimum quoque cerebri datum est, ut homi-  
ni. Tam male agitur cum ingenio hominum, ut uno implicitum errore, pariat plures, qui facto veluti agmine, sese excipiant, & foecunditatis suæ multa  
maxi-



maximaque incommoda relinquunt. Neque vero cum ratione ex odoribus, & rebus quibusque analepticiis, ac refocillantibus, aliquid de natura illius liquidi statui licet, quasi ea in hujus naturam abeant, idemque reficiant, ac nutriant, vel, ut cum Willisio de Anima brut. c. XII. multi arbitrantur, quasi ea pro spirituum animalium nutrimentu intro per nervorum ductus, vel arterias, in cerebrum convehantur. Sic enim ex mirifica particularum congerie constare illud liquidum deberet, cum observemus, corpora modo acria, modo acida, modo oleosa, sulphurea, & aromatica, eaque modo bene, modo male olentia, ac sæpe foetida maxime, aculeata, & crassa, atque ex accensis cornubus, ungulis, & plumis, exhalantia effluvia, opinione citius prodesse, eaque licet adversa sibi, & contraria sint, eo tamen cuncta collineare, ut agilitate, & acie, ac impetu suarum particularum, pronos ad quietem & *ἡσυχίαν*, vitæ inimicam, succos, tum ipsas quoque fibras partium, ad motum impellant & revocent. Qua ratione etiam vesicantia, sternutatoria, clysteres fortiores, & stimuli alii, sopore oppressos excitare solent, & ipse calor actualis non raro refocillat.

His igitur cum nemo facile consentire possit, illud superesse videtur, ut vel solum aërem, vel quandam lymphæ partem, cerebro & nervis comprehendere, atque decurrere, statuamus. At aërem inspiratione per quosdam narium meatus ad cerebrum deduci, ut cum Hippocrate complures veterum, nec pauci recentiorum, interque eos Fracassatus de cerebro, & Bar-

*Ex rebus odoratis, & excitantibus, male natura & indoles liquidi nervosi colligitur.*

*Liquidum nervorum non est aërem,*



berius de spir. nitr. aër. crediderunt, nemo sibi persuaderi patietur, qui foetum, utero conclusum, sine aëre, naribus ducto, vivere, & vias narium ad cerebrum invias prorsus esse, cogitare velit. Neque vero patet ratio, qua solus aër ex sanguine, nullo lymphæ, cui est permistus, & intextus, spolio, in cerebrum invadere possit. Quum non uno experimento constet, aquam, & similes liquores, per eas etiam pororum angustias penetrare, quæ aërem excludunt. Neque etiam is tuto solus in fibras cerebri & nervorum commigraret, quin eae plus æquo dilatarentur, aut plane rumperentur, vel exsuccæ saltem, ac rigidiores evaderent, & imperata facere minus possent. Et quid quæso minus credibile, quam organo, humore propemodum diffluente, cujusmodi est cerebrum, solum aërem, vel auram quandam aëream, fecerni? Ad hæc comperimus, exsectum ex vivo animante nervum, & utrinque ligatum, in vase, ex quo aër ambiens est eductus, nil tumere, nullumque adeo aërem conclusum gerere. Quæ perpendentes multi, quandam nervis humiditatem, quæ humiget eos, ac nutriat, atque spiritibus, quos vocant, animalibus sit vehiculo, concedunt. Ex his Raymundus Vieussens liquidum nervorum duum generum partibus componi statuit, altera crassiore, serosa, & defæcatissima, quam succi nervosi alibilis nomine donandam esse putat, altera eidem admista, ejusque particulis ubique veluti irretita, sicciore, quam substantiam vocat insensilem, tenuissimam, volatilem, æthereæque materiæ indolem quodante-



dantenus referre, ac diversis facultatum animalium actibus edendis servire putat, spiritumque appellat animale, atque particulis nitro-aëreis D. Mayovvii, & sanguinis volatilibus ac spirituosus componi, affirmat in Nevrogr. univ. lib. I. c. 15.

Quodsi vero ex iis, quæ non minus sensu, quam ratione, assequi possumus, quid colligendum, hoc unum omnium vero maxime consentaneum videbitur, illud, quod cerebrum, nervosque rigat, liquidum non nisi subactiorem & defaëcatissimam lymphæ partem esse, ex corde per arterias traductam. Hoc enim benigno humore omnis ejus compages concretit, quæ initio, aquæ instar viscidiusculæ, mollis & fluxilis, sensim deinde in spissiore cogitur fibrosam substantiam, quæ nervos de sese, tanquam progenies, quaquaversum demittit. Quare si ali cerebrum, & augeri simili humore, ex quo coaluit, debet, necesse est, fibris ejus lympham alibilem ex sanguine instillari: quas ingressa, quo minus & undis, a tergo infrequentibus, & incitatione motuque cordis, & arteriarum, ad cerebrum compulsis, & hujus reciproco motu, a principio in extrema nervorum, roris instar minutissimi diffluat, mihi vero haud apparet, quid impediat, aut obstat. Nec enim aliter nos sentire Anatomæ jubet. Incidatur, ait CL. Brunnerus l. c. p. 141. nervus, spinalis medulla, ipsa quoque cerebri substantia, ubique digitorum apices humiditate unctuosâ irrorari ac perfundi comperies. Quam in rem plura, si vellem, aliorum eruditorum asserere testimonia possem, quæ tamen quo

*Sed purior seri, vel lymphæ portio, fibrarum cerebri & nervorum nutritia,*

*Quæ variis argumentis comprobatur, atque a contrariis opinionibus vindicatur.*



minus accumullem, unius Malpighii diligens & curiosa ejusdem rei inquisitio vetat. Is: Nervei, inquit in op. posth. p. 27. succi existentia apud plures controvertitur, vel saltem ejus natura diversimode exponitur, sicut & usus, ita ut nil fere obscurius occurrat apud Auctores. Illud tamen mihi videtur in hac re maximum habere momentum, quod sectis extremis nervorum tubulis, ubi in ultimas solvuntur propagines, succus erumpit: in cauda bovis, & similium hinc inde nervus excurrit, tribus, vel quatuor fistulis coagmentatus; in his itaque facta extremo digiti ungue compressione, humoris motus intra exaratas fistulas contentiprehenditur & successiva turgentia, qui tandem per excitatum foramen exit, terebinthinæ instar, fluidus enim est, & glutinosus. In nervis immediate a spinali medulla erumpentibus, cum ob mollitiem compressi lacerentur, non ita facile succus occurrit, ejusque motus manifestatur, quare solidiores, extremique nervi lustrandi sunt. Nec obstat, nervum ligatura facta non turgere, cum lateraliter propagines habeat reticulariter propagatas, in quas idem succus, impedito ulteriori progressu, derivari potest: languidus enim est impetus, quem a cerebro recipit nervus succus, unde ex quocunque impedimento comprimente, & vetante ulteriorem insinuationem, retardari, sisti, & ad latera derivari potest. Hujus demonstratione viri succum, fibras nervorum rigantem, non semel coram oculis conspeximus, nec raro aliis ostendimus. Hic autem notandum & illud est, multo aliam esse rationem nervorum, quam vasorum ceterorum, quæ per patentes meatus liquores ducunt. Nam nervus non est  
unus,



unus, isque cavus canalis, sed ex pluribus constituitur, distinctis, & gracilibus staminibus, ex medulla cerebri oblongata deductis, & divaricatis, atque accessione meningum, perinde fere ac fibræ arborum corticibus implicantur, obtectis, & conjunctis, quæ cærtis locis iterum atque iterum divisa, nervorum propagines multiplicant. Ex quibus facile intelligas, ligatos nervos ad concipiendum tumorem hoc minus idoneos esse, quo magis liquidi per fibras eorum derivatio pacata, & tranquilla est, ita ut easdem moderate tendat potius, quam patentium more canalium, perfluat. Atque hæc quidem angustissimæ nervorum viæ hunc omnino in finem factæ & comparatæ videntur, quo subactiorem tantum succum motu placidissimo admittant, nimium vero commotum, plenoque fluentem alveo respuant, utpote infestum futurum operibus sensuum. Tametsi vero ita sint angustæ nervorum fibræ, ut nulla in iisdem cavitas sensui, adjuto etiam microscopio, occurrat, tamen incisi nervi in animalibus vivis, vel recens mortuis, leniterque pressi, ex omnibus filamentis succum emittunt, quanquam parcius, propter tenuitatem & angustiam fibrarum, quas pervadit; qui cum & digitis palpari, & oculis conspici possit, nulla opus erit charta bibula, qua eum captare aliqui student. Si vero idem non ubivis nervorum æque in oculos incurrat, minus est mirandum, cum idem plurimarum plantarum fibris evenire soleat, ut iis, crescente adhuc planta, præcisis, nullus tamen succus exeat, etiamsi eo succo alibili adpar-



partes nutriendas iter pateat. Facit enim angustia ductuum, ut, qui eos transeunt, succi ita dividantur, ut fere oculos subterfugiant. Non aliter, atque in testibus virorum fieri comperimus, quos quidem alterum cerebrum non sine ratione Borellus appellavit de mot. animal. Prop. CLXX. quod eodem prope contextu vasorum sanguineorum, indeque egredientibus columnellis, sive filis quasi nerveis numerosissimis, angustissimisque, atque in gyros, plexusque inexplicabiles & labyrinthicos congestis, ac varie convolutis, consistit. In hæc igitur fila emissæ ex arteriis spermaticis lymphæ portio haud comparet, factaque illorum compressione parce exsudat, quæ tamen in continuatis epididymidum amplioribus vasculis, confluentibus, & collectis pluribus tenuissimis rivulis, humoris denuo visibilis rudimentum induit, & superatis his canalibus, atque per vasa deferentia ad vesiculas delata seminales, in massam liquidam, sed lentam magis, & glutinosam, atque ex concluso elaterio spumescens, abit.

*Succi nervosi  
secretionem  
docet.*

Quo magis persuaderi possumus, aliquem in cerebro succum a sanguine secerni, ac per genus universum nervosum spargi & diduci, eumque extenuatum magis, & divisum per angustiores nervorum fibras, difficulter, facilius autem collectum, confluentemque in fibris capacioribus, cerni & dignosci. Idque eo facilius, quod idem ipsa ejus liquoris officina, nimirum cerebrum, cum propagatis inde nervorum ductibus, confirmare videatur. Quippe prætermittendum

*Constructio  
Cerebri,*

non



non est, id quod sensus, adjutus ratione, testatur, partem cerebri alteram & cineream, quam vulgo glandulosam vocant, non nisi quandam arteriarum & venarum congeriem esse, eamque non solum exteriorem cerebri ambitum & corticem incingere & complecti, sed etiam interiora penetrare, atque ultimas arteriolarum propagines succosas in fibrulas tenuissimas, candicantes, & depresso rotundas abire, hasque omnes vario ductu & flexu ultro citroque ita implicari, ut fascium modo nexæ ac vinctæ, alteram, albam, & solidiusculam, sive medullarem cerebri substantiam, corpusque callosum, componant, & vario deinde ductu ulterius in fornicem arcuatæ, & in ventriculorum cameras expansæ, ac tandem in fasciculum oblongum collectæ iterum, ac revinctæ, medullam dictam elongatam effingant, indeque porro separatim exeuntes, & suis quæque vaginulis inclusæ, atque in plures funiculos nexæ & congestæ, sub nervorum nomine in omnes omnino corporis partes propagentur. Qui quidem nervi omnes tunicas suas & involucra, cum singularum fibrarum propria, tum omnibus in nervis quibusvis communia, a triplici meninge cerebri ducunt, & rursus sparsi in itinere, ac mutuis irretiti plexibus, ganglioque hinc inde muniti, & firmati, ac trochlea quandoque ducti, reductique, in omnia membra, & suas quique partes, abeunt. Illam vero vasculosam cerebri constructionem non obscure indicat superficies ejus inæqualis, vasisque interrupta, & implicita,

*Et nervorum.*



*Ratio anfractu-  
um & sul-  
corum cere-  
bri.*

*Vasculosus  
corticis.*

*Et fibrosus  
medulla con-  
textus com-  
probatur.*

quam intestinorum more in gyros conglomerari, at-  
que in toto cerebri ambitu in sulcos & anfractus pro-  
fundos atque ambagiosos complicari parens rerum vo-  
luit, quo majorem comprehendere posset copiam va-  
sorum, quæ perambulans illos gyros & anfractus  
multiplices pia mater, eodem tuto deducit, dum me-  
dia tenerrima cerebri tunica, dicta arachnoidea, late-  
ra eorundem anfractuum frequentissimo vasculorum,  
& filamentorum, quorum nexibus piæ meningi con-  
nascitur, interventu simul colligat & conjungit. Ne-  
que aliud nos docent injectiones liquorum colorato-  
rum, & materiæ præsertim ceratæ, in vasa cerebri  
sanguinea, quæ totum vasculorum racemum colore  
suo inficiunt. Hac arte præparatum cerebri corti-  
cem laudatus sæpe Amstelodamensium Anatomicus  
in Resp. ad Ep. Anat. XII. referre demonstrat musci &  
tamenti speciem, illudque tomentosum nihil aliud esse,  
quam protractas vasculorum sanguineorum extremi-  
tates molliusculas, & succosas, quæ fibris, aut tracti-  
bus medullaribus respondere videntur; eodemque  
eas munere fungi existimat, quod glandulis adscribi  
solet. Si etiam radices tractuum, sive fibrarum me-  
dullarium, pluribus in locis, derafa parum exteriori  
corticis parte, nudis pariter oculis occurrunt, quas  
quidem pervias esse, & lymphæ liquido apertas, ac  
meabiles, perpetuus cerebri, & spinalis medullæ, ner-  
vorumque omnium, mador locuples testis est. Ut  
minus sit mirandum, si, interrupto naturæ ordine,  
ex morbosa aliqua constitutione aberrantem copio-  
sam



sam feri collectionem non in ventriculis tantum, sed ipsa quoque substantia cerebri fibrosa, imo hujus interdum compagem, non modo humidior, sed etiam latice aquoso, vel viscido, madidam, & prorsus immerfam, ac liquidorum more inspissatorum, aliquatenus diffluentem, observemus. Quemadmodum Guido Patinus in dissecto Campani cerebro per ejus substantiam, & medullam ipsam, serum copiosum, non dissimile sero lactis, innatans vidit, atque in aliis Marcellus Donatus, Carolus Piso, Willisius, Wepferus, Malpighius, & plures alii, annotarunt.

Quare si a consimili constructione ad idem ministerii genus recte argumentamur, de descripta cerebri & nervorum fabrica haud dubie fatendum erit, <sup>Secretio succo nervosi tota est mechanica.</sup> e sanguinea massa, jugi cordis impulsu, per vias artiarum carotidum, & cervicalium, ad cerebrum transvecta, opportunitate pororum in continuatas fibras medullares transmitti puriorem lymphæ partem, ut diversa a sanguine per systema nervosum discedat; reliquam vero ejusdem sanguinis molem, ob pororum angustiam exclusam, patentiores venarum tubulos subire, & per sinus crassæ meningis varios, ad venas jugulares, ac vertebrales, atque adeo porro ad cordis musculum reverti. Idque sola fieri secretionem mechanica, & pressione sanguinis e corde in aortam, humorum jamtum plenam, continuata per omnes illius propagines, ex vitali sanguinis periodo constare potest. Quo facile apparet illorum error, qui partes sanguinis magis agitatae, & subtiliores, solas, vel ple- <sup>Partes sanguinis tenuiores in primis.</sup>



*& agiliores,  
cerebrum  
conscendere,  
repugnat  
pressioni san-  
guinis, & va-  
porum confor-  
mationi ac  
plenitudini.*

rasque, ex corde ad cerebrum commeare, cum Car-tesio lib. de Pass. anim. opinantur. Cui affinis est sententia Cæsalpini, de qua supra dictum, ut & Moli-netti, quum loc. cit. cap. XV. æmulo chymix modo, quo spiritus ex vino eliciuntur, elicitique rectifi-cantur, spiritus, exaltatos a foco vitali ex corde ani-males reddi in cerebro, existimat. Quasi nimirum cor calore, quo continuo ferveat, igne veluti subdito, ex tota humorum massa partes subtiliores, spiritus vitales Philosophis dictas, elevet, quæ per arterias, tanquam cucurbitam, agitatae, impetu velut impres-so, magna parte ferantur in cerebrum, ex eaque sub-stantia tenui, & vaporifera, perfusa illius rara & mol-lis compages, instar spongiæ, matraccio, ubi capi-tello conjungitur, aptatae, particulas tantum tenuio-res, & magis volatiles, in partes diversas medullæ, tanquam fistulas capitelli, transmittat, reliquas vero superficie sua frigidiorē arceat, atque ab ascensu de-turbet. Sed aliud nos docet plenitudo arteriarum, nec remissus labor, constrictiove valida cordis, cujus vi, adjuvante arteriarum pressione, sanguis sine ullo delectu, & sine mora, per arcum aortæ, tam ad su-periora, quam inferiora, pleno flumine & impetu propellitur, atque a consequentibus undæ anteceden-tes, illæque iterum ab aliis, in minimas capillares ar-teriolas, ex iisque prodeuntes ductus, & poros excre-torios, non minus, quam in venas, urgentur, atque adeo aptæ etiam cerebri fibris undæ impelluntur, cumque undæ novæ priores adurgeant, & impel-lant,



lant, nulla interrupta serie, per omnes nervorum funiculos derivantur.

Quo quidem modo necesse est, fibras cum ce-  
 rebri, tum nervorum, omnes a subeunte continuo  
 succo ita opportune repleri & intendi, ut cunctis sen-  
 suum pariter ac motionum operationibus præesse  
 possint; sive succus ille fibras nervorum cavas, &  
 Malpighio iudice, canaliculorum, aut fistularum mo-  
 re pertusas, ingrediatur, sive eas vaginulis suis con-  
 clusas, eo modo subeat, quo aqua panni linei, lanci-  
 ve, lacinias solet. Nam quod alii volunt, liquorem  
 per spatia & intervalla, inter conjuncta aliquot fila  
 medullaria relicta, a principio in extrema nervorum  
 diffluere, illud cum secretionem ejus liquoris in cere-  
 bro, & ipsa nervorum structura, minus videtur con-  
 venire. Ac perdunt oleum cum opera, qui præter  
 fibras, vaginulis suis conclusas, aliam in nervis me-  
 dullarem partem quærunt. Necesse autem est, ea co-  
 pia & habitudine liquoris fibras nervorum rigari, ut,  
 quod continua transpiratione amittitur, perpetuo re-  
 farciatur, fibrasque in debito tensionis statu, sive to-  
 no, conservet. Ab hac enim plenitudine nervorum,  
 & tensione naturali pendet, quicquid vulgo celerri-  
 mæ spirituum mobilitati tribuitur, cum vel susce-  
 ptæ impressiones vibrationesque sensibilibus ad ce-  
 rebrum deferuntur, vel motus quidam corporis nu-  
 tui voluntatis parent, aut a variis animi commotio-  
 nibus totum aliquando genus nervosum, & corpus  
 universum, contremiscit. Itaque ut plenitudo illa

*A moderata  
 plenitudine &  
 tensione fibra-  
 rum nervea-  
 rum sensuum  
 & motionum  
 operationes  
 pendent.*



*Cui proinde  
non una rati-  
one est provi-  
sum.*

nervorum, tensioque, conservetur, non una ratio-  
ne corpori provisum est. Huc enim imprimis facit  
perpetua vegetaque cordis pulsatio, qua necessaria ad  
secretionem, derivationemque humorum, filo non  
interrupto, per omnes corporis, & ipsos cerebri, ac  
nervorum ductus, pressio constat sibi, vigetque, ita,  
ut, feriente tantisper cordis pulsu, mox ipsa quoque  
succum nervosi progressio & transitus, atque adeo ten-  
sio nervorum, & hinc pendentes operationes, feri-  
entur. Quemadmodum in se ipso expertus est Mal-  
pighius l. c. p. 27. intermittente arteriarum pulsu, ea-  
dem temporis differentia oculos momentanea quasi  
eclipse tentari, ac si cilium tunc collabatur, & mul-  
tiplici succedente pulsus intermissione, corpus ruc-  
re, sensu motuque oppressis. Neque reticenda est  
in eodem negotio, pendens a pulsu cordis ventricu-  
lis ejecto sanguine, opera arteriarum, non tantum  
earum, quæ omnes cerebri anfractus numero innu-  
merabili pererrant & alluunt, suaque pulsatione ce-  
rebrum ad reciprocam dilatationem, & hanc conse-  
quentem subsidentiam, propulsionemque succi ner-  
vosi, cogunt; sed etiam illarum, quæ una cum ve-  
nis, vel plexum mirabilium specie in cavitatibus ven-  
triculorum cerebri reconduntur, vel nervos ubique  
ipsos comitantur, iisdemque inseruntur, & miscen-  
tur, eo prorsus modo, quo vascula sanguinea, per  
ipsam medullarem nervorum opticorum substantiam,  
ad oculorum usque retinam distribui, huiusque reti-  
culari expansioni misceri, observamus. Sic enim li-  
quor



quor ille roscidus blando hoc fotu non tantum a congelatione, ad quam alias valde proclivis est, vindicatur, sed etiam undæ ejus excitantur, & perpetua arteriarum vibratione per omnes nervorum tractus promovetur. Ac quanta quidem caloris vis sit in excitando motu humorum, clare in insectis cum aliis, tum præcipue muscis, patet, quæ, licet per aliquot menses frigore adstrictæ, & propemodum congelatæ, jacuerint, accedente quocunque tepore reviviscunt. Neque in insectis solum id locum habet, sed etiam in majoribus, & sanguine præditis, animalibus. Hirundines non tantum apud nos, sed & in summo septentrione, e paludibus mortuæ extrahuntur, fotuque hypocaustorum denuo vitam induunt. Eadem est ratio ranarum, serpentum, & avium, quæ, ingruente hyeme, ad alias temperatiores oras migrare vulgo perperam creduntur, quum avia tantum & inaccessa eligant loca, ubi obrigescentes, & motu humorum progrediente privatæ, quasque mortuæ, delitescunt, dum, redeunte vere, calore vivifico refoveantur, & novam atque alacriorem succorum agitationem, unaque vitam, recipiant. Humores enim, qui congelasse videbantur, aëre verno, ignea solis vi agitato, & liberius se explicante, liquefcunt & turgent, & concitatis cordis pulsu undis, iter suum per arterias, venasque, & nervos redintegrant.

Ex quibus demum omnibus illud constare arbitror, cerebrum esse officinam succi nervosi, cumque  
*Cerebrum est officina succi nervosi, cujus*  
 pres-



perennis mo-  
tus & deri-  
vatio per ner-  
vos pendet a  
motu cordis,  
& arteria-  
rum,

pressione cordis & arteriarum, constanti semper te-  
nore, derivari tribuique per totum genus nervosum;  
ac minus cum ratione, reque ipsa convenire, quos  
vulgo huic liquori spontaneos itus, reditusque per  
nervos, & vias quascunque, ac motus varios allos, sed  
cerebri & nervorum constructioni prorsus contrari-  
os, affingunt. Quod inter alios mireris Willisium  
fecisse, in exquirenda cerebri & nervorum fabrica diu  
multumque occupatum, qui præterquam quod spiri-  
tus animales per nervorum angustias ocysime trans-  
volare putat, & tanquam animalia lusoria, susque de-  
que decurrere, & pro arbitrio modo affluere, modo  
refluere; incertus prorsus, ac titubans in determinan-  
da liquidi nervorum natura, illud modo radiorum  
instar lucis, e sanguinis vitali flammula prodeuntium,  
aerique intertextorum, se habere existimat, modo li-  
quoris succique nomine appellat, & nunc spiritus tere-  
binthinæ more, aut alius sulphurei, accendi in phreni-  
tide, jam a crasi dulci, & balsamica, in liquorem salsum,  
atque hinc in acetosum, flagmatis vitriolici æmulum,  
degenerare, aut aceti, vel aquæ fortis indolem indu-  
ere, in mania, & melancholia, aliquando vappescere,  
in stupiditate, & spirituosissimo-salinam, tanquam germa-  
nam nativamque indolem, amittere, sæpe etiam ni-  
trosum & explosivum, si sanguinis sulphuri jungatur,  
pronunciat in Pathol. Cerebr. Tr. de Mor. musc. de morb.  
convuls. & Pharm. Rat. Dum vero cerebrum offi-  
cinam & fontem succi nervosi habemus, non exclu-  
sam volumus ejus productionem, per osseam verte-  
bra.



brarum vaginam descendente[m], quam continuato <sup>Spinalis me-</sup> triplici meningum velo obductam, a piaque matre <sup>dulla construc-</sup> secundum longitudinem divisam, in binasque distin- <sup>ctio, & usus.</sup> ctam partes, medullam spinalem appellamus. Hæc enim præterquam quod propagatis a cerebro, hujusque medulla oblongata, filamentis, vel tractibus medullaribus, in unum veluti funem argenteum complexis, quorum exteriores, ut perbene Ruyschius observat l. c. caudicem ejus ex transversis ambientes, substratos densissima serie rectos & longitudinales cruciatim interfecant, constat, intus quoque reconditas gerit, a vertebralibus propagatas, vasculorum sanguineorum congeries quasdam, quæ non solum calore sanguinis illam partem fovent, motumque liquidi per eandem adjuvant, sed etiam additione novi liquidi undas prioris, ex cerebro advecti, per nervos spinalis medullæ, quos prædictæ matris piæ productiones effingunt filamentosæ, augent & confirmat.

Deinde illud opinor, liquet, non tantum esse ventriculorum cerebri dignitatem, quantam prædicabant veteres, qui eos pro officina, vel promptuario <sup>Ventriculi cerebri non sunt promptuarium spirituum animalium,</sup> spirituum animalium habeant, quippe cum nullæ adfit viæ, quibus materiam spirituum adducatur, atque eorum vectores, ductus nimirum nervorum, non ex ventriculis, sed ex fibris cerebri. quæ ab arteriis initium ducunt, oriantur. Ecquis autem defensum hoc loco dabit clarissimum cetera Cartesium, qui cum glandulam pinealem animæ sedem esse præcepisset, ex ea spiritus animales per poros varios jugi effluxu

*Dr. de Berger Physiol. Med.*      *N n*      *crum.*



erumpere, atque ad tubulos nervorum, poris istis directe oppositos in superficie ventriculorum cerebri, tendere, vel in alios magis patentes influere, aut etiam clausos cum impetu aliquando aperire, non confinxit modo, sed etiam iconibus expressit, quin & valvulis nervos instruxit, ut in Tr. de Hom. P. I. videre est. Hujus sententiam quo illustret subtilis vir ingenii, Theod. Craanius, cerebri contentionem facit cum organo illo musico, in quo promptuarium, quo ventus conservatur, secretum dicitur, & locus est tam arcte clausus, ut nihil quicquam venti possit egredi, nisi per illa foramina, quæ studio facta sunt, tendentia ad tubos & canales, qui ventum revehunt in fistulas ut sonos adeo edant. Ita enim secretum isthoc referre opinatur ventriculorum cavitatem, ductus vero, per quos ventus intrat in fistulas, esse nervos oppositos & appendices, fistulas esse musculos, ventum vero, sonum edentem, spiritus esse animales. Tr. de Homine p. 392. Sed omnia isthæc exposita ante cerebri constructio facile refellit. Neque vero est, quod quis per poros vasorum plexus choroidei spiritus in ventriculos exspirare obtendat, cum ea arteriarum copia, quæ sufficientem spirituum copiam suppeditare possit, plexus ille minus gaudeat, utpote qui ex tenuissimis arteriarum venarumque vasculis, ductu serpentino cohærentibus, & subtili incumbentibus membranulæ, quibus etiam glandulas affingunt, est contextus, ac sinus quarti, sive profundi, divisione in ramulos aliquam partem constituitur. Necdum etiam

*Quid plexus  
choroideus?*



jam constat, quæ illa sint peculiaria vascula, quibus <sup>Vasa singula-  
ria, quibus</sup> veluti propriis viis, spiritus ex corticosa cerebri sub-<sup>spiritus ex</sup> stantia in ventriculis, tanquam communi alveo, con-<sup>cortice cerebri</sup> vehi putat Ioach. Targirus in Med. compend. p. 308. Mihi <sup>ad ventriculos</sup> ingenua placet confessio Io. Valverdi in Anat corp. hum. <sup>convehuntur,</sup> L. V. c. 4. quo loco, postquam in his ventriculis anima-<sup>nulla.</sup> les procreari spiritus, cum maxima Philosophorum & Medicorum parte statuisset, subjungit: Qua autem ra-  
tione gignantur, qua item ipsorum alii alias edant functio-  
nes, decerni posse existimare, ridiculum apud me est. Ad-  
hæc si quidam spiritus in ventriculis gignerentur, hi  
certe facilius per magnos & patentes illorum hiatus  
laterales, in spatia cerebrum inter & membranas,  
ipsumque inprimis infundibulum, quam in angustos  
nervorum ductus, erumperent. Verosimilius autem  
illa cerebri cavitas, in quatuor distincta ventriculos,  
& quasi cameras testudineatas, emergere videtur ex <sup>Ratio constru-</sup>  
necessaria fibrarum medullarium explicatione, & di-<sup>tionis ventri-</sup>  
spertita in varios fasciculos colligatione, veluti in mon-<sup>culorum cere-</sup>  
tes & monticulos, & colles ac colliculos, eo modo  
disposita, ut ex iisdem, originibus distinctis, & sine  
confusione, nervorum fila produci, & dirigi commode  
in omnes corporis partes possint, quo facta tecta uni-  
versa cerebri structura fibrosa persistere queat. Per <sup>Usus plexus</sup>  
utrumque vero anteriorem ventriculum expansam du-<sup>choroidei,</sup>  
plicem plexus choroidei alam crediderim, ut calore  
sanguinis perfluentis foveantur fibræ nerveæ, quibus  
constructi sunt parietes ventriculorum, hique blan-  
do rore, quem ille per poros arteriolarum exha-



*Aqua ventriculorum cerebri.*

lat, humigentur. Hinc enim aqua illa pellucida originem trahit, quam dissectis sanorum ventriculis, offendimus, quamque igne non concreescere, sed omnem exhalari, cum Iosepho Zambechari existimat Bellinus l. c. p. 41. quam nos quidem limpidam semper, factaque exhalatione, nihil glutinis, vel albuminis, at tenuem interdum pelliculam relinquere, observavimus. Eundem halitum, ventriculis cerebri contentum, existimat Malpighius, suo elatere & copia laxare fibras cerebri, & tendere, ac sensuum operationes adjuvare, in Op. posth. p. 27. Ac Ruyschius eam lympham ad irrorandas cerebri & tractuum medullarium fibras, ut & spinalem medullam, ejusque membranas humigandas, summe necessariam judicat l. c. Quod vero ex præscripto naturæ illa cerebri exhalatio in ventriculis confluat, comprobatur continuatio eorum cum infundibulo, insertioque hujus in arcolam glandulæ pituitariæ, qua multis, hæc pertusa foraminulis, aquam illam excipere, ulteriusque per venas jugulares, ad sanguinis oceanum amandare, potest. Nam eam aquam per processus mammilares, vel vias alias, ad nares, vel palatum, derivari, id vero experientiæ anatomicæ repugnat, ut præclare Schneiderus de osse cribroso & de Catharrh. Lovverus de Corde, & Vieussens l. c. ostenderunt. Quod autem CL. Verheyen opinatur, posse parvos quosdam tubulos excretorios ex glandula pituitaria, inter vasa sanguinea, ei copiosius adiacentia abscedere, ac deinde eadem, per quæ arteriæ carotides ad cerebrum adscendunt, vel nervi egrediuntur.



untur, foramina trajicere, & partem aquæ alteram ad os, vel nares transmittere, est res in conjectura posita. Atque isthæc quidem cum ipso sensus judicio consent, mirari merito subeat animum, scripsisse CL. Bohnium l. c. Prog. XX. præternaturalem esse humoris in ventriculis cerebri collectionem, ex glandularum, vel vasorum lymphaticorum plexus chorœidei crepatura, vel ruptura, aut ex corticis morbosa constitutione, & laxitate hujus pororum oriundam, frustra que adeo de vasis ejus excretoriis disquiri. Sed ejus liquoris, bene maleque habentis, discrimen optime submonuit Ruyschius l. c.

Ad ultimum illud etiam ex iis, quæ hucusque in medium adducta sunt, perspicuum est, nihil quidem causæ esse, quamobrem res, quum nil opus fuerit, multiplicemus, & præter lympham, cerebrum nervosque rigantem, spiritum aliquem animale, *Spiritus ani-* *malis, & vi-* *talis, nullus.* ut multi volunt, spiritus, quem in corde, vel sanguine, gigni, aut hære, putant, progeniem, comminiscamur, atque ad explicandas sensuum & motionum operationes in partes vocemus. Nam spiritum sanguinis vitalem, aut nihil, aut ipsum esse sanguinem, in vitali constitutum motu, satis, opinor, ab Harvejo demonstratum est, & facile intelligitur ex iis, quæ de calore motuque sanguinis diximus. Solent tamen homines in explicandis rerum naturalium phaenomenis, cum causæ minus expeditæ sunt, libentius ad principia ignota, & intellectu ardua, quam sensibus obvia, confugere, parum, vel nihil sæpe repu-



nem, ex qua tamen plæreque, quas admirari sole-  
mus, operationes corporis proficiscuntur. Quo vero  
omne pateat illius doctrinæ fundamentum, non  
prætermittendus est hoc loco inveteratus ille error,  
a Stoica inde disciplina cumprimis tractus, quo ani-  
mam, vel spiritum igneum, per omnia fustum spar-  
sumque, cuncta fovere, atque excitare, multi philo-  
sophorum veterum volebant, eundemque, ut supra  
monuimus, turpiter cum ipsa divina essentia confun-  
debant, Deum toti mundo permixtum, & animam, vel  
spiritum mundi, mundum vero Dei corpus, atque  
adeo universitatem hanc animatam esse, rati. Inde  
esse, agebant, non vitalem tantum calorem in plantis,  
& animantibus, sed etiam animas ipsas humanas esse  
illius ignei spiritus, hoc est, divinæ ipsius essentiæ par-  
ticulas quasdam, contendebant, ut, præter alios,  
edocent Gerh. Io. Vossius de Phil. Sect. c. XIX. & Hoffman-  
nus Præfat. lib. de cal. inn. p. 4. seqq. Hinc ineptire  
Schola Artagenis coepit, quæ spiritui huic, quem in  
omnibus corporibus quinti principii loco hæere vo-  
luit, tantum tribuit, ut placatum eum corpora tueri  
& conservare, irritatum vero offensumque, morbis  
affligere ac pessundare existimarit. Quam in senten-  
tiam operæ pretium est legere Doctiss. Conringium de  
Med. Hermet. p. 194. Hos secuti deinceps chymici se-  
quioris ætatis, in suis scriptis dudum ante Paracelsum  
idem de spiritu coelesti, in rebus sublunaribus latitan-  
te, placitum tradiderunt. Inprimis autem eo er-  
rore implicita fuerunt lepida Paracelsi, Severini &  
Hel-



Helmontiis ingenia, quibus ista philosophandi ratio id desiderare videbatur, ut res nihili vocibus, nihil sonantibus, impedirent, quo imperito vulgo illuderent, & singularis cujusdam doctrinæ opinionem sibi conciliarent. Quo quidem id effecerunt, ut magno labore nihil egisse videantur. Libuit tamen eis, ut mirifice philosopharentur, spiritum illum, longe lateque diffusum, & universæ omnia replentem, ex oblitterata veterum sapientum memoria repetere, ad suasque præceptiones ita accommodare, ut in eodem singularum specierum ideas animo fingerent, quæ molem materiamque, cui quædam spiritus illius universalis portio jungatur, ad hoc, nec aliud, corpus compositum, determinarent, & adstringerent, omnemque adeo vim agendi ab hoc demum spiritu, non a materia, proficisci arbitrarentur. Ac quemadmodum omnibus aliis corporibus, ita & humano, ac singulis ejus membris, particulam illius spiritus in generatione, tanquam formam, infusam esse credebant, quæ ipsis vitam, omnemque agendi vim & facultatem largiatur. Hinc etiam formas rerum e coelo, & influentiis cœlestibus deducebant, in quo maxime Fernelis laboravit lib. de abd. rer. causis. His igitur initiis dogma de spiribus extitit, in scholasque irrepsit. Quo deinde factum porro est, ut alii unum tantum spiritum in corpore humano admitterent, qui a principio universali, spiritu videlicet genitali, dimanans, & successive in partibus diversimode alteratus, sive modificatus, vel per organicam illarum conformationem de-

ter-



*Nullusque in corpore Archeus, vel rector similis microcosmicus,*

*Lepida spiritalis & archei attributa.*

terminatus, operum diversorum opifex evadat, atque cum illo spiritu mundi universali communicet; alii vero plures, aliosque influos, alios vero singulis partibus insitos, illorumque non plures, nunc pauciores, nimirum vitales, animales, aliisque insignitos nominibus, constituerent. Indidem Helmontii Archeus, cum totius universi, tum terrae, & cunctorum animalium, ipsiusque hominis, particularis, & influus alius in corpore, alius membris insitus, & reguli aliorum, rectoresque microcosmici, in quibus prædicandis nimius est CL. Dolæus in Encyclop. Med. profecti sunt. Neque vero aliunde petenda est causa, quamobrem iis spiritibus & archeis, corporibus animantium conclusis, falso ea adjudicarint, quæ alioquin ipsi naturae opifici, spirituique, propria notione intellecto, conveniunt. Hinc in ludicris illorum chymicorum commentis causas naturales audias voluntariis actionibus transcribi, remque publicam constitui in visceribus, & perceptionem corpori, cogitationem rei extensæ, accomodari, & providentiam, scientiam, sapientiam, aliaque mentis attributa, spiritibus & archeis falso creditis affingi, ac sæpe affectu quodam amoris, gaudii, timoris, terroris, indignationis, eosdem corripere, & nunc prævidentes mala, & attendentes periculum ingravescens, expavescere, fugamque moliri, & recurrere, nunc parti laboranti subsidio venire; aut si quid mali inopinato ingruat, represso gradu, subsistere primum, & pugnam experiri, mox autem inclinata acie, semianimes trepidare, & vel motu præcipiti ad cor, aut

cere-



cerebrum fugere, vel desperabundos nullo ordine huc illuc currere & divagari, vel amoto profligatoque hoste, gratulabundos ad cor accedere, vel gaudio prægestienti nimioque concitados, ultra ambitum corporis ferri, aliquando etiam in indignationem furoremque rapi, & ita se gerere in corpore, ac si valerent intelligentia, & consulto operarentur. Ita Th. Campanella de sensu rerum c. 1. Utero, inquit, affecto, concurrunt undique spiritus ad eum relevandum: inde sensuum perturbatio, vel abolitio, respirationis angustia, &c. Admotis autem odoribus foetidis naribus, recurrunt illico spiritus ad id mali amoliendum. Isque cum totum mundum, & omnes illius partes, partiumque particulas sensus præditas esse, multo labore evincere frustra laborasset, libro tertio addit: Aerem esse spiritum communem, & deferre scientiam spirituum, animalibus inclusorum, ab altero in alterum: aerem affici rebus præsentibus, futurisque, atque nobiscum communicare. Sed hos, & quicquid est spirituum, insitorum, influentiumque, aut archeorum, in hominum quorundam cerebris educatorum, incorruptæ Medicinæ finibus exterminari oportere, nemo temere inficiatur. Præsertim cum ea fabula multas opiniones, cum errore conjunctas, non in scientiam tantum naturalem, sed etiam in pathologiam, ipsamque medendi rationem, introduxerit.

Neglecto igitur hoc inani de spiritibus commento, illud, quod cerebrum nervosque rigat, liquidum suo germano vocabulo succum appellabimus nervo-  
*A lymphæ, vel succo nervoso, cum sensus, tum motus, proficiscitur.*



sum, visuri nunc, qua is ratione sensuum & motionum operationibus, quos esse usus liquidi nervorum, omnes una inter se voluntate philosophi & medici consentiunt, præesse possit. Quot si fecerimus, nullis aliis opus esse spiritibus patebit, & corrueant sua sponte dissentientium rationes, nec difficultas supererit, neque dubitandi locus relinquetur.

## CAP. XXII.

DE

MOTU PARTIUM  
SOLIDARUM.

**A**Tque ut principio de motu membrorum corporis, quo illa situm, & locum, figuramque mutant, dicere non nihil ingrediatur, non tangam hoc loco, quæ varia motionum naturalium, vitalium, & animalium discrimina adduci vulgo solent. Namque hæc conjuncta cum errore de variis animæ facultatibus, spiritibusque, doctrina subnituntur. Sequar potius illam motuum differentiam, quam sua quemque conscientia docet, cum videlicet examinantes, quotquot in nobis motiones occurrunt, quibus vel totum transferatur corpus, vel artus, aliæque partes moventur, experi

*Motio partium  
solidarum*



perimur, alias quidem necessarias esse, & nullo præeunte voluntatis imperio, imo ipsa sæpe, vel nesciente, vel reluctante, anima, sola partium mechanica dispositione, pro varietate objectorum varie nonnunquam determinata, peragi, quas proinde automaticas appellare solemus, uti sunt cordis, ventriculi, intestinorum, & complures motus interiores, quibus humorum per corpus derivationes secretionisque perficiuntur; alias vero ad arbitrium & nutum voluntatis fieri, quas ideo voluntarias dicimus, quum nempe cibum ore sumimus, eundemque masticamus & deglutimus; cum porro sermonem facimus, & vel caput, spinam, artusque variis modis movemus, vel totum corpus, quo volumus, transferimus; & demum quasdam ex automatica & voluntaria veluti mixtas esse, quæ nimirum mente quidem vel non jubente, vel minus attendente, fiunt, ejus tamen imperio exemptæ non sunt, sed suspendi ac temperari varie possunt. Quorsum inprimis respiratio referri solet, quam dormientes etiam, nihilque tale cogitantes, perennamus, & cum volumus, moderari varie, prorsusque cohibere possumus. Quo pacto, ut auctor est Galenus l. de mot. musc. c. 6. servus barbarus sibi mortem conscivit. Haud secus, ac constat ex Valerio Maximo, C. Licinium Macrum, & Comam, compresso spiritu, se ipsos extinxisse.

Omnes vero hi motus admirabili fiunt partium corporis constructione, opera & ministerio fibrarum, quas motrices appellamus, atque in omnibus membris.

*Alia est involuntaria,*

*Alia voluntaria,*

*Alia mixta.*

*Omnia hinc sunt motuum organum est fibra motrix,*



bris, quæcunque vi motrice pollent, deprehendimus. Id quod a Fallopio annotatum legimus, quando nullam, ait, partem seipsam movere posse, nisi fibris carneis fuerit instructa. Idem deinde Steno, Willisius, Lovverus, Borellus, Malpighius, Bohnius, & Bellinus, clarius ita exposuerunt, ut ea de re, nisi minus versatus & rudis in anatome, nemo amplius dubitare sustineat. Neque obesse quicquam & impedire potest, quod dictæ motrices fibræ non eandem omnes figuram, & seriem, atque conjunctionem obtineant, sed utraque multiplici, & insigniter varia, gaudeant, pro motionum, quibus præfunt varietate. Ita enim earum alias observamus rectas, alias curvas: Atque illarum quidem rursus alias longitudinales, alias transversas, alias obliquas; harum vero alias annulares, alias angulosas, alias spirales. Sic quoque earum aliæ alias juxta positæ, aliæque aliis superpositæ, & in unum plures fasciculum conjunctæ & colligatæ, istud fibrarum systema, quod musculi venit nomine, & magnum figuræ discrimen habet, componunt, aliæ vero laxius separatæ, in variam carneæ - fibrosam substantiam expansæ observantur. Nam sola figura, diversusque contextus fibrarum essentiæ earum & naturæ nihil derogat, modo eadem habitudine, ad obeundum motum requisita, & necessaria, gaudeant. Ea vero consistit in columnella, sive fibra cylindracea, molliore, interiusque porosa quæ suis donata vasculis, sanguineis, & nerveis, ac transversis quibusdam aliis fibrillis membranaceis, & sibi mutuo parallelis,

in

Et  
Ex hujusmodi  
pluribus con-  
textus muscu-  
lus.

Constructio  
& partes fi-  
bræ motricis



in varias rugas, ac veluti cellulas, distincta, sine dolore contrahi & abbreviari, iterumque resilire & elongari potest, suisque partibus extremis, constrictis magis, & coactis, in fibras graciliores & rigidiores, quas vocamus tendineas, abit. Neque enim tendines musculorum, quæ multorum est opinio, ex nervis, sed ex iisdem fibris carneis, constipatis magis, atque in rigida abeuntibus fila, ducuntur & propagantur, prout optime Spigelius animadvertit quum fibras, musculorum carnem constituentes, divulsum tendinem appellat lib. IV. de Hum. corp. Fabric. c. I.

Quum igitur eadem omnibus in universum musculis figura non sit, nullaque muris, vel lacertæ spe. *Musculo non*  
 cies in musculis reperiatur abdominis, dorsi, pectoris, *convenit cum*  
 & capitis; pauci etiam sint in artubus, quibus eam fi- *figura & par-*  
 guram jure attribuas: id quidem facile intelligitur, ab *tibus muris.*  
 illis animantibus nomen musculis immerito imponi. Præsertim cum in caput, ventrem & caudam omnes dividi haut possint; ut patet in sphincteribus, ut & musculis linguæ, abdominis, oblique, & per transversum procedentibus, glutæis item, & serratis, atque compluribus aliis, in quibus caudam frustra quæsieris. Nec verò patet ratio discriminis, qua caput a ventre, vel cauda, distinguas in quadrato pronatore radii, quadrato pariter femoris, lumborum, & aliis. Melius a verbo *μῦς* quod Latine contrahere significat, vocabulum musculi derivandum cum intelligentibus putat Molinettus l. c. lib. III. c. I. Namque illud ex ipsa *Muris fibræ*  
 fibræ motricis fabrica dilucide comparet, partem ejus *carnea,*



*Et tendinea.*

*Actio primaria musculi est contractio fibrarum carnearum.*

carneam aptam ac idoneam esse, quæ corrugari, contrahi & constringi possit, quæque propterea fibræ motricis nomine merito appellatur; cum contra pars tendinea, inepta contractioni, eandem semper dimensionem servet, & funis instar, vim fibræ motricis sequatur, sæpeque baseos, ac fulcimenti tantum vicem gerat. Et quia singulæ musculi fibræ carneæ eadem vi motrice pollent, id porro liquet, ipsaque vivorum animantium anatome confirmat, primam & propriam musculi actionem esse fibrarum carnearum contractionem & abbreviationem, eamque membri, cui tendo est annexus, motum & situm mutatum, sive tractionem adductionemque membri illius, consequi. Cui quidem posteriori actioni tendo servit, quam proinde secundariam, & soli quidem musculo, non tamen omni, propriam esse, ex doctrina Ste nonis, ipsaque experientia, clarissime constat. Quare quos Deus musculos movendis ossibus præfecit, eos mediis tendinibus ab ossibus ortos in ossa ita deduxit, ut, cum media carnosa pars contrahitur, & abbreviatur, os magis mobile ad os minus mobile, ope tendinis, tanquam funis, trahendæ parti paris, facile adducatur. Pari modo cum musculis aliis, membra alia regentibus, comparatum est, ut a termino minus fixo ad terminum magis fixum firmioremque contendant. Quodsi contingat, utrumque terminum esse æque mobilem, tunc per eandem musculi contractionem illi ad se mutuo accedunt. Qui vero musculi se potissimum ipsos movent, uti sunt sphincteres,



in his per totum fere fibrarum motricium complexum sparsæ sunt fibræ tendinosæ, quia in propriam <sup>Constructio sphincterum,</sup> tantum actionem hi muscoli nituntur. Eaque prope-  
modum ratione fibræ motrices ventriculi intestino-  
rum, arteriarum, aliarumque expansionum muscu-  
losarum, agunt, suisque filamentis tendineis in par-  
tium illarum tunicis desinunt, & disparent, easdem-  
que veluti tendineas reddunt & constituunt. Nam-  
que carnosæ intestinorum tunica duplici fibrarum ordi-  
ne, quorum alter alteri substratus, constat. Exterior <sup>Tunicæ carnea intestinorum,</sup> ex fibris contextus est longitudinalibus, per totum  
intestinorum canalem protensis, ac tunicæ extimæ,  
tanquam basi & tendini incumbentibus, quarum con-  
tractione fistula intestinorum adducitur & abbreviatur.  
Alter vero interior ordo ex fibris conflatus est spi-  
ralibus, quæ ductum eundem intestinorem densa  
serie cingentes, fibras priores ad angulos rectos se-  
cant, suæque contractione intestina coarctando, mo-  
tum eorum peristalticum efficiunt. Quemadmodum  
igitur prior fibrarum complexus musculum refert,  
secundum longitudinem intestinorum recta proten-  
sum: ita alter, qui huic subiacet, fibrarum spirali-  
um contextus, Gvilielmo Cole in Dissert de mech. rat.  
perist. intestinor. mot. unus videtur esse cavus, idemque  
helicalis musculus, ab oesophago ad anum protractus,  
cujus tendo superior a sphinctere gulæ oriatur, infe-  
rior vero in ani sphincterem desinat. In corde autem  
tendo satis validus in basi ostia ejus cingit, & obli- <sup>Et Cordis,</sup>  
que deorsum ad conum figura sigmatis producitur,  
in



in quem fibræ motrices, interiores & exteriores, flexu potissimum spirali, & sibi opposito, seseque mirabili artificio decussante, tam eleganti serie & artificio inseruntur, ut, cum in cono veluti in cochleam sint contortæ, sua contractione non tantum parietes cordis undique adducant, sed etiam conum basi proximiorē reddant, & spatia ventriculorum coarctando, replendoque, sanguinem in arterias exprimant. Adco ut non inepte linteo, ad exprimendam aquam contorto, aut crumenæ, a duplici filo, in diversa trahente, occlusæ, a quibusdam comparentur. In eundem cordis tendinem, in basi, fibræ quoque motrices appendicum ejus, sive auricularum, uno extremo abeunt, alteroque in circulo illo tendinoso, quem in venarum, cavæ, & pulmonariæ, ostiis observamus, desinunt.

*Causa effectrix contractionis musculorum procedit ab influxu liquidi ex arteriis, & nervis.*

At quo certius, ipso iudice sensu, constat, in actione constitutas motus opifices fibras, atque ex his compositos musculos, contrahi & breviores fieri, hoc minus profecto liquet, qua ratione illa fibrarum contractionis fiat, & quæ vera ejus causa sit effectrix. Equidem in eo jam propemodum omnes convenire video, vi advecti per arterias nervosque liquidi musculum contrahi, cum animadverti liceat, non minus ligato nervo, quam arteria, motum illius partis perire, ad quam vasa illa pertinent. Quorsum inter alia experimentum, a Stenone editum, lumen affert; quo observamus animal, aortæ descendente constricta, partes averfas paralyticas a tergo trahere; soluta vero ea, atque expedita, earundem partium motum, usumque



quæ recuperare. Quo autem modo liquidum utrumque ad efficiendum fibrarum motum concurrat, quæstio est perdifficilis, atque a medicis & philosophis plurimis quidem disceptationibus agitata, nunquam vero, ut mihi videtur, ad veritatem satis explicata. Hanc igitur causam ut recte disceptemus, non prætermittendum est, id quod ex vivorum anatome præclare Lovverus annotavit l. c. c. II. muscolum, in motu & actione constitutum, admodum arcte, & in sese introrsum constringi, & minorem durio remque reddi. Idem observat Mayovv Tr. de mot. musc. c. I. Nec aliud Spigelius intellectum voluit l. c. quando propriam musculi actionem, ait, esse contractionem, sed non contractionem quamvis, verum in se ipsum. Quibus addendum, quod Steno advertit, cum caro fibræ motricis brevior fit, eam non tantum reddi durio rem, sed etiam superficiem ejus, ante contractionem lævem, in contractione asperam evadere. In quibus omnibus eisdem cum *αυτοψία* & oculorum judicio plane convenit, quamvis aliter cum Borello de Mot. Animal. P. II. Prop. XV. multis visum fuerit, qui crassitie musculorum plus accedere, quam longitudini eorum decedat, atque adeo musculos in contractione ratione molis augeri, existimant. Quod ut ille confirmet, in argumentum adducit muscolum cordis, cujus carnosam substantiam in systole, putat, esse duplo majorem mole ejus laxa in diastole: eo quod nihil prorsus alterata externa quantitate & figura, cavitates ejus repleantur ab ipsa carne, expresso sanguine, qui ibidem con-

*Contractio fibrarum fit constrictione earam, in se & introrsum facta.*



tinebatur. Verum contrarium testatur sectio vivorum animantium, qua non solum parietes cordis & latera constringi & comprimi in systole, sed etiam conum ad basin nonnihil adduci, atque adeo cor undique contractum, quoad figuram externam imminui, ipsius sensus, præjudiciis non occoëcati, testimonio docemur. Quod perspicuus Bellinus l. c. p. 128. omnem fibrosam cordis constructionem maxime similem esse, putat, fabricæ musculorum abdominis obliquorum, & transversorum, & tam filamenta cordis, quam horum musculorum, se tam mirabili artificio secantium, eo pertinere, ut ad singula puncta cavitatum, quibus advolvuntur, vigeat momentum ejus directionis, & vigoris, quibus fiat oportet, ut quicquid in cavitatibus illis continetur, extra easdem omne trudatur. Cum enim, ut scite Lovverus advertit, fibræ cordis aliquot rectæ, aliæ omnes circa conum & universum ejus ambitum heliciis instar contortæ, obliquo, eoque opposito ductu, spiraliibus veluti lineis in basin terminentur, fieri omnino debet, ut, quoties fibræ hæ utrinque contrahuntur, sinus ventriculorum undique coarctentur, & conus basin versus adducatur, hacque totius contractione cava ventriculorum omni ex parte repleantur, & sanguis tanquam emboli impulsu magna vi in arterias exprimatur. Ac quanta quidem vi parietes cordis in systole septum versus medium compellantur, seseque contingant & comprimant, ipso explorare tactu possumus. Nam si in cane vivo mucro cordis præsesetur, & per vulnus in  
cavum



cavum ventriculi cujusdam digitus immittatur, fortiter eundem premi comperiemus, cum cor contrahitur, eamque pressionem cessare, cum illud iterum elongatur. Quin & resectus ipse mucro, digito impositus, identidem se contrahendo e digito exilit, & manifestam ei duritiem imprimit. Idemque ceteris omnibus musculis commune est, ut non solum in motu constituti, valide constringantur & durescant, sed etiam per transversum dissectæ fibræ eorum carneæ, contractionem suam continuent, introrsumque coactæ, tactui duritiem, & asperitatem quandam visui exhibeant.

Hæc si recte cum animo repùtentur, trita hætenus, & fere recepta concidet opinio, qua musculorum contractio accessione cujusdam substantiæ, distractis in latum fibris, sive a succorum turgescencia & rarefactione, hincque oriunda plenitudine atque intumescencia fibrarum, fieri statuitur. Nam a quibuscunque tandem causis eam succorum rarefactionem & plenitudinem fibrarum arcessas, ea tamen nunquam cum contractione muscoli, non quavis, sed in se ipsum, ac introrsum facta, conveniet, quam quippe motum esse, intumescentiæ atque distractioni fibrarum prorsus contrarium, vel inviti fateri cogimur. Eoque magis, quo clarius hoc laudatum a Glissonio Tr. de Ventric. & intest. c. IIX. experimentum idem evincit: Nimirum, si tubus paretur vitreus oblongus, capax satis & idoneus, ejusque superiori & exteriori lateri prope orificium alius inseratur tubulus erectus instar infundibuli, & postquam in orificium tubi ma-

*Non vero hærum repletione, vel intumescencia,*



joris vir robustus & lacertosus nudum brachium totum immisit, orificium illud undique circa humerum accurate obturetur, ita ut nihil aquæ effluere possit; tum vero per infundibulum tantum aquæ, quantum vitrum capiat, infundatur, ac ejus præterea aliquid in infundibulo superemineat, hisque peractis, vir ille musculos brachii totius modo moveat & contrabat, modo remittat, cuivis evidenter apparebit, eo tempore, quo muscoli moventur & contrahuntur, aquam in tubulo subsidere, cum vero remittuntur, & relaxantur, altius in eodem assurgere. Vnde clare liquet, musculos, in motu & actione constitutos, non inflari aut intumescere, sed potius introrsum constringi, minui & detu-

*Ab humorum  
contrariorum  
explosione, aut  
effervescentia,*

mescere. Quodsi aliter fieret, aqua in tubulo non descenderet, sed potius assurgeret. Neque adeo nunc erit, cur confutandæ explosioni, vel effervescentiæ, ac ebullitioni, intra fibras motrices, a particulis contrariis, ex sanguine nervisque advenientibus, oriundæ, quas confinxerunt Willisius & Borellus, diu immoremur. Præsertim cum motus ejusmodi explosivi, ac colluctationes, a miti humorum, qui arterias & nervos perluunt, ingenio, intraque eas fibrarum angustias expectari haud possint, nulloque modo queat concipi, quo pacto motiones musculorum, si ab humorum contrariorum & colluctantium conflictu dependerent, pro nutu imperioque voluntatis regi, ac momento varie mutari, & modo augeri, modo minui, cohiberive possint. Cum enim liquores, indole motuque diversos, ad excitandam fermentationem, vel effervescentiam, confundimus, vehementem eorum agitationem nullo vase clauso, nisi

capa-



capacissimo, coercere, nec moderari pro libitu possumus, nisi continuata luctatione fractis viribus, in unum novum compositum coalescant. Nec multo aliter judicemus licet de influxu liquidi nervorum, ab admixtione particularum sanguinearum subito rarefcentis, aut quaquaversum se cum impetu in bullulas effundentis, quo villos musculorum secundum longitudinem contrahi, & per amplitudinem distrahi, existimat, Bellinus Tr. Vr. & puls. in præfat. ad Lect. Et qua veri specie, fibras musculorum ab intruso liquore nerveo, eo fere modo, quo fibræ contortæ funis madidi a cuneis aqueis dilatantur, intumescere; aut a spiritus, quem vocant, animalis, tanquam auræ tenuis, vel aëris, elaterio inflari, ut opinatur Bohnius, etiamnum nobis persuaferimus? Quave ratione cum Guilielmo Covypero in Introd. Myol. reform. p. 11. suspicabimur, sanguinem esse pondus, quo actio musculi peragatur, & vel turgescientiam, inceptam in parietibus fibrarum carnearum, & ortam a liquore nervorum agitato ad imperium animæ, vel constrictionem ductus venosi esse causam immediatam repletionis cellularum, qua longitudo fibrarum minuitur? Aut demum cum Barthol. de Moor l. c. p. 77. credendum esse putabimus, a tendine, tanquam cauda musculi, a spiritu animali inflato & expanso, cohiberi sanguinem, corde propulsum, eoque carneas musculorum fibras extendi. Neque pro ea sententia quicquam facit, quod ab impedito sanguinis ex corporibus cavernosis, a musculis erectioribus compress-

*Vel rarefactione & effusione in bullulas,*

*Vel intumescione,*

*Vel inflatione*

*Aut repletionem aliam.*

pres-



pressis, refluxu per venas, tensio erectioque genitalis proficiscatur; cum certum sit, id quod supra significavimus, contractionem musculorum motu, inflationi & dilatationi prorsus contrario, fieri. Adhæc, si liquidum nervorum musculos inflando, & dilatando, motum ciet, unde tanta ejus vis & copia, quæ tot tantisque motionibus sufficiat? Et quomodo illud momento inflationem, vel repletionem, & inanitionem creat, cum muscoli nunc, uti volunt, inflantur & intumescunt, nunc momento iterum laxantur & detumescunt? Reditne idem ex fibris musculorum, dum relaxantur, per angustiora nervorum filamenta ad cerebrium, unde modo venit? Ita vero in fibris cerebri inflatio, vel certe confusio motionum oriretur, quarum tamen nemo est conscius. An vero ex uno musculo in alterum oppositum, ut opinatur Craanius l. c. p. 459. per fictos quosdam tubulos intermedios, valvulis suis instructos, transitum invenit? At tunc certe alium involuntarium excitaret motum. Neve tandem cum Willisio existimemus, detumescente musculo, spiritus in ejus tendines, veluti promptuaria, secedere, indeque ab advenientibus novis per nervos subsidiis, una impelli & expandi, atque in fibras, ut vim motricem adjuvent, redire cum musculi constructio, tum nervi in eundem insertio prohibet. Nam nervi, vasis comitati sanguineis, carnosam musculi partem ingrediuntur, & inter fibras ejus, corrugari contrahique aptas, multiplicia filamenta, ad instar radicum arboris, spargunt & exporrigunt, vitantes ut.

pluri.



plurimum; ineptos contractioni tendines, & qui eandem semper dimensionem servant. Quare verosimilior videtur sententia Entii l. c. spiritus hos, dum musculus est contractus, suo perfunctos officio, & jam emeritos, fugam parare, atque in ignem facessere fatuum.

Sed has, & ejus generis difficultates commode effugiemus, modo constructionem musculi, & singularum ejus partium actionem in animantibus vivis propius inspiciamus. Sic enim comperiemus, contractionem atque abbreviationem fibrarum carnosarum, non ab invadente quodam liquido, replente, tendente, vel inflante, sed a fibrillis transversis membranaceis, prædictas fibras carnosas, quas angulis obliquis secant, stringentibus & crispantibus, dependere. Qua quippe ratione necesse est, fibras illas carnosas in contractione non solum in sese constringi, & breviores, sed etiam duriores fieri, ac superficiem earum, quæ ante contractionem lævis erat & aequalis, inæqualem & fere asperam reddi, ut ipsorum judicio oculorum docemur. Nihil autem causæ esse putamus, quamobrem hic quandam intra fibras illas transversas luctationem & effervescentiam a concursione particularum nitro - aërearum e nervis, cum particulis sanguinis salino - sulphureis ex arteriis, cum Mayovvio fingamus, eoque rem, minus adhuc expeditam, novis difficultatibus impediamus. Propius a vero abesse videtur doctiss. Verheyenus l. c. c. IIX. quando doctrinam secutus Stenonis, & suum cuique musculi par-

*Contractio fibrarum carnearum pendet a tensione fibrillarum transversarum,*



ti munus tribuens, ejus contractionem a fibrarum carnearum corrugatione, angulorumque mutatione repetit, eo quod, quo hi magis accedunt ad rectos, aut fibræ magis corrugantur, eo magis venter conglobetur. Hinc tendines, putat fibras prædictas firmare, ipsumque muscolum partibus vicinis alligare: fibrillas autem transversas membranaceas quasi totidem parvos esse vectes, quorum ministerio fibrarum carnearum corrugatio, & angulorum mutatio perficiatur: per nervos spiritus adduci, qui fibrillas membranaceas tendendo, sanguinemque in fibris carneis diutius retinendo, præcipui contractionis sint authores: arterias non solum nutrimentum, sed etiam materiam afferre, ad fibrarum tensionem necessariam, sine qua illæ flaccescentes, contractioni impares & inutiles forent.

*Cujus causa effectrix est succus nervosus in fibras has transversas advectus, cui succus obnititur elasticus, in fibra carnea conclusus, adductus per arterias, unde vis fibrarum & muscutorum elastica.*

His recte perpensis, vero videtur proximum, motum muscutorum pendere a succo nervorum, tendente fibras transversas membranaceas, quibus, ceu vectibus, fibras carneas constringi contrahique, diximus. Namque hæ fibræ carneæ, quia succo, intus in adversum nitente, & elastico, advecto ab arteriis, turgent, tanquam animati sunt elateres, qui contrahi prædicto modo, & rursus distrahi, sive resilire, atque redire ad pristinum situm & longitudinem possunt. Quibus cum membra omnia, vi movendi prædita, gaudeant, id porro evidens esse puto, simili virtute humorum, per arterias in fibras carneas, atque per nervos in fibrillas harum transversas, delatorum, sine



eorum confusione, & sine omni tumultu & luctatione, vel inflatione, motus omnes peragi, sive sponte naturæ fiant, & necessarii sint, more automatum, sive prævio quodam appetitu, nutuque voluntatis, concitentur. Hinc enim, nec aliunde, petenda est ratio, quamobrem præpedita per arterias, vel nervos, via, pars illa, ad quam ea vasa pertinent, sensu pariter motuque privetur. Quod vero motiones aliæ sint necessariæ & involuntariæ, aliæ nutui imperioque mentis pareant, ejus discriminis causa a singulari organorum constructione, & diversa eorundem ad motum instigatione pendere videtur. Nam eæ partes, quibus, tanquam antliis, atque canalibus, motus & derivationes humorum perficiuntur, ex fibris spiralibus, ea arte & ordine involutis & intextis, constructæ sunt & concatenatæ, ut conceptum semel motum, vi prædicti utriusque liquidi, fibras carneas, & transversas, sibi perpetuo contrahentes, rigantis, hoc alacrius continuent, quo magis a pervadentibus earum cava succis ad eundem incitantur; modo non multum dissimili, atque in automato complures numero rotulæ ita dentibus suis sibi mutuo infixæ hærent, ut mota una, reliquæ in motum ciantur; Atque ea quidem arte moveri videas, quicquid ex spirali fibrarum textu est constructum. Id quod inprimis in glomere cordis videas, de quo paulo ante dictum est. Nec minus idem in ductibus, ex corde egredientibus, ad idemque replicatis, magna animi voluptate advertas. Nam ductæ ex arteriis, aorta, & pulmonaria,

*Ratio discriminis motuum involuntariarum & voluntariarum.*



spiræ, non solum per omnes earum propagines, inæquali admodum crassitie, maxima quidem in truncis ad cor, minore per ramos remotiores, & minima in remotissimis ramusculis, producantur, sed etiam per venas, serie tamen tenuissima, ac valde simplici, replicantur, dum magno numero collectæ iterum & conjunctæ in vena pulmonaria, ac præsertim cava, utramque juxta cor totam pene carneam & musculosam reddant. Sic enim fiat necesse est, ut per omnem illorum vasorum ambitum, ducto a corde principio, vis vigeat contrahendi, sed momentis inæqualibus, prout in canalibus & ductibus, majoribus, vel minoribus, majore, vel minore, vi propulsandi succos corporis opus fore, prævidit sapientissimus opifex. Quo minus nunc miremur, collapsum cordis motum in animantibus jam demortuis solo sæpe fœtu, vel immisso in venas flatu, revocari, & primo pulsare aurículas, indeque cor statim ipsum, tota sui compage constringi, expressoque sanguine, pulsum etiam artëriarum nonnunquam resuscitari: vel vinculo præstrieta & ligata cava, atque sic aditu ad cor præcluso, mox motum auriculæ, cordisque sisti, eundem vero, solutis vinculis, cum cavæ, tum auriculæ, ipsique interdum cordi, aliquantulum reddi. Nec multo aliter se habere videtur cum canale ventriculi & intestinorum, quem lumbricorum more progredientium, contrahi, & distrahi, ac quadam veluti undante agitatione moveri, cernimus, fibrarum ope spiraliū, quæ ab oesophago ad anum usque productæ, unum veluti



uti helicalem musculum componunt, hisque incumben-  
 tium rectarum, vel longitudinalium, quibus a li-  
 quoribus variis, ut & cibi ac potus materia, æreque,  
 illum canalem alimentorum pertranseuntibus, inflata  
 placide, ac molliter diducta ejus latera, atque a  
 compressione & agitatione musculorum, viscerumque  
 ambientium, in respiratione ad motum sollicitata,  
 alternis constringuntur, & tam secundum longitudi-  
 nem, quam profunditatem, nunc coarctatis iisdem,  
 nunc relaxatis iterum, antrorsum contenta pro-  
 pelluntur. Nec mirum partes quasdam alias solo  
 hoc instinctu naturali, & singulari contextu fibrarum,  
 moveri. Quem quidem sensus naturalis & simpli-  
 cis nomine quibusdam appellare placuit, quod nulla  
 rei, quæ sub sensus cadit, apprehensione, aut perce-  
 ptione utatur, neque ad ipsius sentientis cognitionem  
 perveniat, sed eodem propemodum modo motio  
 ejusmodi contingat, quo in herbis quibusdam, vi  
 constructionis mechanicæ fibrarum, succis intus agi-  
 tantibus perfusarum, accedente leni quodam stimulo,  
 vel impressione, similes fere motiones fieri observan-  
 tur. Cui rei exemplo sunt herbæ, aëschynomenæ ve-  
 teribus, recentioribus vivæ & sensitivæ, ac mimo-  
 sæ dictæ, quarum ea est mirabilis natura, ut, appro-  
 pinquante saltem manu, & ad levissimum quemvis  
 contactum, spiritusque afflatum, pleno etiam meridie  
 & splendente sole, statim folia contrahant, & quasi  
 hebetatæ concidant, & languescant: mox vero ab ex-

*Motus auto-  
 maticus qui-  
 busdam sen-  
 sus & instin-  
 ctus naturalis  
 dicitur.*



terno ictu liberæ, rursus folia explicent, & quasi reviviscant.

*Ratio motus  
continui tho-  
racis non re-  
petenda a  
conjunctione  
pericardii  
cum diaphra-  
gmate;*

Expedita quoque foret ratio explicandi continu-  
um alternum musculorum thoracis motum in respira-  
tione, si verum esset, quod perhibet Ortlobius l. c. re-  
vera diaphragma antagonistam veluti cordis agere, ita  
ut unius contractio alterius relaxationem resultum-  
que procuraret. Sed aliter sentiet, quisquis attende-  
rit, id quod supra indicavimus, motus cordis & dia-  
phragmatis, non modo non isochronicos, sed ne qui-  
dem synchronicos esse, nec esse posse. Quum in se-  
ipso quivis experiatur, ad quaternos, vel quinos cor-  
dis pulsus unam solum respirationem fieri, hacque  
aliquandiu intermissa, pulsum tamen cordis perseve-  
rare. Accedit, quod constans sit motio cordis in fœ-  
tu, utero concluso, quamvis non respiret, ut ex ano-  
malo situ & figura organorum spiritalium, nullum adeo  
huc usum spirantium, evidenter constat. Namque in  
eo, ut scite Pechlinus advertit de Aeris & alim. def.  
c. VIII. diaphragma adeo est reductum, & fornicatum,  
ut nunquam magis; cavitas, quæ pulmonibus occu-  
pari debebat, vero aëris receptaculo, sola aura, eaque  
subtili, obsessa, complanatis & reflexis ad posteriora  
lobis, qui & ipsi nullo adhuc vitali, aut aëreo colore,  
sed solo sanguine sunt perfusi, at una statim respira-  
tione formam mutant, & vesicularem colorem, fra-  
ctamque cancellis ac lobulis minoribus superficiem,  
quæ pridem erat planissima, acquirunt. Quare re-  
ctius eandem causam, quæ egredientem utero fœ-  
tum



tum ad primam diaphragmatis contractionem compellit, etiam existimo ad continuandam illam motionem deinde perpetuo incitare. Aerem puto, qui in nascentis pulmones irruens, dum contractas illorum & complicatas vesiculas explicat, convexam arcuati diaphragmatis partem premendo, protrudendoque, ad suarum fibrarum contractionem instigat idem & instimulat, ejusque & thoracis motum insequens, pulmones eo usque pandit & diducit, quousque thoracis inspirando amplificati capacitas concedit. Ac licet a relaxatione resultuque diaphragmatis, & contractione thoracis, e compressis iterum, atque in angustiore locum coactis pulmonibus, receptus paulo ante aer, quousque illi coarctantur, magnam partem elidatur, pars tamen ejus remanet, quæ intus in vesiculis agens, pressionî pectoris ita tenitur, ut, ea remittente, sui elateris vim, a calore sanguinis, vasa pulmonum pervadentis, auctam, denuo experiatur, & illorum vesiculas diducendo, ad novam contractionem septum illud pectusque compellat. Quod enim aer expirando ex sinuosis pulmonum vesiculis non ita facile reddatur, quin quodammodo, nec adeo leviter, contrahitur, vel inde clare liquet, quod, si thorax expirando vulnere perforetur satis patente, quædam pulmonum portio extra vulnus propellatur, vi nimirum aeris, vesiculis illorum comprehensi, atque a thorace expirante compressi & coangustati. Qua ratione necesse est, ut, admissio semel in pulmones aëre, contractoque diaphragmate, thorax deinde al-

*Sed ab incitamento aëris, pulmone conclusi.*



*Et sanguinis  
illius vasa  
pertranscun-  
tis.*

terne contrahatur & restituatur, arque ita animal respiret, quamdiu vivit. Neque vero nihil huc facere videtur instinctus ille amutato cursu sanguinis, cujus mentionem injecit CL. Bohnius l. c. Prog. V. Namque sanguis, qui in foetu propter conniventiam vesicularum pulmonalium, per alterutrum tantum cordis ventriculum, & per obliquos foraminis ovalis, canalisque arteriosi meatus, traducebatur, ac minima sui parte vasa pulmonum pervadebat, simul ac vel unicam sui dilatationem passi sunt pulmones, confestim a via obliqua ad rectam, nimirum in laxata horum vasa, pleno flumine abripitur, undisque suis eandem motus lineam, utpote rectiorem, deinde perpetuo repetens, & libras has patentisque vias exigens, incitamenti instar, nervos & musculos, movendo thoraci, ducendoque spiritui, servientes, necessariae contractionis admonet.

*Loquela  
quid?*

Etsi vero Respiratio isto naturæ instinctu, nobis etiam dormientibus, vel minus advertentibus, recte procedit: tamen imperio animæ, ac voluntatis nostræ, tanquam dominæ & imperatricis, ita subiacet, ut nobis vigilantibus, ac consciis, ad arbitrium nutumque nostrum dirigi possit. Quod ei præcipue fini haud dubie factum est, ut, quæ concepimus mente, promere etiam loquendo possimus. Cum enim loquela nihil sit, præterquam vox, qua, quod cogitamus, significamus, quumque ea ab expiratione procedat sonora, & articulata, & tanquam præcipuum humanæ societatis vinculum, cum intentione significandi sit



sit conjuncta : ita omnino motus thoracis, atque ipse  
 adeo spiritus reciprocans, voluntati nostræ subiici de-  
 buit, ut pro variis, non motibus solum atque affecti-  
 bus, sed intimis etiam sensibus, aut conceptibus & co-  
 gitationibus animi exprimendis, eodem opportune uti,  
 atque ita homines, aliis nati hominibus, inter se ani-  
 mis veluti consociari possimus. Quam etiam ob cau-  
 sam reliqua organa in hanc unam actionem egregie *Instrumenta*  
 conspirare videas. Nam quæ ex faucibus in follem pul- *vocis.*  
 monis descendit fistula, ea ex ossibus flexuosis & molli-  
 bus, five annulis cartilagineis, parte postica membra-  
 nosa, in cicutæ modum, ope tunicarum, fibrarumque  
 carnearum & motricium, quarum aliæ rectæ, aliæ  
 transversæ sunt, atque ad annulares accedunt, conca-  
 tenatis, compacta & coagmentata est, & operculo,  
 quod larynx dicitur, constat ex quadruplici, multiformi-  
 que cartilagine, & membranæ rimula, quæ *γλωτ-  
τιδωσ* nomine famigeratur, musculisque diversis, con-  
 structo; ex parte autem inferiore ramos suos, bronchio-  
 rum nomine multipliciter divisos, atque ex parvis iti-  
 dem cartilagineis tessellis, ministerio membranæ, ra-  
 morum canales componentis, tenuiumque musculo-  
 rum colligatis, contextos, in pulmones quaquaversum  
 ita porrigit & spargit, ut ea fistula, una cum suis bron-  
 chiis, inspiratione tendi & diduci, expiratione vero  
 contrahi & abbreviari possit, & aëri non minus introi-  
 tus, quam exitus pateat. Hac enim ratione necesse  
 est, ut aër, quum ex pulmonum foliis, & numero-  
 sis eorum bronchiis, ceu fistulis Acoliis, in unum tra-  
 cheæ



chæ truncum expiratione compellitur, insignem inibi compressionem subeat, & allidens ad latera ductuum cartilagineorum, quendam iis tremorem impertiatur, & suarum collisione machinularum eundem pariter concipiat, ac pressione ulteriore nitens subito ad exitum, & nunc majore, modo minore copia, motuque & impetu, elusus per angustiam glottidis, adaugeat eum & continuet, quandoquidem ex trachea erumpens, ad illam membraneam utrinque rimulam, in internis cartilaginis thyroideæ lateribus effictam, colliditur, & vario eandem, eoque prope modum modo percutit ac verberat, quo ligulas ex inflatis utribus sonoris aër pressione elusus ferit. Unde ea rimula illius adinstar ligulæ, quam fistulatores ex tenuissimis arundinum lamellis ad suas tibias aptant, modulandæ voci servit. Quamobrem etiam tam varios multosque musculos, interiores alios, alios externos, laryngi insevit parens rerum, quorum ministerio cartilagines ejus varie moveri, & vel adduci, vel diduci, possint, eoque angustia glottidis non uno modo mutari, sed modo contrahi, & coarctari, modo pandi & dilatari, aliterque configurari queat. Atque per illam quidem laryngis rimulam spiritui non tantum ad nares, verum ad os quoque, iter & transitus patet in extremis palati regionibus, ubi se folles faucium, spectantes columellam, tollere incipiunt in tumorem; quum alioqui loquendi facultatem non haberemus, si sicut fistulæ cibalis iter ad os tantum; ita larynx solum ad nares pateret. Aperuit  
igi-



igitur viam aëri divina solertia ex illa fistula spiritali, ut posset lingua ministerio suo fungi, atque efflatum ex glottide aërem intra oris cavum, maxillarum ossibus, dentibusque circumscriptum, adiuta motione faucium, maxillæ inferioris, & labiorum, & si quæ <sup>Et</sup> <sup>Formatio</sup> præterea organa ad vocis articulationem conferunt, pulsibus suis ita modificari, extraque os propellere, ut tanquam interpretes cogitationum unius, suo diverso ad aures appulsu, & commotione nervorum acusticorum, statim quasdam animi notiones, sive conceptus quosdam, vel ideas, in altero excitet, quas ejusmodi motibus assuefacti, hac illaque voce, rebus significandis idonea, exprimere didicimus. Ita enim mens cum cogitat, secum primo ipsa differit, ut docet Plato: deinde voces quærit, quibus cogitationem suam exprimat; hoc vocant *λογον ἐνδιδάσκτον*, sive sermonem internum: postremo voces rebus significandis idoneas profert; quod est *λογος προφορικὸς*, sive sermo externus. Cum itaque mutuo oris & aurium ministerio <sup>Surdas lo-</sup> <sup>quens</sup> animi sensa, & exprimantur, & percipiantur, non est mirandum, siquidem ii, qui surdi sunt nati, nec tam organorum vitio, quam institutionis defectu, muti, ita instrui queant, ut e commotione oris, labiorum, aliarumque partium, quid alter velit, cognoscere, & interrogati non responsionis tantum signa dare, sed & ipsi loqui ac respondere possint. Id quod inter alios ex instituto persecutus est, atque exemplis comprobavit Io. Conr. Ammannus in Dissert. de Loquela.

Hujusmodi igitur, & quæ sunt aliæ, motiones vo-



*Ratio motus  
voluntarii.*

luntariæ, illorum energia musculorum sunt, qui arbitrio mentis non omnino sunt exemptæ, sed huic, & commoto intus cerebro parent, quando transmissio per nervos motu vividiore tensæ musculorum fibræ transversæ membranaceæ fibras stringunt carneas, hisque adducti tendines, conjuncta iisdem colligataque membra cient. Quorsum præcipue facit summo artificio disposita corporis fabrica, qua cerebrum & muscoli communione nervorum inter se ita junguntur, ut excitata levis motio in cerebro illico, per certos nervos, ad certos musculos propagari queat, nunc quidem nutu mentis, modo eadem minus advertente. Id quod si aliunde haud constaret, vel inde patere potest, quod sæpe vix receptis organo externo motibus mox motus musculorum, etiam citra deliberationem & voluntatis nutum, respondeant. Ita si quis subito manum extenderit oculos versus nostros, tanquam nos verberaturus, etsi scimus, eum non nisi joco id facere, non tamen ab illis claudendis cohiberi possumus. Quo ostenditur, eos non claudi mentis nostræ imperio; cum id fiat contra voluntatem nostram, sed quod machina corporis nostri sit tam affabre fabrefacta, ut motus illius manus oculos versus nostros excitet alium motum in cerebro, ex eodem continuatum in musculos, qui palpebras deprimunt. Neque aliter subito perculsi metu, varia sæpe molimur, quæ ad conservationem nostram pertinent, dum ad auditum fragorem caput demittimus, aut lapsui proximum corpus in aliam partem inclinamus, vel manus in



in terram tuendi capitis causa præmittimus, vel modo alio corpus obfirmamus, non tam ex consilio, sed quia motus forinsecus adveniens, continuatus ad cerebrum, motum alium per nervos in musculis excitat, eo modo, quo necesse est, hunc motum, mente vel nesciente, vel etiam invita, & tanquam in automatico, produci. Ut minus sit mirandum, ab objectorum impressionibus commoto cerebro, cieri motus, quam quod volente duntaxat mente, nec de nervis, aut horum liquido, cogitante, imo nesciente quidem, an ejusmodi sint ductus, & succi, aut quem musculum contrahi oporteat, fiant tamen motus per nervos, quorsum fieri debent, ut, quod mens vult, fieri possit, modo valetudine fruamur, membraque bene habeant. Tantam nimirum vim habet conjunctio mentis & corporis, quam ita Deus constitutam esse voluit, ut certos hujus motus certæ cogitationes in mente, & versa vice, certas hujus cogitationes certi illius motus consequantur. Eoque pacto mens corpori, sicuti Rex regno, præest. Quemadmodum enim Rex imperium non præsentia ubique, sed jussu & auctoritate, per internuncios interposita, administrat: ita mens, habitans in cerebro, corpus nervorum subsidio regit. Ac vero perquam videtur simile, id quod Willisius statuit, duas in cerebro provincias, cerebrum puta, stricte sumtum, & cerebellum, hoc sapienti instituto distinctas esse, ut in illo mens sensuum motionumque voluntariarum operationes exercean, ab hoc autem motus machinæ automatici, vel necessarii,

*Dua sunt cerebri distinctæ provincia.*



proveniant. Videmus enim nervos, qui ad partes abeunt, his motibus subjectas, potissimum a cerebello originem trahere, indeque succum, edendis motibus necessarium, promere, ac multis in locis cum nervis, qui a cerebro mittuntur, & voluntatis nutui serviunt, commercia fovere. Quod etiam firmare videtur experimentum, laudatum a Perraultio *Mechan. des anim. P. II. c. 7.* Vieusseno *l. c. L. I. c. 29.* & Bohnio de *Renunc. vul. p. 230.* quo secto in animali cerebro, motus automatici horis aliquot perdurant: secto autem cerebello, illico omnes conquiescunt, & statim animal moritur. Sed de sede sensuum & motuum voluntariorum, ipsiusque adeo mentis, multæ occurrunt difficultates, de quibus deinceps disquirendum erit.

*Ratio  
Celeritatis  
motus voluntariis.*

Illud verò ex iis, quæ hucusque in medium sunt adducta, non adeo erit arduum explicatu, qui motus imperatus tam cito, tantaque facilitate, voluntati respondeat. Quippe cum omnes cerebri, & ex eodem productæ tenuissimæ quævis nervorum fibræ, succo placide perfusæ & tensæ sint, ut arbitratur nostro musculus moveatur, sola opus est quadam vividioris illius succi motione, per certos nervos, ad certos musculos ex cerebro directæ a mente & determinata, quæ tensæ fibræ transversæ, fibras carneas, unde motus & contractio musculi pendet, constringant & contrahant. Quo quidem plurimum, patet, conferre usum & exercitationem, quibus ea in poris, fibrisque cum nerveis, tum carneis, dispositio efficitur, ut inde habi-



bitus, sive mira agendi repetendive illam motionem  
 facilitas, oriatur. Id quod cum in nobismet ipsis ex-  
 perimur, tum vero infantes nos docent, cum artus  
 movere, & progredi, ac loqui discunt. Videmus enim,  
 cum tamdiu lingua hæsitant, & semel, iterumque,  
 ac sæpius vocem quamprimum expromere student, eos  
 linguæ, aliorumque organorum, minus exercitorum,  
 rigiditatem infrigere, & magis flexibilia reddere orga-  
 na, nec prius articulate satis, ac distincte, voces pro-  
 ferre, quam eousque organa illa fuerint subacta, ut le-  
 vi motui obsequantur. Idem dicendum de motionibus  
 aliorum membrorum. Ex iisdem etiam intelligitur, *Musculorum*  
 quomodo musculus, prædicto modo contractus, ejus *Restitutionis*  
 dem nutu mentis statim relaxetur atque a motu remit-  
 rat. Nam uti contractio musculi ab illa motione  
 succi nervosi, a mente ex cerebro ad muscolum dire-  
 cta & propagata, procedit: ita necesse est, cessante  
 illa mentis determinatione, vel directione, cesser etia-  
 am hinc pendens succi nervosi motio, & tensio fibra-  
 rum transversarum, ac carnearum contractio, hæc-  
 que adeo intus nitentis liquidi, ex sanguine advecti,  
 vigore & vi elastica, resilientes & relaxatae, muscu-  
 lum laxum & longiorem reddant. Neque vero mi- *Et reboris ac*  
 randum est magnopere in attolendis sustinendisque *vigoris.*  
 ponderibus musculorum robur, quod in crassitie  
 fibrarum, & copia, & iisdem conclusi compressique  
 succi renixu & elaterio fundatum novimus, quo is  
 obnitendo constrictioni fibrarum, tantam musculis



vim impertitur, ut, tanquam animati elateres, ferendis ponderibus sufficiant.

## CAP. XXIII.

DE

## SENSIBUS ET ALIIS OPERATIONIBUS MENTIS.

*Succus nervosus confert ad sensum,*

*Ad quem requiruntur objectum, organum, & mens, sive anima sentiens,*

**M**erito etiam sensus, cum ad usum vitæ, tum ad oblectationem, cultumque rerum omnium opificis, utilis ac necessarius, ab eodem deducitur succo, fibras cerebri & nervorum ita opportune rigante, & intendente, ut rerum objectarum tactu pulsuque concitatum in sensorio motum, illico ad interiorem animæ sedem, sive cerebrum, cujus sunt filamenta, traducant. Ad cuius quidem rei intelligentiam hæc tria probe distinguenda sunt: Actio nimirum objecti, sive rei sensibilis, in organum, hincque excitata ejus mutatio, sive motio, & hanc consequens perceptio in mente, qua verum demum sensum constitui, nemo, opinor, quisquam diffitebitur.

Ac quum objecta sensuum res tantum corporeæ constituent, id quidem de illorum actione primo com-



conmemorandum est, eam in sola motus impressione, *Actio objecti*  
 facta in organo, consistere. Quippe cum omnium *consistit in mo-*  
 corporum actio, & vis effectrix motione expediatur, *tione organi,*  
 atque in objectis, quæcunque sensus nostros affici-  
 ciunt, nihil deprehendamus aliud, præterquam vari-  
 am suarum, quibus constant, partium, ratione figu-  
 ræ, magnitudinis, situs, ordinis & motus, texturam  
 & dispositionem, qua vim habent & habitudinem va-  
 riis sensuum organis varias motiones imprimendi.

Quo facile popularis patet error, quo infantia delus *Motum organi*  
 præjudiciis, illas affectiones, quæ a rebus, organa *sequitur per-*  
 moventibus, in mente excitantur, & quarum aliis co- *ceptio in men-*  
 loris, aliis odoris, soni, saporis, caloris, frigorisve, *te, que cum*  
 nomen inditum est, ipsis in rebus contineri, existima- *actione objecti*  
 mus: cum tamen ex affectiones ex se, suaque vi seor- *plerumque*  
 fim a sensibus consistant, sed solum effecta quæ- *confunditur.*  
 dam sint, occasione motionum, ab objectis organis  
 nostris impressarum, in mente resultantia, atque ad-  
 eo ad sentientem hominem recte referantur, rebus au-  
 tem ipsis sensibilibus non magis possunt attribui,  
 quam dolor, vel voluptas, illi objecto, cujus ope in no-  
 bis exoriuntur. Ut enim in dolore & voluptate nihil  
 percipimus, quam mentem grata ingrataque frui co-  
 gitatione: sic in sensu coloris, soni, saporis, & simi-  
 lium, nihil animadvertimus, quam mentem tali, vel  
 tali modo affici, quem hoc illove nomine appellare  
 atque exprimere didicimus. Ita vero nobiscum na-  
 tura comparatum est, ut propter arctissimam mentis  
 & corporis unionem, & nexus inter perceptiones il-  
 lius,



lius, huiusque motus, ipsas perceptiones mentis cum objectorum motibus & impressionibus, quia eodem fiunt tempore, plerumque confundamus, atque istas, quæ ad mentem pertinent, ad has, ipsaque objecta, referamus, siquidem causæ illarum sensationum paulo sunt occultiores, & nullum suarum motionum, quibus excitantur, documentum nobis manifestum exhibent, neque hæ tamen fieri in organis sensuum possunt, quin illico, vi unionis illius, perceptiones, sive sensationes in mente conjungantur.

*Quid species, vel qualitates sensibiles?* Quæ quidem confusio, minus considerata, illa specierum & qualitatuum sensibilium, cum realium, quas vocant, ab objectis tamen, horumque modis, atque affectionibus mechanicis, distinctarum, tum intentionalium, sive inmaguncularum, materiæ experimentium, & spiritalium, quæ tanquam rerum simulacra, & idola, ex objectis exire, & huc illuc per aëra vagare creduntur, peperit commenta. Quibus quidem, non est, quod hic diutius immoremur, cum satis jam cognitum sit, nil nisi motus ab objectis, idque vel immediate, vel aliorum interventu corporum, ætheris nimirum atque aëris, sensoriis nostris imprimi. Species vero, vel imagines rerum ejusmodi constat esse, de quibus, ut scite judicat illustris Autor Medicinæ ment. & corp. p. 293. nullus hominum, quicquid conetur, ullum possit formare conceptum, nec ullum quis imposterum sit formaturus. De quo qui dubitare ausit, is secum apud animum cogitet, unde species oriantur, vel imagines, cum ex ictu oculi scintillulæ lucis,



lucis, & varia colorum genera oculis obversantur: vel cum in guttis pluviis colorem luteum, coeruleum, & rubrum, æque ac inprismate vitreo, cernimus, prout superficies ejus luci & oculis vario modo opponitur. Nec enim putarim fore, qui vel in pugno, obvioque corpore alio, a quo ictus infertur, vel in aqua pluvia, aut in prismatico vitreo, simile quid scintillulis lucis, vel coloribus, oculis tunc obversantibus, inesse existimaverit. Quodsi in his nondum acquiescendum putet, amplius consideret, quomodo ex tanto maximorum & vastissimorum corporum, solis, lunæ, stellarum, & cœli ipsius, quæque in tellure existunt, numero species per unius angustiam pupillæ sine confusione ingredi, atque exiguo retinæ spatio comprehendi, & traduci ad cerebrum possint: Et quomodo eadem illorum corporum magnitudo videri a multis eodem tempore queat. Aut qua ratione imago ejusmodi & species, si per telescopium, vel microscopium, objectum inspiciatur, repente sexcenties major fiat, quam ante fuit: Quæque demum figura, vel imago, renunciât objecti distantiam & situm, vel calorem referat, aut frigus, vel sonum, saporem, odorem, & similia? & haud difficulter adducetur, ut credat, nihil ab objectis, præterquam motum, in organis sensuum imprimi, atque ex varietate motuum affectiones illas varias, vel cogitationes, quas coloris, soni, odoris, caloris &c. nominibus appellamus, in anima demum sentiente exoriri, ita ut, si nulla esset anima sentiens, nullus quoque color, sapor, sonus,



odor, & calor existeret, quamvis materia ætherea, aër, salia, effluvia salina & sulphurea, omniaque illa, a quibus effectus ejusmodi & sensationes in mente excitantur, objecta adessent, organaque corporea commoverent. Nam illæ species, quas vulgo appellamus sensibiles, non proprietatem corporum absolutam denotant, sed relationem habent ad nostrum corpus, & inde oriundam perceptionem, sive sensationem in mente, quam, uno quidem relatorum deficiente, vel sublato & ipsam relationem tolli oportet. Quorsum, ut annotavit A. Gellius, respicientes olim Philosophi Pyrrohnii & Sceptici, non certitudinem tantum sensuum, sed etiam omnium, quæ ab iisdem dependent, scientiarum, fundamenta exagitare atque convellere laborarunt, quod, ut Rohaultius advertit in Tr. Phys. P. I. c. II. sensus ostendant quidem, quomodo a rebus sensilibus afficiamur, minus autem ipsas rerum naturas, & effectorum cum causis connectionem, attingant; in quo tamen philosophica rei notitia inprimis consistit. Neque profecto inter omnes sensuum ideas ullæ ad certam scientiam minus conferunt, quam quæ propriæ sunt singulorum sensuum, quum de ideis v. c. coloris viridis, vel alius vel soni, & similibus, nullum prorsus conceptum, nullumque adeo evidens ratiocinium, formare queamus. Namque hæ tantum in nobis existunt, nec aliud quid, quam mentis quandam affectionem, simul cum motibus organorum corporis productam, repræsentant. Cuius ut sumus conscii, sic inter eam, utpote quæ mentis



tis est, & motus organorum; nulla concipitur communitas, ex qua, qui hæc inter se cohæreant, ut motus certos corporis certæ cogitationes, vel affectiones mentis consequantur, ratione investigetur. Quare *vulgaris ob-  
jectorum di-  
visio.* ad intelligendam sensus rationem, rerumque sensibili-  
um vim & actionem, parum quidem conducere videtur illa vulgaris divisio objectorum in ea, quæ pluribus sensibus communia, & quæ uniuscujusque propria sunt, quum hæc postrema cum ipsa mentis operatione, sive perceptione, manifesto confundantur. Sic nihil frequentius est, quam sensum caloris, qui vi & actione ignis in nobis excitatur, cum ipsa actione ignis confundi. Nam calor tale quicquam non est in igne, vel rebus aliis, quæ calidæ dicuntur, quale a sentientibus percipitur, sed potius est affectio quædam, in sentiente ab appulsu ignis, vel alius rei, quæ calida dicitur, excitata. Nec secus sentiendum de qualitatibus ceteris, quas modo diximus sensibilibus. *Melior.* Magis e re fuerit, si cum Consentino in Progymn. de sens. p. 5. eorum, quæ sensus nostros afficiunt, quædam advertamus ipsis in rebus inesse, suæque vi seorsum a sensibus consistere, alia vero in sensu demum nostro, & cogitatione, occasione motus corporei exoriri. Prioris generis sunt extensio, magnitudo, figura, motus, & quicquid est corporeorum attributorum, modo iisdem nihil cogitationis misceatur. Quorsum proinde pertinent, quæ ex illis proficisci dicuntur qualitates, asperitas & lævor, durities & mollitudo, concretio & liquor, & hujusmo-



di aliæ. Alterius autem generis sunt colores, sapes, odores, soni, calor item & frigus, dolor & voluptas, quæ quippe omnia a rebus sensibilibus in nobis quidem excitantur, sed ad sentientem potius hominem, quam ad res ipsas sensibiles, referenda sunt.

Neque vero ab objectis aliud quicquam, præterquam motum, sensoriis nostris recipi, neque aliam in iisdem, præterquam situs & motus suarum particularum mutationem, ex impressionibus objectorum procedere posse, ipsa nos constructio organorum, & varius partium, quibus constant, apparatus admonet, artificio prorsus divino ad id accommodatus, ut suscipiendis propagandisque sensibilibus motionibus apta sint atque idonea. Qua de causâ pro varietate objectorum organa varie conformata sunt, itaque contexta, ut quædam horum tantum corporum, alia aliorum motus excipere possint. Hinc alia oculi, alia auris est constructio, & fibrillæ, quibus ille constat, longe sunt tenuiores, multoque aliter contextæ, quam quæ hanc efficiunt. Nam aliud organum, quo nimirum immissi radii lucis dirigantur, & impressiones ejus recipiantur, visus, aliud, quo nempe primæ vibrationes aëris augeantur, ac propagentur, auditus requirit. Eadem est reliquorum ratio sensuum.

Quamvis autem organa eorum variis constant partibus, quibus objectorum impulsus suspiciuntur: tamen earum una immediatum uniuscujusque sensus instrumentum constituit, eaque semper quædam nervi est extremitas, in membranam, papillas, fibril-

*Objecta nihil, præterquam motum, organis inprimis inprimis.*

*Organa variis constant partibus, quarum una est extremitas nervi, & immediatum sensus instrumentum.*



fibrillasque abiens, in quam irruens objectum, pro varia suarum partium dispositione, motionem variam imprimit, ulterius ad cerebrum, sensoriumque commune, deferendam, ut ibidem a mente percipiatur. Neque enim actio objecti, quod tangit & movet organum, neque mutatio in eodem, quæ ex ista motione procedit, neque hujus transmissio ad cerebrum, sensus est, sed demum id, quod occasione illius mutationis motionisque in cerebro, in mente resultat, ut pote quæ, *Mens quomodo sentiat?* dum motiones & mutationes illas, quæ corpori ab objectis accidunt, percipit, munus sentiendi obit. Tantum nimirum, quod identidem diximus, valet lex illa consociationis & convenientiæ, quam præpotens rerum Architectus mentem inter & corpus, tanquam res natura diversas, intercedere voluit, ut videlicet occasione certorum corporis motuum, mens certas in se cogitationes, quæ alioquin, utpote a motu toto genere diversæ, vi motus, aut mutationis corporeæ, haud sequerentur, excitet, hisque distinctas rerum ideas exhibeat sibi ac repræsentet, in quo ratio cognitionis nostræ omnis consistit. Nam ex cogitationibus, tanquam ex fonte, occasione sensuum veluti patefacto, omnis profluit scientia, quæ quidem in hominem cadit. His exceptis, quicquid in amplissimo naturæ theatro sistitur, ad nostram, quam de rebus capimus, cognitionem non pervenit, nisi notionum ope, quas mens concipit, sibi que repræsentat. Eas enim solas, nullo alieno adiuti subsidio, sed ipsa suggerente conscientia, compertas habemus. Cetera vero cun-



ita earundem ministerio scimus. Tali modo sensus ille vivus & coelestis, qui mens, vel animus nuncupatur, corpori, & per corpus rebus omnibus, quæ corpus movent, quæque ad hominum societatem & conservationem pertinent, illigatur, & quamvis ex longe lateque summotæ sint, veluti in conspectu omnes sibi constituit. Quod quidem quomodo fiat, Deus novit artifex, cujus nutu atque arbitrio sicuti unio mentis & corporis, & mutuuum illud, quod inter has natura diversas substantias intercedit, commercium: sic quoque ista rerum corporearum & sensibilibium in mente excitata perceptio, constat sibi vigetque, cum ipsa mens, quo afficiatur modo, ignoret, nescia prorsus, quid rerum in cerebro geratur, eoque, quod modus ille a sola Dei voluntate pendeat, nec divinitus patefactus sit, ejus plane secura.

Etsi vero modum, quo res sensibiles, motusque corporis, mentem immaterialem afficiant, ingenue ignoramus: tamen, quia illam constautem cogitationum unius cum motibus alterius convenientiam, sua cujusvis conscientia teste, in nobis experimur & animadvertimus, id saltem tuto affirmare possumus, mentem sentiendi munus obire, cum in eadem certæ cogitationes a certis motionibus corporis excitantur. Quæ proinde motiones ut variæ sunt & diver-

*Unde varietas motionis organorum, ab objectis impressa, & ipsius sensus?*

sæ: ita pro sua quæque indole, alias atque alias in mente perceptiones, sive cogitationes, quas rerum ideas appellamus, gignunt. Motionum autem diversitas cum ex objectorum varietate, tum ex diversa organorum conformatione, proficiscitur. Ut nihil

for-



fortasse erraverit, qui affirmarit, sensus omnes diversos esse tactus, eorumque discrimen pendere ex diversitate tangentium, & contactorum, cum una sit mens, quæ varie sentiat, pro objectorum & organorum discrimine & varietate. Id quod veteri Philosophiæ consentaneum esse nos illud celebre doceat effatum, quod etiam Aristoteles laudat, & Epicharmo vindicat Tertullianus: *ὅλα ὅλα, ὅλα αἶσθησι*, mens videt, mens audit; cæca, sūrda sunt omnia. Ac nescio, an quisquam melius Cicerone, id quod volumus, expresserit ac comprobavit. Nos ne quidem oculis, inquit, cernimus ea, quæ videmus. Neque enim est ullus sensus in corpore, sed, ut non solum physici docent, verum etiam medici, qui ista aperta & patefacta viderunt, viæ quasi quædam sunt ad oculos, ad aures, ad nares, a sede animi perforatæ. Itaque sæpe, aut cogitatione, aut aliqua vi morbi impediti, apertis, atque integris oculis, & auribus, nec videmus, nec audimus: ut facile intelligi possit animum, & videre, & audire, non eas partes, quæ quasi fenestræ sunt animi. Qv. Tus. I. 20. Hanc deinde doctrinam secutus Cartesius, non corpus, sed animum sentire docuit, ostenditque ex eo, quod quantumvis objectum agat in organum, omnesque corporeæ motiones, quæ sensum excitare solent, adsint corpori, distracta tamen animæ cogitatione, sentiamus nihil claro satis indicio, sensum in cogitatione & perceptione, quæ mentis est, non corporis, consistere. Quod certe cum cuivis non raro evenit, ut, cum intenti ad cogitandum sumus, & cum mens occupata in altum se abdiderit, neque audire, quæ circumsonant, neque videre, quæ obstant, soleamus,

*Omnis sensus  
fit tactu.*

*Anima, non  
corpus, sentit.*

mus,



mus, tum vero cædes Archimedis Syracusani, a milite, dum strictus gladius a mente, speculationibus mathematicis nimium immersa & detenda, minus percipitur, infeliciter jugulati, luculenter testatur. Ut proinde paucis, & nisi me fallit opinio, perspicue, omnem sentiendi vim & facultatem complexus sit, quem modo laudavimus, Philosophus Renatus, quum objectorem impressiones & motus corporis a perceptione judicioque mentis segregans, tres in sensu gradus distinxit, Ad horum primum, utar verbis ejus in Resp. ad Ep. VI. pertinet tantum illud, quo immediate afficitur organum corporeum ab objectis externis, quodque nihil aliud esse potest, quam motus particularum illius organi, & figuræ ac situs mutatio, ex illo motu procedens. Secundus continet id omne, quod immediate resultat in mente ex eo, quod organo corporeo sic affecto unita sit, talesque sunt perceptiones doloris, titillationis, sitis, famis, colorum, soni, saporis, odoris, caloris, frigoris, &c: Tertius denique comprehendit omnia illa judicia, quæ occasione motuum organi corporei de rebus extra nos positis ab ineunte ætate facere consuevimus. Quo perspecto discrimine, id quidem clare intelligitur, primum illum sensus gradum solius esse corporis, non mentis, quum nihil involvat cogitationis, ac sine perceptione fieri, ut supra dictum est, possit & soleat. Patet etiam, non minus secundum, quam tertium, gradum mentis esse, quia in perceptione & judicio, quæ solius sunt cogitationis, ab impressione motioneque corporea longissime segregatæ, consistunt. Cum enim res sensibiles,



sibiles, ut pulchre contra Huetium disputat CL. Volde-  
rus, nihil efficiant, præterquam motus quosdam cor-  
poreos, horumque vi nulla sequatur cogitatio, propter-  
ea, quod illi motus cum cogitatione nihil habeant  
commercii, sed tota natura ab eadem differant, con-  
sequens utique est, eas cogitationes, quæ hosce mo-  
tus comitantur, a mente produci, cui quippe id da-  
tum a Deo O. M. mentem creante, & cum corpore con-  
jungente, ut occasione certorum motuum corporeo-  
rum, certas cogitationes in se excitet, quamvis cum illis  
motibus nihil habeant commercii.

Quum igitur non ipsum sit objectum, minus  
quædam ejus species, quæ cerebrum subeat, sed tan-  
tum motus, qui ab impressione objecti, facta in orga-  
no, proficiscitur: in memoriam revocandum est, id  
quod initio indicavimus, medium illud ac vehiculum,  
quo illa mutatio organi cujuslibet, motioque, quam a  
movente objecto subit, in cerebrum perfertur, ut  
mentis perceptioni judicioque submittatur. Id vero  
succus est nervosus, quo placide perfusæ cerebri ac  
nervorum fibræ ita opportune ac separate omnes  
extenduntur, ut vix ulla pars corporis, cui aliqua ea-  
rum innectitur, tangi & moveri possit, quin simul  
moveatur succus iisdem comprehensus, atque per  
concitatas ejus undas, fibrarumque forte ipsarum tre-  
mores, consimilis motus ad communem illarum stir-  
pem traducatur, dum nimirum succi illius partes  
posteriores premendo priores, eademque porro sibi  
proximas urgendo, impressionem ab objecta re fa-

*Succus ner-  
vosus est ve-  
hiculum mo-  
tionis, qua ab  
objecto im-  
pressa in or-  
gano, ad ce-  
rebrum de-  
fertur.*



ctam, continuatis undis tremoribusque per totam fibræ longitudinem, ad cerebrum propagant. Quorum inprimis faciunt ductus fibrarum nervosarum cylindrici non ramosi, quorum constructione fit, ut eadem vi, qua fit fluxus, vel motus directus a machina cerebri, tanquam illius succi fonte & officina, per longitudinem fibrarum cylindricam usque ad earum fines, fieri etiam possit ab his refluxus, vel motus potius reflexus ad cerebrum, & si prohibeatur effluxus liquidi e finibus, refluxusque ille minima quacunque vi, ductus fibrarum, hasque tendentis succi particulas satis solutas urgente, fiat, refluxus concitetur per minimas, satis tamen vividas tum commoti succi undas, per omnem ductus cylindrici tractum ad usque cerebrum & principium fibrarum se diffundentes, de quibus nervorum undis Bellinus legi meretur l. c. Prop. XXIX.

*Ejusdem ministerio succi mens, habitans in cerebro, toti præest corpori.*

Qua ratione, illius ministerio succi, mens toto corpore veluti per sensum diffunditur, & in qualibet regione membrorum præsens est, ac universum ratione moderatur, nusquam vero alibi corporis, præterquam in cerebro, tanquam in totius divini operis culmine, & arce, habitat, munusque sentiendi exercet. Nam eo sensus omnis, id est, audiendi, & videndi, & odorandi, & gustandi, tangendique organorum viæ ducunt & confluunt. Quo fit, ut læso cerebro, & vel somno, vel aliqua vi morbi impedito, aut obstructis nervorum viis, vel modo alio ita oblæsis & labefactis, ut ad cerebrum ex sensoriis iter minus pateat,



eat, sensus quoque lædatur & impediatur, nec quicquam eorum percipiamus, quæ oculos, aures, aliaque sensuum organa, ad excipiendum ceteroqui patentia, & integra, percellunt. Cum contra bene habentibus his membris ministris, salvisque existentibus cerebri & nervorum fibris, necessario sensus fiat, quando nec rerum forinsecus advenientium incursum, & hinc excitatam organorum motionem, neque hujus progressionem ad cerebrum, nec inde orientem perceptionem, mens impedire, vel mutare potest, nisi forte alio intenta, objectorum, quæ organa feriunt, impressiones minus animadvertat. Hinc etiam, si attendamus nostris cogitationibus, eas intus in cerebro fieri percipimus, atque in meditationibus multum intensis, ac diuturnis, eam partem perturbari valde, nec raro molesta quadam tensione affici, comperimus. Quibus addendum, quod ii, quibus tibia, aut manus amputatur, subinde de dolore, tanquam in ea corporis parte, qua truncati sunt, adhuc affligente, conquerantur; magno quidem indicio, non in partibus affectis, & sentiendi organis, sed ipso in cerebro a mente sensationem fieri, tametsi ad locum, qui impellitur, dolorem ipsum, aut sensum referamus. Inter cetera notatu dignum est, quod habet Cardanus libr. de Variet. Narrabat mihi, inquit, Lætantius Florentinus, quod cum ei manus sinistra præcisa aliquando fuisset, & Norisæ Medico dextra, dum simul fabularentur, quisque affirmabat, in trunco brachii sensus digitorum mansisse juxta nervorum in digitos descendentium



rationem. Mitto alia ejusdem generis exempla referre, quæ apud Gassendum, Cartesium, & alios occurrunt.

*Sedes mentis  
& sensorium  
commune est  
centrum ova-  
le, vel medi-  
tullium cere-  
bri.*

Cum vero variæ sint partes cerebri, tum nulla exercendis sensuum operationibus aptior haberi potest illa, quæ corporis callosi, centrique ovalis, nomine donata, quædam est congeries & complexus fibrarum albescentium, araneæ tenuissima vincentium stamina, atque ex arteriis partis cinereæ, vel vasculosæ, egredientium, quæ ab opifice summo mirabiliter colligatæ, & sibi mutuo confertæ, centrum illud & meditullium cerebri contextunt, indeque ulterius productæ, atque in varios collectæ fasciculos, ex illo fibrarum fasce, quem medullam appellamus oblongatam, nervorum nomine in omnes corporis partes deducuntur, hasque cum meditullio cerebri, tanquam stirpe, eo artificio copulant, ut a levi ictu & agitatione illarum fibrarum motus illico vegetus in sensorio communi excitetur, nec raro inde mox motus alii, per nervos alios, ad extra, atque ad musculos tendentes, resultent, nutu quidem & arbitrio mentis plerumque, interdum vero illa etiam minus attendente. Quamobrem illam cerebri partem, ubi mens ope nervorum ab omnibus membris affici, quæque adeo geruntur in corpore, cujus dominatum tenet, sublimis contueri, & vicissim quosdam illius motus, quos ideo voluntarios dicimus, regundo, in corpus agere, potest, merito sensorium interius & commune, sensum vero illam mentis operationem jure appellamus, qua



ea rerum sensibilibus impressiones, atque inde orientes organorum motus, opera nervorum, hosque rigantis succi ministerio, in illo cerebri meditullio percipere & cognoscere potest.

Ex quibus jam clarum est, unum in homine sensum esse, quia una in eodem est mens, five anima, ea-  
 que simplex & cogitans substantia, quæ tamen prout <sup>Unus est sensus, qui vulgo in externum & internum dividitur.</sup> motibus variis, vel ab objectis præsentibus organis inditis, atque ad cerebrum propagatis, vel remotis objectis, & feriantibus organis, intus in cerebro quavis de causa denuo resuscitatis, cogitationes suas varias, ad res corporeas percipiendas, accommodat, modo sensus externi, modo interni, & prout per oculos videt, visus, prout per aures audit, auditus, & ita porro aliis sensuum nominibus appellatur. Etenim cum in illa mentis & corporis unione omnis nostra sensatio mutationibus illis & motibus, quæ fiunt in fibris cerebri, alligata sit, id quidem facile intelligitur, inter utrumque sensum, quem vulgo externum internumque vocamus, nihil aliud interesse discriminis, <sup>Utriusque discrimen.</sup> præterquam illud, quod sensus externus fiat perceptione motuum, ab objectorum præsentium impressionibus prodeuntium; sensus autem internus in perseverante, vel repetita motionum illarum, quæ absentibus etiam objectis, nihilque amplius cooperantibus organis externis, quavis alia de causa in sensorio communi denuo excitantur, perceptione, hincque resultantium in anima specierum contemplatione, verfetur. Quo posito discrimine, illud amplius liquet,



*Vulgaris sensus interni divisio,*

*Sensus internus vel confunditur cum intellectu*

*Vel sensus est externus,*

nihil esse causæ, quamobrem entia hic præter necessitatem multiplicemus, pluresque sensus interiores constituamus, quemadmodum ex schola Arabum accepta, vulgaris illa in sensum communem, phantasiam & memoriam divisio jam pene invaluit. Nam quod ad sensum attinet communem, is vel pro ipsa ratione, sive intellectu, sumitur, quando videlicet stupidi & stolidi sensu communi, id est, usu rectæ rationis, carere dicuntur, vel a sensu ipso externo, nimirum visu, auditu &c. nihil omnino differt. Ecquid enim aliud intelligere potuerunt, vel veteres, cum sensum communem appellant facultatem, quæ proprietates omnium sensuum externorum complectitur, vel recentiores, ex quibus, ut unum hic nomen, laudatus Vieussens l. c. c. XXIII. sensum eundem communem ipsam, dicit, esse animam, spectatam, prout sensuum ministerio peculiarium quorumvis corporum præsentium ideas admittere potest, quæ in ipsa, peculiarium ex occasione motuum, producantur, quos peculiaribus eadem corpora organis sensuum mediate, vel immediate admota, nervorum & spiritus animalis interjectu, in ovali centro excitant. Quibus quid aliud denotetur, quam sensus, qui vulgo externus vocatur, ego quidem non capio. Neque est, quod quis cum CL. Bohnio, qui ceteroquin isti sensuum divisioni minus favet, prætendat, sensum illum communem se tanquam interstitium ac mediatorem inter sensus externos & internos habere, propterea, quod & sensus sit reflexus, quod de sensibus externis dici



dici nequaquam possit, resque sensibiles, v. c. colorem a sapore, distinguat, & phantasïæ atque memoriæ tradat & concredat l. c. Prog. XXIIIX. Quodsi enim non corpus, vel organum, externum, vel internum, sed ipsa mens per oculos videt, per aures audit, resque alias corporeas per organa alia, quæ illis moventur, in cerebro, sensorioque interno & communi, sentit & dignoscit, tum certe ea & sensus, si ita placet, externus, secundum communem vocabuli notionem, & reflexus pariter recte vocabitur, quia tunc objectorum præsentium impressiones eadem ipsa percipit anima, atque adeo se percipere intelligit, & suæ perceptionis sibi optime conscia est. Nec ullo opus habebit mediatore, quo sensibilia distinguat, ac veluti per manus phantasïæ atque memoriæ tradat. Quippe cum sensus omnis, si corpus spectes, motionibus organorum, fibrarumque cerebri, sin animam respicias, perceptione earundem motionum, expeditur.

Quare unus sufficit sensus internus, nimirum imaginatio, eaque, si consideremus corpus, in continuata; vel iterata fibrarum cerebri, cujusmodi ab objecto, recens, vel olim, illata ab objectis per organa fuit, commotione consistit, a quacunque causa excitetur. Nam fieri motiones ejusmodi in cerebro nequeunt, quin protinus cogitationes ipsis respondentibus in mente excitentur; eoque fit, ut & res modo perceptas aliquandiu animo & cogitatione completamur, & diu, vel brevi, anteaclarum, aut cogitata-

*Sensus internus sufficit unus, nimirum imaginatio.*

rum,



*Quid memoria?*

rum, recordemur, Quorsum imprimis facit, quod, ut identidem monuimus, ea arte disposita est cerebri fabrica, ut a subeunte tenui succo fibræ ejus, & hinc procedentium nervorum, in moderata tensione conserventur. Hoc enim assequuntur, ut non solum cujuslibet mutationes organi, quas a movente re objecta subeunt, sive vibrationes, suscipere, atque ad cerebri, iisdem conjunctum, propagare, sed etiam conceptas semel motiones in eodem & conservare aliquandiu, & cum intermiserint, facile iterare possint. In qua proinde facili promptaque ratione iterandi similes motiones omnis memoriæ, sive reminiscentiæ, vis & facultas posita est. Nam illarum occasione motionum eadem cogitationes, quæ motionibus ejusmodi semel in anima obortæ fuerunt, mentem denuo subeunt, inter quas quippe, semel in animo conjunctas, cum esse nexum comperimus, ut una in memoriam revocata alias quasi fune quodam trahere soleat. Unde quæ in exercenda hac operatione occurrit difficultas, ea potissimum a cerebro pendet, ad concipiendos motus, excitandis cogitationibus mentis necessarios, minus præparato, & assuetudine proinde operandi plerumque superatur. Nam repetitis actibus habitus comparatur, sive ejusmodi dispositio, qua mens facilius de re aliqua cogitat, aut aliquid vult, quam antea. Quam quidem habitudinem acquiri potissimum in organo, incrementum illius, ac decrementum probat: cum crescere posse, ac decrescere, rei competat, partes habenti, qualis non mens,



non mens, sed organum est. Itaque ut quædam certæ perceptiones, quæ aliquando ab objectis excitatæ fuerunt, iterum in mente resuscitentur, necesse est, ut similes motiones fiant in cerebro, cujusmodi fiebant, cum a præsentis objecti incursione commotæ fibræ nervæ in organo, motum eundem in sensorio communi, sensumque ipsum in mente excitarent. Inde vero omnes mirandi memoriæ effectus fluunt. Nam quo promptiores sunt ad motiones fibræ, hoc vegetior est memoria, eaque non raro loquendi facultas comparatur, ut, si unius tantum vocis recordemur, mox concepto semel ordine reliquæ consequantur, tantaque interdum celeritate proferantur, ut etiam lingua mentem præcurrat. Hinc quo sæpius objectum iteratum fuit, vel vividius semel, aut levius sensus movet, hoc facilius memoriæ infigitur, diutiusque hæret, vel citius iterum eadem excidit. Multoque eandem ob causam distinctior est recordatio eorum, quæ oculis usurpavimus, vel auribus percepimus, quam quæ solius vi imaginationis concepimus. Neque aliter explicanda est vulgaris loquendi ratio, qua memoria conservare & custodire dicitur species, ab objectis extrinsecus profectas. Namque vestigia illa, quæ impressiones & motus, ab objectis prodeuntes, in cerebri substantia relinquere dicuntur, nihil aliud sunt, præterquam certæ quædam motiones, in fibris illius ab objectorum impressionibus primum orientes, & deinde superstites aliquandiu, vel quavis occasione revertentes. Quæ cum nul-

*Quid species  
sensibiles, vel  
idea rerum,  
in cerebro  
anima reli-*  
ta?



lam habeant similitudinem, vel cum objectis, a quibus sunt profectæ, (quid enim motus fibrarum cerebri simile habet cum auro, a quo reflexi lucis radii motum in nervis oculorum opticis, illumque in fibris cerebri excitant?) aut ipsis imaginibus, quas mens cogitando depingit, (nam cogitatio mentis, & motio corporis natura differunt) id unum hic superest, ut semper redeamus ad illam, quam sæpe attulimus, mentis & corporis unionem, qua nempe impressionem in cerebrum factam animus percipit, & vicissim animi nutum quidam corporis motus statim exequuntur. Cumque perceptio omnis cogitatione fiat, nil quidem opus esse apparet, ut præter ipsas perceptiones, vel cogitationes, alias quasdam species, vel ideas, a perceptione distinctas, quæque, tanquam vicariæ, objecta ipsa exhibeant ac repræsentent, admittamus. Nam cum divinum Numen homini facultatem percipiendi motus corporum sit largitum, indulset pariter, ut mentis perceptiones corpora cogitatione repræsentarent, sic ut nullo neque novo ente, neque nova imagine opus esse putemus. Unde quemadmodum motione, a re quapiam per organa ad cerebrum traducta, rem ipsam percipit mens & cognoscit: ita rei ejusdem, vel cogitationis, qua rem eandem percepit & cognovit, recordatur, quoties vel ipsius nutu mentis, vel fortuito, similis commotio in sensorio communi resultat, quæ si vel motu humorum, & pulsatione arteriarum, cerebrum alluentium, & pervadentium, vel idem invadentis succi, vel ipsarum



rum culpa fibrarum, tremorem undasque varias, quibus sunt adsuetae, concipientium, etiam in somno *Insomniarum* at, tum variae, & saepe minus cohaerentes, atque in- *quid?* conditae cogitationes, quae vocantur insomnia, exoriuntur. Neque aliter cum delirantibus agitur, qui etiam vigilantes, propter impressas fortius & constantes, ac confusas plerumque, interiores in cerebro motiones, se talia cernere, & audire, opinantur, quae alii adstantes neque cernunt, neque audiunt.

Atque haec quidem, quanquam diffitendum non *Suspecta de* est, suis quoque angustiis laborare, tamen minorem *ideis opinionibus,* habent difficultatem opinione illorum, qui objectorum imagines, sive simulachra, aut ideas, veluti notas & stigmata, medullae cerebri, tanquam saxo, vel tabulae, insculpi, aut uti rotae currus, & pedes animalis, in nive, vel arena, aut luto, sui vestigia relinquere credunt. Nam, ut saepe diximus, non ipsum objectum, multo minus ejus species, vel typus, aut character, a liquido nervorum in organis suscipitur, atque ad cerebrum, quae multorum est opinio, apportatur, sed tantum motus est, qui ab objecto per organum eo defertur. Et quod quæso sui simulachrum, vel idolum, in cerebro relinqueret sapor dulcis, acidus, vel amarus, aut alius, vel odor varius, aut sonus campanae, vel calor fornacis, aut frigus glaciei, & ita porro? Quaecumque dici, nec concipi queant, id quidem facile liquet, ipsam sensus actionem; sive perceptionem, cum actione corporea, quae in solo consistit motu, hic confundi, atque ideas, quae mentis sunt cogi-



tationes, cerebro immerito affingi. Neque vero magis amplectenda videtur illorum sententia, qui fibras cerebri pro varietate sensationum in varias rugas, chartarum more, vel linteorum, varie plicari, iterumque extendi & explicari, quo doctissimum Malebranchium inclinare video; vel poros cerebri & meatus modo hos, modo illos, pandi magis & aperiri, nunc claudi iterum & coire, ac varie per consuetudinem præparari, indeque cursum conclusi iisdem liquidi, vel spirituum, quos vocant, ad invenienda rerum vestigia, cerebro impressa, per vias varias variari, existimant. Nam & hæc non magis cum exposita superius constructione cerebri, quam cum spiritu illo animali, agili, & auræ instar mobili, omniaque in corpore pervadente, cujus plenum esse volunt cerebrum, conveniunt. Ac irritam omnino illorum esse operam & curiositatem, qui post fata demum in cerebris demortuorum vestigia illa & simulachra rerum venari instituunt, vel inde haud difficulter colligas, quod sensus nulla mutatione cerebri, præterquam motione excitetur, quam frustra in fibris cerebri, quæ in vivis a subeunte succo tensæ, atque in moderato motu tonico constitutæ, quasvis motiones facile recipiunt, & reiterant, post mortem collapsis & compressis, ac inhærentis stagnantisque succi corruptione sensim diffluentibus, atque in putrilaginem abeuntibus, quæsieris.

Cum igitur unus tantum sensus sit, qui pro objectorum præsentia, vel absentia, modo externus,  
mo-



modo internus, sive imaginatio, nuncupatur, id qui- *Ut unus sen-*  
dem porro liquet, quod multis argumentis evicit Jul. *sus, sic una*  
Cæsar Claudinus de Sed. Fac. Princ. unam etiam ejus- *eiusdem sedes*  
dem sensus & imaginationis sedem esse, in eaque, tan- *in cerebro.*  
quam in mentis regia, omnem exerceri sensum, quo-  
cunque demum is nomine appelletur. Id quod et-  
iam inde haud temere conjicias, quod, quia per duos  
oculos, & per aures duas, rem tantum unam & sim-  
plicem percipimus, locus sit statuendus, in quo duæ  
impressiones, per duo organa ab uno orientes ob-  
jecto, rursus coeant. Hunc vero locum cen-  
trum ovale, vel meditullium cerebri esse, non sine  
magna probabilitate superius affirmavimus, & senso-  
rii communis nomine dignum judicavimus. Quo *Falsa de se-*  
minus consentire possumus, vel venerandæ antiqui- *dibus sensuum*  
tati, quæ apprehendendis rerum idolis potissimum *distinctis opi-*  
anticam cerebri sedem, retinendis posticam, mediam *niones.*  
reminiscendis, dicatam esse, atque imagines rerum  
in ventriculis, tanquam in thesauro idolorum, asser-  
vari, credidit; vel recentioribus quibusdam, qui cum  
Willisio corpora striata sensus communis, cerebri ve-  
ro medullam & corpus callosum phantasiæ, vel ima-  
ginationis, ipsarumque imaginum & memoriæ se-  
dem partem illius cineream, vel corticosam, esse per-  
hibuit. Hæc enim omnia non nisi doctæ sunt con-  
jecturæ, quæ neque cum vasculosa fibrosaue cere-  
bri constructione, neque cum modo sentiendi conci-  
liari possunt. Quæ deinde pro confirmandis sedi-  
bus variis sensuum, vel de variarum capitis regionum



læsionibus, vel de manuum ad easdem admotionibus, cum recordari aliquid, atque imaginatione effingere volumus, adduci vulgo solent, ea experientiæ minus respondent. Quare his quidem diutius haud immorabimur. Non possumus tamen prætermittere, id quod pulchre & nervose adnotavit, quem sæpe laudavimus, CL. Verheyenus: Nonnulli, inquit l. c. p. 173. cerebrum primæ perceptionis, cerebellum memoriæ sedem statuunt. Verum cum memoria consistat in quadam facilitate & habitu iterate concipiendi idem objectum, non videntur majori fundamento actibus istis assignari diversa organa, quam assignantur illa, quibus perfectus saltator utitur, diversa ab eis, quibus in primo saltandi tyrocinio fuerat usus. Supra de glandula pineali diximus, basin illam, & sedem sensuum, operumque omnium, quotquot in cerebro fiunt, principium haberi a Cartesio. Quem etiamsi demus, hac parte falsam finxisse hypothesein, salva tamen & integra manet, & manebit, doctrina sensuum, quam, a sordibus peripateticorum repurgatam, illi debemus.

*Operationes  
solius animæ  
sunt intellectu-  
sus,*

Non solum autem homini vis percipiendi rerum sensibilibum impressiones, quam sensum & imaginationem diximus, divinitus contingit, sed etiam superior adhuc animi vigor est concessus, quo mens intelligendo in se ipsam reflectitur, atque ex occasionibus cogitandi, a sensu & imaginatione subministratis, notiones format varias, iisque collatis inter se & comparatis, eo ratiocinando provehitur, ut non solum res extensas & corporeas, sed ex observationibus rerum,

per



per singularium inductionem, res etiam incorporeas, quæque a sensibus longissime sunt remotæ, & nulla imaginatione ac specie corporea repræsentari possunt, animo concipiat & apprehendat. Talis operatio mentis intellectio nuncupatur. Cujus proinde est verum a falso discernere; siquidem veri cognitio in nostris, quos rebus convenientes formamus, conceptibus consistit, ea quidem cautione constituendis, ut rerum extensarum & cogitantium ideæ accurate distinguantur. Hanc altera sequitur operatio mentis, qua ea se libere ad illa, quæ intellectu concepimus & cognovimus, determinat, & quæ nos bene afficiunt, prosequitur & exoptat, quæ contra male afficiunt, fugit & averfatur. Quæ proinde operatio animæ voluntas dicitur. Ad has duas operationes referri potest, quicquid humana mens intra se agit & operatur, unde utraque operatio animæ propria esse dicitur. Atque his veluti gradibus rerum scientiam comparari ab ineunte ætate discimus, qua tanto quidem minus intelligimus & ratiocinamur, quanto minus sensuum usu exercitorum habilitas nos docuit. Equidem in intellectum tam injurius esse nolo, ut eum sensuum quasi servum appellare auserim, quorsum illi deferri videntur, qui mentis suæ vim rationemque nimium coercent, & cum Epicureis cuncta sensibus tribuere, horumque regulis omnia metiri volunt, parum attendentes, alias sensuum, alias intellectus ideas esse. Inficiari tamen non queo, id quod de sensuum ministerio vulgo præcipiunt, quando nihil esse in intellectu



An nihil in  
intellectu,  
quin prius  
fuerit in  
sensu?

tellektu, nisi quod prius fuerit in sensu, asseverant, concedendum videri, si in eam accipiamus sententiam, notiones & conceptus, quos de rebus, cum extensis & corporeis, tum materiei corporisque experibus, habemus & formamus, occasione sensus, eaque vel proxima & immediata, vel mediata & remota, in intellectu excitari, & nihil adeo in hoc esse, quin prius aliquo modo fuerit in sensu; vel per se, vel per partes suas, ut mons adamantinus: vel per effecta, ut Deus: vel per aliquid sibi simile, ut absentes, & vita functi, per depictas imagines: vel per opposita, ut invisibile per visibile: aut per fundamenta sua, ut universalia, per singularia; prout erudite ostendit CL. Gerardus de Vries Diss. de Usu sens. in philos. Quo ipse nostri, rerumque omnium, Architectus nos adducit, quum oculos attolli jubet, ac videri, quis creaverit ista. Idemque gentium Apostolus urget, quando Ethnicos ἀναπολογήτως pronunciat, quod non diligenter observaverint τὸ γνωστὸν τῆ θεῆς, quod ipsis manifestaverat Deus, quatenus ἀόρατα sua, æternam potentiam & divinitatem, conspicienda dedit & intelligenda ex conditi mundi structura. Id quod præclare intellexit Lactantius, cum ita doceret: Scientia ab ingenio venire non potest, nec cogitatione comprehendi: quia in se ipso habere propriam scientiam, non hominis, sed Dei est. Mortalis autem natura non capit scientiam, nisi quæ venit extrinsecus. Idcirco enim oculos, & aures, & ceteros sensus patefecit in corpore divina solertia, ut per eos aditus scientia perveniret ad mentem. Inst. L. III. c. 3. Hinc, vigentibus sensibus,



bus, vigere intellectum, iisdemque deficientibus, hunc quoque deficere, animadvertimus, & aetas non minus infans, quam exacta, clarissime confirmat, quibus uti sensuum, sic intellectus & rationis, usu minus valeamus. Quin nexus inter motus cerebri, & cunctas operationes mentis, tam arctus est, ut nihil ea cogitatione complecti possit, quin moveatur cerebrum, huiusque motio & constitutio prava vim quoque illius labefactet & pervertat. Nam cogitationibus intentis & acrioribus fatigari vires cerebri, & corporis totius, quivis in se ipso experitur. Ac quantum intellectus, intemperato & turbato cerebro, fatiscat, deliri testantur, & vis impetusque affectuum declarant, ac nemo non intelligit, cum exhausto vigiliis cerebro, vel somno alia de causa oppresso, intellectus pariter hebescit, quoad viribus somno relictis, illius etiam vires redintegrentur.

*Mentis operationes in hoc unionis statu simul pendens a corpore.*

Ex his vero, quæ de variis operationibus mentis hucusque sunt adducta, facile quis intelliget, unde illæ ingeniorum dotes, quibus alios aliis præcellere videmus, proficiscantur, neque opus esse perspiciet, ut eas ad primarum, quas appellant, qualitatum normam, harumque fictitias oppositiones & contrarietates, exigamus. Quemadmodum id quidem perperam molitus est Ianus Huartus, qui cum in suo ingeniorum scrutinio, opere cetera docto, ingenia, prout illorum temporum philosophandi ratio ferebat, pervulgato quatuor temperamentorum, & humorum sanguinis, discrimine æstimaret, necessario quamlibet



animæ, secundum illam vulgarem tripartitam divisionem, facultatem, qualitatis, quæ prævaleat, vim & indolem consequi debere, judicabat, sic ut imaginatio, calorem, siccitatem, iudicium, & memoria humiditatem exposcat; & si qua ceteris præstet qualitas, ingenii pariter facultas, quæ illa sustineatur qualitate, ceteris antecellat, futurumque adeo sit, ut quo plus addideris alteri, hoc magis detrahas alteri ac demas. Quam vero inepte temperamenta ex illo inani quatuor qualitatum, hisque respondentium humorum, commento, cui ceu fundamento universa quondam medicorum disciplina innitebatur, deducantur, notius jam est, quam ut exponi debeat. Præsertim cum constet, illas pariter qualitatum oppositiones, sive contrarietates nugatorias esse, neque aliter existere frigus & siccitatem, ac tenebras, nimirum ex negatione, vel privatione caloris & humoris. Res etiam ipsa docet, illas animi dotes perraro dissociari, sed vitio plerumque hominum ingenium pariter atque iudicium minus excoli & torpere. Cum multos contra videas miro & ingenii, & intellectus, sive iudicii, temperamento gaudere, & cogitando aliquid facile invenire, atque proposita ab alio cito capere, & firmiter tenere, & utrumque horum recto iudicio, ac veluti ad stateram examinare. Nec vero apparet, quomodo intellectus recte judicare possit, quod sensus & imaginatio non recte perceperit. Potius quo promptior rei est perceptio & imaginatio, hoc verius eam & melius intellectus definit. Profecto ut varia & mul-

*Qui ingenio, vel imaginatione, etiam intellectu valent.*



multiplex est natura sanguinis, ita fere multiplex est succi nervosi, qui ex eodem cerebrum intrat, indoles atque ad reficiendas, & tendendas hujus fibras, concipiendasque undas, habitudo, ex quo primo discrimine magna ingeniorum varietas existit. Quorsum proinde multum, patet, conferre, & coeli, sub quo alimur, educamur, & spiritum ducimus, & cibi potionisque varietatem, utpote ex quibus succi illi vitales conficiuntur, quibus universum corpus, & cerebrum, genusque nervosum rigari & alii, diximus. Quod certe in se ipso quilibet facile deprehendit, quando non tantum pro locorum, in quibus aliquandiu degit, sed etiam ciborum potusque, diversitate & copia, mutari vim ingenii persentiscit. Sunt vero, præter hanc causam, & aliæ ad ingeniorum varietatem insigniter facientes, qualis est capitis & cerebri structura, recta nempe conformatio ingenio confert, vitiosa nocet. Sic enim, autore Aristotele in Physign- qui fortem parvam habent, indociles; qui valde magnam, tardi. Media vero constitutio ad facilem apprehensionem juvare creditur. Sed rectius id omne ex interiori fibrosa cerebri textu, succique nervosi indole repetitur. Nam prout fibræ illius varie contextæ, & vel densius, vel laxius latæ, & crassiores sunt, vel tenuiores, aut earum quædam crassiores, quædam tenuiores, porosque magis, vel minus, aut inæqualiter patentes habent, necesse est, succum ex sanguine copia majori, vel minori, cumque vel crassiorem, & variis inquinatum particulis, vel tenuiorem, & magis, vel mi-



nus agitatedum, nec ejusdem in omnes fibras naturæ transmitti; indeque fibras nunc laxiores fieri, nunc varie tendi, atque adeo vim ingenii multis modis variari. Tensæ enim fibræ, hasque perfluens succus agilior, aptiores sunt concipiendis undis & tremoribus. Fibræ autem laxiores, humidoque minus agili, ac lentescente, irriguæ, difficilioris sunt tremoris, & undarum, chordarum more musicarum, quæ plus æquo madidæ, minime tremere, & sonum edere possunt, aut, si quem concipiunt, brevi eundem leviterque retinent. Sique inæqualis fiat secretio & distributio succi per poros fibrarum non ejusdem diametri, fiat etiam necesse est inæqualis fibrarum tensio & motio. Immo prout varii motus ac genii particulæ cerebrum impetunt, cum succi ipsius nervosi temperies & mixtio, tum hujus fibrarumque motus, & totum aliquando musicum cerebri opificium, a quo vis & vigor ingenii pendet, varie mutabitur. Ideoque non tantum sapientes sapientibus, sed etiam sapientibus stulti, & stultis sapientes creantur. Immo videas interdum stupiditatem, aut stultitiam, in quibusdam familiis per multa ætatum spatia propagari, nec minus ab intemperantia, ebrietate & libidine, quam a morbis, atque affectibus imprimis cerebri, vim ingenio inferri. Neque aliam ob causam phrenitici, maniacy, melancholici & delirantes alii, recto rationis usu destituti sunt, quam ob denegatum integrum, per vitiosa organa, sensuum usum. Atque ut vita nostra quidam quasi continuus est fluxus: ita per ætates magnæ



gnæ totius corporis , atque adeo cerebri , & ingeniorum mutationes fiunt. Namque contextus fibrosus cerebri , qui in recens natis est tenerrimus , suæque molitie prope diffluit , in infantia adhuc tener admodum & mollis est , provectaue sensim ætate solidior fit ac firmior , in senectute vero tam diuturnis motionibus fatigatus tandem & fractus , obrigescere incipit. & vel exlucet fere redditur , vel crassioribus , minusque vividis humoribus perfunditur. Quibus causis ingenia cum ætate mutantur , ipsaque adeo anima per gradus in corpore , quocum conjungitur , efficax est & operatur. Non quod quædam in eadem fiat mutatio , sed quia hoc unionis statu in suis operationibus a corpore pendet , a cujus proinde , inprimisque fibrarum cerebri , ac succi , eas rigantis , habitudine varia illa diversitas oritur. Da enim seni ut juvenilem , quod Aristoteles ait , oculum , ita juvenile , iisdemque motionibus adfuetum , cerebrum , & animatum declarabit , non se ipsam senuisse , sed sibi idem contigisse , quod per temulentiam , ac morbum. Nempe ut cessante temulentia , aut morbi vehementia , non apparet amplius delirans , sed ob cerebrum restitutum , sicut prius ratiocinans : ita , cerebro ad juvenilem redacto vigorem , apparebit anima non amplius repuerascere , sed , ut prius , ratiocinari ; eoque ostendet , quicquid contigit mutationis , non in se , sed in organo , contigisse. Ultra has causas , a naturali constitutione petitas , est etiam alia , ingenium & acuens , & confirmans , intenta nempe mentis acies atque ex-



ercitatio. Nam experimur quotidie, otio & ignavia fibras succosque pariter corporis, ac vim ingenii, hebescere, exercitationibus autem variis cum animi, tum corporis, non minus, quam victus coelique mutatione, connatum non raro torporem excuti, ac educatione etiam & institutione excitari vim ingenii, & vel in melius commutari, vel perverti contra & corrumpi. Nimirum uti observamus, frequentem instrumentorum tractationem singularem manuum & digitorum agilitatem afferre; ita nec secus cum cerebro agitur, cujus fibras cum moveri necesse sit, quo rerum imagines in anima excitemus, crebra sui agitatione eam facilitatem & habilitatem acquirunt, cujus subsidio celeriter, nec difficulter, res possimus cogitatione complecti. Quare frequenti circa res quaslibet meditatione se exercere, res est perquam utilis; hoc enim modo quodvis facile cogitandi consuetudo contrahitur. Sed permultum tamen interest, quibus a teneris meditationibus quis assueverit. His enim motiones in fibris cerebri ita pariter assuefiant, ut has quidem facile, difficulter alias deinde, ineant & concipiant, cum ad debitam soliditatem pervenere. Hinc doctrina, & disciplinarum cognitione, aliis antecellere videas, qui suas cogitationes a primo ætatis flore per rectas vias, bonis exemplis, consuetudine, & optima institutione, usi & incitati, duxerunt. Neque vero hæc nulla videtur causa, quamobrem ea ætate præjudicatas opiniones tam difficulter exuamus, & maxime sæpius conceptis semel erroribus inhærere.



rere, quam animum ad meliorem sententiam accommodare. Eoque fit, ut quantum ea fibrarum cerebri constitutio iis hominibus, qui præclare instituti sunt, commodi, tantum aliis incommodi afferat, qui vel rerum vanarum studio dediti fuerunt, vel falsis inanibusque rerum persuasionibus animos corrupe-  
runt. His autem nos liberabimus, si vim & facultatem percipiendi, sive sensum & imaginationem, probe distinguamus a vi concipiendi, sive intellectu, & hujus operationibus animum assuefaciamus, ad ejusque leges sensum & imaginationem revocemus, nec quicquam, tanquam certum, nisi quod clare distincte-  
que animo conceptum fuerit, admittamus. Sin aliter procedamus, & semper in sola perceptione, tanquam veritatis magistra, præcoci nimis, vel affectuum temeritate præcipitato, assensu acquiescendum putemus, neglecta & posthabita intellectus operatione, fons patefactus est, unde errores omnes profluere solent; id quod exquisita doctrina evicit, quem ante laudavimus, illustris a Tzschirnhausen l. c. p. 182. Sed nostri non permittit instituti ratio, hæc & ejusmodi alia longius hic prosequi: quippe quæ summis etiam philosophorum minus explorata sunt, nec fortasse unquam satis innotescunt.

*Neglectum discrimen sensus, imaginationis, & intellectus, fons errorum.*

Nunc singulorum, quos vocant externos, sensuum considerationem sigillatim adeamus. Quo loco non est animus illorum refellere opinionem, qui, plures quinque sensus homini a Deo insitos esse, contendunt. Perinde ac negare non audemus, Deum potuisse

*Quot sensus externi?*



potuisse hominibus alia adhuc indere organa, quorum ope alias, ac scimus, corporum affectiones cognosceremus. Id quod nemo inficiabitur, nisi qui sensibus suis tautopere fidat, ut credat, horum ope figuram, ac omnem minimorum dispositionem, perspicere posse. Sed de his physici viderint. Nos in præsentis sensuum tractatione vulgi usu receptum quinarium numerum persequemur. Initium autem capiemus a tactu, vel ideo præmittendo, quod generatim acceptus, ad omnes sensus reliquos concurrat, eorumque quasi fundamentum est. Cunctos enim per contactum fieri, supra demonstravimus.

## CAP. XXIV.

## DE

## TACTU.

*Tactus, late  
sumtus, toto  
corpore fusus  
est.*

Principio inter omnes constat, quendam Tactus sensum toto corpore fusum esse, per cunctasque spargi partes, quam late patent nervi, atque in membranas & filamenta multitudine innumerabilia, disseminantur quo omnes ictus & appulsus rerum, cum intus, tum foris existentium, sentire possimus. Sed is tamen sensus, quo vi pollemus attrectatu dignoscendi discrimi-



mina atque varietates sensibilibus, potissimum in cute viget, qua fines nervorum, in varios collecti fasciculos, in papillas abeunt pyramidales, quæ ex corpore reticulari sub epidermide emergentes, succoque intus nitente turgidulæ, & tensæ, quia occursum attactuque etiam levissimo rerum objectarum comprimi facile & vibrari, inditasque motiones per longitudinem nervorum ad cerebrum usque, iisdem conjunctum, propagare possunt, pro vero tactus organo jure habentur. Probat hoc *ἀντοψία*, qua acriorem ibi atque subtiliorem esse tactum constat, ubi papillæ istæ copiosiores existunt, ut inprimis in volis manuum atque apicibus digitorum observare est, quorum rugæ, in certum ordinem digestæ, detracta cuticula, nihil esse aliud deprehenduntur, quam pyramidata illarum papillarum corpuscula, quæ ex reticulato cutis textu ad cuticulam usque assurgunt, atque in tangendi actu & contrectatione rerum constitutæ, tenduntur & assurgunt, more papillarum in mammis, cum digitis contrectantur. Quibus cum fere consimiles, magisque proceræ, papillæ in labiis & apice linguæ majore satæ numero deprehendantur, minus est mirandum, has partes vi subtilius dignoscendi calida & frigida, aspera & lævia, ipsas sæpe manus & digitos antecellere.

Objectum tactus qualitates dicuntur tactiles, quas vulgo perperam in primas, & , quæ ab his falso oriri creduntur, secundas, dispecunt, quibus percensendis hic immorari neque necessarium, nec utile judica-

*Stricte sum-  
tus, in cute  
viget, miniscu-  
rio papilla-  
rum nerven-  
rum.*



*Objectum  
tunc quævis  
tactilia,*

*Quorum alia  
ipsis in obje-  
ctis insunt &  
consistunt,*

*Alia vi ho-  
rum in nostro  
demum sensu  
excitantur.*

*Quomodo  
sentiamus  
Figuram cor-  
porum,*

mus, cum futes sint & commentitiæ opiniones. Il-  
lud vero quivis facile perspicit; objectum tactus cun-  
cta esse corpora, quæ neque tenuitate, neque mole  
sua, mensuram organi excedunt, idemque suarum  
varietate partium varie commovendo, varias in mente  
perceptiones excitare possunt. Quo quidem loco no-  
tari interest, id quod superiori capite indicavimus,  
eorum, quæ in tangendi sensum cadunt, alia ipsis in  
corporibus inesse, suaque vi seorsum a sensibus con-  
sistere, hisque adeo pluribus, ac præsertim visui, com-  
munia esse, alia vero in sensu demum nostro occasio-  
ne motus corporei exoriri, unique tactus sensui com-  
petere. Prioris generis sunt figura, magnitudo, nu-  
merus, situs, motus, quies, & quædam præterea ha-  
bitudines, vel modi, qui a varia minimorum dis-  
positione, atque affectionibus, quas modo diximus,  
mechanicis, proficiscuntur, cujusmodi præcipue sunt  
solidum & liquidum, asperum & læve, quibus alii alia  
addere consueverunt. Alterius generis sunt calor &  
frigus, quorum non diversa, quam voluptatis & dolo-  
ris, est ratio.

Ac illorum quidem sensibilibus, quæ ipsis in cor-  
poribus vere insunt, ratio, qua tactum movent & affi-  
ciunt, non difficulter redditur. Quæ enim corporis  
figura sit, tangendo sentimus, & ipsa manus, super-  
ficiebus rerum admota, ac conformata, nobis inter-  
pretatur. Tali modo cum manus corpori aptata  
incurvatur, sphericam quandam superficiem col-  
ligimus: contra cum explicatur ac distenditur, ea

con-



contrectatione planam quandam superficiem conici. *Magnitudinem,* mus. At magnitudinis ratio non simpliciter, sed *nem,* comparate intelligenda est, propterea, quod ea, quæ attactu sentiuntur, tangentis organi, vel alterius corporis jam cogniti, mensura æstimantur. Numerus *Numerum,* vero non sine rationis opera subducitur, licet sensibus subjiciatur. Motum tactu sentimus, quando mobile attactu organi tangentis locum mutat. *Motum,* Situm *Situm,* denique percipimus tactu, judicio sumto ex situ partium nostri corporis, quæ ipsum objectum contingunt.

Neque magnam habent difficultatem modi & habitudines, quæ ex varia partium dispositione fluunt; quorsum inprimis solidum & liquidum, læve & *Gravitatem,* asperum, pertinere diximus. Quæ vero his vulgo *& levitatem,* adduntur levitas & gravitas, sive motus ille impulsusque, quo corpora sursum, vel deorsum premuntur, non solo attrectatu, ut qualitates modo dictæ tactiles, percipiuntur, sed quodam præterea rationis adjumento, & facta plerumque comparatione collationeque corporum, intelliguntur. In quarum numero etiam habendas putamus raritatem corporum *Rarum ac densum,* & densitatem, utpote quæ a majore minoreve copia pororum pendent, & gravitatis ac levitatis consuetudinæ sunt, sæpeque nullam a mollitie & duritie distinctam sensationem pariunt, aliquando autem contrario se modo habent. Id quod exemplo glaciei & metallorum constare potest, quæ licet duriora sint concreta fusis & liquentibus, his tamen innatant, & rario-



*Solidum,* ra adeo jure censentur. Ut pateat, præter illa quatuor sensibilibus genera, quæ paulo ante ostendimus, cetera huc minus pertinere. Ex illis autem solidum durumque vocatur corpus, cujus partes firmiter coherentes tactui resistunt, nec nisi difficulter dividi ac situm mutare possunt. Quorum vero corporum partes tactui minus resistunt, sed vel minore vi impulsæ, loco cedunt, hæc mollia, quæque facillime dimoventur & diffluunt, quia in perpetuo suorum minimorum motu & recessu a se versantur, ea liquida dicuntur. Adeo ut ex una motui aliorum corporum resistentia majori, vel minori, soliditatem & liquorem dignoscamus. Ac illa quidem a particularum minimarum secundum omnes, vel plurimas planas superficieculas, magis, vel minus arcta conjunctione, compressioneque, cum ab ambientis æris pondere & elaterio, tum cuncta pervadentis ætheris nisu & pressione, oritur: hic vero a particulis corporum divisis, disjunctis, ætherique velut innatantibus, proficiscitur. Ex quibus illorum patet error, qui secuti Aristotelem, humida cum liquidis, & sicca cum concretis & solidis confundunt, quando ea corpora, quæ facile alieno continentur termino, humida, quæ vero propriis consistunt finibus, sicca appellant. Qua ratione aqua, concreta in nivem & glaciem, sicca, vitrum vero, nec non metalla liquefacta, ut & hydrargyrum, aerque siccior, humida inepte nuncuparentur. Nam proprie loquendo, humor quædam liquidi species est, adhærens digitis, easque humectans, cujus quidem natura, si au-



si audiendus est Consentinus l. c. potissimum ad aquam referenda est, utpote quæ per se nunquam non humida est, sive concreascit, sive liquetur, & sive ferveat, sive frigeat, aut in vaporem solvatur. Cetera vero concreta propter aquam, quam continent, humida dicenda sunt. Econtrario sicca audiunt corpora, quæ humoris, vel aquæ sunt expertia. Ex quo apparet, siccitatem non qualitatem quandam realem, quæ aliquid subiecto, quod siccum dicitur, addat, sed defectum privationemque humoris esse.

Verum aliter se lævor & asperum habent, quippe quæ a figura & situ partium superficiei, eaque ad <sup>Læve, & asperum.</sup> tactum æquabili in lævore, vel inæquali in asperitate, dependent. Quod utique experientia patet, qua observamus, scabra corpora & aspera, ubi inæqualitatum istarum & prominentiarum per motum abrasione atteruntur & poliuntur, lævia glabraque fieri. Nec vero hæc tactu solum, sed etiam visu cognoscuntur. Sæpe autem sensum fugiunt, nec nisi convexo microscopii vitro radii refracti ita colligantur, ut post novam in humore crystallino factam refractionem sub angulo majore objectum conspiciatur, intuenti comparent. Hac ratione quæ in multis æqualis, & lævis, politaque acies & superficies nudis apparet oculis, non raro multis & dissimillimis figuris angulosis atque irregularibus horrida asperrimaque deprehenditur, ut in acu acuminata, & politissima novacula acie, ac pluribus exemplis aliis, ostendit Hookius in Micrograph. Obs. I. & II. Ita etiam metalla exquisitè polita



lita & lævigata in suis superficiebus varias fissuras & profunditates, ac eminentias, sive asperitates insignes, armato oculo exhibent, Quibus vitra quoque non carere, muscæ & insecta pleraque testantur, quæ in iisdem, etiam maxime politis, atque ad horizon-tis planitiem perpendicularibus, pedes figere, & sur-sum deorsum, ac ultro citroque ea perreptare solent; quod fieri minus posset, nisi in vitris scabrities & inæ-qualitates forent, quæ crusculis animalculorum firma-mento essent. Videas tamen interdum organa tangen-di usu & exercitatione ita perfici, & dignoscendæ lævi-tati atque asperitati superficieum assuefieri, ut exin-de solius ope tactus colorum discrimina indicari pos-sint. Quemadmodum auctor est Grymaldus Phys. Math. de lum. & col. L. I. Prop. 43. n. 59. virum quen-dam in aula Magni Ducis Hetruriæ coram serenissimis Principibus, obvelatis, quocunque libuisset panno, o-culis, & capite aliorsum converso, quicquid ei tan-gendum offerebatur, solo tactu pertentantem enunci-asse, quo illud colore tinctum esset, ac speciatim cum propositum fuisset velum aliquod sericum uniformiter quidem textum, sed pluribus in partibus plures de industria referens colores, non minus eundem indi-casse colores, singulis iis partibus a se tactis apparen-tes. Ac de cæco narrat Boyle lib. de Color. p. 1. c. 3. qui ex superficie vel lævitate, vel asperitate, ac diver-sis utriusque gradibus, colores discrevit. Atque hæc quidem sunt qualitates illæ tactiles, quæ ipsis in cor-poribus insunt, atque ad certos eorum modos recte re-ferun-



feruntur, cum vi autem sentiendi nihil communionis habent.

Sed alia caloris & frigoris est ratio. Hæc enim, perinde ac illa, ipsis in rebus, quæ calidæ vel frigidæ dicuntur, haud consistunt, sed sunt affectiones quædam, ab appulsu illarum rerum, indeque oriente motione nervorum, in anima demum sentiente excitatæ. Id fiet clarius, si in memoriam revocemus, quod supra de calore sanguinis commemoravimus, calorem omnem motu excitari, non quovis, sed vario, eoque vehementi, expansivo & perturbato insensibilium particularum, papillas cutis, vel fibrillas quasvis nerveas, simili modo exagitantium. Neque enim a rebus tantum externis, cutique occurrentibus, sed etiam a causis, intus in corpore agentibus, eo caloris sensu, nunc toto corpore, nunc quibusdam tantum partibus, afficimur. Est autem eadem utriusque ratio, quum vis eadem motum illum, quo calorem gigni diximus, cum in rebus externis, tum interius in nobis, atque in sanguine, cieat. Eaque est agitatio illius tenuissimi corporis, cuncta permeantis, quod vocibus ignis, calidi, & ætheris, antiquitati cognitum, si quavis de causa, quæ varia & multiplex esse potest, in motum vehementiorem abripiatur, res quasvis circumjectas eodem modo agit, & subeundo exterius papillas, interiusque fibrillas quasvis nerveas, vividiorum iisdem motum, a quo sensus oritur caloris, pariter impertit. Quo sensu etiam Plato calorem dixit passionem, quæ ex punctione, & divisione per ignis

*Ratio  
Caloris.*

*Cujus causa  
effectrix est  
vehementior  
materia ætheria  
agitatio,*

acu-



aculeos facta, consequitur. Neque aliter accipienda illorum sententia, qui caloris naturam in celerrimo, eoque vorticoso, motu positam, & nihil aliud esse, volunt, quam ignem rariorem, quod videamus, linteum album, noctu igni admotum, & vehementer excalesfactum, moxque celeri manu evolutum, & unguibus fortiter pressum ac perfrictum, multas ignis scintillulas spargere. Unde in rebus cunctis quædam insunt semina caloris, quia subtilis illa ætherea materia res omnes pervadit, in iisdemque vehementius agitata, motum ejusmodi concipit, qui ad tangendi relatus organa, caloris nomine appellari, cum ipsoque sensu confundi plerumque solet. Qua ratione ex corpore frigido reddi calidum, inter tot exempla ubivis obvia corporum durorum, quæ mutuo attritu incallescunt, unum ferri frustum nos commoneat, quod dum motu limæ atteritur, aut crebro mallei ictu tunditur, non aliam ob causam incalescit, quam quod ex motu limæ non minus quam ex valida mallei impressione, vehemens in minimis ferri commotio exoritur, quæ admotorum digitorum superans agitationem, sensum caloris parit. Idemque non raro in clavo, dum malleo in asserem adigitur, inprimisque, ubi adigi ulterius nequit, & repetitis tamen ictibus excipitur, evenit. Quinimo laminam ferri frigidam, nulla pene interjecta ictus mora cusam, ad fervorem igneum redactam fuisse, ut & tangi tuto haud potuerit, & sulphur incenderit, notum est ex Boyle de Mechan. Cal. & Frig. Orig. S. II. Ex. p. VII. Quorsum etiam

per-



pertinet, quod motu citatiore axis rhedæ, quo rotæ modiolus volvitur, non raro calorem, & aliquando ignem conceperit. Quare uti se habet motio illa, sic etiam sensus fit caloris, nunc mitior quidem ille & suavis, modo vehementior, qui subinde etiam in æstus, & ardentis cujusdam doloris, sensationem transiit. Hæc enim omnia a motu, gradibus distincto, in nobis producuntur. Nam si frigidi ad ignem accedimus, jucundo caloris sensu refovemur, & voluptate perfundimur, quia ex motu ignis pori & meatus cutis sine violentia aperiuntur, & nova succis, eaque alacrior, impressa agitatio, suavi nervorum titillatione, unde jucundus voluptatis sensus existit, recreat nos & delectat. Ubi vero motus ignis vehementior, & talis fuerit, ut suorum multitudine & impetu jaculorum corpus impetens, succos plus æquo exagitet, fibrasque ipsas tendat nimium, ac violente divellat, molestum æstus & doloris sensum parit, claro satis indicio, non magis calorem, quam voluptatem & dolorem, in objectis inesse, sed occasione motionum, nihil cum illis affectionibus commune habentium, in anima demum sentiente excitari, atque adeo ea, quæ aliquem caloris sensum in nobis producunt, improprie calida vocari. Quemadmodum vero motio varia minimorum in objectis varium caloris gradum in nobis efficit: ita enim varia habitudo & dispositio organorum, motionem illam varie excipientium, sensum eundem variare solet, quippe quæ cum neque ratione temperiei, neque teneritudinis, eodem in omni-

*Varia habien-  
do organorum  
variat sensum  
tactus.*



bus modo, neque in iisdem semper individuīs se habeant, sed a casis cum interioribus, tum externis, faciles & multifarias mutationes subeant, motum illum pari modo non recipiunt. Eoque fit, ut ipse etiam caloris sensus subinde sit varius, neque in omnibus, neque in iisdem semper pari se modo habeat, sed res eadem huic fervida, alteri calida, vel tepida, neque uni eadem omni tempore videatur. Neque aliunde petenda ratio, quamobrem loca subterranea hyeme calida, æstate frigidiora nobis videantur, quamvis idem fere calor ibidem vigeat. Nam cum Lutetiæ Parisiorum, ut est in Phil. Burgund. T. II. Tr. II. Diff. I. in specu subterranea regii observatorii, 84. pedes alta, per biennium duo thermometra essent collocata, spiritus vini eandem pene altitudinem qualibet anni tempestate retinuit: nisi quod æstate paulo altius sublatus apparuerit, cum scilicet aër subterraneus adeo gelidus nobis videtur. Hinc vero etiam intelligimus, tactum idoneum & æquum interpretem ac iudicem caloris a multis perperam haberi.

Viso jam, in quo consistat caloris ratio, non erit difficile a contrario, in quo sita sit natura frigoris, ostendere. Nam uti ex prædicto motu vividiore, in papillis fibrisque nerveis concitato, sensus exoritur caloris: ita ex motu contrario eorundem instrumentorum sensus etiam contrarius, nimirum frigoris existit, isque pro varia motus remissione gradibus pariter diversus. Atque adeo quemadmodum calida dicuntur, quæ suarum insensibilium particularum agi-

tatio-

*Ratio  
Frigoris.*


















tatione motum minimorum in corporibus nostris superant & intendunt: sic ex adverso frigida erunt corpora, quorum particulæ digitorum nostrorum particulis languidius moventur. Et calorem infringere, atque refrigerare dicentur, quæcunque particulas calorificas irretiunt, atque agilitatem earum & motum, ad caloris productionem requisitum & necessarium, imminuunt, cohibent, sistunt & pervertunt. Cum vero motus partium non minus in corporibus nostris, quam in objectis, varius esse soleat, sua quoque corporibus frigidis æque ac calidis varietas & latitudo erit; id quod cum aliunde, tum ex iis, quæ de calore diximus, constare potest.






## CAP. XXV.

DE

## GUSTATU.






 Unc ad Gustatum transeamus, qui cum






**N**





 sentire eorum, quibus vescimur, genera debeat, ea oris parte continetur, quæ






 esculentis & potulentis iter natura patefecit. Hic & ipse quidam tactus est, sed paulo acutior, ac saporum tantummodo corporum quorum suscipiendis motionibus lingua potissimum præ-

*Constructio lingæ.*  
 est,

Z z 2



est, ex plurium musculorum, inter se coëuntium, commixtione eo artificio contexta, ut pandi & explicari, rursusque constringi, & flecti in omnem partem ac moveri possit. Istud vero textum musculorum carnosum magna copia percurrentes nervi quintæ, ut & nonæ conjugationis, in quamplurimos dirimuntur ramulos, qui per mediam ipsius regionem, in partes ejus, quæ sunt ab utroque latere teneriores, atque in apicem, magnam partem feruntur, & in varios congregati fasciculos, majores, & minores, in papillas demum non unius magnitudinis & figuræ, sed planas alias, alias conicas, & rotundas plerasque, capitum fungulorum æmulas, abeunt, & his veluti tuberibus linguæ superficiem exasperant, ac inæqualem reddunt. Ultra has papillas aliæ peristromatis fungosi, quo illæ teguntur, prominent fibræ cuspidatæ, bifidæ partim, at incurvæ omnes, & basin linguæ versus inclinales, dum relicta inter eas intervalla copiosæ minimæ glandulæ, in vivis salivæ humore pellucidæ, adimplent. Quæ omnia ad gustatus sensum & incolumitatis custodiam sapienter facta sunt. Ac superficies quidem linguæ fungosa & papillaris intromittendis rerum sapidarum corpusculis, & impressionibus, hisque propagandis in nervorum ductus & undas per est idonea, ac ipsum propterea gustatus instrumentum constituit. Id quod cum a Fracassato, Malpighio, Stenone, Bellino, Bohnio præclare evictum est, tum etiam ex eo intelligi potest, quod istæ papillæ sint quædam nervorum germina,

*Cujus papillæ  
nervæ.*

*Sunt imme-  
diata n. gustus  
organum.*



mina rerum lapidarum impulsui exposita, neque tota lingua saporēs dignoscantur, sed iis præcipue partibus, quæ plures gerunt papillas, nimirum in apice, huiusque lateribus, & area superiore. Cum vero omnes hæ papillæ & molliores sint, & in extimam linguæ superficiem sub tenui cuticula emineant, fibrarum cuspidatarum, tanquam pilorum, tegmine consulto hoc naturæ instituto velantur, ut contra ciborum asperiorum attactus & attritus septæ & munitæ lateant. Quoque nunquam iis humor deficiat, laxandis earum poris & fibrulis, solvendisque sapidis corpusculis utilis ac necessarius, interjectæ adstant glandulæ, quarum rore continuo madet & rigantur. Quin & eidem fini os universum tot glandulis undique confutum est, ut ex iisdem agitatione linguæ, motuque maxillæ inferioris, expressa & saliens lympa, commolitos dentibus cibos diluat & dissolvat, & horum sapidis imbuta particulis, papillarum meatus interius subire, acriusque fibras excitare possit. Nec vero papillæ tales nerveæ per superficiem tantum linguæ, sed etiam eisdem consimiles per omnem palati tunicam disseminatæ, glandulisque pariter interpositæ sunt. Quo fit, ut, quemadmodum Plinius <sup>Vis gustandi etiam inest palato.</sup> annotavit Hist. Nat. L. II. c. 73. sensus gustatus se usque ad palatum extendat, cui quidem expediebat vim illam & facultatem gustandi communicari, ut & ampliorem efficiat sensum, & vices suppleat linguæ, vel amissæ, vel laborantis. Cujus rei exemplum memorabile relatum legimus Eph. Germ. Dec. I. A. III.



sub titulo Aglossostomographiæ, in puero, qui cum sexto ætatis anno variolis correptus, consumptam gangræna & putredine linguam per partes exspuisset, nullo ejus relicto vestigio, tamen elinguis etiam & loqui, & gustare, omniaque saporum genera fecerere potuit. Id si ita est, frustra Philoxenus naturam, tanquam invidam, accusavit, quod breve homini guttur dedisset, cum saporum voluptati, ut jam docuimus, sua quoque sit diuturnitas, tametsi per fistulam cibalem se non extendat, votoque ille suo, quo sibi gruis colum exoptavit, quo voluptate alimentorum diutius frueretur, excidat.

*Sapor oritur  
ex motu, præ-  
dictis papillis  
impresso ab  
objectis sapi-  
dis.*

Quo vero natura saporis, quem objectum gustatus vocant, melius intelligatur, cavendum primo est, ne ipsum saporis sensum, quem gustando percipimus, cum vi illa, quæ est in corporibus sapidis, & unde sensus iste proficiscitur, confundamus. Qui fere popularis error est eorum, qui in corpore sapido qualitatem quandam, ab ipso corpore distinctam, & similem sensationi nostræ insidere, opinantur. At hæc in anima tantum sentiente existit, atque occasione motus & agitationis, quam res sapidæ papillis nerveis linguæ & palati imprimunt, in eadem excitatur. Quæ proinde pro varia illorum organorum constitutione ipsa pariter variat, nec eadem in omnibus, neque in iisdem semper eadem hominibus deprehenditur, quamvis res eadem degustetur; quia, quemadmodum de tactu dictum est, impressio & actio rei sapidæ, quæ motionem continetur, a varia papillarum, quæ



quæ gustatus sunt opifices, habitudine varie recipitur, hancque adeo perceptio varia in mente consequitur. Vis autem illa, quæ in corporibus consistit *Qua vim illam habent a mixtione particularum* sapidis, ab eorum pendet particulis, ea conformatione donatis, qua papillas linguæ & palati subeuntes, fibrillas earum nerveas ita commovere possunt, ut in *quibus constant, & inde oriente figura, ex cuius varietate omnis saporum varietas emergit.* de sensatio saporis in mente producat. Qua sane de re nemo dubitabit, qui omnes saporum varietates & mutationes ope solius motus, ejusque effectorum, figuræ, magnitudinis & mixtionis particularum, in rebus quibusque sapidis contingere, attente perpendit. Ecquid enim aliud fit, quum fructus maturescendo saporem acidum & austerum cum grata dulcedine commutant, quam quædam intestina partium agitatio, qua illæ tenuiores, molliores, & minus acutæ, atque ad titillandas potius, quam pungendas papillas accommodatæ redduntur? Neque aliter se res habet cum succo omphacum acido, quando maturitate dulcis evadit, ac deinde porro sola interiorum partium, quam fermentationem appellamus, motione ingratissimum vini saporem vertitur, & novo tandem, undecunque inducto, minimorum conflictu in mordacem, & acetosum liquorem abit. Quodsi saporum, quæ arte fiunt, mutationibus rem illustrare expedit, nihil erit certius, quam hæc corpuscularis saporum doctrina. Ita enim experimentis & observationibus chymicis, quibus etiam Boyle circa mechanicam saporum productionem utitur, docemur, unius liquoris acidi conjunctione cum variis corporibus insipidis,



insipidis, varios produci sapes, quando facta spiritu nitri solutio argenti amarum, plumbi dulcem, stanni alium ab utroque, non adeo ingratum tamen, cupri nauseosum ac titerimum ferri item, hydrargyri, & antimonii, alios & distinctos sapes gignit. Vicissim unius corporis insipidi, v. c. fossilis illius, quod zincum appellatur, solutio in variis liquoribus stillatiis, nimirum nitri, vitrioli, salis, aceti, & ejus generis aliis, tum etiam salinis volatilibus, cujusmodi est spiritus salis ammoniaci, diversa pariter saporum genera profert. Quodsi unius liquoris acidi cum rebus variis insipidis non minus, quam unius rei insipidae cum variis liquoribus salinis conjunctio, tot varios sapes efficit, quos quæso sapes non expectabimus, si sapida diversa, eademque plurima, misceantur. Nec vero tantum mixtione & conjunctio, sed etiam divisione atque secretionem particularum, diversos gigni sapes, ex multis unum sal petrae, quod vulgo nitrum vocant, documento esse potest, quod utut insipidum fere sit, in liquorem acidum & corrosivum, salemque acrem fixum, sive alcalisatum, ignis vi dividitur. Et si uterque sal iterum jungatur, ita ut alcalisatus acido recte saturetur, sal orietur, qui purgatus ab impuritate, & exsiccatus, nec acidus degustanti, neque acer erit, sed languidam salis petrae amaritiem referet. Quæ cuncta non aliunde rectius, quam uti opinatur Boyle l. c. a mutatis vi ignis affectionibus mechanicis, imprimisque figuris & magnitudinibus particularum, ducuntur, quatenus nimirum



mirum latiores nitri cryſtalli, quæ prismatum inſtar, in ſex diſtinctæ latera, angulis conſtant obtuſioribus, quam ut profundam in lingua impreſſionem faciant, velociſſimo ignis motu agitatae & fiſſæ, mutuoque attritu diviſæ & confractæ, in minores multo particulas diripiuntur, easque ita extenuatas, & exacutas, ut liquori innatantes aqueo, ac celeri, eoque continuo, motu a tranſeunte ætherea materia impulſæ, ſua tenui acie meatus linguæ ſubire, & papillas nerveas ita movere & afficere, ut ſapor inde acidus producat, imo contextum illius fibroſum vehementius laceſſendo, & ſecando, exedere ac deſtruere poſſint. At ſi acutæ iſtæ particulæ cum ſale altero alcaliſato ea proportione conjungantur, ut poſt conflictus quosdam & luctationes, in mutuos & arctiores amplexus coëant, eaque unione antiquam prismatum figuram induant, nativam nitri habitudinem ſaporemque referent. Sin idem ille ſpiritus nitri acidus, probe reſtificatus, cum ſpiritu vini, itidem dephlegmato, recte copuletur, ex liquore acido altero & corroſivo, altero ardente & ſulphureo, liquor evadet temperatus, ſuavis, atque aromatico præditus ſapore, qui ſpiritus nitri dulcis appellatur, propter tenues & flexiles olei vini ramulos, qui acutis & ſecantibus ſpiritus nitri ſpiculis ſeſe circumdant, eademque involvunt.

Ex quibus, & ejus generis aliis, phænomenis, *Modus agendi* quorum innumerabilia occurrunt in chymia, clare *di ſapidorum* liquet, a ſuarum conformatione particularum, ad modum instrumentorum, quæ titillant, pungunt, vel-



licant, secant, solvunt, divellunt, limant, lacerant, vertunt, exasperant, contrahunt, obtundunt, & modis pluribus aliis agunt, papillas linguæ & palati varie afficientium, rerum sapes gigni, quos suis exprimere nominibus ab ineunte ætate didicimus. Atque ii quidem, vel grati erunt & jucundi, vel adversi, prout papillis motum imprimunt vel vehementem, vel blandum, & fibras illarum liquidumque nervosum magis vel minus turbantem. Nam blanda & moderata excitatio voluptatem, horrorem vero & aversationem vehementia, distrahens villos, hosque rigans liquidum conturbans, parit. Eoque fit, ut ad objecti actionem variam lingua nunc pandatur, & explicetur, modo confringatur, nervique ipsi diversimode concutiantur & tremant. Illud etiam ex iis, quæ de saporum varietate sunt adducta, facile perspicitur, a particulis salinis & inter se, & cum aliis insipidis, diversimode mixtis, & modificatis, eam partium figuram, magnitudinem, omnemque reliquam conformationem proficisci, quæ ad movendas papillas linguæ, excitandosque sapes, requiritur. Neque enim res ulla sapida sine sale datur. Neque hoc tamen solum tot producendis saporibus, bene autem cum aliis mixtum, sufficit. Idque ut agere in linguam possit, non implicatum nimis, & aliis particulis irritum, compressumque esse, sed laxius cum iisdem cohærere debet, quo pandere suos aculeos & explicare possit. quamobrem etiam saliva ex tam numeroso glandularum apparatu in oris cavo confluit, ut

*Quorum varia figura præcipue a salibus pendet, cum aliis particulis varie mixtis.*

*His vero ex solvendis & exagitandis servit saliva.*



ut ejus liquore cibi, cum dentibus manduntur, atque extenuantur, & moliuntur, exsolvantur, extractæque salinæ & sapidæ particulæ, adjuvante motu & agitatione linguæ, ac pressione aëris, inspiratione ingredientis, meatus papillarum interius subire, easdemque sua varia conformatione varie agitare, & saporés adeo diversos efficere possint. Quo sensu chymicis saporés soluti salis puncturæ non inepte dicuntur. Unde pro salivæ copia & indole gustus variare, & nunc vigere, modo languere, aut prorsus deficere, nec raro inquinari & corrumpi solet. Ceterum in determinandis figuris corpusculorum, quæ sigillatim saporés creant, multum operæ & curæ posuerunt Gassendus, Willisius, Du Hamelius, Fracassatus, Bellinus, Sengverdius, & alii, de quibus hic anxie disquirere nostri non est instituti. Nobis perplacet sententia Rohaultii l. c. p. 163. Eum impossibilia tentare, qui de quibusvis particularem determinare texturam suscipit. Nam qui ex singularibus aliquot exemplis regulas communes & universales formare volunt, errorem suum facile agnoscent, si ad saporum discrimina, quæ arte fieri diximus, sedulo attendant.



## CAP. XXVI.

DE

## ODORATU.

Um gustatu propinqua cognatione conjunctus est Odoratus, qui ante saporem vim deprehendens alimenti, id, quod naturæ gratum & conveniens est, admittit, alienum amolitur & respuit, neque gustare id finit, aut gustatum offendere, sed vitium rei olfactæ defert atque accusat ante, quam ea injuriam intulerit. Eare nares, ex quibus vis odorandi emanat, vicinitatem oris secutæ, nec minus ad decorem, quam ad utilitatem corporis, figura tam concinna factæ sunt, ut cum ducendo spiritui, tum capiendo odori, serviant. Nam pinnas earum hiantes, ac suorum ope musculorum constringi pariter & erigi, pandique aptas, tubi excipiunt ossæi, qui ex spatiis amplioribus sensim in angustiora, more tubarum, coacti, in plures decunt cellulas, & specus labyrinthicas, quas profectæ ob osse cribroso lamellæ quædam tenues, & quasi foliaceæ, turbinum more intortæ, ac replicatæ, effingunt. Hasque omnes tunica quædam papillosa, ex fibris duræ matris, & intextis filamentis nervorum olfactoriorum, per os illud ethmoideum traductis,

*Constructio  
narium.*

*Tunica narium  
papillosa,*



ctis, hisque interfertis glandulis, lymphæ rore madentibus, constructa, velat intus & investit. Qua unius membri constructione tam artificiosa illud consequimur, ut cum atmosphaera odorifera, per latos satis aditus & introitus, nares inspiratione subit, & per patentem palati viam, ad larynga & tracheam fertur, eadem opera quædam ejus portio in fistulas narium, & specus labyrinthicas compellatur, istoque itinere anfractuoso, & angusto valde, coacta, & densata, confertiore suarum particularum agmine, & vegetiore ac crebriore impulsu ad expansam inibi tunicam papillofam allidat. Hanc enim tunicam huic excitando sensui aptissimam esse, & immediatum ejus organum constituere, Eustach. Rudius de aff. corp. hum. L. I. *Quæ immediatum olfactus organum.* c. 36. Vallesius II. Controv. c. 26. & Schneiderus noster l. c. egregie ostenderunt. Neque tamen eidem toti id muneris deferendum est, sed qua fibris constat nerveis, quæ a nervis olfactoriis per tubulos ossis cribrosi transmissæ, per omnesque ossium turbinatorum specus & lamellas late pansæ, & diductæ, impressos a rebus odoriferis motus excipiunt, ulteriusque per nervos, & horum succum, ad cerebrum & sensorium usque commune, amendant & propagant, ubi sensatio odoris in anima exoritur. Quare quo longiores sunt tubi narium, in pluresque anfractus flexuosos, fibris itidem numerosioribus, magisque extantibus & porrectis, conspersos, abeunt, hoc spissior, & magis acuta pyramis odorifera, & promptior ejus atque validior in fibras nerveas impressio, vegetiorque adeo odorandi vis & facultas est.



Quod utique in emunctæ naris hominibus, & canibus, equisque sagacibus, ac animantibus quibusdam aliis observatur, quæ uti odoratu, sic etiam longitudine narium, atque constructione illa singulari, alia superant, quæ compressas magis nares habent. Ut minus adstipulari possim CL. Morhofio, qui istam brutorum prærogativam non per se iisdem inesse, sed potius a ratione victus simpliciore obvenire existimat Diff. de Parad. Sens. c. IV. Nec enim experimur, hebetiores esse canes, qui in stabulis vel soli, vel cum equis detenti, atmosphæram satis crassam & penetrantem recipiunt.

Ex quibus idem, quod de sapore monitum est, efficitur, per odorem, qui objectum olfactus dicitur, non intelligendam esse qualitatem quandam, separatam a rebus odoratis, nostræque similem sensationi, sed vim illam, quæ in corporibus odoratis existens, istam in nobis sensationem excitat. Ea vero vis ab effluviis corporum sulphureis, sale aculeatis, manat, quæ aëri permista, cum eodem ad nares deferuntur, harumque fibrillas nerveas commovent. Ac effluvia quidem, sive perticulas tenues, ex corporibus deciduas, odores præbere, satis, opinor, exinde patet, quod, cum vento adverso diffentur, secundo advehantur, oculos tamen fugiant, & sine notabili corporum diminutione copiosissime exhalent. Quemadmodum comperimus, tantillum moschi, zibethi, aut camphoræ, per magnam vestimentorum molem effluvia sua, sive odores, spargere, exiguo molis decremento.

*Odor excitatur a motu, papillis nerveis narium ab effluviis corporum salino sulphureis impresso.*



mento; aut ex uno mastichis, vel styracis grano, prunis injecto, totum conclave odore impleri: vel olei cujusdam stillatitii, v. c. anisi, vel cinamomi, guttulam, subactam cum pauxillo sacchari, vel vitelli ovi, aquæ communis plures amphoras odore suo saporeque imbueret. Hinc etiam plura corpora, quæ frigida, omnis odoris sunt expertia, modice calefacta, odorem fortem ejaculantur: immo aliqua, quæ dum immota jacent, nullum odorem fundunt, sola agitatione emissis copiosis effluviis nares vellicant. Qua ratione corporum quorundam attritu, frictione, solutione, utione, & aliis motus generibus, quibus effluxus corpusculorum adjuvatur, odores excitantur.

Idemque solus etiam aër plerumque præstat, qui sua-  
 rum tenuitate & agilitate partium, quicquid tenue est  
 in corporibus, agit, atterit & solvit, & quia rarus  
 est, latusque, quicquid effluit, facile excipit, & secum  
 vehit, perque longissima spatia circumfert. Quod cum  
 quivis, qui in hortos, sylvas, & virentes herbis floren-  
 tibus campos, exspatiatur, comperiat, tum vero alios  
 inter expertus est vir ille ingeniosus apud Boyleum de  
 Nat. determ. effluv. qui cum Indias adiret orientales, at-  
 que ad littus Insulæ Ceylanæ, cinamomi & fragran-  
 tium gummi copia famigeratæ, appropinquaret, ven-  
 tum tum forte a littore reflantem advexisse ab insula  
 deprehendit aërem omnino odoriferum, quamvis  
 complura milliaria, forte viginti, & plura, a littore  
 adhuc abesset. Nec vero aër effluvia odorabilia secum  
 tantum vehit, sed etiam a circumstantis pondere &  
 pres-

*Aer est vector  
 effluviis  
 odoriferorum.*



pressione inspiratione in nares compulsus, flumine suo ad specus anfractusque interiores narium eadem contrudit, atque ad percellendas fibrillas nerveas ita adigit, ut maiore vi & impetu agitare easdem possit. Unde ratio elucet, quamobrem divina sapientia in uno membro duo constituta esse officia voluerit, unum ducendi spiritus, alterum capiendi odoris, quod quippe sine opera & adjumento prioris fieri haud potest. Nam tametsi id inficietur Casserius Pent. L. III. c. 3. multisque argumentis impugnarit, hoc tamen uno Lovveri experimento abunde confirmatur, quo animal præscissa, ut præcipit, extrorsumque versa, trachea, ut per hanc tantum, non vero per nares spiritum ducere possit, omni illico olfaciendi vi privatur, claro satis indicio, sine respiratione nullam effluvi-  
viorum vim esse. Ut vero hæc ita sint exigua, ut & aëre vehantur, & oculorum fugiant aciem, tamen crassiora sunt, quam ut vitri poros permeare possint. Constat enim odoratos maxime & penetrantes liquores, quos spiritus chymici appellant, non transpirare ex vitris hermetice sigillatis, etiamsi frequenti motu agitentur, vel etiam ad ignem calefiant, & citius vitra rumpere, quam ut per poros egrediantur. Neque etiam animal, intra vas vitreum prædicto modo inclusum, atque in angulo quodam absconditum, a cane quamvis sagacissimo naribus persentiscitur. Suntque præterea effluvia pleraque odorife-

*Sine inspira-  
tione odoratus  
fieri nequit.*

*Effluvia odo-  
riferæ ejus-  
dem sunt na-  
ture, cuius*

ra ejusdem, cujus corpora, ex quibus effluunt, naturæ & effectus, in eoque potissimum differunt, quod adco



adeo sint exilia & divisa corpuscula, ut levissimo impulsu moveri, & abripi ab aëre possint. Id ipsum manifestum est in oleis stillatitiis aromatum, quæ peculiarem horum naturam retinent, & nihil aliud sunt, quam eorundem effluvia, motu ignis divisa, & emissæ, atque in formam liquoris iterum condensata. Manifestius hoc est in absinthio, cujus effluvia, solius motu aëris emanantia, omnem ejus indolem retinent. De eo meminit Boyle l. c. quod ingressus conclave, ubi illud asservabatur, non solum odorem ejus naribus, sed etiam saporem valde amarum lingua percepit. Ad idem, se comperisse, expirationes succini, in puro spiritu vini soluti, linguam affecisse, succini ipsius, dentibus masticati, more. Narrat etiam de quodam sibi familiari medico, quod cum magnam hellebori nigri copiam diu curasset tundi in mortario, plerique eorum, qui in conclavi erant, eo odore purgati fuerint, & eorum quidam satis vehementer. Idem de odore colocynthidis observavit Sennertus. Ac hujus & aliorum experientia constat, odore opiatorum & hypnoticorum aliorum, dum destillantur, vel coquantur, pharmacopolas profundo plerumque somno sopiri. Et suo experimento testatur Levinus Lemnius in Explic. herb. Bibl. c. 2. se halitibus pomorum mandragoræ, in suo musæo asservatorum, adeo redditum fuisse somnolentum, ut vix excutere somnum potuerit, remotis vero pomis, ad pristinam alacritatem rediisse. Quo minus miremur, homines imbecillos, & animi deliquio correptos, solis sæpe odoramentis,



*Effluvia odorifera sale & sulphure constare, probatur.*

naribus admotis, refici & excitari. Quemadmodum de Democrito literis mandatum est, eum, cum in festo Cereris mortem instantem sensisset, & soror ejus sollicita esset, ne prius ipse moreretur, quam sacra Eleusinia peracta fuissent, solo panis calentis, vinoque perfusi, odore vitam per triduum sustentasse. Nobilis cujusdam mentionem facit Fr. Baco B. de Verulamio, qui cum per tres, quatuorve dies jejunaret, solo odore herbarum, quibus esculenta acris odoris, ut cepam, allium, & similia, permiscuit, sustentatus fuit. Neque inutile censendum ejusdem consilium, & ante eum Magni Pegelii in Thes. rer. suar. p. 108. cum aërem odoribus liquorum & herbarum, certis morbis medentium, intra ædes inficere, & salubrem reddere laborarunt.

Sed quæcunque sit effluviolorum odoriferorum mixtio & compositio, quæ varia omnino & multiplex esse solet, tamen ea potissimum in sulphurea continetur substantia, non pura, sed sale exacuta. Id quod clare chymia docet, qua illa corpora plus odoris fundere deprehendimus, in quibus aut sal, aut sulphur est uberius; quæve alterutro, vel utroque carent, omnis etiam odoris expertia observantur. Ac inter has quidem partes ea habetur subordinatio, ut particulæ sulphureæ, a salinis solutæ, & agitatae, odores constituent, & ita ratione salis motum & penetrandi vim habeant, ratione sulphureæ autem substantiæ formalem odoris alterationem inducant. Quodsi sal daretur volatile purum, omni spoliatum sulphure, cujusmodi vix reperies, id non eo modo, qui



qui ad excitandum odorem requiritur, villos narium nerveos agitarer, sed spiculis suis saltem pungendo nares offenderet. Quare sulphur aculeatum sale odorem constituit, quod quidem quo magis extenuatum est & purius in concreto, hoc suaviorem plerumque odorem fundit, quo vero crassius illud, & impurius, ac copiosius est, hoc odor magis graveolens exorietur. Et quomodo earundem partium cum inter se, tum cum aliis mixtio, & hinc oriens figura, atque ad movendas fibras narium nerveas habitudo, variat: ita etiam varius, isque nunc gratus & incundus, nunc contrarius & adversus odor excitabitur. Ei vero teneritudinem & crassitiem fibrarum nervearum in naribus variam, hasque rigantis succi temperiem diversam, & ingenium nunc magis, modo minus mobile & agile, merito addas. Hinc enim fit, ut non idem odor omnibus gratus sit, sed uti diversum est convivarum palatum, idque subtile aliis, aliis torpens: ita olfactus quoque diversus existat: & alia quidem aliis jucundiores afflent odorem, immo aliqua sint, quæ nonnullis bene quidem, aliis vero graviter, oleant, & quidam odores mirandos in quibusdam effectus inducant, quorum exempla apud Servium, Verulamium, Boyleum, aliosque, plurima leguntur.

*A varietate illorum efflu-  
viorum, ipsius  
que organi,  
varietas odor-  
um.*




## CAP. XXVII.

DE

## AUDITU.

*Constructio  
auris,**Ex  
Auricula,**Meatu audi-  
torio,*


 Xposito odoratu, sequitur, ut perspiciamus  
 Auditum, qui cum & in vocis, & in tibia-  
 rum nervorumque cantibus, varietates so-  
 norum, intervalla, distinctionem, & vocis  
 genera permulta, ac idiomate unicuique  
 genti vario atque vario, tot hominum conceptus renun-  
 ciat, non minus ad scientiam, & lucem animi, quam ad  
 oblectationem, atque consociationem hominum & com-  
 munitatem facit. Ab eo aures, quibus sonos & voces hau-  
 rimus, nominatae, & hoc admirabili artificio ab utroque  
 capitis latere collocatae sunt, ut tuto semper, & ita pate-  
 ant, ne adjectae voces labi & errare possint, prius-  
 quam ab his sensus pulsus esset. Nam primo adest  
 auricula, figura ovali, vel elliptica, & cartilagine con-  
 stans, exterius convexa, interius cava, quae ex lato  
 in spatium arctius, & rotundum, alteque sinuatum,  
 contracta, in continuatum angustiores meatus au-  
 ditorium, initio cartilagineum, postremo osseum, to-  
 tumque fluxuosum, ducit. Hic vero cum semper  
 patere debeat, provisum est sapienter, ut, si qua mini-  
 ma bestiola conaretur irrumperere, in sordibus aurium,

tan-



tanquam in visco, inhæresceret. Eundem deinde meatum claudit, atque ab interno meatu determinat <sup>Tympani</sup> membrana duplex illa quidem, sed tenuis, sicca & <sup>Membrana,</sup> pellucida, dicta tympani, quæ annulo osseo oblique affixa, & chorda nervea, ipsi transversim obtenta, munita, hiatu, foras spectante, introrsumque clauso, gaudet. Hic autem internus meatus cranii mure veluti osseo continetur, & amplior paulo est, atque ad figuram sphæroideam, seu ovo dissecto similem, accedit, qui <sup>Capsa,</sup> tympanum, & capsula tympani, conchaque interna dicitur, & quædam prioris membranæ, intus expansæ, & densa vasculorum serie refertæ, est concameratio, ramulo nerveo, quatuor ossiculis, tribusque illorum musculis, ac duobus ductibus, & totidem fenestellis instructa. Nervulus a multis pro ramulo habetur, <sup>Ramulo ner-</sup> reflexo a pari quinto, atque associato duræ parti ner- <sup>veo,</sup> vi septimæ conjugationis, quem auditorium vocant. Videtur autem esse propago hujus ejusdem durioris nervi, quæ tympanum ingressa, & per ejus cameram, hujusque membranæ interiorē superficiem, ductu transverso, ad instar chordæ, excurrens, & ossiculi, quod dicitur malleus, crassiori processui accumbens, in musculos ejus, in primisque internum, fertur & diffunditur. Idque ossiculum e quatuor pri- <sup>Quatuor os-</sup> mum est, quod suo capitello incudi per ginglymon <sup>siculis,</sup> commissum, ac sensim gracilescens, toto manubrio membranæ tympani inferius arctissime, & ita annectitur, ut eandem nonnihil retrorsum inclinet. Ad- <sup>Tribus horum</sup> malleum duo pertinent musculi minimi antagoni- <sup>musculis,</sup> sta,



stæ, alius externus, qui ex meatu auditorio lato principio tympanum subiens, suoque tenuissimo tendine membranæ illius instratus, ad malleum abit, ejusque minori processui infigitur, alius internus, qui a pariete interiori tendinoso prodiens principio, & productione carnosa ab uno ad latus alterum excurrens, nerveoque vestitus involucro, sine pariter tendinoso, tereti & gracillimo, in mallei processum longiorem & posteriorem manubrii partem inseritur. Horum musculorum alterum sui contractione manubrium mallei extrorsum nonnihil trahere, & membranam tympani in plenum reducere ac relaxare, alterum malleum, eique conjunctam membranulam, introrsum sinuare, eamque adeo tendere, multorum est opinio. Secundum ossiculum figura & usu incudem refert, quod parte latiori, qua caput mallei recipit, cavum in medio parum eminet, & duabus proinde fossulis binis mallei in capite protuberantiis, mediæque illius fossulæ una eminentia respondet, & binis insistit radicibus, vel crurculis, quorum alterum, quod brevius est, ossi petroso insistit & cohæret, alterum, quod longius & tenuius, ossiculi tertii, quod stapedis equestris figuram æmulatur, vertici, medio ossiculo perexiguo orbiculari, quod quartum vocant, per ligamentum laxiusculum, incumbit. Stapes autem sua basi fenestræ ovali, de qua paulo post dicetur, incubat, eamque totam occupat & occludit. Gaudet idem ossiculum suo musculo, qui in fundo tympani ex meatu veniens osseo, tendine suo ad verticem ossiculi abit, eique



eique infigitur, & firmitudini ejus ac motui conferre videtur. Cuncta vero isthæc quatuor ossicula, aliorum more ossium, suo induta periostio, vasculis donato sanguineis, ligamentis quibusdam membranaceis, cum inter se, tum partibus vicinis colligantur, & quod ipsis singulare est, structura & catenatione mirifica, eademque fere magnitudine sunt, sive illa perquiras in homine jam nato, sive in adulto. Atque ita quidem se habent ossicula hæc cum suis musculis in cavo conchæ, vel tympani. Ex hujus vero lateribus *Duobus ductibus, per quorum alterum* duo egrediuntur ductus, quorum alter via valde tortuosa, processus inter styloidum & mammillarem, *aër ex faucibus subit.* exitum inveniens, partem nervi durioris in musculos capitis externos ducit, & aquæductus a Fallopio cognominatus fuit, quia lamina ossis petrosi, dum per aures fertur, tectus, nervo transitum concedit, more ductuum, quibus superius tectis, aquæ securius decurrunt; alter, quem cum priori a multis confundi optime doctissimus Schelhammerus animadvertit de Org. Aud. P. I. C. IV. ex ima parte tympani egrediens, previus in fauces, atque initio osseus, tum cartilagineus, & membranofus, valvula vero, ut falso creditum, nulla instructus est. Ejus canaliculi primus fecit mentionem Aristoteles lib. 1. Hist. An. c. 2. sed accuratius deinde ab Eustachio, post eumque a Volch. Coitero is descriptus est, & eo potissimum tempore, quo fauces dilatantur, atque ad deglutitionem aperiuntur, ostio latiore cavum versus narium ita hiat, ut aër inspirando ductus eundem facile subire, & cum aëre,



*Duabus fenestellis,*

*Et Labyrintho, qui tribus constat partibus,*

aëre, in cavo tympani contento, communicare possit. Per eundem meatum jam dictam cavitatem collecto in eadem humore, usu imprimis masticatoriorum, quoties opus est, purgari, notius est, quam ut dici debeat. Præter hos meatus duo sunt foraminula, in pariete ejusdem tympani posteriore excisa, suisque pelliculis oblecta, unum ovale superius, cui basin stapedis inniti diximus, alterum inferius & rotundum, per quæ, tanquam fenestellas, in specum intimam, tympano conterminam, spectatur. Hæc in quodam ossis petrosi recessu, tanquam in petra, seu rupe, excavata, quia pluribus constat gyris, mutuis sinibus concurrentibus, labyrinthus appellatur, atque in tres partes a CL. Du Verneyo de org. Aud. commodè dividitur. Ex his introitus, quo fenestella ducit ovalis, vestibulum labyrinthi vocatur, quia ad alia duo antra ossæ aditum monstrat. Hinc enim ostiola patent quinque in tres excavationes ossæas, in semicirculos inflexas, sinibusque mutuis concurrentes, atque ex orificiis amplis in spatia angustiora, ex iisque iterum in orificia ejusdem cum prioribus diametri, abeuntes, quas speciatim labyrinthum appellant. Unum præterea, idemque primum, ostiolum tendit in canalem pariter ossæum, qui ductu spirali circumflexus, gradatim decrescens, in cuspidem desinit, ad formam cochleæ, unde nomen habet. Cujus quidem canalis spiram lamina quædam ossæa tenuissima sequitur, eamque a principio ad finem usque per medium secans, in duas partes, ac veluti scalas, dirimit, quarum superior ex vestibulo



bulo labyrinthi patens habet ostium, altera vero ex concha per fenestellam rotundam introitum admittit. Atque hos omnes ossis petrosi cuniculos, quos commercium inter se colere eleganti experimento comprobavit CL. Schelhammerus l. c. non solum tenuis intus pellicula, arteriis venisque ornata, obducit & succin- *Quas tunica nervosa succingit.* git, sed etiam nervorum septimi paris propago mollior, in tres divisa ramulos, subit, quæ suarum expansione fibrarum cum introitum labyrinthi, sive vestibulum, tum omnes ejus gyros spirasque obtendit & investit. Hisque demum solitudinibus & recessibus osseis aër *Aer labyrinthi conclusus.* concluditur interior, quem verosimile est per binas fenestellas cum aëre tympani, qui per meatum subit Eustachianum, commercium alere, quamvis eundem auri omnino ingenitum esse, insita animis & vetusta opinio fuerit.

Ita se habet auditus organum, cujus tam diversæ partes artificio prorsus divino ad id effectæ atque accommodatæ sunt, ut tremores corporum sonoros excipiant, atque ad cerebrum transmittant. Cui quidem *Ufus Auricula.* fini auricula extra eminet, & cartilagine constat, late pansa & diducta, atque in arctius deinde concharum spatium ita contracta, ut motus aëris sonori, a quacunque parte vel plaga veniant, commode excipi, & tanquam per infundibulum, in continuatum angustiorum meatum auditorium convehi, possint. Is *Meatus auditorii,* vero meatus, ex coarctatione illius conchati operis productus, duos itidem ex cartilagine introitus, ac finem osseum, & inter totum obliquum, multisque cum



flexibus habet, quod his naturis, coactus & relatus, ac tanquam in tuba auctus motus idem sonorus invalescit, & tympani membranulam validius impetit ac ferit.

*Membrana  
tympani.*

Hæc enim membranula non tantum meatum externum ab interno distinguit, huncque, & quæ eodem continentur, ab aëris externi vi & injuriis præmunit, sed hujus etiam tremores & impressiones recipit, atque

*Musculorum,*

ad interiora deducit. Quamobrem ea pellicula tenuis quidem, sed duplex, firma, siccaque facta est, & musculorum, qui ad ossicula pertinent, vigore intendi pariter ac relaxari, prout impressio aëris sonori requisierit, neque precuti ab eodem & tremere potest, quin arctius eidem conjunctum mallei manubrium cum suo capitello, eoque incus, & tota ossiculorum mobilis catenula, simili plane modo vibretur & contremiscat.

*Ossiculorum,*

His vero membranæ tympani & ossiculorum vibrationibus concussam aëra, illius capsula contentum, necesse est pariter tremiscere, eundemque adeo tremorem,

*Aeris tympano  
contenti,*

ab ictibus aeriis forinsecus illatum, atque inter parietes osseos tympani, tenuissima tectos quasi serica pellicula, multiplici reflectione auctum, cum serie ossi-

*Fenestellarum,*

culorum catenata, ope stapedis per fenestellam ovalem, tum ipso aëre tympani interno, per fenestel-

*Labyrinthi,  
eoque conclusi  
aeris,*

lam rotundam, ad labyrinthum traduci. Ita vero ex concha per fenestellas ingruens tremor, atque in aëra, labyrintho conclusum, translatus, cum illico cochleam perstrepat, tum per canales osseos semicirculares, tanquam totidem cornicula, propagatur, in iisdemque ab orificiis amplioribus ad spatia media angustiora,

stiora,



ffiora, atque ex his in orificia ejusdem cum prioribus diametri, abeuntibus, & sinibus mutuis sese respicientibus, revolutus, & pluries reflexus, motu nusquam intermisso in cochleæ usque apicem collecta vi contendit, & illorum gyrorum pariter ac hujus inprimis tunicam nerveam, qua spiralis oblinitur lamina, concutit, servata norma tremoris primi, impressi membranæ tympani. Ista igitur nervosa tunica præcipuum auditus organum merito habetur. Namque ad hanc omnes isti tremuli æris motus, toties coacti & multiplicati, ultimo contendunt, aptaque eadem est, utpote laminæ tenuissimæ, & quodammodo pensili, tenæ, atque in apicem abeunti, inducæ, ut & motus istos facile suscipere, & per continuati nervi fila ulterius ad cerebrum amandare possit. Ac tametsi quædam tremoris impressio etiam in vestibulo labyrinthi, & hujus corniculis fiat, tamen ea, quia liber æri trementi exitus per utraque orificia patet, minor multo & debilior erit, quam in cochlea, in cujus quippe spiris conclusis, & gradatim ad angustias apicis decrescentibus, omnis vis collecti undique tremoris confluit, & eodem prope modo invalescit, quo in fidibus testudine resonatur, atque ex locis tortuosis & inclusis soni amplificantur. Neque obesse huic sententiæ potest, quod cochlea in avibus nulla reperitur. In his enim, præter ductus tres semicirculares, quartus est in labyrintho recessus, ac veluti facculus cæcus, & exitu carens, quem nervus investit. Nec vero eadem auris in animantibus omnibus constructio, sed varia in variis esse solet.

Et  
Tunica nervea, qua immediatum auditus organum.



*Ratio soni  
consistit in  
motu tremulo,  
ab objecto so-  
noro auribus  
illato, atque  
a mente per-  
cepto.*

*In quo consi-  
stat vis sono-  
ra,*

Cum igitur tantus partium apparatus in aure hunc mirandum in modum effectus ac formatus sit, ut tremorem corporum, quæ sonora dicuntur, recipiat, eundemque ad cerebrum, in quo sentiendi vis & ratio inest, per nervorum chordas traducat, id quidem clare intelligitur, ad explicandam soni, qui objectum est auditus, naturam qualitatem aliam sonantem frustra advocari, cum non minus ex constructione organi, quam ipsius natura objecti pateat, omnem soni rationem generatim in tremore corporis sonori, a collisione, vel ictu & percussione corporum impresso, atque per aures ad cerebrum traducto, ibidemque a mente percepto, consistere. Quod ut evidentius appareat, distinguenda iterum est sensatio soni, quæ fit in mente, a vi, existente in corporibus, in quibus sonus esse dicitur, quando istam in mente sensationem excitant. Vis enim illa unice sita est in ea particularum, quibus corpora sonora constant, cohæsiōe, qua illæ percussæ collidi, sive tendi & comprimi, iterumque reselire, atque adeo vibrari, & tremulum concipere motum possunt. Hoc manifestum est in omnibus sonoris corporibus, quorum nullum deprehendas, quin ea partium habitudine & conformatione gaudeat. Videas contra, corpora quævis alia, quorum particulæ ita molles sunt & flexiles, ut pressioni cedant quidam, nulla vero vi resiliendi polleant, non magis concipiendo tremori, quam edendo sono apta & idonea esse. Quod multo aliter illis evenit, quæ particulis rigidis, inter se cohærentibus, consistunt &

coag-



coagmentata sunt. Nam hujusmodi particulæ cum & impulsui, ac tensioni, compressionique fortius resistent, & dum ita impulsæ & collisæ sese mutuo tangunt. & premunt, sua vi elastica celerrime resiliunt & subsultent, majorem utique & diutius perseverantem tremorem concipiunt, utpote qui in alternis ejusmodi particularum & celerrimis tensionibus ac restitutionibus, sive in frequentiore particularum tensionum, seseque restituentium subsulto & vibratione consistit. Cujusmodi quidem vibrationem motuque tremulum ipso visu in tensis & pulsatis chordis organorum musicorum, ac inde reflexo procul lumine, ut & tactu cum in his, ipsoque instrumento ligneo, supra quod ab uno extremo ad alterum chorda tensa innititur, tum in campanis, adhuc tinnientibus, percipimus. Ac pertinet huc, quod peculiari epistola memorat CL. Morhofus, certo vocis continuatæ sono, consonos eidem scyphos vitreos fremere primo & totus contremiscere, ac tandem in frustra dissilire. Quare quo rigidioribus particulis corpora constant, hoc magis resonare deprehenduntur. Quod manifesto in metallis liquet, quorum alia aliis uti rigore particularum, sic etiam habilitate concipiendi tremoris, reddendique sonitus, antecellunt. Ex his quidem plumbum, quia omnium maxime flecti & tractari potest, & vix ullam se restituendi vim habet, minime ad sonum aptum est. Cum autem chalybs, & aes, cum stanno permixtum, omnium maxime rigeant, causa in pro-



mtu est, quamobrem concipiendo tremori hæc maxime sint idonea. Id quod sonus eorum declarat, qui & vehementior est, & diutius durat. Ita vero cum stannum magis, quam plumbum, aurum magis, quam stannum, argentum magis, quam aurum, rigeat, alterum altero majorem edit sonitum. Quorsum quidem etiam varia partium cohæsiō, & relictorum inter easdem intervallorum, in quibus illæ vibrantur & tremunt, dispositio aliquid confert. Ac vero videtur proximum, in corporibus magis sonoris plurimos, eosque exiguos meatus esse, in quibus pressæ & tensæ particulæ, celerrime resiliant, & vicinas ac interjectas particulas similiter agitent & percutiant.

Neque vero corpora sonora tantum solida, sed etiam liquida ea partium habitudine gaudere, qua vel inter se, vel cum corporibus solidis collisa, tremorem concipiant, & sonitum reddant, satis, credo, maris & undarum fremitus, tum etiam tonitrua testantur. Idem docent non minus fermentationes musti & liquorum aliorum, quam confictiones & effervescentiæ pugnantium inter se spirituum chymicorum, quibus stridulus quidam sonus, similis illi, qui ex immersione carbonis vivi in aqua exauditur. Atque hæc quidem corpora, cum solida, tum liquida, uti tremorem concipere, sic etiam propagare eundem, atque ad aures deferre possunt. Cui rei indicio sunt afferes lignei longissimi, qui ex levi unius extremi ictu tremorem concipiunt, atque ad alterum propagant. Neque rem aliter comperias, si extrema duorum asse-

*Ut concipiendo, sic propagando, motui sonoro apta sunt corpora solida.*



afferum ita conjungantur, ut angulum rectum efficiant. Horum enim uni incussus tremor, illico non tantum directo per omnem ejus longitudinem, sed etiam oblique per alterum, angulum rectum cum priore constituentem, in admotas propius aures diffunditur, sonumque in mente parit. Idem evenire videas in parietibus intergerinis lapideis, duo cubicula dividantibus, quibus admotæ aures clarius sæpe vocem loquentium in contiguo cubiculo, quam per patentes januas, vel fenestras, excipiunt. Notum est etiam, ad pulsationem chordæ unius instrumenti musici aliam unisonam ulterius tremere, si utrumque instrumentum rigidæ tabulæ incumbat. Nec quenquam fugit, terram vibrari, & tremorem longissime proferre, cum magna copia in cavernis accensa subito sulphurea materia, propulsi confertim & prorumpentes vehementi impetu halitus, latera illarum, vel fornicem concutiunt, aut cum cœlum intonat, vel tormenta bellica exploduntur, vel campanæ majores agitantur. Pari modo adventum equorum & curruum, quamvis longis absint intervallis, audias, si corpore humi prostrato, aures solo, vel erecti supra ejus superficiem tympani membranæ, admoveas. Nec satis scio, an tremori, ab ossibus sincipitis per ossa temporum ad labyrinthum, & spiralem inprimis cochleæ laminam, prolato,tribuendum sit, quod multi, qui aure sonos percipere nequeunt, percipiant tamen, si quis supra caput iis loquatur. Quemadmodum ex Iuventio Celso habet Imp. Justinianus lib. 10. C. qui testam. fac. poss. nullum, adeo

fur-



surdum esse, quin audiat, si quis supra cerebrum ejus loquatur. Id quod duobus exemplis confirmat Menagins in Amœnit. jur. Civ. c. 27. quamvis rationem, ex Aristotelis Problematis petitam, sagacioribus minus approbet.

*Et liquida,*

In corporibus liquidis tremorem sonorum per aquas diffundi, testimonio sunt pisces, qui cum silentio capiuntur: consuetudine etiam quidam in vivariis ad cibum congregantur cum plausu, vel sonitu campanarum. Ac mirandum, quod refert Plinius L. X. c. LXX. In piscinis Cæsaris genera piscium ad nomem venire, quosdam singulos. Testantur etiam urinatores, audiri in aqua, hoc quidem minus, quo longius a superficie absunt, & altius aquis immerguntur, ut a Digbæo I. de Nat. corp. 28. & Gassendo Ph. Ep. T. II. p. 368. relatatum legimus. Quodsi propagatum tremorem oculis quadantenus usurpare volupe sit, scyphi vitrei, aqua pleni, ore digito celerius moto & circumducto premantur. Sic enim vitrum tremorem, ex quo sonus resultat, concipit, eumque in aquam contentam ita defert, ut hujus guttulæ minimæ in altum vibrentur, & circumquaque sine ordine spargantur, quoties tremor scyphi invalescit. Sed jucundius spectaculum præbet hydrargyrum, quod vase, supra pavimentum, vel tabulam firmam, collocato, continetur. Hoc enim ad strepitum curruum & equorum, vel sonantium tympanorum, & campanarum sonitus etiamsi longissime distent, tremulas in superficie motiones concipit, quæ etiam in reflexis ad parietem radiis ex superficie hydrargyri conspiciuntur. Omnium autem

ma-



maxime aër tremori sonoro, longe lateque proferendo, accomodatus est, quia particulis constat rigidiusculis, ac veluti machinulis, flecti & comprimi, ac resilire aptis, quæ dum collisione corporum, vel aëris percussione, impulsæ & inflexæ, vi sua elastica restituantur, &, quam accepere impressionem, ista resultatione vicino ac circumjecto, anteriorique inprimis aëri, impertiunt, innumerabiles alias fibrations efficiunt, & hunc tremulum motum ac fremitum aëris magna velocitate quaquaversum, atque ad aures nostras propagant, hasque diversimode pulsando, diversa sonorum genera in nobis producant. Cujus quidem rei certiores reddimur isto familiari experimento, quo campanula, in vitro, accurate clauso, suspensa, & pulsata, tremulum suarum particularum motum concipit, qui in proximum aerem, ipsumque vitrum traductus, in aërem exterius ambientem com meat, eoque aures nostras vibrat. Contra hoc minus eadem sonat campanula, quo major aëris copia ope antliæ pnevmonicæ emittitur, eoque exhausto, vix amplius percipitur. Eadem est sonantis horologii ratio. Ac pertinet huc, quod Varænius ex observatione Fraelichii refert, qui cum montem Carpathum in Hungaria conscendisset, in ejus jugo adeo tranquillum & tenuem offendit aerem, ut ne pili quidem motum sentiret: cum inter adscendendum, in depressioribus montibus ventum vehementem esset expertus; atque, ut ipse existimat, illius montis altitudo ad miliare Germanicum assurgit: cum nubes, quas subiit, vix essent



dimidio milliari Germanico altiores. Explosit in summo montis cacumine sclopetum, quod non majorem edidit sonum, quam si bacillum confregisset: sed post aliquod temporis intervallum, murmur prolixum adeo invaluit, ut inferiores montis partes, sive convalles, impleret. Inter descendendum per annosas nives iterum sclopetum explosit: sed cum ingenti fragore, qualem vix tormentum bellicum emitteret, isque per semiquadrantem horæ duravit. Quæ omnia multo fierent aliter, si ipsa in ætherea, vel cœlesti materia, quæ vitri, & omnium corporum, etiam solidissimorum, meatus pervadit, motio sonora, diffunderetur. Idem vero ex illo phænomeno intelligitur, quocitius flammam explosi tormenti bellici, & cœlo tonante fulgurationem, videmus, quam sonitum illius, & tonitruum ac fragorem fulmineum exaudiamus, quia agitatio materiæ æthereæ, qua excitatur & diffunditur lumen, multum celeritate superat reciprocas spirularum aëris vibrationes, quibus sonus propagatur. Ad hæc noctu, quam interdiu, sonos melius audiri, popularis est observatio, quod utut silentio noctis, & quietiori proinde aëri, non sine ratione tribuat Aristoteles: tamen potiore ejus effectus causam aëris per frigus nocturnum densitati, & particularum, quibus abundat, rigori, merito cum Fr. Bayle Probl. XXIX. assignamus. Nam constat, in densis, quam in laxis & mollioribus, corporibus longius percussione protendi. Eoque fit, ut hyeme, quam æstate, acutius resonent corpora, & vix attendi mereatur, quod habet CL. Bartholi-



tholinus L. III. de Luc. anim. c. 2. multum conferre lucem ad expeditiorem auditum.

Hæc si recte perpendamus, nil causæ esse apparebit, quamobrem motus aëris sonoros per gyros proferri existimemus, more circulatorum undarum, qui in stantem aquam injecto lapillo nascuntur innumera-<sup>Motus sonori non propagantur per circulos.</sup> biles, & quam latissime possint, vagantur, utut vetus ea sit opinio Alexandri Aphrodisiensis, Themistii & Averrois, quam eleganter refert Vitruvius lib. V. de Architect. c. 3. Cum enim illius motus propagatio non quavis fiat agitatione aëris, sed ea, qua ejus spirulæ, subito impulsæ & inflexæ, ad latera cedere, & impellentis vim eludere nequeunt, sed collisæ, cum impetu resiliunt, vero videtur similis, motum illum potius per radios proferri, hosque spherice diffundi, & paulatim languescere, tandem desinere. Hoc autem citius<sup>Sed per radios, spherice diffusos.</sup> debilitantur, ac evanescunt, quo minore vi, & liberius, ac latius ab objecto sonoro sparguntur: quo vero majore copia collecti in tubo & congregati, motuque pulsi vividiore, procedunt, hoc longius vim suam protendunt, quia crebris reflexionibus in tubo auctus ille aëris motus, eundo vires acquirit. Id quod ex constructione organorum, quibus vox formatur, haud difficile intelligas, quæ quippe ita conformata, ut motio aëris, ex tubulis & bronchiis pulmonum tam multis in angusta longaque trachæ fistula confluentis & coacti, crebroque reflexi, ac per angustiores glottidis rimulam elisi, ope motus thoracis, laryngis & partium oris varie intendi, atque ad certam plagam & distantiam



pro lubitu dirigi & propagari possit. Sed clarius idem ex tubis, præcipue stentoriis, patet, intra quarum cavum coacti radii sonori, ore loquentis intromissi, ita progrediuntur, ut in earum lateribus, totaque rotunditate, successive & multipliciter reflexi, iterumque coeuntes, & a tremore tubæ aucti, vi unita & fortiore, ad insignem distantiam protendantur, eoque vox per multo longius spatium, quam sibi relicta solet, provehatur. De qua re copiose & erudite, ut solet, egit CL. Sturmius Coll. Exp. P. II. Illud autem adversus priorem opinionem hic notandum est, sæpius circulos in undis sine ullo sono fieri, huncque per illas propagari & in iisdem pisces ad certa loca convocare, quamvis nulli appareant circuli. Neque est, quod quis cum Sengverdio Ph. Nat. P. I. c. 18. regerat, circellos ejusmodi ad oculum patere in liquore vitro contento, ubi, circumducto digito per illius oram, sonus excitatur. Namque in eo experimento præter tales circellos, a quibus sonus nullus proficiscitur, alius minimorum motus sonorus, isque tremulus & turbulentus, a tremore sonoro vitri in particulas aquæ propagatur, qui quando sonus intenditur, multo fit vehementior, & vibrata tota aqua, minimarum guttularum pluviam facit.

*Sonus quid?*

Ex his vero omnibus, id quod initio dictum est, haud difficulter colligitur, sonum primum, vel potentia, ut appellant, non nisi tremulum corporis sonori motum esse, eumque actu talem, quem veteres secundum nrminabant, fieri, cum ad aures, & harum, succi-



succique nervosi ministerio, ad ipsum delatus cerebrum, a mente percipitur. Quæ vero de speciebus corporum sonoris, vel soni vicariis, vulgo afferuntur, ea commentis ingeniorum merito annumerantur. Quorsum referenda quoque sententia Verulamii in Sylv. quando soni species opinatur per poros aëris ingredi, quemadmodum species colorum impermixtas & distinctas. Nec magnam nunc difficultatem habebit soni gavis, vel obtusi, & acuti discrimen. Id enim omne a vibrationum, quibus tremor sonorus constat, frequentia & celeritate pendere videtur, ita ut quo percussæ, vel collisæ corporis sonori particulæ, vibrationes crebriores pluriesque repetitas breviori temporis spatio conficiunt, hoc magis acutus; quo vero pauciores in longiore fiunt tempore, hoc gravior sonus existat. Unda ratio patet, quamobrem sonus nimis acutus adversus sit, & vim aliquando inferat, quia frequentioribus vibrationibus tensæ nimium, ac sæpius fibrillæ membranularum, facilem in suo tono mutationem subire, vel plane divelli ac lacerari possunt. Præterea etiam facile intelligitur, radios sonoros, caverna quadam, vel concameratione, collectos & ita impeditos, ut ultra ferri per lineam rectam, alioque dilabi & dispergi nequeant, per lineam reflexam ad eundem locum, unde processere, reperi, ac sonum reddi, qui echo dicitur; idque pluries fieri, si plures adsint concamerationes, a se ita distantes, ut una citius altera eosdem radios reflectat; & nunc unam, modo plures vocis syllabas iterari, prout distantia earum

*Discrimen soni  
ni gravis &  
acuti.*

*Quid Echo?*



*Ratio effectus  
soni, mu-  
sice,*

longior, vel brevior fuerit. Demum, si recogitemus, omnem soni vim & varietatem a vario tremore corporum sonorum, cum solidorum, tum liquidorum, dependere, facile patebit, quomodo soni, & cantus, ac concentus musici, varios motus animi in nobis excitent, aliquando etiam morbis medeantur. Nimirum uti pulsata & tremens cithara similem tremorem imprimit aëri, qui eundem in poculum vitreum, eoque contentum vinum defert & propagat: pari modo idem citharæ tremor non tantum aures, harumque nervos, & eorum stirpem, cerebrum, sed etiam universum corporis contextum fibrosum ferit, & cum in his, tum iisdem contentis humoribus, similem motum excuscat, eumque varium, prout motus sonorus varius est, & vel tardior, vel celerior, & variis se modis aliis habet: unde motus varii animi, effectaque alia in corpore proficiscuntur. Nam succi quidem corporis, fibræque ipsæ, ac presertim nerveæ, illa varia aëris sonori motionem varie & quasi ad numeros agitantur; Mens vero ipsa ordinem illarum motionum, omnemque pulchritudinem percipit.

*Et  
sermonis,*

Neque adeo mirandum nunc erit, posse ex auditu verborum & orationis elaboratæ homines duci, & quasi extra se rapi. Siquidem in verbis, ut scite addit subtilis Philosophus Gallus, D. de Cordemoy, in eleganti de voce libello, duo sunt consideranda, materiale, & ideale, quorum illud quidem tam efficax esse nequit, alterum autem quædam est propago cogitationum animi, omnibus orationis partibus insista, & cum ipsius soni



sonu modulatione transmissa, qua velut sibi cognata anima fruitur. Nihil enim, ut author est Tullius, tam cognatum mentibus nostris, quam numeri, & voces, quibus & excitamur, & incendimur, & lenimur, & languescimus, & ad hilaritatem & ad tristitiam saepe deducimur.

## CAP. XXIIIX.

DE

## VISU.

Upere est de Visu dicere, quo lucem hanc cœli suavissimam, & astrorum ortus, obitus & cursus, omnemque mundi ornatum & pulchritudinem perspicimus, & ipsius tantorum operum factoris atque artificis & Creatoris nostri digitum ubivis deprehendimus: qui nos homines, humo primum excitatos, excelsos, & erectos constituit, ut Dei cognitionem, cœlum pariter ac terram intuentes, capere queamus, ac intelligere, mente consilioque divino omnia in hoc mundo ad salutem omnium conservationemque admirabiliter administrari. Ejusdem ope præstantissimi sensus in iis artibus, quarum judicium est oculorum, in pictis, fictis, cœlatisque formis, in corporum etiam motione, ac gestu, multa subtiliter cernimus: colorum etiam, & figurarum tum venustatem atque ordinem, &, ut ita di-



Oculorum  
Situs,

Munimenta,

dicam, decentiam judicamus : atque alia plura & majora. Nam & mentem prope ipsam, ac voluntatem, & virtutes, ac vitia dignoscimus : iratum, propitium, lætatem, dolentem, fortem, ignavum, audacem, timidumque intelligimus. Quæ igitur cuncta cum oculorum acie contueri debeamus, duos horum similimos orbes Deus, tanquam fenestras, pellucido obductas vitro, in suprema primorique facie collocavit, in orbita ossea, antè patente, postè vero, superius, atque ad latera, ex ossibus frontis, & tribus maxillæ superioris, constructa, & tribus pervia foraminibus, quæ nervis opticis una cum vasis sanguineis, nervisque oculorum motoriis, ac humoribus, ad nares confluentibus, viam & aditum patefaciunt. Neque eos nasi tantum tutela, tanquam pariete intergerino, distinxit, sed aliis etiam excelsis undique partibus, veluti munimentis, ira textit & obvallavit, ut inter eas tuto lateant, & non minus expedite in omnem partem circumspicere, quam radiorum undique venientium vibrationes, in eosdem incidentes, per filamenta nervorum opticorum ad cerebrum, & mentis sedem, recta transmittere possint. Primum enim superiora, superciliis obducta, sudorem, resque alias, a capite & fronte depluentes, repellunt. Genæ deinde ab inferiore parte tutantur subjectæ, leviterque eminentes. Ac binæ palpebræ, oculorum tegumenta, mollissimæ, tactu ne læderent aciem, atque ad aperiendas, & claudendas detergendasque eorum fenestras, aptissimæ factæ sunt, idque provisum est ope musculo-  
rum,



rum, ut identidem fieri cum maxima celeritate possit. Munitæ etiam sunt palpebræ tanquam vallo pilorum duriorum ac brevium, limbum illarum cartilagineum, quem tarsum ac cilium vocamus, sepientium, quibus & apertis oculis si quid incideret, repelleretur, & somno conniventibus, cum iis ad cernendum non egeremus, oculi tanquam involuti quiescerent. Lubricos quoque oculos & mobiles fecit divina solertia, ut & declinarent, si quid noceret, & aspectum, quo vellent, facile converterent. Lubricat eosdem & humigat ros ille unctuosus lymphæ, quem glandulæ ductusque lachrimales, de quibus supra dictum est, emittunt. Regendis autem oculis sex musculi præfecti sunt, quatuor e regione positi, a situ pariter & actione cognomento recti, qui ducta ab orbita oculi juxta nervum opticum per gracilia initia origine, sub tunica adnata serpentes, ad partem oculi anteriorem accedunt, latisque tendinibus in eandem inferuntur, & oculum sursum & deorsum, atque ad latera ducunt; & duo obliqui, cinguli instar oculum complectentes, quorum opera oculis in gyrum volvitur, ac veluti salit, non sine gratia, & quodam quasi amoris interprete. Atque omnes hi musculi sufficienti vasorum, succum sanguinemque vehentium, agmine stipati, tendines suos latius in oculum explicant, qui eleganti reptatu, eoque implexo, tunicæ scleroticæ innexi, in tunicam tendineam, quam etiam innominatam vocant, expanduntur. Hanc vero alia tegit tunica, eaque laxior, dicta albuginea.

*Musculi.**Tunica**Tendinea,*



*Conjunctiva*, nea, itemque adnata & conjunctiva, quæ ex perioftio, vel penicranio producta, & magna vasorum, in ophthalmia inprimis emicantium, copia foecunda, atque ad iridis usque terminos prolata, orbitæ ac palpebris oculum conjungit, & providet, ut ille, prout necessitas requisierit, commoveri recte possit.

*Et* Ipsa vero camera visualis, quam globum & bulbum oculi appellamus, a nervo pendet optico, atque ex tribus ab illo nervo propagatis tunicis, & totidem limpidissimis humoribus, quorum duo sua quisque ternerrimina tunica amiciuntur, mirifice contextis, est conformata. Illarum exterior ex crassa prodit meninge, visorium nervum involvente, quæ, ubi ad oculi fundum pertingit, explicatur, & durior reddita, ac

*Tunica*

*Sclerotica,*

crassior, bulbum universum circumcirca, parte tam anteriore, quam posteriore, obtegit, atque concamerationem oculi efficit. Posterior tamen ipsius pars a principio suo ad anteriora usque oculi porrecta, firmior est & densa, nec pellucens; unde Sclerotica, seu dura dicta est. Quod vero ejus reliquum est, exuta

*Cornea,*

crassitie, laternæ cornu imaginem præ se fert, atque ex striis pluribus implexis, & lamellis quibusdam tenuissimis, veluti cornu, compactum, pellucidum, ac in plerisque aliquanto convexius est: veteres a cornu effigie *κερατοειδής*, five tunicam corneam, nuncuparunt. Intra scleroticam alia tenuior membranula, aulaei instar, expanditur, figura fere rotunda, sed alterius, ubi ope ligamenti cum priore, & margine humoris crystallini, ad firmandos parietes

*Choroidea,*

came-



cameræ, firmiter connectitur, atque a carnea secedit, leviter introrsum compressa, & in medio pertusa exiguo quodam, eoque orbiculato, foramine, quod foris respicientibus nigerrimum apparet, & cum interjacente humore crystallino pupillam constituit, ita dictam, quod in illo foraminulo quædam imaguncula, a radiis in superficie oculi ibi repercussis, oculum aspicientibus appareat. Eius tunicæ interior superficies atra quadam fuligine obducta, totaque nigra & obscura, uvæ nigricantis folliculo, leviter introrsum acta, cuique evulsus sit petiolus, perquam similis est, & Græcis *παροειδής*, Latinis uvea, nuncupatur. Vocatur etiam, parte præsertim postica *χοροειδής* quod per eam vasa disseminentur innumerabili copia, quemadmodum per tenuem meningem, cujus soboles videntur. Namque hæc, & sclerotica tunica, fibrillis quibusdam transversis, & multis arteriarum venarumque surculis, cohærent, quos sibi ipsis porrigunt, perinde ac cerebri membranæ solent. Ac reptatus quidem arteriolarum per tunicam choroideam ita est dispositus, ut emissi ex trunculis ramuli scite & venuste in orbem spargantur, quod eleganti icone exhibet Ruyschius in Resp. ad Ep. An. XIII. Hic eandem tunicam geminam, fortasse ex utraque meninge tenui-productam, vel duabus constantem lamellis, observavit, quarum interiorem propterea Ruyschianam appellat, atque arterias copiosas pariter, sed aliter, quam in lamella altera, dispositas, & variis in locis in modum crucis se secantes, gerere, annotat l.c. Pars hu-



*Uvea.**Ligamentum  
ciliare.**Processus ci-  
liaris.**Iris.*

jus tunicæ geminæ anterior, introrsum acta, & per-  
 forata, speciatim uvea dicitur, quæ fibris donata ner-  
 veis pariter ac carneis quasi sericis, in orbemque ra-  
 diantibus, & intextis iisdem vasculis, plurimis veluti  
 jugulis undulatis, pigmento nigro obsitis, tumet, & li-  
 gamentum musculosum; dictum ciliare, cujus ambi-  
 tu tunica sclerotica, antequam in corneam abeat, &  
 uvea, facieque posteriore crySTALLINA, & ex parte etiam  
 vitrea, nexæ & jugatæ sunt, constituit, parte vero re-  
 liqua, qua pupillam spectat, in processum abit cilia-  
 rem, qui fibris constans longitudinalibus, in strias re-  
 ctas dispositis, limbo humoris crySTALLINI committitur.  
 Facies ejus processus anterior, & circulus per corneam  
 transparens, iris nuncupatur, quia radii lucis, qui re-  
 fracti quodammodo in diaphana corneæ substantia,  
 pervadentes humorem aqueum, in pupillam conten-  
 derant, exclusi a peripheria crySTALLINI, dum in mul-  
 tiplices illas fibrarum uveæ superficies incidunt, pro  
 concursu vario eminentiarum, & cavitatum, sæpius  
 varieque reflexi, speciem circuli repræsentant, iridis  
 more cœlestis, varios adverso sole colores trahentis.  
 Sæpius autem hic circulus subniger apparet, cœ-  
 ruleus, aut fuscus, a qua colorum varietate oculus  
 nunc fuscus, nunc cœruleus, modo cæsius vocatur,  
 quamvis eminenti uni colori alii semper interspersi  
 sint. Atque is quidem fibrosus circulus humori aqueo  
 veluti innatat, & evidenti est mobilitate, & non mi-  
 nus ampliando aperiendoque, quam contrahendo ar-  
 ctandoque pupillæ orbiculo servit. Duplex quoque idem  
 est



est circulus, major alter, qui desinit, ubi fibræ processus ciliaris terminantur, & reflectuntur arteriolæ, alter multo minor, qui ad pupillam desinit, & ex fibrillis circularibus, in orbemque scite flexis, & annuli in modum circumductis, constructus videtur. Ultima demum intimaque tunica a fundo oculi ad ligamentum usque ciliare tantum protenditur, & figuram præfert sphaeræ, cui pars notabilis est ablata. Hæc ex ipsa nervi optici interiore & meliore parte educitur, qui cum centrum posterioris oculi sedis e regione pupillæ pertundit, non tunicas solum suas pandit, sed filamenta etiam medullaria, eaque mollissima, ac tenuissime fusa, una cum numerosis arteriis, ex fundo item oculi emergentibus, in modum reticuli diducit, atque in membranulam explicat rosicidam, nigris parietibus camerae visualis obductam. Tunicam hanc multi inter ceteras minime referendam putarunt, quod aliarum more membranarum dura firmaque non sit, sed mollis instar muci se habeat. Namque in se collecta hæc villosa nervi portio lentorem quendam facile diffluentem refert, explicata vero, ob intertextam insignem arteriarum capillarium copiam, rete refert parvum, ac propterea ἀμφιβληστροειδής, five retina dicitur.

Retina.

His tribus tunicis constructam oculi cameram tres itidem humores replent, qui pelluciditate & consistentia differunt. Primus inane illud, quod corneam & pupillam, humoremque crystallinum interiacet, opplens, globosumque reddens oculum, a simili-

Humor  
Aqueus.

Ecc 3

tudi-



*Crystallinus,  
cum tunica  
aranaea,*

tudine aquæ ὕδατις, h. e. aqueus, dicitur, quem ex communi humorum omnium fonte, advecto nimirum sanguine per quasdam arteriarum caroditum interiorum propagines, dimanare, suo loco indicavimus. Humor alter, medium occupans locum, suo modo solidus & firmior est, atque, ut observat Ant. a Leuwenhoek Arc. nat. detect. p. 73. ex filamentorum aliquot millibus, a circumferentia ad centrum contendentibus, atque ex his apte densissimeque congestis tenuissimis lamellis, vel squamis, cæpe instar, contextus, sed crysalli modo pellucidus, unde crysallinus dictus est, cujus figura exacte lentis imaginem exprimit, duplici præditam superficie, utraque ad rotunditatem vergente, quarum exterior pressior paulo, & planior est, & segmentum sphaeræ cujusdam majoris, interior vero multo minoris, refert. Adhæc humor hic facie externa lævis admodum & lubricus est, tenuisque tunica obductus, aranearum telis simili, atque aranea ob id nuncupata; posteriore autem sede, in vitrei humoris sinu, tanquam gemma gemmæ conserta, recumbit. In oculi vero centro non exacte situs est, sed ad pupillam propius inclinatus, parteque antica ab humore alluitur aqueo, reliqua vero ligamenti & processus ciliaris filis, tanquam araneus ex telæ suæ centro, suspensus tenetur. Postremus vitro fuso similis, proptereaque vitreus, & ὑλαονιδής, dictus, moleque major & solidiusculus, filis pene innumerabilibus nequitur, ita sibi intertextis, ut plurimos efformet alyceolos, quibus vincitæ & irretitæ liquidæ

*Vitreus  
cum sua tunica.*



dæ particulæ, habitum solidiusculi corporis induunt. Is ligamenti ciliaris musculo parte quadam, anteriore pariter comprehenditur, & tunica totus tenuissima vestitur, quam forma maculæ ex homine repræsentat, Ruyschius l. c. melius autem in piscibus quibusdam observes, in quibus humor vitreus totus in aquam igne vertitur, remanente sola tunica, ut in xyphia annotavit Malpighius l. c. p. 28. Idem humor sede postica sphaericus est, anteriore planus, & in sinu medio crystallum complectitur & fovet, ac membranas, præcipue retinam, totamque sphaeram visualem egregie distendit, & efficit, ut ea justo ab humore crystallino intervallo sejungatur, sine perspicuitatis periculo. Ut vero certum est, humorem aqueum solius ope naturæ restitui - quod supra comprobatum est; ita falsum est, & contra omnem experientiam, aut certe a fraude non alienum, quod Kerkringius & Burrius gloriantur, humorem utrumque posteriorem, ex oculo evulsum, arte restitui & instaurari posse. Præsertim cum de crystallino constet, eum natura a prima origine ita esse comparatum, ut nullum formæ discrimen per ætates, nullum magnitudinis subeat, sive eum perquiras in infantis, sive in adulti oculo.

Quod si constructionem oculi, tanta partium elegantissime concinnatarum, & pulchre inter se consentientium, multitudine præditi, recte perspiciamus, apparebit, eam ad radios, ab objectis visibilibus prodeuntes, excipiendos, atque ad tunicam retinam dirigendos & transmittendos, cameræ instar obscuræ, fabre-

*Oculus est camera obscuræ naturalis.*



Ufus  
Tunica cor-  
nea,

Humoris a-  
quei,

T. Choroides,

Pupilla,

Humoris cry-  
stallini,

fabrefactam esse. Ac tunica quidem sclerotica, quæ cameram visualem efficit, dura, ut firma sit, & parte antica ultra sphaeræ terminos nonnihil arcuata, & polita, lævis, pellucida & quasi cornea est, ut & humorem sistat aqueum, & radiis visivis, in oculos incidentibus, & quandam ex refractione mutationem passis, majori copia viam & aditum concedat. Hac comprehensus humor aqueus radiorum temperationi servit, ac justo quodam intervallo corneam a pupilla, & humore crystallino, distinguit, & utriusque motui ac mutationi velificatur. Tunica altera choroidea nigrore suo obscura reddit penitiora oculi, quo melius in retina radii figantur. Eaque tunica parte priora pertusa pupillam habet, sive fenestellam rotundam, oculi janitricem, quæ figura capacissima est, & intro-mittendis radiis maxime idonea. Atque eam quidem fenestellam musculosus iridis circulus ambit, & suis marginibus aqueo humori veluti innatat, ut lubricos eosdem & promptos ad motum habeat. Tota vero, eaque gemina, tunica uvea tam numeroso vasculorum textu gaudet, ut aëris occursum exposita oculi fabrica, ex tribus illis humoribus, hosque continentibus tenerrimis tunicis, constructa, largo humorum vitallium affluxu in convenienti vigore constituatur, atque a congelatione vindicetur. Pone hanc pupillarem fenestellam lens collocatur crystallina, valde globosa, quo radio directe opposito, & perpendiculari illico transitum ad retinam concedat, reliquorum autem oblique incidentium majorem copiam excipiat, refra-



refractosque debito modo ulterius ad eandem retinam transmittat. Namque prospiciens sagax rerum Conditor, visionem non meliore modo, quam refractione radiorum fieri posse, lentem hanc crystallinam eo artificio inter objectum & retinam posuit, ut radii, prodeuntes a punctis distinctis objecti visibilis, ita a tunica cornea, & humoribus oculi, præsertim crystallino, refringerentur, ut in totidem conos radios colligerentur, quorum vertices ad totidem distincta retinæ puncta pertingerent, quot sunt in objecto, etiamsi in situ inverso, idque eodem ordine, & servata proportionem distantiae, hunc quidem in finem, ut retina in distinctis partibus suis a distinctis objecti partibus distinctos motus exciperet. Quorsum humor etiam vitreus facit, qui fundum oculi occupat, illiusque tunicae reticulum expansum servat, & justo a lente crystallina intervallo sejungit sine perspicuitatis periculo. Hac enim ratione optime fit refractione radiorum, dum per corneam, convexam atque pellucidam, in pupillam directi, ex humore aqueo, ceu medio fluidiore, & rariore, in medium densius, & solidius, humorem nempe crystallinum, & rursus e densiore hoc medio in rarius humorem videlicet vitreum, in telam retinæ, obscuri conclavis veluti parietem, incidunt. Quæ proinde tunica pro ipsa visus officina merito habetur, utpote quam eo artificio contextam & expansam cernimus, ut contactum & motum radiorum non tantum facile recipere, sed etiam per longitudinem nervi ad principium, nimirum cerebrum, & mentis sedem,

H. Vitrei,

T. Retina,  
quæ immediatum visus organum.



dem, propagare possit. Has enim ob causas productam ex medullaribus mollissimis, & roscidis, ac pene fluidis nervi optici capilamentis tunicam, tenuem pariter & subdiaphanam, vel mediam inter pellucidam, & opacam, effecit rerum opifex, ut ultra superficiem admitteret quoquo modo radios, quibus liquor, quem vehit & continet, moveretur vividius, motionesque ad fontem suum, & scaturiginem continua serie traduceret. Ne vero radii dispersi, aut ad retinæ partes alias retorti, visus rationem turbarent, atram juvæ fuliginem interposuit, qua qualiscunque perspicuitas retinæ terminatur, & transitus radiorum impeditur.

Oculi prærogativa præ camera obscura,

Sunt vero etiam quædam singularia in camera visuali, quorum solertiam nulla ars, nulla manus, nemo opifex, consequi possit imitando. Nam præterquam quod ea musculorum ministerio in omnem partem moveri, aciemque in variis objectis, immoto etiam capite, varie convertere ac figere, aut in uno obtutu firmare possit, mira quoque unius pupillæ variatio est, ope iridis musculosæ, cujus celerrima mobilitate fit, ut nulla præeunte mentis cognitione, vel directione, sed solius vi appulsuque luminis vario contractis variæ fibrillis, fenestella pupillæ vel sphærice aperiat, & dilatetur, vel coarctetur, & angustum adeo aditum reddat. Idque ad moderandum radiorum ingressum, qui modo sunt plures, modo pauciores, modo fortes, modo imbecilles, prout objecta, quæ contuemur, plus minus lucida sunt, & illustrata, vel propius, aut longius absunt, vel magis, aut minus illa



illa contemplari studemus. Quibus merito addas, quod ad variam objectorum distantiam oculus se varie accommodare, & tunica retina vel propius ad lentem crystallinam adduci, vel abduci ab eadem possit, prout objectum propius, vel remotius, & ab his proceduntium ramorum illapsus requirit. Quod muneris sex oculorum musculis, quibus illos regi dictum est, Rohaultius l. c. & Bayle Probl. XXVII. jure tribuerunt. Nam fieri aliter nequit, quin, si musculi quatuor recti simul contrahantur, hac actione eorum tonica oculus magis globosus & brevior evadat, humorque vitreus, utpote mollis, & cedere aptus, complanetur, coque retina propius ad lentem crystalli adducatur, quo objecta remota clarius intueri queamus. Sin reliqui duo musculi obliqui, qui oculum cinguli instar complectuntur, agant, necesse est camera ejus cum contentis humoribus elongetur, & tunica proinde retina a crystallino magis abeat & recedat, quo objecta propinqua distinctius cernamus. Quem vero huic sententiæ scrupulum injecit doctissimus Sturmius de inflatione musculorum, & hinc oriente oculi totius secundum omnia latera pressione, qua idem non minus ante retroque exporrigatur, quam abbrevietur, cum musculi recti contrahuntur: eo facile liberabimur, modo recogitemus, id quod c. XXII. annotatum est, contractionem musculorum nulla fibrarum carnearum inflatione & intumescencia, sed constrictione introrsum, atque in spatium angustius facta, peragi. Neque tamen propterea negarim, quod



idem ille vir GL. erudite, ut solet, ostendit, ad illam figuræ oculi variationem tunicam inprimis uveam musculosam, ac ligamentum ejus ciliare, ab eoque propagatum processum pertinere, & contractione fibrarum motricium tunicam uveam pariter ac scleroticam introrsum adduci, totumque adeo bulbum oculi, tanquam funiculo quodam in medio constrictum, retro elongari, & sphæroideam induere figuram, eoque modo ab humore crySTALLINO retinam dimoveri, relaxatis autem fibris iisdem musculosis, cum tunicas, tum humores oculi, ad situm & figuram pristinam redire. Phil. Ecl. Exerc. X.

Cum igitur oculus ad modum camerae obscuræ, seu domus opticae, qua ea, quæ foris geruntur, ad parietem repræsentantur, artificiosissime fabrefactus sit, & nihil contineat, præterquam aptam partium, ad recipiendos lucis radios affabre effectarum conjunctionem, de tota videndi ratione non aliunde melius, quam ex artificio isthoc, judicium ferre licebit. Neque adeo necesse fuerit, ut quoddam oculis insitum & ingenitum lumen fingamus, ejusque emissionem visionem fieri contendamus, sive Pythagoram, sive Platonem auctorem sequamur. Quorum ille quidem existimabat, lumen ab oculo ad illustrandum objectum mitti, & ubi id attigerit, impressam recipere imaginem objecti, & una cum hac radium illum visualem reflecti, atque ad oculum, unde venerat, reverti, & potentia, quæ in eodem resideat, eandem repræsentare. Plato autem statuebat, non tantum ab oculo subtilem

*Visio non fit  
emissione ex  
oculo.*



tilem ac lucidum spiritum, verum etiam ab objecto radium quendam, seu splendorem effluere, & utrumque hoc lumen, ubi aliquo usque in aëra progressum fuerit, concurrere & coalescere, atque adeo συνδυαζαν quandam, sive concursum radiorum, aut corradiationem, vel lumen mixtum, efficere. Verius esse patet antiquum illud dogma, quod visionem sola fieri receptione specierum docet. Quod tamen non ita accipiendum est, ut objecta visibilia ipsam sui substantiam, sive imaginem, ex tenuissimis contextam effluvis, diffundere, & per meatus aëris, ac pupillæ foramen, in oculum immittere, credamus quæ vetus Democriti, Leucippi & Epicuri fuit opinio; vel cum Stagirita statuamus, eadem objecta non imagines rerum materiales, & species reales emittere, sed aëra modo tantum spiritali pingere, easque picturas esse, quas species visibiles, non reales, sed intentionales & virtuales, appellare vulgo solent. Nam & hæc commenta singula, neque cum natura rerum visibilium, neque cum oculorum fabrica & constructione, nec demum cum modo sentiendi consiliari posse, facile intelligentes agnoscunt. Quæ vero imagines visibilium delineatæ in retina oculi, vel bovis, vel alius animantis, præparati visuntur, eæ non aliter, atque in camera obscura, ex sola radiorum congregatione, & inde ortis diversis motibus localibus efformantur, atque adeo ab ipsis adspectabilibus longe sunt diversæ, prout motus & resistantia corporum, quæ cæco occurrunt, nihil habent simile ideis, quas inde animo apprehendit. Quod

*Sed receptio-  
ne, non ima-  
ginum,*



*Sed radiorum,  
ab objectis, quæ  
radios lucis e-  
mittunt, vel  
reflectunt, pro-  
deuntium.*

si aliter statuere velimus, & species, vel imagines rerum ab objectis in oculos manare, talesque in retina asserere, quales anima apprehendit, necesse est, alterum mentis oculum fingamus, quo illa imagines istas in retina delineatas videat, tanquam representativas rerum. Illud vero ex his, quæ hucusque sunt adducta, & non minus ratione, quam ipsius testimonio sensus, atque experimentis compluribus, nunc clarissime constare arbitror, oculum nihil aliud esse, quam cameram obscuram naturalem, nec aliter visionem fieri, quam receptione radiorum, prodeuntium in oculum ab objectis, radios lucis vel emittentibus, vel reflectentibus: quatenus nimirum radii ab objectis illis prædictis modis missi, & quaquaversum diffusi, ad oculos perveniunt, & patefacto per tunicam corneam, & humorem aqueum, atque pupillam aditu, humorem subeunt crystallinum, in eoque potissimum eo, quem diximus, modo collecti, & refracti, ad retinam, visus officinam nervique optici & cerebri sobolem, contendunt, & fibras illius, apte tensas & expansas, liquoremque, his his comprehensum, in motum cient, ipsum mox cerebrum, sensoriumque commune, ita subeuntem, ut ejus occasione, pro diversis visibilium conditionibus, & hinc productis commotionibus retinæ, succique nervosi, vi legis, a Deo inter mentem & corpus sancitæ, variæ in anima luminis, coloris, rerumque aliarum, quæ in adspectabilibus apparent, perceptiones excidentur.

Ut vero variæ sint de natura luminis sententiæ,

&



& illa inprimis Cartesii, qua lumen excitari, statuit, a pressione globulorum coelestium per lineam rectam, facta ab agitatione corporum lucidorum, si præsertim accipiatur, prout a celeberrimo Leibnizio in Act. Erud. Lipf. A. 1682. emendata, aut instaurata est a Fr. Bayle Diss. Phys. IV. nec minus ea, quam insignis Geometra Isaacus Nevvton lib. I. Princ. Math. Phil. nat. in schol. *De natura luminis & propagatione sententia probabilior.* Prop. 96. proposuit, rationi maxime consentanea videatur: placet tamen præ aliis, quam Ill. Hugenus proposuit: Lumen exoriri ab undis æthereis, vel coelestibus, quæ quovis instanti a continua vehementi & vorticosa agitatione impulsuque particularum, corpora luminosa constituentium, quæ undarum illarum centra sunt, excitantur, & secundum suas partes per lineas rectas, quas vocamus radios, procedentes, & quaquaversum per corpora, illi ætheris undulationi patentia, diffusæ, in oculum & retinam incurrunt, visionemque pariunt. Sic enim intellectu non ita arduum est, qua ratione per idem foramen spectatores varii varia cernere objecta possint, & quomodo duo homines oculos suos mutuo contueantur. Nam potest una particula æthereæ undis servire variis, non ex variis tantum locis, sed etiam contrariis venientibus: ac possunt undæ illæ æthereæ se invicem permeare, & intersecare, sine confusione, prout ex Hugenio demonstrat CL. Io. Clericus Phys. L. V. c. 7. Quo fit, ut plura corpora luminosa simul cernere, & alter alterius oculum introspicere possimus. Id quod minus ab hypothese Cartesiana expectaveris, quæ actionem



nem corporum lucidorum tantum in pressione globulorum secundi elementi, sine ullo eorum motu progrediente, sitam esse statuit, qualis quidem simul in partes oppositas, atque in corpora, quæ ad se invicem ut accedant, nulla ratione nituntur, uti sunt duorum hominum oculi, aut duæ faces, agere minus potest. Neque mirum adeo videri poterit, a tenuissimis particulis ludicis solis, & stellarum fixarum, per immensum prope coeli spatium, undas ejusmodi æthereas ad nos diffundi, si perpenderit, id quod laudatus Hugenus uberius exposuit, singulas particulas ætheris, in quo fit undulatio, non solum motum impertiri proximis, quæ in linea recta a puncto lucido per illas ducta sitæ sunt, sed etiam reliquis ipsum circumstantibus, & motum ejus impredientibus, ita ut singulæ particulæ ætheris, in quo prima undulatio excitatur, centra fiant plurium minorum undarum, hæque paulatim in undam principalem majorem coëant, ejusque vim & efficaciam oculos movendi adaugeant. Hinc vero etiam patet, quam subito lumen ab objectis lucidis diffundatur, atque ad nos propagetur, ita ut omnes objectorum, unde venit, partes cernere queamus. Cum enim eo, quem diximus, modo objectum luminosum e singulis suæ superficiæ punctis in orbem radiet, omnes quoque ejusdem objecti partes cernimus, idque eodem prope temporis momento, nimirum physico & successivo, (omni enim motu est successio) sive facta radiorum celerrima propagatione, quam plusquam sexcentis mille vicibus

*Ratio celerioris  
vis propagati-  
onis luminis  
quam soni.*

soni



soni propagationem superare, certis quibusdam experimentis & observationibus constat, de quibus laudatus Hagenius de Lum. & Clericus l. c. videri merentur.

Quemadmodum autem radii luminis nihil aliud *Quid luminis radii?* esse videntur, quam lineæ rectæ, secundum quas partes undarum procedunt, quæque adeo ipsis semper sunt perpendiculares: ita patet, corpora, per quæ illa ætheris undulatio continuatur, esse diaphana, *Ratio Corporum diaphanorum.* quorum quidem ingens occurrit discrimen, cum pro varietate pororum, quibus illa constant, omnia pari celeritate & itinere recto motiones istæ & undæ æthereæ permeare non possint. Quodsi fiat, ut undæ æthereæ in ejusmodi incidant corpora, per quæ propter irregularem atque anfractuosum meatuum positum progredi nequeant, necesse est reflecti easdem & resilire, fere ut videmus, undas in vase, aquæ pleno, excitatas, ire & redire, modo ad dextram, modo ad sinistram, quando parietibus vasis, quo minus iter suum continuent, prohibentur. Hujusmodi igitur *Opacorum.* corpora, quibus radii reflectuntur, opaca vocantur, quorum cum magna sit diversitas, variam quoque illorum oportet fieri reflectionem, pro varietate superficierum, in quas incidunt. Cum enim superficies corporum lævis est & polita, radii, in eam incidentes, nihil prope immutati & ordine fere imperturbato resiliunt, & sive immediate a corpore venerint luminoso, sive ab opacis redierint objectis, claram utrorumque imaginem referunt. Quodsi conca-



reflectuntur radii, ut lineæ reflectionum in certa distantia coëant, in unoque collectæ puncto, vi unita, densoque agmine, ignem & flammam componant.

At aliter evenire videas, ubi inæqualis magis asperaue superficies est. In hanc enim indicentes radii, pro vario corpusculorum, quibus ea superficies constat, figura & dispositione, a motu suo solito defle-

*Coloratorum*, ctunt, & varie inflectuntur, ac infringuntur, nec motu amplius recto, & ita vegeto, ut ex corporibus politis, sed vario & composito, ac quadam vacillatione & confusione, collecti varie, vel dispersi, resiliunt. & villos retinæ varie commovendo, varias colorum perceptiones, vi sæpius commemoratæ unionis, in mente pariunt. Adeo ut, quemadmodum ex motu

oritur lumen, ita ex varietate motus variæ luminis species, sive colores, proficiscantur. Quæ quidem causa est, quamobrem ex solo oculorum ictu luminis scintillæ, & varia colorum genera iisdem obversari videantur, passique aliquod oculorum incommodum, diversos interdum colores, antea minus observatos, percipiant. Atque hæc, uti sola etiam agitatione oculorum colores procreari, testantur: ita unum esse docent omnium colorum fontem, variam nimirum oculorum motionem. Ea vero motio ordinarie ab illis oritur corporibus, quæ varia suarum particularum, quibus consistunt, in figura, magnitudine, situ, ordine & motu, habitudine, ac dispositione pororum, radios luminis varie refringunt, refractosque ad oculos remittunt, unde motus illorum & colorum va-

rietas

Et  
*ipsorum colorum.*



rietas existit. Ut minus sit mirandum, coecos quosdam, de quibus c. X. dictum est, ex solius tactu <sup>Quomodo solo tactu cognoscantur colores.</sup> superficiei corporum, ejusque lævitate atque asperitate diversa, colores discernere potuisse, alterumque eorum, cujus mentionem facit Boyle, asperrimam quidem illam & maxime inæqualem, albi & nigri, lævem maxime & glabram, cœrulei & rubri, indicem habuisse, nigro autem albo, & cœruleo rubrum nonnihil asperiores deprehendi, ceteros colores, prout ab extremis abeunt, fere asperitate decrescere, judicasse. Quorum satis commodam rationem videtur reddidisse illustris Libnizius Hyp. nov. Phys. n. 31. quod alba radiis lucis magis convexitatem, nigra concavitatem obvertant, eoque illa radios eosdem reflectant, hæc vero abdant & occultent, ac minus planitie, plus aculeorum habeant: hinc motum coctionis addit rubedinem efficere, quod inæqualitates abradit. Idque omnino certum est, corpora nigra citius igne solis accendi, quam alba, & v. c. tegulam, uno latere nigram, altero candidam, citius ea parte, quæ nigra est, incallescere, conceptumque calorem diutius tueri & conservare, quam parte altera, quæ candida est: magno indicio, a corpore albo radios pene integros confestim resilire, in nigro autem magnam partem absorberi, intusque volvi diutius, ac tandem extinguui. Idem experimentis variis, exemploque inprimis plurium speculorum parvulorum, quæ singula punctum candidum, vel splendidum exhibent, confirmat doctissimus Abbas Mariottus in Tent. Phys.



de Nat. col. Nec aliter nivis, vitri, & glaciei contuli corpuscula, nec non chartarum & lintheorum copiosissima minima eminentia alba apparent. Cum contra nigra videantur corpora & obscura, quae parum, vel nihil, reflectunt luminis. Rubrum autem, flavum, & ceteros colores apparere putat Præsul curiosus in corporibus, quorum superficies minus luminis, quam alba, & plus, quam nigra, reflectant; & dari quidem horum duos ordines inter album & nigrum, quos in refractis radiis observare liceat, album nempe in medio, ex parte vero convexa flavum & rubrum, ex concava coeruleum & violaceum, & post extremos demum utrinque nigrum. Reliqua brevitatis studio omitto, quæ curiose afferuntur l. c. Equidem adversus hanc colorum ex radiorum in corporibus refractione originem aliam luminis & colorum theoriam annisus est, quem supra laudavi, CL. Nevvton, quando in Transact. Anglic. Anno 1671. & 1676. statuit: Lumen solare ex radiis constare heterogeneis, & indefinitis irrefrangibilitatis gradibus distinctis, ac radios certis gradibus refrangibilitatis præditos, cum sæcernuntur a reliquis, aptos esse ad quosdam certos, & sibi veluti proprios, exhibendos colores, minimeque omnium refrangibiles coccineum, maxime vero refrangibiles saturum violaceum &c. exhibere, & tot esse colores simplices, sive primitivos, quot sunt gradus refrangibilitatis: nec posse illam radiorum affectionem mutari, vel refractione & reflectione, quocunque modo facta, vel concursione, qua plures radii

hete-

CL. Nevvtoni  
de coloribus  
sententia.



heterogenei ad gignendum colorem aliquem compositum confluant. Radiorum autem, omni colorum varietate præditorum, mistura lumen fieri solaris simillimum, ipsamque albedinem ita gigni, & quos lumen solare in prismatico colores exhibet, eos non oriri ex refractione, sed sola radiorum homogeneorum & heterogeneorum segregatione, ut colores sibi proprios exhibere possint. Ex quibus demum concludit, non aliunde proficisci colores, quam a superficie corporum ea habitudine & modificatione, qua majorem radiorum certi cujusdam generis quam reliquorum, copiam reflectant. Hanc vero novam theoriam unum evertit laudati Abbatis experimentum, quo evidenter ostenditur, eandem luminis partem, diversa ratione per refractiones modificatam, diversos colores referre.

Quare illud cum veritate maxime convenire videtur, colores, prout in corporibus consistunt, nihil aliud esse, præterquam variam particularum, superficiem illorum, vel ipsam interiorem molem constituentium, texturam, qua receptos luminis radios suarum dispositione figurarum, pororumque, varie reflectere, & infringere, sive debilitare, eoque modo ad oculos mittere possunt, ut inde variæ motiones in retina, atque hinc sensationes variæ, quas vocamus colores, in mente excitentur. Cui rei illustrandæ innumerabilia fere experimenta serviunt, quibus corpora, si modo aliqua dispositionis, partium fiat mutatio, colores mutare deprehenduntur, de

*Ratio  
Colorum, prout  
ut objectis tribuuntur.*



quibus Boyle de Col. Sturmius Phys. Elect. S. II. cap. 8. & S. III. c. 12. & alii rerum physicarum scriptores, ita copiose egerunt, ut fere nihil addi possit. Immo manente omnino eodem contextu partium, colorem corporum mutari, prout hæc vel situm, vel locum mutaverint, res in vulgus nota est. Sic in prismate vitreo alii atque alii colores magna varietate apparent, prout ejus superficies lumini varia ratione opponitur, idque nunc recta, modo oblique immittitur. Idem in ligno observamus nephritico, cujus exigua frusta aquam ita tingunt, ut pro diverso situ oculi & aquæ, respectu luminis, aquam irradiantis, color modo flavus, modo cœruleus cernatur. Nam aqua illa in vase crySTALLINO oculum inter & corpus luminosum, a quo illustratur, flavo & aureo colore tincta apparet; at cœruleus spectabitur color, ubi oculus inter corpus luminosum & aquam, aut etiam ad ejus latera extiterit. Si liquorem infuderis acidum, color cœruleus evanescet, & liquor aureus omni ex parte videbitur. Huic si oleum tartari per deliquium, vel spiritum aliquem acrem volatilem superfuderis, statim cœruleus restituetur color, aureo penitus extincto. Quod si eadem aqua in phiala oblongioris colli spectetur, colorem flavum, in vitro autem angustiori, rubrum, & si ultra phialam obscurior est locus, cœruleum exhibebit colorem. Demum si per obscuri conclavis foramen radios solis admittas, & phialam, ejusdem plenam aquæ, partim intra conum luminosum, partim extra eundem constituas, & modo totam luci immer-



mersam, modo obscuriori loco positam, aspicias, magna colorum varietate animum delectari, comperies. Hinc vero, opinor, sequitur, ut ad immutationem colorum, ope prismatis, & illius ligni tincturæ, apparentium nihil, aliud requiritur, præterquam sola situs illorum corporum mutatio: ita etiam in objectis aliis visibilibus ad variandum radiorum luminis motum, nihil, præterquam variam partium in superficie, ipsaque mole corporum, dispositionem & texturam, requiri, indeque omnes colores recte deduci.

Quo quidem loco non est, ut illa vulgari colorum in veros, sive reales, vel fixos, & apparentes, divisione impediamur, quum ex asserta colorum natura pateat, unam omnium & eandem rationem esse, eamque in sensu luminis ipsius refracti, atque reflexi, motique multis modis, sive modificati, consistere, ac varietatem ejus & differentias a varietate illa motuum, quibus agitata materia ætherea in diversa superficie objectorum, ab eaque deinde fibrillæ nervorum optico-  
Discrimen inter colores reales & apparentes nullum.

rum, diversimode moventur, pendere. Quo admisso, nullus sine lumine color existere, nec proinde realis cum oppositione ad apparentem dici potest: cum lumen omne sit apparens & adventitium non inhærens ipsis corporibus qualitas. Neque magis ullus color rerum quantumvis subsistentium, v. c. panni, vel auri, realis dicendus est, quam color prismatis vitrei, vel guttarum iridis. Nam constans objecti alicujus colorati partium dispositio & situs, causâ quidem esse potest, ut color constans in sensu excite-  
 tur;



tur; sed causa esse nequit, ut dicatur cum oppositione realis. Quin & fieri videas, ut solius mutatione oculi colores etiam illi, qui reales putantur, aliter appareant. Id quod ipse expertus testatur Rohaultius Phys. P. I. c. 27. Nam cum oculum dextrum diuturniore telescopii usu delassasset, factum est, ut, quando lutea objecta adspiceret oculo dextro, ea non amplius videret, ut antea, neque etiam qualia oculo sinistro apparebant. Et porro quod viride oculo sinistro videbatur, idem dextro spectatum, videbatur ei multo magis ad coeruleum colorem accedere. Sed his, & ejusmodi aliis, amplius haud immorabimur, quum nobis suffecerit nosse, recte visionem appellari sensum, sive ipsam mentem, spectatam, prout occasione motuum fibrarum medullarium retinæ, & nervorum opticorum, easque rigantis & tendentis succi, ab agitatione corporum luminosorum, per impulsu æthera, & hinc excitatas, & quaquaversum propagatas ejus undas, & radios, vel immediate in oculos illapsos, vel ab objectis variis reflexos, impressorum, corpora ipsa luminosa, & hinc propagatum lumen, ac varios hujus, a corporibus opacis reflexi, modos, sive colores, vel etiam alia phænomena, pluribus sensibus communia, percipere potest.

Illam vero si mens est, quæ visibilia apprehendit, & cognoscit, ex motionibus materiæ æthereæ, & nervorum opticorum, quibus affici taliter assuevit, minus erit cogitandum de organo in oculo, quod in-  
versas rerum imagines, propter radiorum, ab oppo-  
sitis

*visio quid?*



sitis objecti partibus venientium, mutuam in humo-  
 re crystallino intersectionem, in retinam successive *Radii situ in-*  
 dirigat. Præsertim cum in oculo nocturæ, adinstar *verso inci-*  
 telescopii adhibito, eo quod pars posterior corneæ sit *dunt in reti-*  
 diaphana, clare appareat, ordine inverso radios ad re- *nam.*  
 tinam propagari. Non aliter, atque in oculo bovis,  
 cui pars scleroticæ atque choroideæ detracta, obver-  
 sa soli, aut lumini pupilla, videmus in nuda retina,  
 vel distracta eadem, in charta alba, ad debitam distan-  
 tiam admota, inversas imagines exhiberi. Quo ma-  
 gis illos mireris, qui, cum videant, in cameris ob-  
 scuris inversas imagines, ex lente in parietem trans-  
 missas, componi iterum & erigi, si lens adhibeatur al-  
 tera, ad certam distantiam disposita, idem in oculo fie-  
 ri posse, contendunt. Nam hi, præterquam quod  
 contra manifestam experientiam loquantur, minus  
 perpendunt, illam radiorum, vel imaginum, in ca-  
 mera directionem haud contingere, si lentem alte-  
 ram alteri immediate applicueris, sed certum inter  
 utramque intervallum & medii discrimen requiri ad  
 hoc, ut conus radiosus decussetur iterum & dirigatur,  
 quæ duo in oculo non deprehenduntur, nec concipi  
 animo possunt. Neque aliunde repetendum vide-  
 tur, quod objectum, quum geminos moveat oculos, *Ratio, quam-*  
 tamen unum tantum appareat, quam ab eadem ani- *obrem duobus*  
 ma, quæ suo iudicio ambos axes visuales, qui ab uno *oculis rem vi-*  
 objecti puncto eodem modo oculos subierunt, retro *deamus ut*  
 in idem objecti punctum, per viam rectiorem & bre- *nam.*  
 viorem, dirigit, indeque unum tantum objectum co-



gnoscit : perinde ac cum duobus digitis more solito res, v. c. globulus quidam, tangitur & attrectatur, impressa nervis utriusque digiti motione, ad cerebrum traducta, mens retro lectis impressionis vestigiis, actionem suam secundum duas lineas rectas, tanquam radios tactorios, ita ad extra transmittere ab ineunte ætate consuevit, ut in eodem concurrant loco, e quo binæ illæ impressiones exierant. Eoque fit, ut res una, globulus nempe unus, tactu percipiatur. Quod si idem globulus digitis duobus decussatis tangatur, ex diversa nervorum propter fibras distortas impressione non unum, sed duplicem tangere globum videmur. Pari modo cum oculorum alterum attolimus, vel quavis alia de causa radiis velut disparatis rem contuemur, eam tanquam geminam videmus. Quippe superiores unius oculi radii cum alterius itidem superioribus, medii cum mediis, inferiores cum inferioribus, cum ratione situs, tum motus, sive actionis, convenire & conspirare ad unius rei perceptionem debent, quo rem unam & eandem exhibeant. Sin ita detorqueantur oculi, ut radiis disparilibus oculi commoveantur, tum res una in diversis locis comparet, unde geminatio rei. Quod ei haud dubie evenit, qui, uti Gassendus refert, altero oculo gravi concussus plaga, ita ut in diversum a naturali situm deflecteret, res omnes geminas vidit. Sed hac de re copiosius egerunt Honoratus Faber L. II. de Hom. Prop. XCIII. & optime CL. Sturmius Diff. singulari de sensu unius geminato, quo loco etiam ea, quæ de nervorum  
opti-



opticorum coalitu ex Galeno, vel de filamentis illorum sympathicis & homotonis, five symphonicis, ex Rohaultio & Guilielmo Briggio afferri solent, merito rejecit & docte confutavit.

## CAP. XXIX.

DE

# APPETITU CIBI POTUS ET VENERIS.

Ed satis dixisse videor de sensibus externis, quibus, tanquam exploratoribus & nunciis animæ, ea potissimum, quæ foris geruntur, mente conspiciamus & cognoscimus, & noxia a salutaribus secernimus, atque ad magnarum contemplationem rerum, quas videmus, & per eas ad summi boni, quod non videmus, notitiam & cultum perducimur. Præter hos Deus alios homini sensus dedit, videlicet famis, sitis, & amoris, quibus & sui, & generis conservandi custodiam eisdem ingenuit. Nam cum caduca sint fluxaque vitæ principia, & singulis momentis decedat & elabatur



batur quædam nostri portio, necessario & invalida redderentur corpora, & dissiparentur tandem atque conciderent, nisi Creatoris providentia & benignitas alimentum, tanquam præsens quoddam exhaustarum partium supplementum, dedisset. Et quanta quæso illa Dei benignitas, quod tam multa ad vescendum, tam varia, tamque jucunda concedit: neque ea uno tempore anni: ut semper & novitate delectemur, & copia, nec unquam desint provocando appetitui illecebræ. Is vero, cum indigentia corporis, & cibi potusque nos admonet, quo memores reddamur refectiois corporis, fame movetur, & siti. Nam cibo, quicquid succosi & nutritivi evanuit, restituimus: potione, quicquid humidioris: æream vero a nobis effluentem substantiam respiratione reparamus ac tuemur. Ac fames quidem exoritur ab expiratione ventriculi interiore, quæ suarum acie impulsuque particularum tunicam illius nerveam vellicando, quandam in succo nervoso ipsoque ventriculo motionem excitat. Quam deinde, ad cerebrum traductam, cupiditas & desiderium capiendorum ciborum, quibus, tanquam apto præsentique remedio, molestum illum stimulum motumque ventriculi amoliamur, in anima consequitur. Quamobrem ventriculus tunica interius nervea, in quam nervi insignes copioseque desinunt & panduntur, totus succingitur, & sensu pollet adeo exquisito, ut etiam stimulum eorum, quæ & cutim, cum integram, tum excoriatam, &

*Causa  
Famæ,*

ocu-



oculos, linguamque haud afficiunt, perferre minus possit. Sic enim fiat oportet, ut simul ac vacuus cibus est ventriculus, fames oriatur, & hanc appetitus consequatur cibi, tanquam remedii ad pellendum lacerati stomachi malum, isque pro genio & vigore perspirationis interioris in ventriculo, modo major, modo minor, imo varius. Intermittit autem fames, & capiendorum ciborum conquiescit cupiditas, cum deglutita alimenta perspirationis illius in se vertunt spicula & aculeos, ab eorumque acie & stimulo nerveam ventriculi tunicam liberant & muniunt. Quibus exsolutis in ventriculo, eoque egressis, fames redit, cum vix immisso in vasa per vias lacteas chylo sanguis abundat, claro satis indicio, famem ab una expiratione ventriculi interiore, rodente tunicam illius nerveam, exoriri, neque opus esse, ut aliquam venarum suctionem, quam fingeant veteres, huc advocemus. Quæ vero famis, eadem prope est sitis Sitis, ratio, utpote quæ a tunica illius nerveæ, quæ gulæ, faucium & oris interiora vestit & obducit, atque cum prædicta ventriculi tunica continuatur, irritatione, defectuque rigantis eam lymphæ, oritur, & necessaria diluentis humidi restitutionis nos admonet, ac desiderium potus excitat. Ex quibus omni ratione concludas, mente consilioque divino omnia in corpore ad salutem conservationemque hominis admirabiliter administrari.

Non minori vero cura propagandæ quoque successioni & conservationi generis humani eadem pro-



vidit divina solertia, quando perpetuitatis causa, marem condidit, & feminam, & sua cuique organa genitalia sapientissime iniecit, quorum opera & ministerio subnixi, cum ad maiorem ætatem & corporis perfectionem pervenerunt, vim servatricem humani generis experirentur, & homo per se mortalis, sobole relictæ, quasi immortalis propagatione fieret. Quod quidem negotii ne forsan in irritum recideret, insignes ei voluptatis illecebras copulavit, & florentem ætate, ac integrum viribus, utrumque sexum aliqua liquorum genitalium, tanquam redundantium, turgescencia, & hinc concepto æstu, indeque oriente ductuum & conceptaculorum, quibus illi segregantur & custodiuntur, titillatu, affici voluit. Hinc enim sensus ille existit amoris, quo incitatus homo in venerem fertur, & cum se solum, tanquam generationi natura non suffecturum, sensu hoc confuso æstimat, socium quærit, aut sociam, & mira commiscendorum libidine gaudet, quam tegumento verecundia velari, pudor jubet.

Et  
*Titillationis  
Veneræ.*



## CAP. XXX.

DE

## AFFECTIBUS ANIMI.

¶ Unc vero de Affectibus quoque animi,  
**N** quum de sensibus loquamur, dici neces-  
se est, ne quid præterisse videamur. Hi  
enim pariter sunt perceptiones quæ-  
dam, conjunctæ cum insigni quadam  
succo nervosi in cerebro, & utplurimum etiam cordis  
& sanguinis agitatione, a qua vel excitantur, vel certe  
conservantur & corroborantur, quæ quia mentem omni-  
um maxime, & ita afficiunt, ut pene cuncta, quæ no-  
bis eveniunt, etiamsi ad nos nihil attineant, ad se perti-  
nere existimet, eoque magis, & efficacius, quam in per-  
ceptionibus aliis, cum afficiatur ipsa, tum corpus su-  
um afficiat, motus, ac passiones, & si nimix fuerint, ra-  
tionique minus obtemperent, perturbationes animi  
vocari solent. Qua ratione cum a sensibus, de qui-  
bus supra egimus, tum a voluntatis actibus, facile se-  
junguntur. Nam tametsi mens nihil percipiat, ne-  
que ullum fere voluntatis actum edat, citra internam  
corporis, & humorum, succique inprimis nervosi in  
cerebro commotionem: tamen hæ agitationes  
omnes lenes sunt, & placidæ, ac tranquillæ; qui vero

*Affectus ani-  
mi quid?*

mo-



motus humorum passiones excitant, vel comitantur, hi multo sunt vehementiores, aut certe ita perturbati, ut tam cito sedari compescique nequeant. Quo fiat necesse est, ut, quamdiu illa humorum motio turbulenta durat, tamdiu duret etiam passio animi, nec sisti eadem, aut mutari ad libitum facile possit, nisi prius succi nervosi & sanguinis commotio conquieverit, a qua quidem uti affectus animi initium & occasionem plerumque capiunt: ita in eadem semper desinunt. Id quod clare ex effectibus, quos homo perpetitur, liquet, quando observamus, pro varietate affectuum varios in cerebro fluctus concitari, indeque mox ad cor, vasaque, & receptacula alia, abire properos, & sanguinis humorumque contentorum undas varie commoveri, & modo accelerari, modo retardari, modisque aliis varie turbari, ac membra corporis in eo situ & dispositione partium, quam affectus cujusque natura requirit, collocari. Hinc enim pallor in metu, rubor in pudore, ardor oculorum in ira, & sic in passionibus aliis mutationes alia, non tantum in vultu, ore, genis, oculis, fronte, lineamentis, sed etiam in respiratione, voce, artubus, totoque interdum corpore, commotiones animi produnt, & adjuvant. Et quia in primis pulsatio pendulae & maxime mobilis machinae cordis, ac pressio sanguinis varia, easdem prodit, data est occasio erreri, quo cor sedes pathematum animi habetur. Quæ tamen quia sunt quædam illius cogitationes, conjunctæ cum insigni quadam humorum, & partium plerumque solidarum, in primisque

*Eorum sedes.*



que cordis, agitatione, necessario in ea corporis parte primario & principaliter debent constitui, in qua mens suas exercet operationes, atque a motionibus, cum forinsecus incidentibus, tum interius concitatis, affici, tum vero & ipsa corpus suum afficere & commovere potest. Id vero est cerebrum, eoque faciunt nervi, qui ex cerebello in cor, pulmones, & viscera alia sparguntur, & illius horumque vasa hinc inde complectuntur & stringunt, multisque in locis cum nervis, qui a cerebro mittuntur, & voluntatis imperio subjecti sunt, commercia foveant, ut, qui in vitis sæpius nobis contingunt motus, illius nutu temperari, atque sub rectæ rationis norma & potestate contineri possint.

Atque hi quidem motus & affectus animi, cum homini ad conservationem corporis, & tuendam humani generis societatem, sint concessi, & proinde eorum, quæ cum in nobis, tum extra nos geruntur, mentem admoneant, non una causa excitantur. Principio negandum non est, eosdem in foetu, materno carcere comprehenso, ab alimento, quod a matre per ejus corpusculum tribuitur, exoriri. Cum enim illius distributio opera & ministerio nervorum, & fibrarum motricium ventriculi, intestinorum, cordis, & viscerum aliorum, ac vasorum, quibus humores vehuntur, peragatur, atque adeo sine sensatione fieri minus possit, necesse est, pro varia succi alibilis conditione, varium in nervis viscerum & vasorum, quæ diximus, motum, & hujus ulterius ad cerebrum tra-

*Usus,*

*Et  
Causa,  
In foetu,*



ducti occasione, variam in anima perceptionem, quæ vel ad conservationem, vel ad destructionem & interitum corporis sui faciant, dignoscat. Quodsi igitur illa motio animi perceptioque a succo bonæ indolis ortum duxerit, jucundum quendam voluptatis & lætitiæ, amorisque sensum pariet, quo motus & derivatio succi nervosi ad promovendum viscerum & vasorum motum excitabitur. Sin alienus & prævus alluat succus, non sine difficultate & molestia per ductus partesque corporis vehetur, unde sensatio ingrata, per eamque odii, & vel tristitiæ, vel iræ idea existet, quam constrictio ductuum & canalium consequitur, quo motus & progressio succi pravi prohibeatur, vel aliorsum ille derivetur. Quo patet, ad excitandas in foetu passiones mores affectusque matris, & rationem victus permultum valere, cum ex foetra ad foetum animi motus & perturbationes, quæ quippe a motionibus humorum ordine naturæ pendent, una cum succo nutricao transferantur, & tanto majorem in ejus corpore mutationem efficiant, quanto idem est mollius, & partes teneriores atque ad suscipiendas impressiones aptiores habet. Ut minus sit mirandum, vi pathematum matris plerosque infantes aliqua in re ingenio obliquo, atque affectui alicui mancipatos esse, quam in iisdem lineamenta faciei, & totam aliquando conformationem ita immutari, ut similes alius generis animali, quemadmodum in conformatione membrorum, ita in propensione nascentur. Neque alia fere ratio est nutricum, a quibus passio-



passiones animi, & vitia, & virtutes, una cum lacte imbibuntur.

Ita vero jacta cum vitæ initiis passionum semina, uti deinde a varia sanguinis, & hinc manantis succi nervosi, temperie & motione confirmantur, vel mutantur: ita ex quacunque causa alia orientes similes passiones, similes in corpore motus excitant. Quo fieri debet, ut, cum hi motus animi & corporis sint reciproci, & mutuas sibi operas præstent, qui semel iterumque uni passioni obedierit, sui deinde impotens, ejus porro vi & impetu facillime, & sæpius abripiatur. Quod quidem compluribus hominum evenire toto die videas, & deplores. Nam pauci admodum mentem affectibus non mancipant: ut cum doctissimo I. G. Vossio in Idol. L. III. c. 36. ita prope describere hominem possis, esse eum animal, quod cum rationem acceperit, vivat tamen secundum affectus: unde omne vitiorum genus, & totius vitæ infelicitas. Quo major cura in educatione liberorum adhibenda est, ut a prima ætate per totum pueritiæ & adolescentiæ curriculum ingenita & connutrita ad perturbationes animi & vitia propensio penitus exuatur, omnesque ipsorum inclinationes ita regantur ac temperentur, ut assuescant ducem sequi rationem, quæ gaudeant honestis, doleant turpibus, & excellentium exemplis virorum ad æmulationem accendantur, & in omnibus affectibus modum & mediocritatem servant. Quo quidem pacto alios comperias vitia sua & affectus vi rationis & dominatu egregie emendare, atque adver-



fus quasvis objectorum impressiones animum obfirmare, alios autem occultare, imo simulare cum vitia, tum pathemata contraria, & facile omnes formas induere, ac fallacem reddere physiognomorum artem. Nec vero in reliquo vitæ curriculo ab eo studio remittendum est, sed in id omnes animi vires in omni vita intendendæ sunt, ut intra naturæ & rationis fines affectus coërceamus, & perturbationes fugiamus, id est, motus animi nimios, rationi non obtemperantes, quia nunquam deficiunt causæ, quibus ad eosdem incitemur, & cum ipsa subinde ætate uti temperies corporum, sic mores etiam & motus animi mutantur. Profecto ut variat mixtio & motio sanguinis, succique nervosi; ita ad hunc, vel illum affectum natura sumus proclives, & nos nunc lætos, modo tristes esse sentimus, quamvis nullam ejus rei causam reddere queamus. Quodsi ad hanc naturæ propensionem quædam alicujus objecti impressio accedat, aut, nullo etiam impellente objecto externo, quædam saltem de eodem cogitatio subeat, facile modum excedere affectus potest, siquidem minus ratio resistat & refragetur. Ac frequentiores omnino & evidentes affectuum causæ sunt objecta, quæ sensus movent, quando vel in sui contemplatione singulari animum defigunt, aut in eodem boni, vel mali, opinionem excitant. Quibus causis commota anima, prosequi objectum, vel refugere annititur, huncque nisum & conatum in cerebrum & succum nervosum, ex eoque in certas partes, transfert, aliquando etiam turbulentos



tos in toto corpore motus ciet, unde cordis & vasorum, hisque contentorum humorum, ac variorum membrorum variæ, & respondentes illis passionibus, agitationes consequuntur.

Qua ratione tres affectus primitivi & generales <sup>Tres affectus primitivi & generales, Admiratio,</sup> constitui possunt, videlicet admiratio, amor, atque aversio, vel odium. Admiratio dicitur affectus, quo anima objecti cujusdam insoliti, aut magni contemplationi cum majori attentione, nec sine insigni quadam succi nervosi intra cerebrum commotione, illam animi attentionem vel excitante, vel corroborante, inhæret. Quodsi illud ad nos pertinere, vel ratione duce, vel præeunte quodam voluntatis sensu intelligamus, statim amor, aut aversio & odium consequitur. Motus itaque, vel propensio animæ, cum succi <sup>Amor,</sup> nervosi, & cordis sanguinisque, agitatione, in rem, quæ nobis bona, vel commoda videtur, amor dicitur, quique proinde nostri ipsiusmet amoris quædam veluti extensio, aut effusio videtur. Aversio autem <sup>Odium,</sup> motus est contrarius, quo animus a re, ut nobis molesta & noxia, alienatur, cum contraria succorum partiumve corporis motione. Ex his deinde fontibus reliqui affectus, cum simplices, tum compositi, omnes manant, & sæpe nomina magis, quam naturam mutant, de quibus multi copiose, & inter eos subtiliter Cartesius lib. de Pass. anim. Videntur autem, id quod <sup>Succi nervosi & sanguinis motiones varia in affectibus variis.</sup> apprime medicos scire convenit, omnes succi nervosi & sanguinis motiones, quæ in variis animi affectibus excitantur, fere ad hæc duo reduci genera posse, ni-



mirum ad contractiones, & diffusiones, quas Galenus συσολαίς, & διαλύσεις appellavit. Etenim cum motus animi duplici potissimum modo nos afficiant, vel cum motu specierum minoris momenti, vel cum motu specierum momenti majoris: id quidem facile intelligimus, a prioris generis affectibus undas succi nervosi copia minori, motuque minus vivido ex cerebro per nervos derivari, indeque cor, & canalium ac ductuum fibras motrices debilius, ac tardius, contrahi, & minori vigore sanguinem premi & propelli, atque adeo cum derivationes, tum secretiones, humorum segnius peragi. Aliter autem in altero affectuum genere fiat oportet, quibus quippe undæ cerebri & nervorum vividiores concitantur, & cor, ac muscoli reliqui majore vigore & vehementia contrahuntur, & similes proinde motus ac derivationes humorum respondent. Atque hæc ita intelligenda sunt, sicuti affectus, ita etiam, qui eos consequuntur, motus & agitationes corporis, graduum varietatibus distinguui, & modo has, modo illas partes varie & inordinate, pro vario affectus genio, moveri. Exinde vero existunt omnes mirandi effectus, quos in hominibus quotidie observamus.

*Antipathia  
quid?*

Cum motibus animi magnam cognationem habent vulgo dictæ antipathiæ, quæ peculiaribus quidem idiosyncrasiis, & causis, vel qualitatibus occultis adscribi solent, quasi nullis rationum subsidiis explicari possint. Tales sunt, quando certis quibusdam individuis hæc, illave, res, quæ aliis grata, vel minus est



est adversa, ita perpetuo est exosa, ut eam nec oculis, nec auribus, vel sensu alio, ferre possint, quin ad illius sæpe mentionem animo, totoque interdum corpore ita horreant, ac perturbentur, ut in animi incendant deliquium, aut alia incurrant gravia symptomata. Qua ratione multi varia ciborum genera, pisces, butyrum, caseum &c. nonnulli rosas, gladios evaginatos, sanguinem profusum, mirum quantum refugiunt & averfantur: alii ex felis, muris, vel alterius rei præsentia, quæ a ceteris vix percipitur, confestim in angores, cordisque pressuras, & alia mala incidunt. Equidem causa a quibusdam hodie ad singularem atomorum atque meatuum habitudinem refertur: sed nulla verior alia subesse videtur, præterquam quod adversa ejusmodi res, vel illis ipsis, qui ferre eam nequeunt, præsertim in prima ætate, vel eorum matribus, uterum gerentibus, insignem terroris, doloris, ingrati odoris, aut saporis, aliumve sensum incusserit, & sui vestigia succo nervoso ac cerebro fortissime impresserit, istamque impressionem in posteriori, ob intimam matris cum foetu secundum omnes partes consensionem, in hujus quoque, nimirum foetus, cerebrum derivarit. Hac enim ratione quemadmodum in foeta, ita etiam in foetu, ex ingrata ejusmodi & molesta sensatione odii atque aversionis idea in mente excitatur, quam deinde succi nervosi agitatio, & in cor, ventriculum, partesque alias impulsio, harumque variæ commotiones sequuntur. Atque eodem deinde modo ex iterato conspectu,



ctu, gustu, aliove sensu rei similis, anima pariter ac succus nervosus commovetur, idemque adeo terro-  
ris, doloris, vel alius sensus, affectusque pristinus, cum  
ei respondentibus variis motionibus corporis. exo-  
ritur.

## CAP. XXXI.

DE

## VIGILIA ET SOMNO.

✻✻✻✻✻ X iis igitur omnibus, quæ hucusque dixi-  
✻✻✻✻✻ **E**✻✻✻✻✻ mus, satis nunc perspicuum esse puto, non  
✻✻✻✻✻ minus sensuum, quam motionum opera-  
✻✻✻✻✻ tiones a succo nervoso ita deduci posse, ut  
✻✻✻✻✻ nullis spiritibus animalibus opus habea-  
*Vigilia quid:* mus. Talem vero hominis statum, quo libero sensu-  
um motionumque omnium usu & exercitio fruitur, vigi-  
liam appellamus, eaque a moderata fibrarum cerebri &  
nervorum tensione tota dependet: cum videlicet eas per-  
transiens succus cunctos meatus ita opportune replet  
& dilatat, ut fibræ organorum corporis, tam sensui,  
quam motui servientium, similiter placide tendantur,  
atque in debito tenore tonoque constitutæ, ad mode-  
ratam rigiditatem ita omnes erigantur, quo mens pro  
suo arbitrio quosdam illius succi motus in certa mem-  
bra dirigere ac determinare, & motus, tactu rerum  
ob-



objectarum sensoriis corporis imprimi facile, & per nervos ad cerebrum traduci possint.

Qui quidem status facile mutatur, cum undis minus vividis perfusæ cerebri & nervorum fibræ, a tensione remittunt, & pulsu cordis adducti per arterias sanguinis pressioni cedunt. Sic enim fiat necesse est, ut quæ antea inmoderato motu tonico erant fibræ corporis, jam relaxentur, nec minus sensoria, cum interius & commune, tum externa & propria, quam muscoli, qui motus instinctum a cerebro, ipsaque mente expectant, langueant, atque adeo sensuum pariter ac motionum voluntariarum vires torpore atque ignavia debilitentur, modo majore, modo minore, prout remissa illa fibrarum tensio & pressio variat. Talis mutatio somnus dicitur, & nihil aliud est, quam lævis quædam feriatio, vel intermissio vigiliarum, & quasi requies organorum, sensibus motuique voluntario servientium, pendens a pressione sanguinis, vigorem tensionemque fibrarum cerebri ac nervorum superante.

Quod ut eo melius pateat, in memoriam revocandum est, id quod supra significavimus, partem cerebri alteram, quam vulgo corticosam & glandulosam vocant, totam ex vasculis sanguineis contextam esse, alteram autem, quæ medulla dicitur, omnem ex tenuissimis fibrillis, in nervos abeuntibus, cohærere, & succum ex sanguine, qui jugi cordis pulsu per arterias in illam partem vasculosam magna copia subvehitur, recipere. De hac vero parte fibrosa illud hic



*Pars cerebri  
fibrosa intendi  
& remitti po-  
test.*

notandum est, eam non minus tensionis, quam remissionis capacem esse, & hanc diversam fibrarum habitudinem, cum a copia motuque succi nervosi vario, tum ab animi quoque cogitationibus dependere. Nam succus copia & motu vegetiore pertransiens fibras cerebri, ita easdem intendit, ut per earum undas motus non minus directi ex cerebro ad musculos, nutui voluntatis obtemperantes, quam reflexi a sensoriis externis ad internum, quibus sensus fiunt, facile concitari possint. Quod multo fit aliter in fibris, succo minus sufficienti & alacri perfusis, quæ quippe & laxiores sunt, & concitandis propagandisque undis, cum directis, tum reflexis, minus aptæ. Ipsa quoque anima uti assiduis intentisque cogitationibus undas vividiores in fibris cerebri & nervorum movere, sic etiam easdem intendere, & remittendo ab ejusmodi cogitationibus remittere pariter fibras a tensione, & relaxare potest. Quibus demum addendum est, in illam medullarem & fibrosam cerebri partem, quæ tendi potest, & remitti, sanguinem, qui valido cordis pulsu per arterias subvehitur, mole sua & pressione perpetuo conniti, huic vero pressioni eandem medullam suarum vigore & tensione fibrarum nunc magis, modo minus, reniti ac resistere. Quo fieri debet, ut quamdiu fibræ cerebri satis tensæ, illi sanguinis pressioni resistunt, tamdiu homo in statu vivat vigili, sive prompto & parato ad exercendas sensuum & motionum omnium operationes. Cum contra, sic fibræ cerebri minus sint tensæ, ac renitens earum

vis



vis validiori sanguinis pressione resistere minus possit, *Causa somni*  
 in eam hæ pressionem & remissionem cogantur, ut *proxima est*  
 inde succi nervosi derivatio motusque per nervos mi- *pressio cerebri,*  
 nuatur, & somnus excitetur, modo lævis & tenuis, *& inde oriens*  
 modo arctior, prout major, vel minor illa fibrarum *diminuta suc-*  
 cerebri pressio variat. *ci per nervos*  
*derivatio.*

Hanc enim unam somni causam immediatam *Quam confir-*  
 esse, non minus modus, quo somnus invadit, quam *mant modus,*  
 causæ, quibus ille excitatur & inducitur, ostendunt, *quo somnus*  
 & scite laudatus supra Barth. de Moor l. c. demonstra- *invadit.*  
 vit. Nam prius, quam somnum capiamus, plenitu-  
 dine quam capitis & gravatione sæpe invitati ad eun-  
 dem invitamur & compellimur. Hinc sensuum vis  
 labascit, connivent palpebræ, nutat caput, enervan-  
 tur artus, & pedes vacillant, motusque tonicus cor-  
 poris, quo prius corpus erectum servabatur, flacces-  
 cit, ac decumbendi necessitas urget, & corpus suo-  
 pte pondere facile concidit, & nihil motus voluntarii  
 adest, nihil sensus, præterquam confusæ quædam  
 mentis cogitationes, quæ somnia vocantur, & oriun-  
 tur ex intemperato & perturbato motibus variis ce-  
 rebro, qui ex potu plerumque, pastuque immoderato,  
 & inflante, sanguinemque & nervos inquietantibus  
 humoribus, exsultant. Aliquando autem mens, somno  
 placido se vocata a societate, & a contagione corporis,  
 ipsa se vegetam ad somniandum, acremve præbet, &  
 cum præteritorum meminit, tum præsentia cernit,  
 nec non futura prævidet. Corpus vero dormien-  
 tis, ut mortui, jacet, languidum, molle, flaccidum, &  
 flexile,



flexile, nec quicquam membra moventi retinitur. Quæ certe omnia quandam fibrarum cerebri pressionem, & hinc orientem siervorem relaxationem arguunt. Neque aliud indicant causæ mediatae, foventes & juvantes, quæcunque somnum provocare atque efficere solent. Hæ enim omnes pressionem sanguinis & cerebri augent, aut certe tensionem fibrarum ejus vividam ita relaxant, quo pressioni sanguinis minus resistant. Quo posteriori modo spontanea animi relaxatione, si a cogitationibus seriis eundem abstrahamus, laxatis paulatim fibris cerebri & nervorum, facile volentesque in somnum delabimur. Est enim ille inter motus fibrarum cerebri & operationes mentis nexus & consensus, ut ea a cogitandi studio remittente, remittat motus & tensio fibrarum cerebri, & contra, languente cerebro, vis quoque mentis & attentio hebescat. Igitur quemadmodum somnus avertitur, cum ad res gerendas animum applicamus & intendimus, vel dolorum stimulis exeruciamur, aut si quæ gravior anxietas animum afflicteret: ita animus quietus & tranquillus facilem ac suavem plerumque somnum affert. Quod voluisse videtur Plinius l. c. L. X. c. 7. ubi somnus dicitur animi in medium sese recessus. Nec dubium, quin eadem hæc causa locum habeat, cum solitudo, silentium, tenebræ, & quæcunque motus vividiores, quibus undæ excitantur, vel directæ ex cerebro ad musculos, quibus motus reguntur voluntarii, vel reflexæ ab organis sensoriiis ad cerebrum, quibus fiunt sensus, a cerebro

Et  
Causa omnes  
somnia effectri-  
tes,



arcent, ad somnum invitant. Quippe per tenebras erepta videndi facultate; per silentium item & solitudinem audiendi, & pariter aliorum fere sensuum cessante exercitio, ejusmodi laxamentum cerebro datur, quo ejus fibræ facilem sanguinis pressionem admittunt. Eodem jure referas, quando suavitas cantus, & lenis aquæ decursus, & arborum ex ventulo susurri somnum suadent & inducunt. His enim lenibus sonis delinitis aliorum sensuum oblivio obrepit. Unde remissio cerebri. Atque eam quidem hoc intelligimus majorem esse debere, quo magis vigiliis, mœrore, curis, & aliis animi & corporis laboribus, cerebrum lassatum & exhaustum est.

Ipsam vero sanguinis & cerebri pressionem augent, quæ vasa replent, & transitum humorum ex arteriis in venas difficiliorem reddunt. Quæ quidem causa est, quamobrem a cibo & potu simus somniciosi. Post cibum enim copiosus admodum humor, & corpulentus, chylus videlicet, ad sanguinem defertur, qui suarum mole & varietate particularum sanguinis pressionem auget, & cum per partium aliarum, tum cerebri inprimis vascula, quæ corticem ejus componunt, tardius propreditur, & mollem fibrosum contextum, sive medullam, premendo, gravitatem quandam & cupiditatem dormiendi parit. Ea vero pressio vi naturæ evincitur, cum crebriore circuitu attritus, divisus, & elaboratus, permistusque sanguini, chylus in communem totius humorum massæ motum conspirat, atque ex arteriis in fibras cerebri immissus copia sufficiente succus,



eadem replet, ac intendit, & ita somno hominem excutit, alacremque operi promit, qui ante somnum vix loco stare poterat. Ut autem victus, sic etiam potus, vini præcipue, vel liquoris alius generosi, liberalior somnum adfert, quia sanguinem exagitando, vasaque replendo, ac distendendo, *καὶ ὑπὸ τῆς πίσεως* & pressionem cerebri inducit. Nec aliam ob causam aquæ calidæ, ut & acidulæ, largius potæ, nec per urinas, quanta satis est copia redditæ, somnolentiam pariunt. Eamque, undecunque excitatam, decubitus auget, quia viam acclivem & flexuosam, qua sanguis, dum erecti sumus, ad cerebrum contendit, impetusque ejus frangitur, mutat, & faciliorem reddit, unde major sanguinis vis & nisus in cerebrum. Quod quidem quo minus illi resistere potest, hoc etiam facilius somnus ingruit. Eademque ratio est, cur præcipue infantes somni sint multi. Quippe cerebrum iis molle & tenerrimum est, suaque mole prope diffluit. Ac propterea etiam eosdem morbo esse committiali obnoxios, & somnum huic similem putat Aristoteles de somn. & vigil. c. III. Idcirco quoque non infantibus modo, sed & nutricibus, interdicit vino, nisi paucò & diluto. Vinum enim spirituosum est, & adaugendo motum & pressionem humorum, facile teneritudini cerebri vim infert. Hinc etiam æstivo tempore, cumque foco assidemus, facilius in somnum incidimus. Nam calor sanguinis motum & agitationem, atque adeo impetum & impressionem humorum auget. Vis autem somnifera papaveris & opii a copio-

sis



sis a facile solubilibus, & minutioribus oleosis pendet particulis, quæ dum opium destillatur, habitu albissimi vaporis, vel fumi, ascendunt, & solutæ a lymphæ ventriculi, nebulæ instar, vasa perreptant, & obviam factos humores irretiendo, ac nebulæ suo involvendo, vim eorum agitatricem vi detinent, succosque ipsos addensant, & transitum eorum per vasa minima, uti in partibus aliis, ita etiam in cerebro, retardant ac præpediunt, neque uno proinde nomine pressionem cerebri & somnum procurant, ut multis experimentis egregie comprobavit GL. Borrichus elegantius de somno & Somnif. Dissertatione.

Natura autem somnus necessario maxime & utiliter instituitur, ut diurnis, aut continuis alioqui sentiendi movendique operationibus defatigata corporis membra, suavi fruantur requie, & hoc salutari laborum remedio lassitudini ac resolutioni virium consulatur. Namque laboribus continuis & motionibus, quas vel recipiunt & propagant, vel edunt, fatiscerent tandem membra corporis, & quoddam doloris discrimen facile paterentur, plus nimium mota, aut tensa, aliterve unitatis solutionem quodammodo subeuntia, nisi inducta alterna requie, remissioneque a tensionibus, ad statum tonumque, naturæ viribus consentaneum redirent, & reassumto per somnum vigore, novo labori repararentur. Id quod in semet ipso quilibet quotidie experitur, qui non motoria tantum, sensoriaque organa, sed ipsum quoque sensoriorum sensorium, puta cerebrum, propter virtutis, quam trans-

*Usus & necessitas somni.*

mit



misit, absumptionem, non tantum refectione, sed & requie, propter assidua sensuum motionumque, ex quibus defatigatæ sunt fibræ, exercitia, inprimis egere, idque commune omnibus esse animadvertit, ut ex intenta jugique meditatione sui generis fatigationem in cerebro, & in sensoriis externis, motuique voluntario parentibus organis, languoris lassitudinisque sensum, quin etiam doloris quoddam genus, tanquam impressa præteriti laboris vestigia, & tensionis veluti reliquias quasdam, post corporis exercitationes sentiamus. Nec vero istis tantum tam multis tensionibus corpus fatigatur, verum etiam magnam succorum vitalium copiam ex sanguine & nervis, fibrisque partium exprimit, & hoc utroque modo ad sui dissolutionem destructionemque vigiliarum tempore tendit. Quod multo aliter in somno evenit, utpote quo membra non solum a suarum tensione fibrarum remittunt, & suavi fruuntur requie, sed etiam illud, quod per vigiliam expressum & dissipatum est, restituitur & instauratur. Namque circuitus sanguinis, qui in vigiliis vires suas exerit, & liquidum dissipat, ac propter varios artuum, & thoracis, ipsiusque cordis, & musculorum aliorum labores, varius esse solet, in somno, qui sensuum motionumque voluntariarum quiete, & motione cordis placidiore absolvitur, magis est æquabilis, & quicquid assidua organorum agitatione, & aucto hinc perenni effluvio decessit, & fatigatum atque exhaustum est, recolligit & reficit, ut proinde somnus omnium laborum & sollicitudinum gratissimum perfugium merito habeatur.



**M**ANUS tuæ fecerunt me , & plasmaverunt me  
totum in circuitu. Nonne sicuti lac mulisti me,  
& sicut caseum me coagulasti? Pelle & carnibus ve-  
stisti me, ossibus & nervis compegisti me. JOB. c. X.



**L**Audo te, quod stupendo modo & mirabiliter factus sum: mirabilia opera tua, & anima mea hoc agnoscit probe. Non est occultatum os meum a te, quod fecisti in occulto: & substantia mea in inferioribus terræ. Me imperfectum adhuc embryonem viderunt oculi tui, & in libro tuo scripti erant omnes dies, qui futuri erant, & nondum unus extabat ex illis.

Pl. CXXXIX.



LIBER II.  
DE  
HOMINE NAS-  
CENDO.

CAP. I.  
DE  
CONCEPTIONE  
FOETUS HUMANI.

---



Elíquum est, ut dicamus de Homi-  
ne nascendo, cujus gratia Condi-  
tor providentissimus duos sexus  
maris & feminae machinatus est,  
& sua cuique organa sapientissi-  
me insevit, quibus inter se per vo-  
luptatis illecebras copulatis, vim  
servatricem humani generis ex-  
perirentur. De his igitur partibus primum expo-  
nemus, quo deinde de tam divino & admirabili con-  
ceptionis opere certius quid statuere queamus. Qui  
enim in illis cæcutiet, hoc nunquam satis assequetur.  
At genitalia viri breviter strictimque complectar, quia



*Liquor ma-  
sculus in testi-  
bus secernitur  
& elaboratur.*

*In vesiculis  
seminalibus  
asservatur,*

*Et per ure-  
thram emitti-  
tur.*

*Genitalis  
Constructio,*

de iis libro superiori satis dictum puto. Ex his constare, arbitror, a ductibus testium ex sanguine, pulsu cordis per arterias spermaticas advecto, gelatinosas lymphæ partes, hisque magna copia irretitas & conclusas agiliores aereas, & nusquam exclusas aëthereas, particulas, excipi, easque per tam multas, & tam longas, ac varie flexas, complicatasque viarum angustias, divisas, subactas & compressas, in epididymidum vasculis confluere, atque per vasa deferentia ad vesiculas seminales deduci. Ita vero segregatus, atque elaboratus, genitalis succus in harum vesicularum cellulis colligitur & asservatur, indeque vel per vasa lymphatica sanguini, unde venit, redditur, & toti corpori virile inspirat robur, vel æstu venereo fusus & turgescens, constrictione fibrarum carnearum, conceptacula illa undique circueuntium, ex iisdem, per duo oscula, exigua caruncula, tanquam valvula, obtectâ, in urethræ fistulam emittitur, ex qua aquosi prostatarum liquoris vehiculo exceptus & comitatus, in locum destinatum perfertur. Quod ut recte fiat, communis illa urinæ & genituræ fistula, quæ ex elongata cervice vesicæ urinariæ propagatur, tunica intus tenui & valde sensili, fibrisque rectis & obliquis donata, extus autem crassiore & spongiosa, ac fibris, referta spiralibus, & magnam partem villis transversis musculorum, quos ab ani sphinctere deductos, vulgo dilatatorios vocant, prædita est, ac tota duobus corporibus cavernosis, quæ nerveo-spongiosa dicuntur, externo altero, crassiore & majore, altero inter-



no, tenuiore & minore, comprehenditur, ita quidem, ut corpus cavernosum crassius, & majus, interiorem glandis partem, exterioremque minus ac tenuius constituat, & undiquaque ambiat. Ab horum enim corporum cavernosorum repletione erectio membri, qua liquor genitalis vigore fibrarum motricium, cum vesicularum seminalium, tum urethræ, & prædictorum muscutorum, e suis conceptaculis & ductibus evibratur, dependet, quando a succo nervoso contracti muscoli, dicti erectores, corporum istorum cavernosorum originem coarctando & comprimendo, sanguinis, qui per arterias affluit, regressum per compressos pariter venarum meatus impediunt. Quo fieri debet, ut sanguinis, inibi retenti & congregati, copia & elaterio repleantur & intumescant corpora illa cavernosa, totumque adeo membrum exporrigatur, & tensum ac rigidum, evibrandoque liquori aptum, evadat: remittentibus autem a contractione musculis, illico idem collabatur iterum & flaccescat, quia sanguis, intra cavernosa ejus corpora magna copia impeditus antea, & turgescens, per patefactos venarum meatus protinus regreditur. Id enim membro huic singulare esse, ut disseminatæ per cavernosam ejus substantiam copiosæ arteriæ, non in venas, more naturæ in partibus aliis solenni, sed in ipsam porosam substantiam abeant, ex eaque venæ non initiis exiguis, sed magnis atque conspicuis meatibus, egrediantur, & cribri modo amplius pertusæ foraminibus, more venæ in splene vitulino, corpus ipsum

Et  
Erectio.



cavernosum pervadant, satis supra commemoravimus.

*Ufus organo-  
rum viri ge-  
nitalium.*

Ita se habent organa viri genitalia, quæ eo cuncta collineare patet, ut liquorem illum generosum, & concluso spumescentem elatere, qui conceptionis est opifex, a sanguine secernant, & quanta satis est, copia collectum in uterum mulieris masculo vigore ejacu-

*Uteri situs &  
constructio.*

lentur. Uterus autem, de quo nunc dicendum est, proprie pars vocatur illa, quæ in parte superiore cavitatis illius, ossibus circumscriptæ, quam pelvim nuncupant, parte inferiore inter vesicam & intestinum rectum, comprehensa, lateribus suis quatuor ope ligamentorum, quorum duo lata, & totidem teretia sunt, ossibus illi & pubis, quo in recto teneatur situ, adalligatur, & figuram externam habet triangularem, vel pyriformem, magis complanatam, intusque cava est, vix minoris capax amygdalæ, & urinariæ vesicæ modo tribus pertusa foraminibus, uno in parte inferiore, oblonga & angustiore, quæ dicitur cervix, & duobus in utroque sphaerici sui fundi latere. Quorum hæc in duos ducunt oblongos, teretes, & nonnihil recurvos canaliculos, qui fibris donati musculosis, tubæ Fallopiæ, & oviductus dicuntur, atque ex angustiore principio, sensim in amplius spatium, ductu ambagioso, & capreoli modo se crispante, progrediuntur, dum latiores in fine facti, non procul a testibus nonnihil reflexi, in hiatus insignem & fimbrias musculosas desinant. Substantia uteri fibrosa & musculosa est, ac duplici membrana, interiore, una,



una, & pluribus exiguis pervia porulis, altera externa, & firmiore obtegitur. Ac fibræ, quibus uterus intexitur, trium sunt generum, rectæ, transversæ, & obliquæ. Harum beneficio uterus suo fungitur munere, itaque comparatus est, ut & ipse in ampliorem molem extendi, & intertexta eidem vasa extensioni ejus obsequi possint, utpote quæ omnem illum uteri contextum flexuoso admodum itinere, & magna copia, eoque modo perreptant, ut arteriæ cum arteriis, venæque cum venis creberrimis inoculationibus jungantur, & ex prioribus ante, quam in venas replicentur, plures tubuli sinusque membranacei, lacteis mammarum tubulis quodammodo respondentes, & propagatis lateraliter ramis, retis in formam impliciti, plurimis exilissimis osculis in cavum uteri hient, quemadmodum libro priore, ubi de sanguine agitur menstruo, expositum est. Ex cavo autem uteri ducens per cervicem acuminatam, cujus ambitus interior rugosus est, multisque pervius foraminulis, succum glutinosum reddentibus, foramen, os uteri nuncupatur, & latiore excipitur canale, qui tunica intus ex cervice propagata, sensusque multi, exterius crassiore, & magna copia vasorum, ac intextarum fibrarum carnearum, secundum longitudinem excurrentium, & musculo demum constrictorio præditus, vagina dicitur, atque in muliebria desinit. Illa autem interior vaginæ tunica, quam nerveam vocant, multis rugis orbicularibus inæqualis est, multasque hinc inde lacunas, & plures earum majores jux-

*Vagina uteri.*



ta urethræ exitum, collocatas habet, quæ liquorem exsudant serosum, humigandæ intus vaginæ utilem, eumque in veneris certamine, & cogitationibus interdum libidinosis, ea copia fundunt, ut extra pudenda profluat, atque a veteribus quibusdam pro semine muliebri habitus fuerit.

*Semen muliebre est ovum.*

*Et Testes muliebres sunt ovaria.*

Sed constat jam, & plurimis accuratioribus observationibus confectum est, verum semen muliebrem extra uterum vesiculis quibusdam, vel ovulis, contineri intra testes mulierum, qui uteri lateribus accumbunt, & nihil aliud sunt, quam ovaria, sive congeries & racemi complurium vesicularum, inæqualis magnitudinis, & lymphæ, igne in naturam albuminis concrecente, turgidularum, ac sinibus suis & vasculis insidentium, quæ omnes fibræ distinctæ, tunica teguntur communi, cujus interiorem superficiem ramuli vasculorum spermaticorum, nervulique, miris plexibus irrigant. Quod ut credamus, multa rationum momenta nos hortantur. Inter quæ non postremo loco commemorandum est, non omne solum genus animantium ovaria gerere, & communem adeo omnium ex ovo originem demonstrare, sed etiam in oviductibus foetus fuisse repertos, cujusmodi exempla apud Riolanum Antropograph. L. II. c. 35. Graafium de org. mul. c. 14. & Elsholtzium de concept. tubar. leguntur. Idem nuper admodum maxime memorabili exemplo foetus humani post XXI. menses ex uteri tuba, matre salva ac superstite, feliciter excisi, confirmavit CL. Cyprianus l. c. Sed primus & clare Ruy-schius



schius in muliere, brevi ab imprægnatione interemta, ovi nuper exclusi in testiculo sedem, partemque tubæ, proboscidis instar, ad ovarium tortam, ut maturum exciperet ovulum, vidit & demonstravit in Obs. de ovo in utero hum. reperto. Quo pertinet elegans Nuckii experimentum, quo ille in cane femina, tertio post congressum die, extraxit per vulnus, abdomini inflictum, sinistri lateris cornu, cujus ovarium jam duobus ovulis majusculis notabiliter conspicuum vidit, idemque deinde inter ovarium & vaginam, medio loco, ligatura arctiore constrictum, reposuit, ac vulnus obligatum intra octiduum ad cicatricem perduxit. Vigesimo primo ab injecta ligatura die canem secuit, & cornu sinistri partem, ligaturam inter & ovarium, duplici obsessam foetu, alteram vero partem, ligaturam inter & vaginam, vacuum & inanem deprehendit, eoque experimento magnam generationi animalis ex ovo lucem attulit, adeo ut vix cuidam locus de eadem amplius dubitandi sit relictus. Neque parvi esse momenti visum est, quod identidem publice demonstravimus, in demortuis puerperis non solum cicatricem in tunica ovarii, qua ovulum exiit, sed etiam annotatam a Graafio glandulam luteam, majorem plerumque ovarii partem occupantem, eamque crassam, & cicatricem versus papilla sua hiantem ac protuberantem, ductuque sinuoso intus cavam, extitisse. Nec dubitamus, quin ea glandulosa excrescentia melius a congressu compareat, quod CL. Bohnium observasse legimus l. c. Prog. I. Namque hic notari refert, eam



*Corpus glandulosum ovarii ante conceptionem adest.*

*Ejus ortus, incrementum & usus.*

glandulam ita paulatim contrahi & minui, ut tandem vix aliquod ejus vestigium extet. Id quod in aliis citius, in aliis tardius contingere, a ratione minus abhorret. Eandem glandulam intelligit Ruyschius, quando l. c. subdit, ovi nuper exclusi in testiculo sedem non minus densa spongiositate & rubicundis obsessam villis, quam uterus recens parientis est, apparuisse. Ac licet corpus istud glandulosum neglectum, vel ignotum plerisque auctoribus fuerit, tamen plurimum ad generationis opus conferre videtur, quod quipppe Malpighius, factis multiplicibus experimentis, deprehendit, non solum in prægnantibus, sed etiam non gravidis reperiri, neque congressus demum foecundi & conceptis, quæ CL. Bohnii & aliorum est opinio, effectum esse, sed longe ipsam antecedere, ovique veri generationi non præesse modo, verum etiam idem fovere, atque excludere. De quo quidem corpore illud vero simillimum videtur, idem ex prædictis illis vesiculis, quæ quovis tempore in ovariiis luxuriant, & pro ovulis vulgo habentur, excitari, initioque exiguum admodum esse, tractu vero temporis in eam excrescere molem, ut totam fere ovarii capacitatem plerumque occupet. Nam illarum vesicularum non unam tantum, & alteram, cui lutea isthæc & glandulosa substantia, graminis instar, adnascebatur, in vitulis junioribus laudatus modo Italus sæpius observavit; sed etiam in vaccis, atque animalibus aliis, quorum tamen foetus tam multiplex non est, nec raro in uno eodemque ovario plura lutea hæc corpora inæqualis

ma-



magnitudinis annotavit, quamvis nulla superfoetationis adfuerit suspicio. Hisque addit, in pluribus ovariiis, concoctis præcipue, vasa ampla luteo succo concreto turgere. Similem vero succum ipsis in vesiculis observavit Fallopius, qui in Obs. Anat. ita habet: Omnes Anatomici uno ore asserunt in testibus feminarum semen fieri, & quod semine referti videantur, quod ego nunquam videre potui, quamvis non levem operam, ut hoc cognoscerem, adhiberem. Vidi quidem in ipsis quasdam veluti vesicas, aqua, vel humore aqueo, alias luteo, alias vero lim-pido turgentes. Deprehendit autem porro prior clarissimus Anatomicus, facta diligentiori inquisitione, corpus prædictum glandulosum, completo magnitudinis augmento, cerasi fructum æquare, exteriusque fibris ambiri carneis, introrsum se subducentibus, & una cum vasculis sanguineis, & nervulis, umbilicum veluti quendam vel nidum effingere, extimam vero ovarii partem versus papilla quadam protuberare, suoque sinu interiore pendentem a styloformi & vasculosa appendice, tanquam petiolo, vesiculam, lim-pido humore turgidulam, sive ovulum, nuclei instar, continere. Postremo luteum hoc & glandulosum corpus effoetum reperiri, idem animadvertit Malpighius, & sinuoso pervium ductu, a papillæ medio foras hiantem, ita ut stylum in interiore cavitate, æquantem pisi magnitudinem, admiserit. Interdum etiam papillam præputii instar a fibrillis carneis ovarii revulsam vidit, unde hiatus similis patuit, in cavum corporis glandulosi, quod demum corrugatum, ac veluti tabe confectum depre-



hendit ; quemadmodum angustatis, contractisque vas-  
 sis, glandulæ & viscera aboleri fere atque obliterari  
 solent. Secundum hujus viri observationes, quas in  
 Epist. ad Sponium recensuit, idem corpus glandulosum,  
 ipsamque cicatricem, & ipso in homine, quod supra  
 dictum est, & in ovariis vaccarum gravidarum, item-  
 que in animantibus aliis, cum in æstu venereo, etiam  
 sine congressu, tum brevi post coitum, & paucis ab  
 eo diebus videri juvit. Ut nihil dubitem, quin & lu-  
 tea isthæe corpora, & pori ac meatus, exigui valde,  
 contractique, jam ante existant, & cum maturescen-  
 tibus ovulis pandantur, & œstro inprimis venereo am-  
 plientur & hient, exitumque maturis concedant ovis;

*Secessio ovuli  
 & motus ex  
 ovario,*

quum etiam os uteri, clausum ante & constrictum,  
 in partu multum dilatari debeat & aperiri. Quod ova  
 quoque subventanea doceant, quæ, ut ipse fatetur  
 CL. Bohnius, sine complexu venereo, per solam frica-  
 tricem falacitatem, vel per nocturnas pollutiones, ex  
 ovariis in utrum devolvuntur. Quorsum præcipue  
 facit, quod ovulum plene maturum, & continua lym-  
 phæ accessione eousque irriguum, ut repleti am-  
 plius non possit, ad egressum ex ovario paratissimum  
 fit, quia substantia ejus glandulosa, in cujus sinu gi-  
 gnitur, & adolescit, debitum nacta incrementum,  
 papilla sua magis magisque extuberat, & ambientem  
 ovarii tunicam paulatim emollit & perfodit, retra-  
 ctæque sub æstu venereo fibrarum motricium con-  
 tractione, sinum suum aperit, & per hujus ovarique  
 hiatum, ovulum, adjuvante niduli hujus fibrosi con-  
 stri-



strictione, qua contracta avulsaque vascula, a quibus illud pendet, sine ullius effusione succi idem dimitunt, illæsum & virgineum in oviductum expellit & *Par ovidu-  
tum ad ute-  
rum.* profudit. Hic enim ductus, vigente venere, ovarium versus æstuans porrigitur, & pansis ac diductis fibrillis suis musculosis, veluti digitis, se circa idem circumiicit, atque ita illud complectendo, compressu suo venereo erupturum ex hiatu, vel rima ovarii ovulum exprimit, & patente ore suo, ac hiantibus veluti faucibus, excipit, fibrisque suis musculosis motu successivo, & peristaltico, ad uteri fundum usque rotat & provolvit.

Ex quibus haud difficulter patet, feminam quoque oviparam esse, ab eaque sola ovorum generatio- *Omnia viventi-  
tia ex ovo,* nem proficisci, haud aliter ac gallinæ ova gignunt, & plantæ semina conficiunt, quæ vera esse ova, post Empedoclem, & Josephum de Aromatariis, egregie Malpighius docuit. Neque profecto aliud est inter animantia vivipara & ovipera discrimen, præterquam illud, quod horum ova extra corpus in nidum emittantur, & omnem suæ pullitici alimoniam contineant; ova vero viviparorum ex ovariiis in uterum, tanquam in nidum, deponantur, & pauxillum succi habeant, reliquum autem nutrimentum ab utero matris recipiant. In quo proinde magis cum ovis plantarum conveniunt. Nam & hæc intra membranas & folliculos suos pulpam & aptam germinationi materiam possident, qua consumpta, actis in terram radicibus alimentum recipiunt. Ceterum ut in gracilimis illo-



rum gemmulis pusillæ plantulæ existunt, atque in ovi  
cujusvis gallinacei, cum foecundi, tum subventanei,  
macula alba circulari, quam cicatriculam vocant li-  
quidum pulli vestigium, tanquam aggere conclusum,  
delitescit, ut ex frequenti ovorum inspectione com-  
pertum habemus: ita dubitandum non est, quin in  
ovo quoque mulieris, quamvis nondum foecundo,

*Futuri fœtus  
lineamentum  
præexistit in  
ovo.*

foetus futuri rudimentum compendio præexistat. De  
cujus quidem ortu & generatione varia a variis dispu-  
tata sunt. Nec ipse dissimulabo, quid sentiam, non  
quia sic esse mordicus affirmem, (quod est insipientis  
in re incerta facere) sed ut, exposita rei difficultate,  
intelligamus, quanta sit divinorum operum excellen-  
tia & magnitudo. Neque enim reprehendendus  
magnopere ero, si minus abhorream a Syvammerda-  
mii, Malebranchii, & aliorum quorundam doctorum  
virorum opinione, feminas primorum animalium  
cum omnibus animantibus ejusdem speciei, quæ ge-  
nita sunt, quæque imposterum gignentur, creatas  
fuisse, atque in ovariis Evæ totum genus humanum  
delituisse. Quæ profecto sententia nec rationi, nec  
omnipotentiae divinæ, qua in perexiguo spatio, mini-  
maque mole, innumerabilia puncta organica compre-  
henduntur, adversari videtur, & multis nos difficul-  
tatibus, ac fictitiis præsertim formis & principiis, qui-  
bus, tanquam fabris & architectis, sapientibus & do-  
ctis, ut putant plerique, & ratione atque intelligentia  
præditis formatio animalium, & corporis huma-  
ni, vulgo tribuitur, liberat, idque intellectu haud ita dif-



difficile arguit, omnium conceptionem animantium sola ovi feminei, elasticis quibusdam liquoris masculi particulis imbuti, foecundatione fieri. Ac parum omnino discriminis inter germinationem seminis vegetabilis & conceptionem animantis interesse, idque in eo potissimum consistere videtur, quod semen plantæ principium motus intrinsecum gerat, soloque tempore, quo idem fuscitetur, opus habeat; ovum autem animalis principio motus insito nullo gaudeat, sed illud omne a mare recipiat. Nam uti in exilissima minimi seminis gemmula universi animalis vegetabilis compendium latet, quod fotu quovis opportuno agitati intus conclusi elateris, humidum nutrimentum impellentis, vigore vivit & germinat, atque in radicem, caulem, partesque reliquas explicatur & distinguitur, ac procerissima arbor evadit: ita in ovulo mulieris delitescit rudimentum futuri foetus, quod nullo quidem fotu, nec suapte vi viget, sed cum recepto demum liquoris masculi elaterio vitam & germinationem inchoat. Cui proinde fini tam sapienter omnia a Deo facta & ordinata sunt, ut femina ovum maturum, & ad egressum paratum, gignat, mas vero liquorem præparet & custodiat generosum & elasticum, & complexu juncti venereo, femina prædicto modo ovum ex ovario promat, & per oviductum in uterum emittat, mas vero liquorem effundat, eoque totum intus uterum, & hoc comprehensum undique ovum conspergat & foecundet. Sic enim porro fit, ut hujus pelliculas



culas quaquaversum permeans vividior & elastica illius portio, seseque in totam diffundens crySTALLINAM lympham, eadem contenti quiescentis adhuc germinis torpens veluti liquidum exsolvat, & cuncta ejus tenerissima stamina exciter, ac vitæ choream inchoet. Quam deinde, facto vegetationis initio, liquidus adhuc, embryo mox motu & pulsatione salientis corculi, tanquam machynæ maxime mobilis, & tribuendis succis necessariæ, prodit, & sensim solidescens, ac incrementum capiens, partes explicatiores paulatim omnes manifestat, & foetus fit, modo non multum absimili, ac suscitatae particulae motrices seminis vegetabilis, succum nutricium solvunt, & per omnes illius fibras trudent ac compellunt, & quaquaversum nitentes, plicas partium sensim omnes explicant, ac torpidam antea gemmulam in vivam plantam evolvunt.

*Origo mentis  
animo vix potest  
comprehendi.*

Atque sic quidem corpus humanum ex corporibus humanis nasci videtur. Sed quomodo mens feratur humana, & utrumne ea ex patre, an potius ex matre, an vero ex utroque procedat, quæstio est difficilis, ac pene indissolubilis. Nam comprehendere animo non possumus, qui ex substantia spiritali & individua decidere aliquid ac separari queat. Quæ enim de propagatione animæ per traducem, & emanationem, afferri vulgo solent, ea, quia sunt metaphoræ, & similitudines, a rebus materiatis desumptæ, cum spiritali illius ac individua natura minus conveniunt. Quare hoc Dei opus mei vim ingenii longissime superat, quod præstat pie revereri, quam audacter argutari.

Illud



Illud vero, opinor, liquet, uterum terram imitari, & naturæ agrum merito appellari, in quo fata semina Dei instituto foecundantur & germinascunt, neque adeo esse, ut ad ovaria, vel per oviductus, cum Graafio, vel per porosam uteri substantiam, cum Bohnio, vel per ipsum sanguinis circulum, cum Bartholino, vim masculam duci putemus, ut ibidem ovulum foecundet, & deinde idem ad secessionem urgeat, atque ad uterum contrudat & provolvat, Diogenis more, qui vase inclusus, se ipsum volutabat. Namque hic motus ovuli totus a maturitate ejus & fibrarum motricium, cum petioli, vel calycis ejus vasculosorum ipsius ovarii & corporis glandulosi, ac fimbriatum musculosarum oviductus, in æstu venereo constrictione dependet, qua etiam per sola veneris ludibria ova interdum subventanea excludi comperimur. Fieri tamen aliquando, ut liquor masculus generosior & fortior in ipsos oviductus evehatur, & ovulum in via intercipiat, idque deinde vel ex naturæ legibus utero inseratur, vel in loco deprehensionis detineatur, atque conceptionem efficiat in ovario, vel tuba, cum matrum foetui, funestam, Lutetia Parisiorum Londinum, Venetiæ & Leovardia testantur. Quot autem ovula foecundantur, tot etiam conceptus & foetus fiunt. Possunt tamen ex uno ovo etiam gemelli excitari, uti ex uno tritici grano, vel alio quovis semine, sive ovulo vegetabili, duplex, imo multiplex interdum spica provenit, & ex unius ovi gallinacei, duplici, vel triplici, cicatricula totidem pulli enascuntur. Ac quemadmo-

*Uterus est ager natura, in quo fata semina prolifica fiunt.*

*Unde foetus multiplex.*



dum fieri potest, ut ex uno, vel duobus ovulis gemelli prodeant: ita ex gemino enati ovo, suis etiam propriis, atque distinctis tunicis ac placentis gaudent, qui vero ex uno germinant, sæpe uni saltem communi amiculo includuntur. Sed singulare est, & rarior occurrit, id quod Steno observavit, foetus tres communi contentos chorio, amniis autem propriis seclusos, fuisse. Gemelli vero, qui communi concluduntur involucrio, abortivi ut plurimum sunt, sæpe etiam varie coalescunt, monstrosique nascuntur. Ac uti foetus, sic etiam placentæ interdum concresecunt, & ex duabus, vel tribus, una aliquando composita emergit.

*De primogenitura partium controversia inutilis.*

Quum igitur in ovo etiam virgineo futuri animantis idea ac delineatio membrorum subtilissima compendio præexistat, & non minus quam pelliculæ, quæ deinde tunicas, foetum amicientes, constituent, cum placentæ uterinæ rudimento, ipsa conceptione sit antiquior: id quidem porro facile intelligitur, inutiles de partium primogenitura lites moveri. Quod ipsa quoque ratio evidenter demonstrat. Cum enim corpus nostrum non ad modum ædium extruatur, sed ex cohærentibus sibi conjunctisque ductibus, quos succi vitales perambulant, constet, & circuli instar, principio careat, & fine, ac machinæ totius artificium in solo vasorum & canalium ad se invicem, & fluentium in iis humorum, respectu consistat; concipi plane nequit, quomodo cor prius, quam cerebrum, vel hoc ante cor, aut pars alia ante aliam generari possit, siquidem ex arteriis, venis & nervis,



iisdemque continuatis fibris, omnes sunt contextæ. Quod ipsum etiam Hippocrates indicat: Membra, inquit, simul omnia discernuntur, & augentur, neque alterum altero prius, neque posterius. Quæ tamen natura sunt majora, minoribus priora conspiciuntur, cum nihilo priora existant. I. de Diata. Nec probare possum, quod Harveyus de Gen. anim. Exerc. LV. statuit: Sanguinem, tum generatione, tum natura, tum essentia corde prius existere. Rectius Malpighius Op. posth. p. 82. Superfluum, ait, videtur quærere, an cor ante cerebrum, aut sanguis ante cor gignatur, cum sensibus pateat, ante incubatum carinam manifesto in cicatrice jacere; inchoato autem incubatu, vasa in limbo repleta turgendo occurrere, deinde ex motu cordis ventriculos & exinde continuatos arteriarum tubulos. Et licet excurrentis fluidum notas omnes non habeat veri sanguinis, probabiliter tamen censere possumus, sanguinis non solum materiam esse, verum & sanguinem, cum ipso partes vivificentur, & augeantur, ut in adultis contingit. Ex his vero rursus patet, quid statuendum sit de vulgari partium in sanguineas & spermaticas divisione, siquidem illas e sanguine menstruo, hasque ex liquore masculo effingi, cum veteribus opinemur. Namque illud satis exploratum est, ovum, ex quo foetus prodit corpusculum, solius esse opus feminae, marem vero nihil, præterquam motionis principium conferre, & conceptionem foecundatione illius ab huius liquore compleri, nulla sanguinis menstrui concurfione adjutam, ut fit in generatione pulli. Neque eam divisionem expediunt, quin eam magis im-

*Ratio  
Discriminis  
partium san-  
guinearum &  
spermaticarum.*



pediant, qui existimant, partes foetus albas ex lymphæ ovuli, rubicundas autem ex parte ejus, in ruborem sanguinemque conversa, produci. Quippe cum ante natum sanguinem rubicundum partes embrionis existant, atque ex lymphæ crystallo, in fibras pel-lucas & albicantes concrefcente, coaluerint. Quemadmodum recte Galenus sui immemor I. de Sem. I. dicit, recentem foeturam lacti recens concreto similem esse; atque experientia constat, tenerrimum adhuc embryonem sola aqua calida in album dilui liquorem posse. Sed quia lymphæ embryonis continuo motu & agitatione solutioneque suarum particularum, ac repetitis multoties circuitibus, quadam sui parte pingui & oleosa ruborem induit, ac purpurascit, facta hac mutatione sanguis scaturit rubicundus, & simili colore quædam corporis membra, quæ vasa multa, amplaque, sanguinem vehentia, subeunt & pervadunt tandem perfundantur est necesse, qui tamen color ex iisdem partibus iterum facile eluitur, ut pristinum recuperent nitorem, & totæ fibrosæ, albæque, etiam in animantibus natis atque adultis, appareant. Pauci præteriere anni, quum relicta a partu ultra annum placentæ portio, quam appellare molam solent, compressa, & convoluta, vasisque abundans sanguineis, ex muliere, quæ sæpius immodico, & irregulari fluore uteri laboraverat, & spurium faciei colorem duxerat, magno labore exiret. Intra quam vesicula rotunda, five ovum hærebat, ad ovi columbini accedens magnitudinem, crystalloque lymphæ plenum, cum sub-

natan-




natante embryone, formicam majorem, vel blattam æquante. Is veluti ex lacte diluto concretus, a tenui pendebat funiculo umbilicali, & corpusculum carinæ instar inflexum, & caput, ac oculorum, artuumque rudimenta, nudo etiam oculo exhibebat, tametsi neque in lymphæ ovuli, neque ipso in corpusculo embryi, neque in funiculo umbilicali, aliquid purpurei coloris compareret, quocunque etiam modo acies oculi intenderetur. Una saltem exteriori parte, qua ipsa in mola radices defixerat, ovulum cruore tinctum erat, eaque parte non minus explicate in chorio per orbem fibrillæ umbilicales, quam inde pullulantes acini muscosi, vel radices, dignoscebantur, in placentam abitura.

## CAP. II.

## DE

NUTRITIONE  
FOETUS.

---


Ta vero suscitatus Embryo, non alias, quam *Embryo vivit vitam plantæ.* vegetantium operationes edit, & more plantæ vivit, animalis tandem aliquando & hominis effecturus actiones, cum ætate adultus, debitam membrorum & orga-

Nnn ;

no-



*Fœtus nutri-  
tio est conti-  
nuata gene-  
ratio*

*Primum ejus  
alimentum est  
lymphæ, in qua  
conceptus est.*

norum omnium nactus est perfectionem. Quare nunc superest, ut, quam exorsus est, vitæ telam recte per-  
texat. Id quod fit continna succi alibilis accessione  
quo inchoata partium evolutio continuetur & perficia-  
tur. Ut pateat illius veritas sententiæ, qua nutritio  
corporis nihil esse aliud dicitur, quam continuata ge-  
neratio. Itaque intromissa per ovi pelliculas genitu-  
ræ portio, dum suo elaterio omnem illius lympham,  
in eaque convoluta prima germinis lineamenta, per-  
vadit, & pororum excavationem aggreditur, partes-  
que alias firmat, alias solvit & liquat, omnesque ad  
motum, convenientem exsuscitat, id, quod fluidum  
maxime est, ex circumflue colliquamento lymphæ in  
patentiorum porum oris, œsophagi, ventriculi & inte-  
stinorum facile impellitur, & porro per poros venula-  
rum lactearum ad punctum saliens, sive corculum,  
indeque per porulos arteriolarum ad cerebrum, cor-  
pusque reliquum, in alimoniam & conformationem  
partium, hincque per porulos retortarum arteriola-  
rum, quas appellamus venas, iterum ad cor, veluti  
in orbem traducitur, & his iteratis excursionibus, gy-  
risque perpetuis, per corpus ambulans, & novis quo-  
tidie accessionibus auctum, tenerrima illa, exiguoque  
comprehensa spatio, & convoluta accrescentis em-  
bryonis stamina paulatim omnia explicat, & longius  
latiusque diducit ac extendit, & continua pressione  
compressioneque particularum firmiorem earum co-  
hæsiōem, & solidiorem demum machinulam corpo-  
ris perficit.

Cui



Cui tamen negotio minus est sufficiens illa con-<sup>Reliquium ex</sup>  
socialis lympa, in qua conceptus est embryo, quin<sup>utero matris</sup>  
ea consumpta, ab utero matris pleniorē alimoniam  
recipere debeat, simili fere ritu, quo semina plan-<sup>recipit.</sup>  
tarum succum ex terra hauriunt. Unde primis quidem  
diebus ovum utero nondum est annexum, sed sine  
ulla cum eo cohæsione liberum solutumque deprehen-  
ditur. Quemadmodum vero gemmulæ ovorum  
plantarum, cum, suscitato intus elaterio, intumes-  
cunt, in adnatam primo pulpam, & factō hujus con-  
sumptione succi incremento, perruptoque cortice, in  
terram suas injiciunt radices quibus necessarium sibi  
nutrimentum ducunt: Ita quoque embryo, dum con-  
sumpta magna parte lymphæ, in qua conceptus est,  
grandescit, & speciem induere foetus incipit, rivulis  
quibusdā ex medio corpusculi centro, cui umbilici  
nomen est, deductis, extimam chorii pelliculam ri-<sup>Ortus vaso-</sup>  
gat, ab eaque pullulantes excrecentias fibrosas, sive<sup>rum umbili-</sup>  
radices villosas, utero matris, ceu terræ, ingerit, ut<sup>calium.</sup>  
tepido dulcique ejus rore perfruatur.

Hinc vero oritur quæstio, fiatne nutritio foetus<sup>Foetus nutri-</sup>  
per umbilicum, an vero per os, an per utrumque.<sup>tio vel fit per</sup>  
Nam duæ ex foetus arteriæ, ortæ ex iliacis, & una<sup>os, vel per</sup>  
vena, ex cava per portam ducta, ab umbilico simul<sup>umbilicum,</sup>  
uniculi more laxius tortæ, ad prædictam usque chorii<sup>aut per utrumque.</sup>  
membranullam contendunt, & in mediam ejus par-  
tem numerosam ramulorum seriem orbiculatim spar-  
gunt & distribuunt, quarum illæ sanguinem ex foetu  
ad chorion deducunt, hæc vero reychit eundem, &  
una



una cum eo succum alibilem apportare creditur. Atque hæc inveterata & communis est opinio, quæ nec iis improbatur, qui etiam foetum, ultimis præcipue mensibus, per os ali volunt, ut constat ex Hippocrate, cum lib. de Carnib. & de Nat. puer. Puer, inquit, dum utero est, ex utero alimentum sugit compressis, labris tum etiam spiritum in cor attrahit: & quidem trahit ex sanguine, quod dulcissimum est, simulque aliquantula lactis portione fruitur. Quodsi quis roget, unde hoc quis noscit, quod puer in utero trahat & sugat, hoc illi respondere licet. Pueri cum in lucem prodeunt, fæces habere in intestinis conspiciuntur, & simul ac in lucem eduntur tum homines, tum pecora, illæ per alvum secedunt. Atqui neque feces haberet, nisi in utero sugeret, neque statim ac puer natus esset, ubera sugere nosset, nisi in utero suxisset. Sunt vero alii, qui tantum per os nutritionem fieri perhibent. Inter eos fuisse Democritum & Epicurum, Auctor est Plutarchus L. V. de Plac. phil. c. 16. quos secuti sunt Entius, Charleton, Fr. Bayle, Everhardus, Curveus, & plures alii. In qua opinionum dissensione notabimus quædam ante, quam affirmare aliquid audeamus. Ac primo quidem commemorandum est, uterum, cum voluptate effluentis liquoris masculi titillatione excitatum, totum præ libidinis æstu gestire, & simul ac concepit, conglobari & claudi, nec minus ipsum, quam eodem comprehensum ovulum, recepti illius liquoris elaterio tumescere, ac utriusque tunicarum meatus ita laxari & pandi, ut perviæ ac penetrabiles fiant, novumque humores motum per emolliti & rarefacti uteri vasa con-

*Mutatio uteri  
fœcundi.*



concupiant, ac partem lymphæ subactioris ex arteriis in laxatos & patefactos uteri tubulos emittant; qui proinde tubuli in gravidis, tubulorum instar lacteorum in mammis, protuberant, atque ex pluribus radicibus minoribus, in lacunas ampliores, ac veluti vaginulas, ad uteri cavum hiantes, receptam ab arteriis lympham convehunt. Deinde in memoriam revocandum est, ab extima foetus tunica pullulantes villosas radículas, vel papillas, illius uteri partis, quam attingunt, modo exaratas vaginulas subire, hisque binis partibus, sinibus nempe, vel vaginulis uteri, & has subingressis radicibus chorii, placentam uteri coagmentari, & foetum cum matre conjungi. Ac illud quidem inprimis hic tenendum est, illis duabus partibus placentam compleri, & unam, quæ uteri est, nimirum vaginulas ejus, ex arteriis uteri lympham recipere, eamque in alteram, quæ chorii soboles est, in ejus videlicet radices, vel papillas, transfundi, atque has quidem cum illis per inoculationes ita conjungi, ut possint sine divulsione violenta, profusioneque sanguinis, non difficulter separari. Haud secus atque in placentis, & placentulis, sive cotyledonibus, animalium brutorum deprehenditur, in quibus evaginatae chorii papillæ, nil cruoris, sed succum serosum chylosumque fundunt. Neque prætermittendum, liquorem per arterias umbilicales siphone injectum, in placenta integra & illaesa nusquam effluere, vel extra vasa mitti, sed per venam umbilicalem redire; quod fieri minus posset, si, quæ multorum est opinio,

*Pullulantes  
ex chorio ra-  
dices ingredi-  
untur vagi-  
nulas uteri.*

*Placenta ute-  
ri duabus con-  
stat partibus.*



*Dua foetus  
membrana,*

*Dari tertiam  
allantoideam,  
incertum est.*

cum vasis uteri vasorum foetus darentur ἀνατομώσεις, per quas humores ex foeta in foetum, & ex hoc in illam derivarentur. Tum vero illud etiam notandum est, duas dari membranas foetum amicientes, & harum exteriori, quæ chorion dicitur, & in binas tresve lamellas dirimi potest, eaque parte, qua vasa foetus umbilicalia suscipit, & suis radicibus utero affigitur, alteram placenta portionem constituit, internam, quæ pellucida, longe tenuior, & mollior est, atque amnios appellatur, leniter cohærere & annexam esse, neque naturæ ordine plus liquoris inter utramque membranam, quam ovorum testas, atque pelliculas, interfluere. Equidem inter has tertia interjecta esse a quibusdam traditur, dicta αλλαντοειδής, hoc est, farcimini similis, sumto a brutis quibusdam, imprimisque vaccis, errore, in quibus hæc tunica ingentis intestini, sive farciminis speciem præ se fert, & receptum ex vesica per urachum lotium asservat. In humano autem foetu a plerisque Anatomicorum desideratur, adeo ut minus erubuerit Drelincurtius eos brutis atque chimæricis, quam humanis atque realibus Anatomicis, propiores appellare, qui hanc quoque tunicam homini assignarint. Syst. de Foet. hum. P. II. Per. 34. Idque omnino fatendum est, paucos quosdam fallente visu eam vidisse tunicam in homine, plerosque solis inniti conjecturis, & aliorum opinionibus regi. Adeo enim in tradenda ejus tunicæ descriptione differunt, aut perfunctorie eandem delineant, ut quid de illa statuendum sit, ex iis difficulter intelligas.



ligas. Quod merito movit CL. Verheyenum, Anatomicum exercitatum, & ingenuum, ut nec Needhami, nec Graafii, nec Bidloi observationibus multum tribuerit. Ac vereor, ne idem CL. Munnikius admoneri possit, quod, cum eam tunicam se publice in nosodochio Ultrajectino demonstrasse scribit l. c. nullam ejus prorsus descriptionem, quam a Bidloo tantopere efflagitavit Verheyenus, adjecerit. Qui vero cum Spiegelio homini eandem, quam animantibus ceteris, urinam deponendi necessitatem obtendunt, pro asserenda ea tunica nihil agunt. Nam alii cum Jo. Riolano, Veslingio, Ruyschio, & aliis, urinam in foetu vesica servari, eamque adeo multo majorem, quam adultis, esse notarunt; alii cum Drelincurtio foetum mejere in liquidum amnii per urethram, idque deinde ore resorbere, urachum vero impervium, & pro ligamento tantum suspensorio vesicæ habendum esse, volunt. Sed hæc in medio rerum nondum satis exploratarum relinquo. His demum addendum est, in amnio *Liquor in amnio,* liquorem semper crySTALLINUM, eumque alibilem & gelatinosum, cui foetus innatat, inesse, & ejusdem indolis humorem non solum ex vaginulis uteri exstillare, sed etiam in foetuum, etiam minimorum, ventriculis & intestinis nunquam non reperiri. Præter foetum, quem supra diximus, instar formicæ majoris intra ovum, ad ovi columbini accedens magnitudinem, lymphæque limpidissima turgidum, a funiculo umbilicali pependisse, asservamus alium, qui apem æquans, in ovo magnitudine ovi gallinacei, lymphæ



pariter crySTALLINÆ, qua plenum erat ovum, innatabat, in quo caput ad pectus inclinatum, & corpus reliquum incurvum, ac oculi semicirculorum instar nigrorum, cum artuum inchoamentis conspiciuntur. Membrana, ovum constituens, duplex erat, altera alteri immediate conjuncta. In exteriori excrescentiæ videbantur fibrosæ, sive radices villosæ, cum propagatis intus per eam partem vasorum umbilicalium ramulis. Sed & hoc ovum cum magna parte placentiæ, ultra annum a partu priore relicta, cum ingenti hæmorrhagia per abortum ejectum fuerat.

Ex quibus ambigua valde nutritio foetus per venam umbilicalem redditur, licet communis & fere recepta in scholis sit opinio. Præsertim cum embryo statim a conceptione nutriatur ante, quam vasa umbilicalia conspiciantur, aut saltem prius, quam ex utero aliquid ad foetum deferre possint. Econtrario illud clare patere arbitror, foetum non ultimis solum mensibus, ut ipse olim Hippocrates, & deinde cum multis aliis Harvejus, statuerunt, sed etiam ab initio, per os nutriri humore illo amnii seroso & consociali, sive colliquamento, in quo conceptus est, quique ex lymphâ matris, per arterias uteri in tubulos & vaginulas transmissa, & per radices, vel papillas chorii, hujusque, & amnii, meabiles membranas, destillante, instauratur, foetuique circumfunditur, ut in mediis undis per os alatur. Nam si succus ex tellure aëris circumfusi pressione in cæcos radicum meatus eluctatur, & per omnem fibrosam

*Fœtus nutri-  
tur per os.*



brofam plantæ compagem compellitur; quidni ex irriguo matris utero, pulsu cordis, & pressioibus arteriarum, segregatam subactiorem lymphæ partem ex vaginulis per meatus radicum & membranarum foetus, succis caloreque vitalibus affluentium, in cavum usque amnii adigi posse, opinemur? Quod autem ad vasa attinet umbilicalia, hæc inprimis chorio <sup>Usus vasorum umbilicalium.</sup> prospiciunt, ad eamque humores ex foetu adducunt, quo germinare & suas emittere radices, atque hæc deinde refici ac augeri, & meatus membranarum recte patere possint. Cui quidem fini utrumque genus vasorum necessarium est. Nam uti arteriæ ex foetu humores ad placentam apportant: sic etiam adesse debet vena, quæ superfluos reportet. Mirari interrim convenit, quod, cum Deus duos illos rivulos ex foetu in placentam deduxerit, unum tantum in homine reduxerit, si præsertim voluerit, ut per eundem humores antiqui, novis succis aucti, ad foetum revchantur. Neque est, quod quis opinetur, posse radices chorii cum membranis eodem succo, quem a matre recipiunt, nutriri & refici. Nam pullulare radices & emitti ex chorio debent, antequam utero possint ingeri. Unde primis conceptionis diebus, ubi liberum adhuc ovum in utero, necdum radices egit, pubescere chorion incipit, rigata succo, ex foetu per arterias advecto. Jactæ vero radices percolando transmittendoque succo, a matre accedente, serviunt, unde humore alio, ex foetu manante, quo alantur, opus habent. Idem evenire plantis videas, in quibus



succo, a radicibus in truncum sublato, partes, quæ terram eminent, ali, succo autem a ramis reduce radices refici, observant naturæ curiosi.

*De liquoris  
amniis origine  
opiniones  
varie.*

Itaque cum viæ liquoris amnii non ita inviæ sint, ut multis visum fuit, nihil quidem causæ esse arbitror, quamobrem cum cum CL. Bohnio l. c. ex mammillis foetus derivemus, vel cum Drelincurtio ex tot corporis excretoriis convehamus, & amnion matulam & compluvium esse putemus, in quod non modo lymphæ de renibus per urethram exstillet, sed etiam plurima de cerebro, de oculis, de naribus, & ore guttatim defluat. l. c. Est enim lymphæ amnii ipse nutricius succus, a sanguine matris, ex arteriis uteri, per sinus hujus & vaginulas, ac papillas placentæ porosas, & chorii amniique meatus, in hujus cavum transmissus. Neque vero, ut laudatus modo Bohnius existimat, nisi rarius, mammas recens natorum exprimi debere, neque lacte seroso semper turgere easdem, satis luculenter experientia ostendit. Adhæc in gravidis, licet lac gerant mammx, raro tamen illud sponte effunditur. Multo autem minus liquor ille amnii pro urina habendus est. Quippe cum gelatina dulci & alibili abundet, & alios habeat fontes ac vias, quibus in amnion derivatur. Cum contra parum urinæ propter puritatem succi alibilis in renibus secernatur, idque in vesica foetus collectum reperiatur. Et si foetus brutorum ea sunt munditiæ, ut lotium hospitio emittant, cur foetus humanum adeo sordidum habeamus, ut existimemus, eum proprium suum domicillum lotio consper-



spargere, & quod reddidit, ferculum deinde resorbere. Minus etiam credibile est, foetum perpetuo plorare & salivare, ut inde tanta lymphæ copia colligatur. Quomodo autem ex cerebro illius plurima lymphæ guttatim defluere possit, ego quidem capere nequeo. Nec video, quamobrem sudori aliquid hic acceptum referamus, cum forte foetus non plus sudet, quam piscis in aqua, aut pullus in ovo. Et si demum omnes illas excretiones per os, per nares, per oculos, mamillas, porosque cutis, & vesicam, vigere concesserimus, tamen vix tanta lymphæ copia colligi poterit, quanta foetus pusillus, & vix muscam æquans, circumfunditur.

Hæc vero satis probabilis est de foetus nutritione sententia, quam tamen diffitendum non est suis quoque premi difficultatibus, quarum præcipua est, quod foetus aliquando clauso ore nati fuerint observati. Cui vero commode occurrunt clarissimi Stalparzii van der Wiel, P. & F. Obs. rar. T. II. Cent. Post. P. I. Obs. XXXII. & Exerc. de Nutr. foet. vix aut perraro id observari, & si contigerit, foetus ejusmodi cito obiisse, aut alios habuisse ductus, per quos succum ex amnio receperint, nec deesse exempla, quorum alterum ex sua observatione, alterum ex Ephem. Gall. adducit doctissimus Pater, foetus humanos sine umbilico, & funiculo, vivos & bene valentes prodiisse, neque adeo nutrir per umbilicum potuisse. Altera, sed minoris momenti, difficultas, quæ nutritioni foetus per os obstare videtur, est, quod ille non respiret, & sorbere adeo,

*Argumenta,  
quæ nutritioni  
per os obstare  
videntur,  
examinantur.*



adeo, ac deglutire non possit. Ad quam respondent alii, deglutitionem distinctam plane a respiratione actionem esse, atque ab homine nato ad nascendum foetum argumentum nullum esse. Aliam esse rationem foetus adhuc virginis, uteroque conclusi, aliam expositi in lucem, aeremque experti. Ut ille suas actiones sine respiratione edere possit, ita hunc non posse: neque necessariam foetui respirationem esse, quod a matre lympham satis rarefactam recipiat, quae aetheris omnia pervadentis agilitate in motu conservata, refocillando ac perennando sanguinis motui sufficiat, nec aeris usura opus habeat, quia foetus carceribus uteri & membranarum conclusus, in mediis vivat undis, nullamque aeris ambientis pressuram experiatur.

Ita multi sentiunt. A quibus tamen abit Hippocrates, quando loc. cit. foetum in utero ore & naribus spiritum trahere existimat. Neque profecto patet, quomodo suctio sine respirationis adjumento fieri queat. Quippe cum omnis suctio sit quaedam pulsionis species, & per liquoris, vel rei suctae ab aere ambiente compulsæ, pressionem perficiatur, Quam Hippocratis sententiam illustrare videtur annotatio Boylei in Exp. Phys. mech. quando minus quidem verisimile putat, foetum in utero proprie respirare deinde vero ita pergit: Cum tamen ex nostris pateat experimentis, omne propemodum liquoris genus interspersis æreis corpusculis, perinde ac aqua, abundare; non videtur absurdum, si quis dixerit, grandescens foetus, præsertim cum superior involventis amnii pars liquore distituta sit,



fit, & halituosa tantum substantia compleatur, obscuram quandam respirationem exercere. Idque ipsum ex vagitu uterino, & simili comprobatur, quod videlicet pulli in ovo, nondum perrupto cortice, audiantur pipientes. Unde quidem concludendum esse opinatur CL. Spornius, foetum in utero ultimis saltem mensibus, cum maturitati & partui proximus est, sine magno tamen musculorum thoracis conatu respirare. Aph. nov. S.I. p.

40. Quo vero minus credamus, foetum in utero re-<sup>Foetus in utero non respirat.</sup> spirare, anomalus situs & figura instrumentorum, nullum adhuc usum spirantium, vetant. Namque in eo, ut supra ex CL. Pechlino adduximus, & experientia testatur, diaphragma adeo est reductum & fornicatum, ut nunquam magis, cavitas, quæ pulmonibus occupari debebat, sola materia ætherea obsessa, complanatis & reflexis ad posteriora lobis, qui & ipsi cum nullo adhuc vitali, aut aëreo colore, sed solo sanguine sint perfusi, & aquis injecti, fundum petant, una tamen respiratione formam statim & gravitatem mutant, ac vesicularem colorem, & fractam cancellis ac lobulis minoribus superficiem, quæ pridem erat planissima, acquirunt, aquisve, ob pansas vesiculas, & relictam iisdem aëris portionem, innatant, nec deprimi amplius ab eadem possunt. Ac vacuos omnino aëre pulmones foetus esse, quamdiu utero conclusus tenetur, etiamsi partui proximus sit, inde clare patet, quod ejusmodi foetus pulmo, in campana antliæ pneumaticæ collocatus, educto ex eadem aëre, nihil prorsus intumescat & infletur, aquæve deinceps injectus, sub-



mergatur; quod aliter fieri deberet, si aliquid aëris in eodem existeret. Quæ vero de vagitu dicuntur uterino, ea vel fabulosa, vel a flatuum in intestinis matris colluctantium, atque a mole uteri & motibus foetus compressorum, propulsorumque, murmure & borborymis repetenda sunt. Nec pipire pullus exaudietur prius, quam rostro testam parum perfoderit, aëri-que ingressum pararit. Quare illud vero videtur similis, lympham amnio contentam, quaque foetus circumfluit, motu hujus, ipsiusque matris, vario, ac potissimum, quando hæc spiritum ducit, nisu & contractione diaphragmatis & musculorum abdominis, in patentem oris meatum placide compelli, & continuata successione, adjuvante demum motu musculorum, deglutitioni servientium, per oesophagum ad ventriculum, indeque per intestina, & vias lacteas, ad cor & partes ceteras derivari.

*Placenta vice  
pulmonis  
hand fungi-  
tur.*

Cum igitur foetus non respiret, ejusque adeo pulmones ferientur, quorumdam est opinio, illorum vice placentam fungi, ejusque ministerio non necessariam tantum alendæ vitæ materiam aëream a sanguine matris segregari, & per venam umbilicalem ad foetum adduci, sed etiam per arterias cognomines quædam sanguinis recrementa in venas matris deponi, quorum prius cum Mayovvio multis, utrumque vero CL. Verheyeno placet l. c. Tr. II. c. 31. Sed quo minus his assentiar, non una causa impediatur. Nam foetus, ventre matris, & involucris suis, undisque lymphæ septus & munitus contra aeris externi pressio-

nem



nem interno aëris elaterio minus eget, quia, quod supra monitum est, a matre rarefactam & extenuatam lymphæ portionem accipit, cujus placide intus agitan-  
dis particulis sola sufficit cuncta permeans ætherea materia. Unde motus humorum, ipsiusque cordis, in foetu, debilis ac tardior observatur, ita ut catuli, aquis adhuc inclusi, & dissecti, vix sensibilem cordis motum habeant. Quod multo aliter deprehenditur in iis, qui aëri sunt expositi. Hi enim illico ore hiante, omnique musculorum pectoris conatu, spiritum ducunt, & patefacto pectore, cordis pulsum & crebriorem, & vividiorē, ac satis vehementem ostendunt, & licet lacerata sint vitalia, diu satis eundem continuant. Quemadmodum Boyle Nov. Exp. phys. mech. & Pechlinus Medit. & aër. & alim. def. c. IIX. ostenderunt. Neque apparet, quomodo & quænam excrementa sanguinis ex foetu per arterias umbilicales in venas matris deponi quæant. Quippe cum nulla detur vasorum hujus cum vasis foetus anastomosis & conjunctio, ita ut ex his ad illa aliquid deferri possit; sed secreta solum lymphæ ex arteriis uteri per hujus vaginulas in papillas chorii, & porro ad foetum defertur, nihil vero ab hoc ad matrem reportatur. Præterea foetus puriore fruitur alimento, suaque habet propria conceptacula, quibus recrementa colliguntur, ut adeo inquinandæ matris causa sit nulla. Sed mittamus hæc, & redeamus ad propositum, ut cetera, quæ supersunt, breviter explicemus.

Hic autem revereri debemus providentiam Dei,



*Anastomoses  
vorum cor-  
dis, foetus  
singulares,*

*Motus sangui-  
nis per cor fo-  
etus,*

qui, quoniam foetus non respirat, & propter compres-  
sos adeo pulmones, sanguis ex cordis ventriculo dex-  
tro ad sinistrum, per arteriam venamque pulmonari-  
as, pleno flumine duci nequit, singulares quosdam,  
eosque temporarios, ductus effinxit, per quos sanguis  
cor ingredi, atque per corpus circumagi possit, ita ut  
minima ejus pars pulmones pervadat. Nam vena  
cava juxta cor amplo & ovali foramine cum vena  
pulmonali, arteria vero pulmonaria, ubi dextro cor-  
dis ventriculo exivit, medio canale quodam arterioso  
cum arteria aorta commercium colit. Quibus ducti-  
bus fit, ut sanguis ambos cordis ventriculos, uti in  
nato fit homine, non ingrediatur, sed ex cava juxta  
cor in duos dividatur rivos, alterque mox per fora-  
men ovale in venam tendat pulmonariam, & auri-  
culam sinistram, atque ex ventriculo sinistro in aor-  
tam exprimatur, alter vero in dextram cordis auri-  
culam, ventriculumque dextrum immittatur, & hu-  
jus contractione in arteriam pulmonalem, atque ex  
hac per canalem arteriosum in aortam pariter deve-  
hatur, atque adeo sanguis alterutrum saltem ventricu-  
lum cordis subeat, vasa autem pulmonalia fere omnis  
præterlabatur, nec nisi parcissime perfluat. Recol-  
lectus vero sanguis eo modo in aorta, per hujus pro-  
pagines, in omnes corporis partes diffunditur, per ve-  
nas more naturæ solenni reducendus. Quum autem  
non foetus tantum ipse, sed ejus quoque tunicae, &  
placenta. refectione opus habeant, alia Deus, foe-  
tuique pariter singularia, vasa, de quibus identidem  
di-



dictum est, duas nimirum arterias, nunc ab ipsa aortæ extremitate, juxta ejus in ramos iliacos divisionem, modo ex his interioribus ramis, unamque venam ex cava, medio canaliculo, vel sinu venoso, per venam portæ, ad umbilicum produxit, quæ deinde vasa funiculi more laxius contorta, ad chorion, qua parte placentam constituit, multiplicibus ramis, vasorum nomine umbilicalium, protenduntur. *Ortus & distributio vasorum umbilicalium.* Qua vasorum excursionem fieri debet, ut portio sanguinis ex aorta descendente per arterias illas umbilicales ad tunicas & placentam refocillandas illas umbilicales ad tunicas & placentam refocillandas & augendas derivetur, parsque residua per venam umbilicalem ad foetum, atque ad venam portæ, reducatur. Inde tamen jecur intimum non subit, sed per sinum, vel canaliculum, quem prædiximus venosum, foetui pariter peculiarem, in venam cavam dextrum versus ventriculum cordis progreditur, ut cum sanguine reliquo in pristinum revolvatur orbem. Ex quibus nunc perspicuum est, foetum a matre alimentum quidem recipere, & molli ac tepido uteri fœtu & velut incubatu contineri, vitam vero propriam vivere, & proprium in suis officinis succum & sanguinem elaborare, aliumque humorum circuitum in foetu, alium matris esse. Quæ si conferantur cum iis, quæ de affectibus animi dicta sunt, facile constabit, quo pacto pathemata matris, præsertim vehementiora, similes passiones in foetu, & mirandos alios effectus producere queant, Nam a motibus animi magna fit commotio & alteratio in humoribus matris, ex qui-

*Fœtus vitam vivit propriam.*




bus segregata in utero lymphæ portio ejusdem particeps alterationis, illata in foetus corpusculum, similem animi motum parit, unde novæ & variæ in partibus, cum liquidis, tum solidis, mutationes exoriri possunt. Quæ cum ita sint, nil opus esse apparet, ut immediatam vasorum matris & foetus conjunctionem, per quam sanguis ex matris arteriis in foetus venas & cor transfundatur, & ex arteriis hujus in illius venas & cor refundatur, fingamus. Neque attinebit concipere, cogitationes matris ad foetum eo modo propagari, quo in chordis duabus citharæ, æqualiter tensis, excitato chordæ unius pulsatione sono, similem in altera sonum excitari, observamus.

## CAP. III.

## DE

## PARTU.


 Estat, ut foetum, partibus suis absolutum & perfectum, in lucem edamus. Principio autem disceptanda est controversia, & olim & nostra memoria inter philosophos & medicos ultro citroque acta: Quo tandem temporis intervallo maturitatem illam foetus in utero consequatur, ut egressum in lucem exposcat. Nam qui Aristotelem sequuntur & Plinium, atque animan-



mantibus quidem brutis statum esse pariendi tempus, <sup>Homo certum</sup>  
 unum autem hominem incerto nasci spatio, volunt, <sup>habet partus</sup>  
 vel falsis, quibus fidunt, hypothesebus, vel fallacibus  
 conceptionis signis, & errore calculi decipiuntur. Ut  
 falsi jure accusentur a Paulo Zacchia Quæst. med. legal. I.  
 quo loco multis argumentis evincitur, non minus ho-  
 mini, quam animantibus ceteris, certum nascendi ter-  
 minum a Deo præfinitum præscriptumque esse, fi-  
 nem videlicet noni, vel principium decimi ab impræ-  
 gnatione mensis solaris, quo ipse Servator noster, ut  
 in assumenda carne nostra omnes naturæ humanæ le-  
 ges impleret, nasci, ut hominum reliqui filii, voluit,  
 se verum esse hominem, demonstraturus. Qui vero  
 partus supra, vel infra hos limites contingunt, hi o-  
 mnes præter naturæ ordinem fieri censendi sunt, a  
 vi quadam, forinsecus illata, vel intus etiam suscitata  
 causa morbifica. Unde sic nati vel debiles, nec sa-  
 tis maturi, vel morbofi prodeunt, sed vivaces tamen  
 esse possunt, quamvis per abortum excludantur. Et  
 cum ratione pariter ac experientia constet, octavo men-  
 se natos non minus vivos permanere, quam natos men-  
 se septimo, hosque ab illis robore & perfectione supe-  
 rari, mirari merito subeat animum, quid doctissimum  
 moverit Hippocratem, ut partum octimestrem non so-  
 lum pro non vitali, sed etiam tanquam mortuum, se-  
 ptimestrem vero vivacem habuerint. Ita enim lib. de  
 octim. part. Octimestrium, inquit, fieri nequit, conservetur  
 ut ullus. Et lib. de Carn. Octavo mense natus nullus unquam  
 vixit. Sed lib. de sept. part. Ex his autem, ait, qui septimo  
 mense



*Partus octi-  
mestris vivax.*

menſe nati ſunt, ſuperſunt quidam, licet ex multis pauci. Et lib. 1. de Diata: Eodem etiam modo vitales naſcuntur quidam citius, ſeptimo menſe perfecte: quidam tardius nono menſe perfecte in lucem prodeunt. Quodſi enim, uti Drelincurtius ſingulari Diatribe partus octimeſtris cauſam agit, ſeptimo menſe nati ſunt, vel poſſunt eſſe vitales, quare non actavo menſe nati: immo vero quare non magis, cum ſint adultiores? Quippe cum certum ſit, non minus ſpatium, quam novem menſium ſolarium, requiri ad omnem foetus humani perfectionem: conſequens utique eſt, quanto magis ab eo ſpatio foetus abeſt, tanto minori perfectione eundem gaudere? quanto vero minus, tanto etiam perfectiorem habendum eſſe. Atqui verum eſt, ſeptimeſtrem ab eo ſpatio longius abeſſe, minus vero octimeſtrem. Ergo magis a naturali perfectione ſeptimeſtris diſtet, eſt neceſſe. Quodſi autem verum eſt, foetum perfectiorem magis eſſe vivacem, procul omni dubio octimeſtris magis vitalis erit ſeptimeſtri, Eſſe vero perfectiorem, non ſolum ex majori temporis diuturnitate, qua in utero moram traxit, enutritus fuit, conſtat, ſed etiam ſenſus teſtantur: ſiquidem octimeſtris & plus virium ac roboris habet, & firmioribus membris pollet. Nihil vero cauſæ eſt, quamobrem foetum octavo menſe haud vivacem naſci poſſe putemus, quod menſe ſeptimo magnis laboribus exitum moliatur, & ſi id minus fiat, propter infractas & evervatas vires, toto menſe egeat, quo vires inſtauret, ad ſuſtinendos novos partus labores neceſſarias;

Sin



Sin contingat ante resumptas vires foetum nasci, maxime debilitatum prodire eundem, & propterea superstitem esse non posse. Hæc enim somnia sunt, quæ ex numero septenario, motuque critico fluunt, atque ab ipsis refelluntur mulierculis, quæ ad unam omnes attestari possunt, sibi de motu ejusmodi, & conatu, ac laboribus foetus non magis septimo, quam sexto, & octavo mense constare, sed exactis demum novem mensibus solaribus, iis plerumque diebus, quibus menses fluere solent, ordine naturæ partum fieri.

Cum igitur extra dubitationem positum sit, naturam certas habere leges, ac definitas partus motiones, quas, nisi interturbetur, constanter servat: nunc, <sup>*Causa partus impulsiva non est defectus alimenti,*</sup> quid foetum instiget & impellat, ut exitum quærat, breviter exponemus. Qua quidem de re magna est varietas sententiarum. Nam primo Hippocrates, infantem ex utero egredi, docet propter defectum alimenti, cum lib. de Nat. puer. inquit: Post exactos decem menses (lunares) ubi foetus grandior est, alimentum & incrementum, quod a matre demittitur, non amplius sufficere potest. Quod enim in sanguine dulcissimum est, ad sese attrahit, simulque aliquantula lactis portione fruitur. Quæ cum ipsi pauciora sint, puerque jam adultus factus, plus alimenti, quam adsit requirat, ipse sese jactans, membranas disrumpit, & exit. Ita Hippocrates. Cui quidem nemo facile consenserit, ut foetum existimet ab utero divelli defectu alimenti, matremque ei humorem non impertiri, quo maxime abundat, & non tantum gemellis, ac pluribus interdum foetibus



fufficit enutriendis, fed nato etiam puero ex uberibus  
 deinde abunde providet & prospicit, & nifi eundem  
 alat, ita redundat, ut fingulis menfibus vâcuari de-  
 beat. Eadem caufa eft, quamobrem iis affentiri haud  
 poffimus, qui foetum, perfectionem adeptum, fructu-  
 um inftar maturorum, qui exarefcente paulatim pe-  
 tiolo, a quo pendet, fponfe fua, vel levi auræ motu  
 ex arbore decidunt, in lucem emitti, opinantur. Nam  
 & uterum foetæ, & placentam vafaque foetus um-  
 bilicalia, fuccis vitalibus abunde irrigua effe, experi-  
 entia docet. Ab his igitur uti merito difcedimus: ita-  
 minus amplecti poffumus illorum opinionem, qui a  
 copia & acrimonia aquarum, in amnio collectarum,  
 illam impulſivam partus caufam repetendam putant.  
 Nec enim majorem foetus moleſtiam a copia carum  
 habere poteſt, quam piſcis ab aqua: neque iſtæ lym-  
 phæ acres, aut corruptæ, ut foetui naufeam creare,  
 vel irritare eundem poſſint, fed blandæ & mitis indo-  
 lis, inſipidæque deprehenduntur, atque ab omni cor-  
 ruptionis labe ſegregatæ. Quæ omnia perſpicientes  
 alii, foetum non tam penuria alimenti, aut humo-  
 rum in amnio collectorum, copia & acrimonia, quam  
 ſtimulo excrementorum, ad exitum impelli, exiſti-  
 mant, idque inde potiffimum conſtare putant, quod  
 infans, ſimul atque natus eſt, & mingat, & egerat  
 aut certe utrumque conetur. Singula ſecedunt. inquit  
 Hippocrates l. de octim. part. quæ ſenſim repentina, in mo-  
 dum collectæ cohortis coacervata fuerunt. Cujus qui-  
 dem ſententiæ antefignanus videtur Claudius de la  
 Cour.

*Neque copia,  
 vel acrimonia  
 humorum  
 amnii,*



Courvée de Nutr. fœt. P. III. c. XII. Eo facilius, scribit, adducor, ut credam, majorem esse necessitatem fœtui deplendi se, quam replendi, si verum sit, quod asserit Hippocrates, fœtum instante partu laborare: Puer, aiens, l. de nat. puer. cum partus instat, laborare incipit, & in vitæ periculum venire. Sed unde hic motus? Estne a repletionem, an ab inanitione? ad hæc autem duo omnes referuntur morbi. Non quidem ab inanitione, quandoquidem simul atque natus est, depletur, & bene habet. Ergo a repletionem. Hunc deinde secutus Drelincurtius l. c. existimat: Illo nonimæstri spatio eam vim fœcum in alvo, quas meconium vocant, congeri, ut vix suggeri ei, sufficique quicquam amplius possit. Quodsi igitur a deglutita amnii lymphæ, & bilis succique pancreatici concursione, novum in intestinis meconium identidem succrescat, consequens esse, ut expleto demum, & distento intestino, ipsoque tandem ventriculo, partes illæ singulæ plurimum graventur; atque adeo rursus sequi, ut intestina torminosa fiant, suisque torminibus colicis fœtum divexent, & in calcitratum multiplicem, ac irrequietum inpellant, qui uti disruptarum membranarum, ita quoque effluentium aquarum, ipsiusque adeo partus causa sit. Ac proinde concludit, unicuique fœtui partus sui tunc sonuisse horam, quum meconio tanto ejus intestina sint referta, ut novi meconii propulsioni & ingressui fortiter reluctentur. Quam quidem sententiam suo auctori relinquimus. Nec enim eousque repleta fecibus intestina fœtus ob-

*Neque copia  
& stimulus  
excremento-  
rum,*



tem, ventriculum, & intestinum potissimum cœcum, atris meconii fecibus scatere, & hujus intestini magnitudinem proportionis legem quamcunque in foetu excedere. Quare ea jam fere opinio invaluit, foetum defectu potius aëris, & respirandi adeo conatu ac desiderio, ad exitum impelli. De qua opinione scite differit CL. Pechlinus l. c. cap. IIX. Inde, inquit, haud temere conjicio, fieri respirationis desiderio, quod exitum quærat, esse sanguinis & muscutorum vim, quæ majorem poscat activitatis, ut sic loquar, sphaeram, esse corporis molem, quæ plus alimenti, & pro illo corporis robore aliter affecti, tantum non flagitet. Apparet hoc ex nisu illo & volutatione cum ante partum, tum in ipso, quando membranae artuum extensione rumpuntur, non aliam ob causam, quam ut diu agitatedum aeris fluidi commercium semel adipiscatur, sanguinisque & spirituum motum majore vi elastica imbuat. Neque aliter statuit CL. Bohnius l. c. Prog. III. In qua opinione libenter egomet acquiescerem, modo constaret, quomodo foetum cupido ducendi aëris, ei quippe prorsus ignoti, capere, aut sanguis ejus & moles corporis, ac vis muscutorum indigentia illius atque necessitatis admonere eundem possit.

*Neque defectus aëris & cupido respirandi.*

*An figura & situs foetus in utero?*

Nec scio satis, annon foetum plene maturum & perfectum, ac solidioribus gaudentem artubus, coacta valde corporis & artuum figura ac positio ad mutationem loci adigat, & nescium auræ vitalis & liberioris ad egressum adducat. Nam sedens foetus in utero, quantumque fieri potest, incurvatus, ac veluti totus in glomum collectus, figuram rotundam, minus



occupandi spatium gratia, naturaliter servat, quando capite superiora occupat, & dorso lumborum vertebri opposito, cubitos ad inguina applicans, ita contrahitur, ut genibus, hisque impositis manibus, oculos tangat, naso ambobus pugnis interjecto, & cruribus decussatis talos natibus proximos habeat. Is igitur ita velut conglobatus, cum indies invalescit & maturatur, ac tandem absolutus, in eam corporis molem assurrexit, quæ illam curvationem corporis & figuram co-

*Fœtus in-*  
*versio.*

etam diutius non patitur, alius positionis fit cupidus, & ubi se volutare incipit, capite globoso & gravi nutans, in præceps tandem volvitur, & facie prona os versus uteri, cum eoque in cavum pelvis illabitur. Quo fit, ut mater lumbis doleat, & quandam vesicæ ac intestini recti pressionem, atque in reddenda alvo

*Causa partus*  
*effectrices*  
*sunt fœtus &*  
*mater.*

& urina difficultatem experiatur, ac venter ejus non nihil extenuetur; quod & illius fœtus inversionis, & imminentis partus est indicium. Hinc enim fœtus ulterius se volutante, artusque pandente suos, pressæ, vel distractæ, quibus includitur, membranæ crepant, vel rumpuntur, & os uteri, clausum antea, & glutinoso intus humore, quem pori cervicis præbent, arcte obturatum, dehiscit & aperitur, atque humorem illum glutinosum præmittit, quem deinde lymphæ amnii humiferæ sequuntur, & os cervicemque

*Aque in par-*  
*tu prorum-*  
*pentes.*

uteri emollientes, ad partus facilitatem permultum conferunt. Nam istis fœtus motionibus laceffit uterus, suarum constrictione fibrarum a fundo cervicem versus, ad expulsionem molesti & inquieti



hospitis insurgit, & prorumpentibus aquis arctiori undique complexu stringit eundem, atque ad egressum sollicitat; quibus & foetus, & uteri, laboribus ac motibus magni plerumque dolores, ex umbilico, lumbis, & inguinibus ad muliebria contendentes cum insigni sæpe pulsus & caloris mutatione, in matre exoriuntur, ac inter eos labores, doloris ut plurimum plenos, cum ipsius se volutantis foetus, tum se constringentis, illumque protrudentis uteri, & spiritum comprimantis, ac musculos ventris & diaphragma contrahentis, atque ad uterum compellentis matris, nisu & vigore, per cervicem uteri & vaginam, istarum alluvione aquarum humigatas intus & laxatas, veluti per lubricum foetus tandem excluditur. Ut minus assentiendum putem Harveio, cum illum partum, quo foetus membranis suis, illæsis prorsus & integris, inclusus, quod perraro fieri comperias, emittitur, maxime naturalem, ceteros autem, quibus foetus nudi prodeunt, inter præternaturales habendos esse, existimat.

Atque hac quidem ratione conspirantes mater, & foetus, facilem & naturalem partum reddunt, citra ossium, pubis, egressui quippe illius minus officientium, violentam, quam Paræus finxit, divulsionem. Foetum autem, ita in lucem emergentem, cum avulsa ex vaginulis atque acetabulis uteri placenta, & membranis chorii & amnii, vasa umbilicalia, quorum vinculo illæ foetui continentur, subsequuntur, & secundinarum nomine appellantur, quia secundo velu-



ti partu excluduntur. Quodsi contingat, dirupta membrana chorii, amnion evelli, foetus amictu indutus prodit; ex quo vanis conjecturis varia augurari solent. Fit etiam aliquando, ut exeuntis foetus crus brachiumve hac membrana involutum maneat, aut ea scilicet non exacte avulsa, aut obstetricis incuria. Exclusum vero cum secundinis puerum fluxio excipit humoris sanguinolenti, fero diluti, & loturæ carniū plerumque similis, qui lochiorum nomine, continuata uterī contractione, ex arteriis, & tubulis atque vaginulis ejus exprimitur, & nunc plus, nunc minus est cruentus, prout placenta majori, vel minori vi & difficultate avulsa ab utero, & hujus proinde substantia magis minusve læsa & faucia est. Vt raro admodum eveniat, quod Salmuth Cent. III. obs. 89. commemorat de femina, quod nullum prorsus lochiorum fluxum experta fuerit, ipsoque in partu vix tantum cruoris excreverit, quantum manus extensæ spatium tingeret; id quod facilimæ placenta ab utero nulla hujus læsione adscribendum videtur. Illa igitur purgatio pro varietate partus, nunc plures, modo pauciores, dies durat, quoad videlicet ad pristinam figuram, molemque naturalem, uterus redeat. Id quod satis interdum cito fieri, expertus inter alios testatur CL. Henricus a Deventer, qui defunctam octavo, vel nono a partu die cultro aperuit, uterumpue tam exiguum & naturaliter constitutum mirabundus invenit, quasi puerpera non fuisset. Operat Chirurg. c. IX. Ac mirari omnino convenit & revereri summi re-

*Lochia*

*Uteri contractio post partum.*

rum



*Unde lactis  
ubertas in  
mammis a  
partu.*

*Uterus gravi-  
dus non ita  
extenuatur,  
ut vulgo opi-  
nantur.*

rum opificis providentiam, qua uterum ex fibris musculosis trium generum, interioribus rectis, exterioribus transversis, sive obicularibus, mediis obliquis, eo artificio contexuit, per easque vasa in anfractus convoluta ita distribuit, ut illarum beneficio fibrarum uterus suis fungi officiis, & secundum omnem substantiam una cum vasis in amplam molem toto illo nonimestri spatio extendi, & subito iterum contrahi earundem vigore fibrarum, possit. Qua quidem uteri contractione cum minor copia humorum per compressa pariter & complicata illius vasa admittatur, ii redundantes in corpore mulieris, in copiosa & laxiora mammarum vasa divertunt, unde mammæ magis magisque attolluntur, & lacte, alendo puero necessario, exuberant. Nec enim exigua censenda est ea copia humorum, qui contrahente se utero ex hujus arteriis & meatibus in venas regrediuntur, & cum per vasa illa compressa moveri ea vi amplius nequeant, reliqua corporis vasa replent. Nam uterus gravidus tantam humorum copiam cum in vasis, & inde egredientibus tubulis & vaginulis, tum ipsis in fibris suis recipit, ut quamvis sensim cum mole & incremento foetus dilatetur & extendatur, tamen parum extenuetur, sed unam & eandem prope cum utero virgineo crassitiem retineat. Id quod experientia docet, atque adversus Galenum, Vesalium, Falcoburgium & Franciscum Mauriceau, cum alii, tum Bohnius, & nuper motum laudatus ante Henr. a Deyenter l. c. clare ostenderunt.

Quam-



Quamprimum autem foetus, membranis solutus, caput ostio uteri effert, & reliquo corpori viam & iter parat, mox affluens aer, & per os naresque ingru- <sup>Prima nascentis foetus actio est respiratio.</sup> ens in tracheam, otiosus hactenus pulmones explicat, nascentemque puerum ad contractionem diaphragmatis & diductionem thoracis incitat & compellit. Unde prima ab egressu ex utero, & introitu in hanc lucem, actio est inspiratio, qua sanguis elaterio aëris mox ita animatur, ut majore contentione per corpus tribuatur, & qui ante aquis mergebatur puer, jam in aëre constitutus libero tutus vivat, periturus alioquin oppressus pondere & gravitate aëris sine respiratione. Hinc enim fuit solutio problematis Harveiani, quod lib. de Gen. An. Exerc. de part. doctis omnibus ad enodandum proponitur: Qui fiat, ut foetus in lucem editus, membranis integris opertus, & in aqua sua etiamnum manens, per aliquot horas citra suffocationis periculum superstes sit; idem tamen secundis exutus, si semel aërem intra pulmones admiserit, postea ne momento quidem temporis sine eo durare possit, sed confestim moriatur: Equidem persuasum est multis, ejus rei causam non aliunde, quam a vasorum cordis anastomosibus, pendere: Inde fieri, ut foetus, aquis suis & membranis circumdatus, utero licet exclusus, vivat; quod sanguis ejus perinde ac in utero per foramen ovale, & canaliculum arteriosum, periodum suam sine remora, & impedimento peragat: Contra vero actum esse de vita foetus, simul ac spiritum duxerit, isque deinceps interceptus fuerit; quod facta semel respiratione, san-

*Disquisitio  
problematis  
Harveiani.*



guis per explicatorum pulmonum vasa ruat, & suscepto hoc novo, expeditoque itinere, ipse sibi viam per foramen ovale & canaliculum arteriosum præcludat, ut deinde, cohibita respiratione, subsidentibus denuo pulmonibus, compressisque ejus vasis, sanguini, stagnanti partim, atque ad coagulum abeunti, neque per hæc, neque per illas anastomoses, via amplius pateat, sed sublato ea ratione circulo sanguinis, foetus mortem cum vita commutare debeat.

Neque negari potest, id quod Kerkringius ostendit Spicil. Anat. Obs. 94. foramen illud ovale in nato & respirante puero sua ipsius valvula claudi. Nam simul atque ab aëre ingresso pulmones explicantur, sanguis, via per pulmones patefacta, ex dextro cordis ventriculo per arteriam venamque pulmonarias ad sinistrum propellitur, quo fit, ut a sanguinis, venam pulmonariam pertranseuntis, flumine valvula ad marginem foraminis apprimatur, idque adeo claudatur, & non minus, quam arctior canaliculus, quem sanguis, quia ampla, & recta planaue per arteriam pulmonalem via patet, nunc omnis præterlabitur, paulatim coalescat. Sed quia experientia constat, ductus illos, ac foramen præsertim ovale, copiosiori sanguini, cursuique expeditiori concedens transitum, in foetu jam nato tam subito non claudi & aboleri, sed nonnunquam in quadrimulis, & quinquennibus, imo & grandioribus natu, integros & patentes observari: alia omnino ratio subesse debet, quamobrem foetus intra tunicas aquasve suas sine respiratione vivere, his vero exutus, carere eadem sine discrimi-

ne



ne vitæ non possit. Ac foetum quidem, aquis & membranis tectum, aëris non ita indigum esse, ut sine eodem mox perire debeat, sectiones docent Cæsareæ, & memorabili exemplo confirmat Stalpartius vander VViel l.c. quo evulsus ex gravida uterus cum foetu, membranis operto, in aquamve delapsus, militem non procul hinc excubias agentem, & motum uteri in aquis videntem, commovit, ut hasta eundem adduceret, atque ad tribunal deferret, ubi, solutis membranis, vivus puer lucem vidit, & sacro fonte tinctus, educatusque fuit. Videtur autem ejus rei nulla alia subesse ratio, quam quod foetus, cui in utero datum est sine aëre vivere, nullam quoque aëris ambientis pressionem experiatur, sed ab eadem tutus, membranis quippe suis, aquisve, opertus & circumdatus, vivat: tunicis autem exutus, aërique expositus, tantam incumbentis atmosphæræ vim & pressionem sine interitu perferre nequeat, nisi recepti per respirationem aëris elaterio intus in adversum nitente, sustinendæ atmosphæræ par evadat. Hac enim animabili spirabilique natura, cui nomen est aëris, novus toto corpore vigor concipitur, & motus humorum tam intestinus, quam progrediens, ac circulus vitalis excitatur, & sine intermissione instauratur, ac æquabilitas cum aëre circumfuso conservatur, totaque vita ita regitur, ut quam nascentes inspiratione exordimur, hanc morientes expiratione finiamus.

*Sententia probabilior.*

S. D. G.

R r r 2

IN-





# INDEX CAPITULUM.

## L. I.

- I. De Partibus hominis essentialibus pag. 1.
- II. De Partibus corporis humani p. 8.
- III. De Natura sanguinis, & motu intestino p. 10.
- IV. De Respiratione p. 14.
- V. De Circulo sanguinis p. 55.
- VI. De Secretione animali p. 113.
- VII. De Chyli secretionem & motu p. 129.
- VIII. De Secretione lactis p. 148.
- IX. De Generatione sanguinis & lymphæ p. 151.
- X De Nutritione corporis p. 169.
- XI. De Transpiratione insensibili p. 179.
- XII. De Secretione liquoris obsecræni p. 192.
- XIII. De Secretione succi renum succenturiatorum p. 202.
- XIV. De Secretione materiæ biliosæ in hepate p. 209.
- XV. De Secretione pinguedinis & medullæ ossium p. 228.
- XVI. De Secretione salivæ, lymphæ ventriculi, intestinorum,  
& succi pancreatici p. 231.
- XVII. De Secretione lymphæ & humoris aquei oculorum p. 237.
- XVIII. De Secretione aquæ pericardii p. 241.
- XIX. De Secretione liquoris genitalis utriusque sexus p. 244.
- XX. De Secretione sanguinis menstrui p. 249.
- XXI. De Secretione motuque succi nervosi p. 258.
- XXII. De Motu partium solidarum p. 290.
- XXIII. De sensibus & aliis mentis operationibus p. 318.
- XXIV. De Tactu p. 352.
- XXV. De Gustatu p. 363.
- XXVI. De Odoratu p. 372.
- XXVII. De Auditu p. 380.
- XXVIII. De Visu p. 399.



## INDEX RERUM.

- XXIX. De Appetitu Cibi, Potus, & Veneris p. 427.  
 XXX. De affectibus animi p. 431.  
 XXXI. De Somno & Vigilia p. 440.

### L. II.

- I. De Conceptione Fœtus humani p. 449.  
 II. De nutritione Fœtus p. 462.  
 III. De partu p. 486.

## INDEX RERUM.

### A.

**A**dmiratio quid? pag. 437  
 Adolescentie ratio. 174  
 Aer ambiens tuendo vitali circulo neces-  
 sarius est. 76  
 dilatatione & constrictione reciproca  
 pectoris in pulmones admittitur,  
 & ex iisdem expellitur. 16  
 in exsolvendis rebus magnam vim ha-  
 bet. 134  
 effluviorum odoriferorum vector est.  
 375  
 media naturæ nusquam existit.  
 264  
 non attrahitur, sed suo pte pondere  
 pulmones intrat. 36  
 pulmonibus receptus, circuitum vita-  
 lem adjuvat. 14  
 solus ex sanguine in cerebrum inva-  
 dere nequit. 268  
 tremori sonoro proferendo omnium  
 maxime est accommodatus. 393

experimento comprobatur. *ibid.*  
 Aer varii generis particulis constat. 19.  
 26. 393  
 in vasis pulmonum sanguini permi-  
 scetur. 44. experimentis compro-  
 batur 47. ratione 48.  
 volatilisationis sanguinis causa habe-  
 tur. 189  
 Aeris equilibrium mutatum gravissi-  
 mas passiones infert. 77  
 existentia atque necessitas in sangui-  
 ne comprobatur. 41  
 gravitas quid. 19. experimentis va-  
 riis demonstratur. 20. 21. 22. 23  
 pro tempestatum & situs locorum va-  
 rietate variat. 24.  
 semel recepti usura nemo diu carere  
 potest. 49  
 varietatem experimenta varia probant.  
 24. & seqv.  
 vis elastica. 26. experimentis decla-  
 ratur. 27.

Rrr 3

Aere



# I N D E X R E R U M.

*Aere antliæ ope privata animalia intumescunt & moriuntur.* 42.

*Affectus animi.* 431

pro varia mixtione motusque sanguinis & succi nervosi variant.

436

primitivi & generales tres 437

*Affectum Animi usus & causa.* 433. seqv.

sedes non est cor, sed cerebrum. 432. seqv.

*Allantoidea T. an detur.* 474

*Amnios T. ibid.*

*Amnii liquor* 475

*Anima non corpus sentit.* 327

non senescit, aut repuerascit. 349

*Antipathia quid?* 438

Ejus causa. 439

*Appetitus cibi,*

potus,

veneris. 427.

*Aqua alimenti vehiculum Hippocrati vocatur.* 181

pericardii. 242

ventriculorum cerebri. 284

*Archeus in corpore nullus.* 288

Lepida ejus attributa. ibid.

*Arteriarum exitus, ortusque venarum singularis in genitali.* 90. 98. 453

pulsus ratio & usus. 70

ductus conici 71

*Arterias & venas minimas in mul-*

*tis partibus conjungi, ratione & autopsia constat.* 71. seqv.

*Atrophie in parte resoluta ratio.* 177

*Auditus.* 380

*Auris constructio.* 380. & seqv.

in animantibus variat. 387

*Auricula usus.* 385.

*Aves cur lapillos deglutiant.* 131.

## B.

*Bilis quid?* 209. 225

quibus partibus constet. 139. seq.

organum secretorium. 210.

vasa recipientia sunt pori & ductus biliarii. ibid.

pars in vesica fellea secernitur. 211.

per venæ portæ ramos ad hepar adducitur. 212

cur a sanguine venæ portæ segregatur. 213

ad intestina omnis corrivatur. 218.

in calculos concreescere potest. 219

nil per ductum cysticum ad porum hepaticum atque ad cavam deferatur. 223. seqv.

cur in peculiari folliculo colligatur. 225

non effervesceat cum succo pancreatico. 226

sanguini nullum fermentum suggerit. 227.

usus



# INDEX RERUM.

- usus.* 226  
*Bili magna inest vis elastica & facultas solvendi.* 138. 226  
**C.**  
*Calculi in cunctis corporis partibus gigni possunt.* 200  
*Calculorum elementa & generatio* 199. *seqv.*  
*Calor quid?* 106. *ejus ratio* 359  
*vehementior quomodo agat.* 106. 361  
*omnis est influens cum sanguine* 107  
*augetur aucto motu sanguinis. ibid.*  
*cordis & corporis a motu sanguinis pendet.* 102  
*motum humorum excitat.* 279. *exemplis insectorum probatur. ibid.*  
*Caloris natura in quo posita sit.* 360  
*causa effectrix.* 359  
*Castoris ventriculi structura delineatur* 134 *sequ.*  
*Cerebrum est officina succi nervosi.* 280  
*in duas provincias distinctum.* 315  
*num partes tantum tenuiores & agiliores sanguinis ex corde recipiat.* 276  
*Cerebri & nervorum constructio.* 273  
*anfractuum & sulcorum ratio.* 274  
*cortex ex vasculis sanguineis constat.* 118  
*vasculosus corticis, & fibrosus medulla contextus comprobatur. ib.*  
*pressio a victu, potu generosiore &c.* 446  
*Cerebri ventriculi non sunt promtuarium spirituum animalium.* 281  
*contextus per atates varie mutatur.* 349  
*fibrosa pars & tensionis & remissionis capax est.* 442  
*Cerumen aurium quid?* 187  
*Chorion quid?* 474  
*Chorii radices.* 473  
*Chylificationis negotium.* 129  
*Vetrum de eo opiniones ibid. Recentiorum.* 130  
*comparatur cum extractione chymica ibid.*  
*inchoatur in ore. ibid.*  
*continuatur in ventriculo.* 132  
*absolvitur in intestinis.* 133  
*aere & colore adjuvatur* 134  
*Chylus quid?* 146  
*nullus venas mesaraicas ingreditur.* 146. *experimento declaratur. ib.*  
*non nutrit partes.* 178  
*nullo fermento transmutante in sanguinem convertitur* 227  
*Chylo compositio.* 147  
*color albus unde?* *ibid.*  
*motus per vias lacteas.* 145  
*in sanguinem mutatio fit motu sanguinis* 151. 156  
*mimina pars in tincturam purpuream abit.* 155  
*mutatio in pulmonibus.* 160  
*Circulus & transitus sanguinis ex arteriis*



# I N D E X R E R U M.

- terius in venas immediatus in ranis & piscibus.* 86  
*Circulus nusquam melius quam in ranis perspicitur.* 87  
*pro individuorum varietate variat.* 111  
*ab eo vita & actiones pendet.* 112  
*Circuli sanguinis descriptio.* 55  
*qui primi fecerint mentionem. ibid.*  
*vitalis punctum est cor.* 56  
*Color sanguinis rutilans a motu ejus vividiores deducitur.* 157  
*varius in sanguine vasis emissio unde* 162 *seqv.*  
*Coloris & corporum coloratorum ratio* 418. 421  
*Colores quomodo tactu cognoscantur.* 419  
*inter reales & apparentes nullum est discrimen.* 423  
*Colorum omnium fons varia est oculorum motio.* 418  
*Conceptio foetus humani.* 451. 463  
*Continuitas vasorum contra varia argumenta asseritur.* 92. *seqv.*  
*non officit secretioni animali.* 96 *seqv.*  
*Cor in ipso pulmonum medio cur sit collocatum.* 16  
*precipuum circuli sanguinis organum.* 100  
*spiritum, vel calorem, ignemve nullum habet insitum.* 101  
*duobus ventriculis, totidemque auriculis constat.* 57  
*Cordis descriptio.* 56  
*vasa communia.* 58  
*propria.* 59  
*vasorum structura ratio.* 60  
*ventriculi figura, magnitudine parum vel nihil differunt.* 61  
*ventriculus sinister cur dextro robustior. ibid.*  
*ad motum habilitas.* 62  
*motus.* 65.  
*motus turbatur ligatis paris vagi nervis.* 63. *seqv.*  
*& auricularum ejus motus duplex.* 64  
*moles in systole non augetur.* 298  
*Corpus humanum est machina naturalis.* 4  
*cur varias operationes edat.* 5  
*Corporis partes alie solida sunt alie liquida* 8  
*Corpulentia & obesitatis ratio.* 175  
*Costarum erectioni serviunt muscoli intercostales interni & externi.* 17  
*Cutis, & glandula ejus miliares quid?* 184  
*duplici lamella constat.* 185  
*pori a fibris nerveis laxantur & stringuntur.* 186  

D.

*Democritus per triduum panis odore vitam sustentavit.* 378

Den.



*Dentes reliqua ossa omnia duritie superant.* 130

*Dentium tria genera recensentur.* 131

*Diaphanorum ratio.* 417

*Diaphragma princeps est respirationis musculus.* 18

*Ejus actioni & usui nil officit experimentum Cl. Senguerdii.* 32

*Diastole cordis quid.* 66

*Digestionis causa est perspiratio interior canalis alimentorum* 136. seqv.

E.

*Elateria varii generis.* 27

*Elaterium aeris.* ibid.

*Echo quid.* 397

*Effervescentia aut ebullitio in corde nulla.* 101

*Embryo vitam plantæ vivit.* 469

*Embryonis nutritio* 470

*Exspiratio quid?* 37

F.

*Famis causa.* 428

*Fibræ motricis constructio & partes.* 292

*carneæ & tendineæ munus.* 293

*contractio fit constrictione.* 297. 303

*nervæ quid?* 277.

*Figura corporum quomodo tactu dignoscatur.* 454

*Flamma vitalis nulla* 101

*explosi tormenti bellici.*

*cur citius videatur,*

*quam exaudiatur sonus.* 394

*Fœcundationis modus.* 464

*Fœtum oviductibus repertorum exempla.* 456

*Dn. de Berger Physiol. Med.*

*Fœtus futuri lineamentum*

*præexistit in ovo.* 462

*conceptio.* 463

*multiplex unde.* 465

*membrana* 474

*nutritio.* 470.

*natus est membranis aquisve inclusus vivit sine respiratione,*

*iisdem exutus sine respiratione vivere nequit.* 497. seq.

*placenta uterina.* 473

*non respirat.* 481

*sanguinis circulatio.* 484

*vasorum cordis anastomoses.* 484

*vasa umbilicalia.* 471. 477. 485

*vivit vitam propriam.* 485

*inversio in utero.* 493

*Frigoris ratio.* 362

G.

*Generatio ex ovo comprobatur.* 457

*Genitalia viri.* 452

*mulieris.* 454

*Genitalis constructio.* 452

*erectio.* 453.

*Genitura virilis.* 245. 452. 454

*Glandularum divisio.* 115

*Glandule conglobatæ duo vasorum lymphaticorum genera habent.*

81

*Glandularum conglobatarum constructio.*

83. 115. 165

*usus.* 167

*Glandule conglomeratæ quid* 116.

*sola non sunt organum secretionis.*

115

*S s s*

auri-



aurium. 187  
 cerebri corticis ficta. 118. 273  
 cutis. 184  
 hepatis nulla. 118  
 intestinorum quid? 117  
 lienis humani nulla. 215  
 oculorum. 238  
 ovariorum. 458. seqq.  
 pinealis non est sedes animæ. 181. 342  
 plexus choroidei nulla 282  
 renum nulla. 193  
 ventriculi. 135  
 Gravitatis ratio. 355  
 Gustatus. 363  
 organum. 364  
 objectum. 366

H.

Halitus oris quibus constet. 184  
 Hepar non sanguificat. 160. 218  
 Hepatis constructio. 210  
 usus. 210. 217  
 Herbarum sensitivarum natura. 307  
 Homo quid? 1  
 Hominis partes. I  
 forma. 5  
 Homo quomodo differat a brutis. 7  
 Humidum confunditur cum liquido. 356  
 Humor in corpore precipuus est sanguis.  
 10  
 Humor quaternio in sanguine fictus.  
 162  
 Humor oculorum aqueus. 239. 408  
 Vitreus. 406. 408  
 crystallinus. ibid.  
 serosus prostaticus. 247

I.

Idea rerum in cerebro & anima relictæ  
 quid? 337  
 Ignis calor quid? 323  
 & calor coelestis idem quod vulgaris  
 elementum habent. 106  
 in corde & sanguine nullus. 101  
 Imaginatio quid? 335  
 Ingeniorum varietas unde 347  
 Insomnium quid? 339. 443  
 Inspiratio quid? 36  
 Intestinorum constructio singularis. 89  
 longitudinis & anfractuum ratio.  
 141  
 actio & usus 139. 142. seqq.  
 motus 306

Intestinum duodenum chyli portionem se-  
 cernit. 141  
 Intestini coli situs & progressio 144  
 Intellectus 342  
 num nihil in se habeat, quod non  
 prius fuerit in sensu. 344  
 Infantes cur multi somni sint & morbo  
 comitiali obnoxii. 446

L.

Labyrinthus auris quid? 384  
 Labyrinthus Bilsii quid? 83  
 Lachrymarum ortus. 238  
 Lac quid? 149  
 Lactis secretio in mammis. 148  
 ubertas post partum. 496  
 Laryngis rimula modulanda voci servit.  
 312  
 Levitas quid? 357  
 Lienis constructio & usus. 214. seqq.  
 Lin-



# INDEX RERUM.

- Linguae constructio. 363.  
     papilla nervea 364  
 Liquidum cerebri & nervorum compro-  
     batur. 259  
     non est igneum, neque lucidum,  
     neque aethereum. 261  
     perperam cum spiritibus chymicis  
     comparatur. 265  
     non est aerum ibid.  
     est purior Lymphæ portio. 269  
     Ejus secretio 272. seqq.  
     est sensus & motus autor. 289  
 Liqueoris genitalis masculi secretio, colle-  
     ctio, & indoles. 245. 246. 454  
 Lochia. 495  
 Loquela quid? 310  
 Lympha quid? 169  
     Idem humor, qui serum sanguinis ib.  
 Lympha generatio. 157  
     motus. 79  
     transitus per glandulas conglobatas.  
     ibid.  
     usus 171  
 Lympha natura non est acida. 168  
     non miscetur cum spir. animal. ib.  
 Lympha ventriculi cur menstruum ap-  
     pellatur. 133  
 Luminis natura & propagatio. 415  
     radii quid? 417  
     inverso situ incidunt in retinam  
     425  
     propagatio celerior, quam soni 415  
     M.  
 Mammarum constructio. 149  
 Materia subtilis motus & calor in o-  
     mnibus opifex. 102  
     cognita fuit Aristoteli. 103  
     philosophis antiquioribus. 104  
 Meatus auditorii usus 385  
 Medullæ spinalis constructio & usus 281  
 Medullæ ossium materia, receptacula,  
     usus. 231  
 Memoria quid? 336  
 Mens quid? 2  
     quo modo cum corpore conjuncta. 216  
     corpori sicut rex regno præest. 315  
     sentit. 325. 327.  
 Mentis operationes propriae. 342  
     simul a corpore pendent. 345  
     sedes 332  
 Menses mulierum quid? 249  
 Menstrui fluxus causa non repetenda est  
     a motu lune, vel archeo, vel fer-  
     mento quodam uteri. 250  
     sed a justa solidi & liquidi proportio-  
     ne. 253  
     locus excretionis. 252  
     usus 254  
     varietas. 255  
 Menstruus sanguis natura non est præ-  
     vus & malignus. 253  
     intermittit in gravidis 257  
     & lactantibus 258  
     vomitione ejectus. 253  
 Mercurii viri in baroscopiis motus. 24  
 Motus cordis. 65  
 Motus sanguinis quatuorplex? 11  
     circularis. 55  
     per vasa minima. 84  
     partium solidarum quatuorplex. 291  
     organum ibid.  
     S. S. 2  
     can-



# INDEX RERUM.

causa effectrix. 304.  
 involuntarii ratio. 305. seqq.  
 voluntarii ratio. 314  
 Musculi constructio. 292  
 actio primaria. 294  
 secundaria. ibid.  
 contractio non sit intumescencia, vel  
 inflatione. 290. seqq.  
 sed constrictione. 303. seq.  
 robur unde 317

## N.

Narium constructio. 372.  
 tunica pupillofa. ibid.  
 Nervorum ortus & constructio 271. 273  
 fibra cur angustissima. 271  
 succus comprobatur 269. 270. 271  
 nutrit partes nerveas. 171  
 medulla quid? 277  
 plenitudo est causa sensus & motus.  
 ibid.  
 Nervus praecisus, vel obstructus cur gi-  
 gnat atrophiam. 177  
 Newtoni de coloribus sententia. 420.  
 Nutritio corporis. 170.  
 est continuata generatio. ibid. 470.  
 foetus. ibid. 469  
 Nutritionis materia proxima 171  
 causa effectrix. 172

## O.

Obesitas corporis. 175  
 Objecta sensibilia quomodo agant. 321  
 324  
 Objectorum divisio vulgaris, & melior.  
 323  
 Oculorum situs & munimenta. 400

musculi, tunica tendinea. 401  
 T. conjunctiva, sclerotica, cornea,  
 choroidæa. 402  
 pupilla. 403  
 T. uvea, ligamentum ciliare, processus  
 ciliaris, iris. 404  
 T. retina, humor aqueus. 405  
 H. crystallinus cum tunica aranea,  
 vitreus cum sua tunica. 406  
 nervi optici. 402  
 Oculus est camera obscura. 407  
 nullum habet lumen insitum. 412  
 Oculi prerogativa præ camera obscura.  
 410  
 Oculis cur duobus res tantum una vi-  
 deatur. 425  
 Oculorum fulgor unde. 262  
 Odium quid? 437  
 Odoratus 372  
 sine inspiratione fieri nequit. 376  
 organum 373  
 Odor quid? 374  
 Odorifera effluvia sulphure & sale con-  
 stant. 378  
 sunt ejusdem natura, qua pollent cor-  
 pora odorifera 376. seq.  
 Odorum varietas. 379  
 effectus 378. 379  
 Omentum quid? 230  
 Opacorum corporum ratio. 487  
 Opii vis somnifera unde? 447.  
 Organorum habitudo varia variat sen-  
 sum. 361.  
 Organa genitalia viri. 244. 454  
 muliebria. 254. seq.

Ovaria



# I N D E X R E R U M.

Ovaria mulierum. 456  
 Ovum est semen muliebre. *ibid.*  
     continet rudimentum futuri foetus 462  
     est principium omnium viventium. 461  
     comparatur cum semine planta. 461.  
     *seqq.*

## P.

Papaveris vis somnifera unde oriatur. 447  
 Partium solidarum natura. 8  
     liquidarum natura. 9  
     divisio in humores & spiritus rejicitur. *ibid.*  
     primogenitura inutiliter controvertitur 466  
     sanguinearum & spermaticarum discriminis ratio. 467. *seqq.*  
 Partus causa impulsiva  
     non est defectus alimenti. 489  
     non copia vel acrimonia liquoris amnii. 490  
     nec redundantia excrement. 491  
     nec defectus aeris. 492  
     causae effectrices. 493  
     tempus statum. 487  
     octimestris vivax 488  
 Pectus moveri potest dissecto licet abdomine 34  
 Pectoris dilatatio in quo consistat. 16. 34  
 Pericardium cur diaphragmati connectatur in homine. 35  
 Pinguedinis materia. 228  
     receltaculum. *ibid.*

contretio, solutio ac reditus in venas 229

usus 230

Pilorum generatio & usus. 185  
 Pisces capanarum sonitu ad cibum congregantur. 392  
     multa parte pulmone carent. 51  
     branchias habent pulmoni analogas *ibid.*

Placenta uteri duabus partibus constat. 473  
     non fungitur vice pulmonis. 482  
 Plantae aerem ex terra recipiunt. 49.  
     *seqq.*

Plexus choroidaeus quid? 282

Pori cutis majores 184  
     minores majorum intervalla adimplent. 187

Principium vitale in quo sit positum. 7

Pulmo ranae. 51  
     non tantum pro torculari habendus. 33

Pulmones moventur ab aëre suo pte pondere ingresso. 30

Pulmonum descriptio. 15

Pulsus quid? 72.

    artariarum ratio & usus. 70

    res fallax est. 73

    tres differentiae sufficiunt. *ibid.*

## Q.

Qualitates sensibiles quid? 320. 337

## R.

Radices plantarum recipiunt ex terra succum. 46

Sss 3,

nutri-



- nutriantur succo reduce a ramis.* 478
- Rationis usus hominem a brutis distinguit* 7
- Repes succenturiati* 205
- Respiratio a motu thoracis & gravitate aeris pendet: 29. experimentis illustratur. 30. & seqv.*
- immerito propulsioni aeris exterioris tribuitur.* 34
- quid sit?* 36
- Respirationis usus primarius.* 49
- secundarii.* 52
- S.
- Sal in homine tenue imprimis & volatile viget.* 152
- duplex in urina deprehenditur.* 195
- Salia sanguinis.* 154
- Saliva non unius generis particulis constat.* 235
- exsolvendis salibus servit.* 37
- Sanguis fons est humorum reliquorum in corpore.* 10
- ex variis minimis particulis constat.* ibid.
- non exhalat e corde, sed ejus systole exprimitur.* 67
- ex arteriis immediate transit in venas.* 91
- vasa non egreditur.* 119
- ipse sanguificationis officina est.* 158
- sine delectu tam ad superiora, quam inferiora propellitur.* 276
- menstruus natura non est malignus.* 153
- Sanguinis motus duplex est, intestinus & progrediens.* 11
- minima particula sub aqua, gelatina & purpura latent.* 11. 151
- motus progrediens est ejus circulus.* 85
- motum per pulmones adjuvat motus thoracis.* 61
- periodus saepius fit in una hora.* 111
- circulus naturae nomen meretur.* 112.
- vivi contextus est globosus.* 11
- & extravasati discrimen.* 153
- salia atque analysis chymica.* 154
- Sanguinem inter arteriosum & venosum discrimen.* 161
- Sanguificatio non uni tantum visceri, aut soli sanguini tribuenda.* 160
- Sapor unde oritur.* 366
- Saporum varietas unde* 367
- Sapidorum modus agendi* 369
- Secretio animalis quid?* 113
- unde pendeat.* 123. 127 seq.
- Secretionis organum non sunt solum glandulae.* 115 sed pori & meatus vasorum 119. causa effectrix. 121
- Semen masculinum quid?* 245. 246.
- 454 num in glandulis prostaticis perficiatur.* 247
- muliebri quid?* 456
- Semina plantarum vera ora.* 461
- Senectutis mortisque naturalis ratio.* 176
- Sen-*







*Tubæ Fallopianæ.* 454

V.

*Vagina uteri.* 455

*Valvulæ vasorum cordis.* 68.

*venarum.* 74

*vasorum lymphaticorum* 83. 168

*ductus thoracici.* 145

*conniventes intestinorum.* 139

*Valvula coli.* 143

*Vasa lymphatica.* 77. seq.

*Vasorum continuïtas comprobatur* 92. seq.

*Vasorum umbilicalium ortus.* 471. 485.

*usus* 477

*Venarum ortus & progressio.* 71

*pulsus nullus.* 72

*Vena cava vasorum omnium capacissimum.* 72

*Vena portæ* 100. 211

*Venæ lacteæ.* 141 seqv.

*Ventriculi usus.* 133. seq.

*crusta villosa quid?* 137

*sensus exquisitus.* 428

*Ventriculi cerebri non sunt promptuarium spirituum.* 281

*Vesica fellea bilem secernit.* 211

*Vesica felleæ radices infixæ nulla* 222

*Vigilia quid?* 440

*Vinculum animæ & corporis.* 6

*Visus.* 399

*immediatum organum.* 409

*Visus quid?* 424

*quomodo fiat.* 412. seqv.

*Vita unde pendeat.* 9. 112

*Viventia omnia ex ovo.* 461

*Vocis instrumenta.* 311

*Vrinæ materia.* 192

*secretio.* 193

*partes* 195

*color.* 196

*secretionis læsæ incommoda.* 198

*Vroscopie usus & abusus* 201

*Uterus naturæ ager.* 250. 465

*Uteri constructio* 454

*foecundi mutatio.* 472

*post partum constructio.* 495

### Errata Conspectiora :

*Anthropol.* Fol. a. pag. 3. lin. ult. *injenii*, *ingenii*. pag. 5. lin. 13. *sarcologiae*, *sar-*  
*cologia*. eadem pag. lin. 17. *Corinter*, *Cor inter*. pag. 8. in fine lin. 25. post vocabu-  
 lum *cum*, orti sunt. Fol. b. pag. 3. lin. 18. *aque*, *laque*. Fol. c. pag. 1. lin. 33. post  
*floruit*, *Gæottus Martius*. pag. 4. lin. 7. *effu* - *efful* - fol. e. pag. 1. lin. 20. *certæ*,  
*certè*. pag. 2. lin. 33. *viserum*, *viscerum*. pag. 5. & 8. *Bræckhuysen* variaz editiones re-  
 censentur, quod prætervisum, & pag. 5. fieri potuisset. *De Natura Humana*. pag. 290.  
 lin. 14. *Qotfi*, *Quodfi*. NB. *Bibliopejus* monendus ut quartam partem, primi  
 Folii quod Tit. continet, lib. 1. de *Natura Humana* paginae 1. præmittat.

CATA.



# CATALOGUS LIBRORUM

FACULTATIS MEDICÆ ET HUIC FAMULANTIUM,  
IN EODEM BIBLIOPOLIO SOLITO PRETIO  
INVENIENDORUM.

Le **F**evre (Jo. Franc.) Bisuntini D. M. in Acad. Vesuntina Prof.  
Regii, Opera, duobus voluminibus comprehensa, quo-  
rum I. Contin. Canones, de usu missionis sanguinis, ac  
aliarum artificialium Sanguinis evacuationum & cautiones,  
quibus accedit tractatus de natura usu & abusu Caffee, Théee,  
Chocolatæ & Tabaci. Volum. II. Contin. Physiologiam Medicam,  
in qua ventilantur Sententiæ Veterum ac Recentiorum Anatomico-  
Physiologorum, circa omnes mentis & corporis humani functio-  
nes &c. &c. c. fig. 4. Vesuntione 1737. *Sumpt. Autor.*

Portii de militis in Castris Sanitate tuenda tractatus. 8. Neapoli  
1728.

Boerhave (Herm.) Elementa Chemiæ. 2. Vol. c. fig. 4. Parisiis. 1733.  
item & Tubing. nec non Lipsiæ in 8. Majori II. Vol.

Allen (J. M. D.) Synopsis universæ Medicinæ Practicæ, s. do-  
ctissimor. virorum, 2. Vol. de morbis eorumque causis ac reme-  
diis, judicia., accesserunt nunc demum Casus nonnulli oppido  
rari. 2. Partes. 8. Venet. 1732.

Schurigii (Mart.) Gynæcologia Historico Medica, s. Congressus  
muliebris consideratio Physico-Méd. Forensis, quâ utriusque se-  
xus salacitas & castitas, deinde coitus ipse ejusque voluptas & va-  
ria circa hunc actum occurrentia exhibentur. 4. Dresdæ. 1730.

Torti (Franc.) Therapia specialis ad febres periodicas perniciosas,  
editio III. & auctior, cui subnectuntur ejusdem Autoris Respon-  
siones Jatro Apologeticæ ad Clariss. Ramazzinum. 4. Venetiis.  
1732.

Freind (Joh.) Historia Medicinæ à Galeni tempore usque ad initi-  
um Seculi decimi Sexti, in qua ea præcipuè notantur quæ ad pra-  
xin pertinent. 4. ibid. 1735.

(A)

Freind



Freind ( Jo. ) Opera omnia Medica editio altera Londinenſi multò correctior & accuratior. 4. Maj. Pariſ. 1735.

- - Ejusd. Emmenologia , in qua fluxus muliebris menſtrui phœnomena, periodi vitia cum medendi methodo, ad rationes Mechanicas exiguntur. 8. Amſt. 1726.

- - - Ejusd. Comment. IX. de febribus ad Hippocratis, de morbis popularibus , Libr. I. & III. accommodati. 8. ib. 1726.

- - - Ejusd. de Purgantibus ( in ſecunda variolarum confluentium febre ) adhibendis, Epiftola. 8. Roterod. 1720.

Aſtrui ( Joh. ) de Morbis Venereis Libri VI. in quibus diſſeritur, tum de origine, propagatione & contagione horum affectuum in genere tum de ſingulorum natura, ſætiologia & Therapeiâ, &c. 4. Maj. Pariſ. 1736.

Petiti ( Pet. ) in Aretæi Cappadocii Libros Medicos Commentarii. 4. Londini. 1726.

de Bononiænſi Scientiarum & artium inſtituto atque Academia Commentarii. fig. 4. Maj. Bononiæ. 1731.

Brinii ( Jo. Th. ) de Spiritibus animalibus deque iis præcipuis quæ iisdem attributa in animantibus ſive ſanis ſive morboſis contingunt, inqueſtitio Phyſico-Medica. 4. Patavii. 1729.

Guriſchii ( Mart. ) Tractatus Hiſtorico Medicus de Chylo humano, S. Succo hominis nutritio. 4. Lipſiæ. 1730.

Alberti ( Mich. ) Introductio in univerſam Medicinam tam theoreticam quam practicam, certis poſitionibus comprehenſa ; quâ verus & ſincerus nexus inter theoreticam & praxin monſtratur & hoc ordine Phyſiologia & Pathologia Medica præmittitur. 4. Halæ. 1718.

Ejusdem Introductio in Medicinam , quâ juxta propoſitum ordinem Semiologia, Hygicene, materia Medica & Chirurgica Succinctis Theſibus Conſcripta. 4. ibid. 1719.

Ejusdem Tractatus de Hæmorrhoidibus, in Schediaſmata quædam Celeb. Stahlî veram Hæmorrhoidum doctrinam exponentia, fundamenti loco præmittuntur & totum negotium, hæmorrhoidale diagnôſtice, prognôſtice, pathologicè & practicè per ſpecialiſſima themata cum Præfatione Epiftolica Celeb. Stahlî ad Authorem directâ commendatur. 4. ibid. 1722.

Pharmacopœja Auguſtana renovata reviſa & appendice aliquot Medicamentorum ſelectiorum aucta. Fol. Auguſtæ Vindelicar. 1734.

Rofetti



- Rosetti ( Jo. Th. ) *Systema novum Mechanico - Hippocraticum de morbis fluidorum & solidorum ac de singulis ipsorum curationibus*, opus theoretico practicum. Fol. Venetiis. 1734.
- Vesalii ( Andr. ) *Opera omnia Anatomica & Chirurgica*, cura Herm. Boerhave & B. Sigfr. Albini cum multis fig. æn. 2. Tomi. Fol. Lugd. Bat. 1725.
- Gulichii (Justi Arn.) *Meditationes theoretico practicæ de furore hæmorrhoidum internarum methodicè conscriptæ*. 8. ibid. 1733.
- Douglasii (Jac.) *Historiæ lateralis ad extrahendum calculum sectionis*, appendix. 4. ibid. 1733.
- Coulet (Steph.) *Tractatus Histor. de ascaridibus & Lumbrico lato*. 8. Maj. ibid. 1729.
- Mead (Rich.) *Oratio anniversaria Harvejana in theatro regio Medicorum Londinensis Collegii habita*, adjecta est dissertatio de nummis quibusdam à Smyrnæis in Medicorum honorem percussis. 8. Maj. Hagæ Comit. 1728.
- à Deventer, (Henr.) *Operationum Chirurgicarum novum Lumen*. II. Partes cum fig. 4. Lugd. Batav. 1733.
- Sellii (Godfr.) *Historia naturalis Teredinis f. Xylophagimarini tubulo - Conchoidis speciatim Belgici Ultraj.* 1733.c. fig. 4. Majori
- Sacci (Pomp.) *Opera Medica* 2. Tomi quor. I. Continet. novam methodum febres curandi Tom. II. Medicinam Practicam rationalem Hippocratis, sanioribus neotericorum doctrinis illustratam. Fol. Venetiis. 1730.
- Brückmanni (Fr. Ern.) *Catalogus denominationum & appellationum omnium potus generum*, quæ olim & adhuc in usu sunt fueruntque. 4. Helmst. 1722. (2.) Tackii *Commentatio Histor. & literaria de dedicationibus librorum*. Guelpherb. 1733.
- Mazini (Jo. Bapt.) *Mechanices morborum desumptæ à motu sanguinis Pars I.* Brixia. 1723. *Pars II. desumptæ à motu solidorum.* ib. 1725. *Pars III. desumptæ à motu febrium.* ibid. 1727. 4. Maj. c. fig.
- - - idem *Liber re impressus Offenbaci ad Mœnum*. 4. 1731. charta ordinaria & scriptoria.
- Boschetti (Barth.) *Dissertatio de salivatione mercuriali Physico - Medico - Mechanica*. 4. 1732.
- - - idem *Liber charta scriptoria*. 4.
- Cochii (Ant) *Epistolæ Physico - Medicæ ad Clariss. viros Lancisium & Morgagnum*. 4. 1732. charta ordinaria & scriptoria.



Magati (Cæs.) de Rara medicatione vulnerum s. de vulneribus raro tractandis Libri II. in quibus nova traditur methodus quâ felicissime ac citius quàm alio quovis modo sanantur vulnera: quæcunque præterea ad veram & perfectam eorum curationem attinent diligenter excutiuntur. Access. Jo. Bapt. Magati Tractatus quò rara vulnerum curatio contra Sennertum defenditur &c. cum Præfat. Frid. Christ. Cregut Archiat. Hanov. de Italorum in Rempubl. litterar. præcipue Medicam meritis maximis. in 4. 1733.

- - - idem Liber charta scriptoria.

Valentini (Mich. Bernh.) Historia simplicium reformata, sub musei muleorum titulo antehac in vernacula edita; jam autem in gratiam exterorum, sub directione, emendatione & locupletatione Autoris à Doctore Jo. Conr. Beckero latine restituta. Accedit India literata, è lingua belgica primum in Germaniam translata, nunc verò ad desiderium exterorum latinitate donata à Chr. Bern. Valentini, M. B. Filio cum mult. fig. Fol. Offenbaci ad Moen. 1732.

Weckeri (Jo. Jac.) de Secretis Libi XVII, ex variis auctoribus Collecti cum additionibus Theod. Zvvingeri. 8. Basileæ. 1701.

Luisini (Aloys.) Aphrodisiacus s. Tractatus de Lue venerea. 2. Tomi. Fol. Venetiis, nec non Editionis Lugd. Batavæ.

Bernerì (Gottl. Ephr.) Explicatio Phys. Medica de applicatione Mechanismi ad Medicinam. Cui annectitur dissertatio medico practica de apoplexia cum Cararrho suffocativo. Cum observatione de ananæ punctura & ejus medela. 8. Duisburgi. 1730.

Ejusdem. Exercitatio Physico Medica de efficacia & usu aëris mechanico in corpore humano. 8. Amstelod. 1723.

Boerhave (Herm.) Opera omnia medica. 4. Venetiis. 1735.

Glabdachii (Jo. Bernh.) Praxeos medicæ idea novissima, in qua secundum solidiora veræ physicæ, & sanioris medicinæ fundamenta, omnium morborum origo ex IV. Cardinalibus concatenata serie deducitur. &c. 8. Neapoli. 1731.

Plateri (Fel.) Praxeos Medicæ Tomi III. 4. Basileæ.

Sanctorii (Sanct.) de Statica Medicina Aphorismorum Sectionibus VII. distinctorum explanatio physico medica. 2. Tomi Paris. 1725.

Musitani (Car.) Opera omnia s. trutina Medica, Chirurgica, Pharmaceutico-Chymica. 2. Tomi. Fol. Lugduni. 1733. Editio nova auctæ Tract. de morbis mulierum.

Sendelii (Nath.) Electrologiæ per varia tentamina historica ac physica &c. 4. Elbingæ. 1725. - - 1728 III. Part. Co-



Coschvitz (G. D.) Organismus & Mechanismus in homine vivo ob-  
vius & stabilitus s. Physiologia. 4. Lipsiæ. 1725.

Hoffmanni (Jo. Maur.) Syntagma pathologico therapeuticum ad Jo.  
Hartmanni Praxin Chimiaticam concinn, morborum causas, signa  
& curation. probat. remed. complectens. 4. c. fig. æn. Lipsiæ. 1728.

Adolphi (Christ.) Trias dissertationum medicarum tum physiologico-  
anatomicarum, tum pathologico therapeuticarum. 4. ibid. 1728.

Ejusd. de Equitationis eximio usu medico dissertatio. 4. ibid. 1729.

Burggravii (Jo. Ph.) de Existentia spirituum nervosorum eorumque  
vera origine, indole, motu & affectibus in corpore humano vivo,  
sano & ægro. 4. Francof. 1725.

- - - Ejusd. spiritus nervosus immerens, exul, pristinis laribus  
avitisque sedibus summo jure restitutus. 4. ibid. 1729.

Clauderii (Chr. Ern.) Generalia praxis medicæ feliciter instituendæ  
monita. 8. Chemnitii. 1729.

Democriti (Christ.) Vitæ animalis morbus & medicina. 8. 1730.

Fischeri (Dan.) de Terra medicinali Tockayensi à Chymicis quibus-  
dam pro solari habita, Tractat. Med. Chymicis. 4. Wratislav. 1732.

Fickii (Jo. Jac.) Aphorismi Hippocratis notis illustrati. 8. Jen. 1729.

Ganseri (Jo. Fr. Paul.) Hygicine s. Tutrix corporis humani, modum  
ostendens, quò homines absque medicamentis vitam suam in statu  
naturali sano ac vegeto in seram usque senectutem protrahere va-  
leant. 8. Lipsiæ. 1731.

Hahnii (Joh. Godfr.) Febrium continuarum, quæ Anno 1729. Vra-  
tislaviæ populariter grassatæ sunt, recensio. 4. ibid. 1731.

Wuchener (Christ. Lud.) Semioticæ specialis signa. 4. Jenæ. 1722.

Stahlii (G. E.) Aliorumque ad ejus mentem differentium scripta, se-  
rie Chronologica recenset Jo. Chr. Goetzius, accedunt Jo. Lud.  
Apini dubia quædam in autoris assertiones. 4. Norimb. 1726.

Teichmeieri (Herm. Fr.) Institutiones medicinæ legalis vel forensis.  
4. Jenæ.

Ejusdem Institutiones chymicæ dogmaticæ & experimentalis. 4. ibid.  
1729.

Carl (Jo. Sam.) Specimen historiæ medicæ, ex solidæ Experientiæ  
documentis maximè verò monimentis Stahlianis in Syllabum apho-  
risticum redactum. 4. Halæ. 1719.

Michelotti (Pet. Ant.) de Separatione fluidorum in corpore animali Dis-  
sertatio phys. mechanico-medica. 4. Venet. 1721. charta maxima.



Morgagni (Jo. Bapt.) *Adversaria anatomica omnia novis pluribus æneis tabulis, & universali indice ornata.* 4. Patavii. 1719. charta maxima & Idem *Liber Edit.* Lugd. Batava.

Buxbaum (J. C.) *Plantarum minus cognitarum Centuriæ complect.* Plantas circa Byzantium & in Oriente observatarum cum earum iconibus. 4. Petropoli. 1728. & seq. charta maxima.

Vateri (Chr.) *Physica experimentalis Systematica.* Editio IV. multis locis aucta. 4. Witteb. 1734.

Tralles (Balth. Fr.) *Exercitatio physico medica, qua virtutem Camphoræ refrigerantem ac internis corporis humani incendiis *restringendis* aptissimam adserit atque ex genuinis artis principiis adstruit.* 8. Wratislav. 1734.

Ballonii (Guil.) *Med. Paris. Celeberr. Opera omnia medica, Studio & op. M. Jac. Thevart, Medici Parisiens. digesta, scholiis aliquot illustrata, & in Lucem primùm edita: prodeunt secundò emendatissima, & græcarum dictionum passim occurrentium interpretationibus insigniter aucta.* Operum Tomo II. invenies epidemiorum & ephemeridum Libros II. Tomo habes B. L. consiliorum medicinalium LL. II. in quibus pleraque continentur quæ ad morborum cognitionem, eorundemque curationem propositis exemplis, & obscurorum Hippocratis locorum intelligentiam pertinent. Tomus III. exponit Consilia medicinalia. Tomus IV. de Virginum & mulierum morbis agit. 4. Venetiis. 1734. & seq. annis.

Stabelii (Ge. Frid.) *Chymia dogmatico experimentalis.* 8. Halæ 1728.

Leevvenhock (Ant.) *Opera omnia, s. arcana naturæ, ope exactissimorum microscopiorum, experimentis variis comprobata, epistolis ad varios illustres viros, ut & ad integram, quæ Londini floret, Sapientem Societatem: cujus membrum est, datis, comprehensa & IV. Tomis distincta. cum fig. ær. incisis.* 4. Lugd. Bat. 1719. seq.

Santanelli (Ferd.) *Philosophiæ reconditæ. s. magicæ, magneticæ, murnalæ scientiæ explanatio, ex quo omnia naturalia miracula, & admirabilia fluunt, ac in intimis atque occultis naturæ visceribus introitus aperitur omnibus & per omnia.* 4. Neapoli. 1723.

Hortus Eystettensis, s. diligens & accurata omnium plantarum, florum, stirpium, ex variis orbis terræ partibus singulari studio Collectarum, quæ in Celeberrimis Viridariis arcem Episcopalem ibidem cingentibus, hoc tempore conspiciuntur, delineatio & ad vi-



- vum repræsentatio Opera Basilii Besleri. 1613. Fol. atlant. c. fig. pulcerrimis.
- Idem liber in quibusdam locis defectuosus & cum maculis, (von Regenvvasser besflecket.
- Hippocratis (Coi) & Cl. Galeni, Opera quæ extant omnia, Rem. Charterius Doct. Med. Regius plurima interpretatus, universa emendavit, instauravit, notavit, auxit, secundum distinctas medicinæ partes in XIII. Tom. digessit, & nunc conjunctim græce & lat. primò edit. Fol. Maj. Parisiis. 1679. cum fig. ad opus faci-entibus.
- Nenterii (Ge. Phil.) Fundamenta medicinæ secundum principia *Stahlianæ* &c. Editio nova Veneta. Fol. 1735.
- Pacchioni (Ant.) de Glandulis conglobatis, duræ meningis humanæ fabrica & usu, dissertationes anatomicæ habitæ Romæ. c. fig. 8. 1723. ibi impress.
- Exoticorum simplicium medicamentorum varii indices, ad usum Exercitationum, quæ in Bononiensi scient. & artium instit. singulis hebdom. habentur. 4. ibid.
- Monti Plantarum in horto Bononiensi varii indices. 4.
- - - Ejusd. Catalogi stirpium Bononiensium &c. &c. 4.
- Bianchi, Historia hepatica cum observat. & tabulis æneis. 2. Vol. 4. Genevæ. 1725.
- Fürstenau de morbis Ictorum. 8. Francof. 1721.
- Goelicke (And.) Institutiones medicæ secundum principia mechanico-organica reformatæ. 4. ibid. ad Viadr. 1735.
- Guillelmini (Dom.) Opera omnia mathem. hydraul. med. physica &c. cum fig. 4. Genevæ. 1719.
- Scheuchzeri (Jo. Jac.) ΟΥΡΕΣΙΦΟΙΤΗΣ Helueticus, s. itinera per Helvetiæ alpinas regiones facta. 4. Tomi plurimis tabulis æneis illustr. 4. Lugd. Batav. 1723. 4. Ligat. pergam. nova.
- Bellini (Laur.) Opera omnia editio II. Venetâ, hedruscâ, Germanicâ & Hollandicâ auctior & locupletior. 4. Venetiis. 1732.
- Santorini (Jo. Dom.) Observationes anatomicæ. 4. Maj. Venet. 1724.
- Ettmülleri (Mich.) Opera omnia in compendium redacta &c. 4. ibid. 1727. & eadem in 8. Maj. Basileæ.
- Celsi (Aur. Corn.) de Medicina Libri VIII. 8. Majori Patavii. 1722. Editio splendida notis aucta.



Caneparii (Pet. Mar.) de Attramentis Chemicis cujuscunque generis Tractatus. 4. Roterod. 1718.

Boyle (Rob.) angli Opera omnia physica mechan. physiol. chymica medica philosoph. & theologica. 3. Tomi 4. Venetiis.

Morton (Rich.) Opera medica cum additionibus varior. autor. 4. Lugd. 1727.

Wæchtleri (Jo. Cone.) Homo Oriens & Occidens duobus actibus ita productus ut primus primum ab infimis principiis ad summam perfectionem usque assurgentem, secundus verò secundum ab hoc perfectionis statu ad corruptionem cineresque delabentem complectatur. Fol. Francof. 1659.

Fludd de Fluctibus, (Rob.) Integrum morborum mysterium s. Medicinæ Catholicæ Tomi Imi Tractatus Huius in Lectiones duas distributus quarum I. generalem morborum naturam, s. variam munimentum salutis hostiliter invadendi atque oppugnandi rationem, ultima universale medicorum s. ægrotorum depingit Catoptron. Fol. ibid. 1631. 2. Ligatur.

Æginetæ (Pauli) Totius rei medicæ Libri VII. ad perfectionem parati, & brevi summa artem omnem complectentes, per Janum Cornarium latina lingua conscripti. Accedunt ejusd. J. Cornarii doli-bellarum in P. æginetam Libri VII. Fol. Basil. 1555.

Mayerne (Theo. Turqueti) Opera medica, in quibus continentur Consilia Epistolæ, observationes, pharmacopoeja variæque medicamentorum formulæ. Una cum epistola præfatoria in qua vita & opera Autoris breviter enarrantur & perstringuntur. Cura & studio Jos. Broconis. Fol. Londini. 1703. Nova Ligat. Pergam.

Paræi (Ambr.) Opera Chirurgica. cum figur. Fol. Francof. 1594.

Boneti (Theoph.) Mercurius Compitalitius s. index medico practicus per decisiones, cautiones, animadversiones & observationes in singulis affectibus præter naturam & præsidiiis medicis diæteticis, chirurgicis & pharmaceuticis, depromptas. Fol. Genevæ. 1682.

(2.) Mart. Lipenii, Bibliotheca realis medica omnium materiarum rerum & titulorum in universa me medicina occurrentium, ordine Alphab. disposita. Francof. 1679. Nova Ligat. Pergam.

- - - Ejusd. Mercurius Compitalitius Fol. ibid. 1682. Ligat. Gallica.

Ejusdem Polyalthes s. Thesaurus medico practicus, ex quibuslibet rei medicæ Scriptoribus Congestus. 3. Tomi. Fol. Genevæ. 1691. 3. Ligat. Gallicis.

Ejusdem



Ejusdem Medicina Septentrionalis Collatitia, s. Rei medicæ nuperis annis à medicis Anglis, Germanis & Danis emissæ, Sylloge & Syntaxis 2. Tomi. Fol. Genevæ. 1685. 2. Ligat. Gallicis.

EjUSD. Sepulchretum s. Anatomia practica, in III. Tom. distributa. Fol. ibid. 1700.

Foresti (Petri) Observationum & curationum medicinalium ac Chirurgicarum Opera omnia, in quibus omnium ac singularum affectionum Corporis humani, Causæ, signa, prognoses & curationes graphice depinguntur. 4. Tomi. Fol. Rothomagi. 1653. 2. Ligatur. Gallic.

Dioscoridis (Ped.) de Medicinali materia Libri VI. Jo. Ruellio suessionensi interprete. Singulis cum stirpium, tum animantium historiis, ad naturæ æmulationem expressis imaginibus, s. vivis picturis, ultra millenarium numerum adjectis: non sine multiplici peregrinatione, sumptû maximo, studiô atque diligentia singulari, ex diversis regionibus conquisitis. Additis etiam annotationibus s. Scholiis brevissimis quidem, quæ tamen de medicinali materia omnem controversiam facile tollant per Gu. Rivium. Argent. Med. Access. Val. Cordi Simesusii annotationes doctiss. in Dioscoridis de re medicinali Libros. Fol. Francof. 1549.

Jungken (Jo. Helfr.) Corpus pharmaceutico-chymico-medicum universale, s. Concordantia pharmaceuticorum compositorum discordans. Fol. ibid. 1732. Nova Ligat. Pergam. idemque opus in albis.

Luisini (Aloyf.) Aphrodisiacus s. tractatus de lue venerea in II. Vol. bipart. continens omnia quæcunque hætenus de hac re sunt ab omnibus medicis conscripta. Fol. Venet. 1599. 2. Ligat. Gallic.

Hippocratis Oeconomia, alphabeti serie distincta in qua dictionum apud Hippocratem omnium, præsertim obscurorum, usus explicatur, cum Lexico Hippocrateo. Auth. Anutio Foessio. Fol. Francof. 1588.

EjUSD. Prænotiones, opus admirabile in III. Libr. distributum, interprete Ludovico Dureto. Fol. Paris. 1658. Ligat. Gallica.

Gorræi (Jo.) Definitionum medicarum Libri XXIV. Fol. ibid. 1564.

Bauhini (Jo.) Historia Novi & admirabilis fontis balneique *Bollensis* in Ducatu Würtemberg. ad acidulas Goepingenses. Adjiciuntur plurimæ figuræ novæ variorum fossilium, stirpium & insectorum, quæ in & circa hunc fontem reperiuntur. 4. Montisbeligardi. 1598.



Ferrarii (Jo. Bapt.) Flora, s. de florum cultura, Libri IV. 4. Amstel. 1664. c. fig. idem Liber Italico Idiomate Romæ excusus.

Dekkeri (Fr.) Exercitationes practicæ circa medendi methodum, auctoritate, ratione, observationibusque plurimis confirmatæ ac figuris illustratæ. 4.

Alpini (Prosp.) de Præfagienda vita & morte ægrotantium, Libri VII. cum præfat. Herm. Boerhaave. 4.

Wolffii (Jac.) Curiosus amuletorum scrutator, in quo de natura & attributis illorum, uti & plurimis illis, quæ passim in usum tam in theoria quam praxi vocari sueverunt ac in specie de zenechtis vel quæ pesti opponuntur, agitur. Cui accessit Jul. Reichelti Exercitatio de amuletis. cum fig. æn. 4. Lipsiæ. 1692.

Gutierrii (Jo. Laz.) Opusculum de fascino. Lugduni. 1653.

Camerarii (Eliæ) Medicinæ Conciliatricis Conamina quædam ac primæ Lineæ. &c. &c. 4. Francof. 1714.

Fabri (Petri Joh.) Opera 2. Vol. quor. I. Cont. Panchymicum s. anatomica totius universi. Ildum Sapientiam universalem s. anatomiam hominis & metallorum, cum subjunctis aliis scitu jucundis arcanis. 4. ibid. 1656.

Plateri (Fel.) Praxeos medicæ Tomi III. quor. I. agit. de functionum læsionibus. II. de doloribus. III. de Vitiis quibus accessit quæstionum medicarum paradoxarum & endoxarum centuria posthuma. 4. Basil. 1625.

Oldenburgii (Henr.) Acta Philosophica Societatis Regiæ in Angliâ. Annor. 1665. 66. 67. 68. & 1669. 4. Lipsiæ. 1675. c. fig.

Craanen (Theod.) Tractatus Physico Medicus de Homine, in quo status ejus tam naturalis quam præternaturalis quoad theoriam rationalem methodicè demonstrantur. cum fig. æn. 4. Lugd. Batav. 1689. NB. idem Liber Editionis Neapolitanæ, in albis.

Lentilii (Ros.) Miscellanea Medico Practica tripartita. 4. Ulmæ. 1698.

Wedelii (G. Wolffg.) Exercitationes Pathologico Therapeutice. 4. Jenæ. 1697.

- - - ejusd. amoenitates materiæ medicæ & reliqua ejus scripta.

Hoffmanni (Frid.) Clavis Pharmaceutica Schroederiana s. Animadversiones cum annotationibus in Pharmacopoejam Schroederianam. Cum Thesauro Pharmaceutico quorundam Medicorum nostri Seculi. 4. Halæ. 1681.

Bohnii (Joh.) Circulus Anatomico Physiologicus s. Oeconomia Corporis Animalis. 4. Lipsiæ. 1698. Mal.



- Malpighii (Marcelli) Opera posthuma ; in quibus authoris vita continetur, ac pleraque quæ ab ipso prius scripta aut inventa sunt confirmantur, & ab adversariorum objectionibus vindicantur. 4. Amst. 1698. cum fig.
- Broen ( Joh. ) Opera Medica. I. Medica Theoretica s. Oeconomia hominis. II. Exercitationes Theoretico- Practicæ de operationibus medicamentorum. III. Compendium Chymicum continens præcipua Chymicæ capita & elegantiores simul & utiliores processus. 4. Roterod. 1703. (2.) Jo. Conr. Barchusen, Pyrosophia succincte atque breviter Jatro - Chemiam, rem metallicam & Chrysopoejam pervestigans opus. cum fig. Lugd. Bat. 1698. 4.
- Lancisii ( Jo. Mar. ) Dissertatio de nativis, deque adventiis Romani Coeli qualitatibus, cui accedit historia epidemiæ rheumaticæ, quæ per hyemem anni 1709. vagata est. 4. Romæ. 1711.
- Barchusen ( Jo. Conr. ) Pyrosophia succincte atque breviter Jatro- Chemiam, rem metallicam & Chrysopoejam pervestigans opus. 4. c. fig. Lugd. Bat. 1698.
- à Castro ( Rod. ) de Univerſa muliebrium morborum Medicina. 2. Part. 4. Hamb. 1662. (2.) Ejusd. Medicus Politicus s. de Officiis Medico Politici Tractatus. ibid. 1662.
- de Taranta ( Vales. ) Philonium Pharmaceuticum & Chirurgicum, de medendis omnibus cum internis tum externis humani Corporis affectibus cum additionibus Baieri, Wedelii &c. 4. Francof.
- van Helmont ( Jo. Bapt. ) Opera omnia. 4. Hafniæ. 1707. (2.) Ejusd. Opuscula medica inaudita. I. de Lithiasi. II. de febris. III. de Humoribus Galeni. IV. de peste ; ibid. 1707.
- Wedelii ( G. W ) Centuria exercitationum Medico - Philologicarum Sacrar. & profanarum. 4. Jenæ. 1701.
- Picarnii ( Arch. ) Dissertationes Medicæ. 4. Roterod. 1701.
- Burneti ( Thomæ ) Thesaurus Medicinæ Practicæ. 4.
- Baro ( Hyac. ) Codex Medicamentorum s. Pharmacopoeja Parisiensis ex Mando Facultatis Med. Paris. in lucem edita. 4. Paris. 1732. Ligat. Gallica nova.
- Pisonis ( Homoboni ) Methodus medendi. Accessit nova in sanguinis curcutionem disquisitio & inquisitio. Patavii. 1726.
- Kircheri ( Athan. ) Magnes, s. de arte magnetica opus tripartitum. c. multis fig. 4. Coloniae Agr. 1643.



Harderi (Jo. Jac.) & J. C. Peyer, Exercitationum Anatomico-Medicarum Centuria. 8. Basileæ. 1688.

Lamzveerde (Jo. Bapt.) Chirurgiæ veteris ac modernæ promptuari-um Tabulis XXIX. exornatum, instrumenta varia, eorumque usum exhibentibus, nec non observationum Medico Chirurgicarum Centuria illustratam. 8. Amstelod. 1672. de molarum uteri fabrica.

Krameri (J. G. Heinr.) Tentamen botanicum s. methodus Rivino Tournefortiana herbas, frutices, arbores omnes facillime, absque antegressa ulla alia informatione, cognoscendi &c. &c. 8. Dresdæ. 1728.

Valentini (Mich. Bern.) Pandectæ medico legales s. Responsa medico forensia ex Archivis Academiæ Celebriorum scriptisque, probatissimorum Medicorum deprompta. Acced. ejusd. auth. Declamationes Panegiricæ. 2. Partes. 4. Francof. 1701. (2.) ejusd. Polychresta exotica, in curandis affectibus contumacissimis probatissima. ibid. 1700.

Bocconis (Pauli) Icones & descriptiones rariorum plantarum Siciliae Melitæ, Galliæ & Italiæ, quarum unaquæque proprio charactere signata, ab aliis ejusd. classis facile distinguitur. 4. Oxoniæ. 1674.

Mercurialis (Hier) de Morbis puerorum tractatus. 4. Venetiis. 1683. (2.) Ejusd. de Venenis & morbis venenosis tractatus. ibid. 1584.

Kozack (Jo. Sophr.) Tractatus medicus de sale, ejusdem in corpore humano resolutionibus salutaribus & noxiis. 4. Francof. 1663.

Bajeri (Jo. Jac.) Oriutographia Norica s. rerum fossilium & ad minerale regnum pertinentium, in territorio Norimbergensi ejusque vicinia observatarum succincta descriptio. Cum iconibus Lapidum figuratorum fere ducentis. 4. Norimb. 1708.

de Frankenau (G. Fr.) de Palingenesia s. Resuscitatione artificiali plantarum hominum & animalium è suis cineribus liber singularis. 4. Halæ 1717.

Franci (Ge.) Flora francica h. e. Lexicon plantarum hætenus usualium, ubi earum nomen cum Synonymis latinis, græcis, germanis, interdum arabicis, temperamentum, vires, ac usus general. & specialis atque præparationes &c. &c. proponuntur. 12. Argentorati. 1705.

Bauhini (Casp.) PINAX Theatri botanici s. index in Theophr. Dioscoridis & aliorum opera, plantarum &c. 4. c. fig. Basil. 1623. (2.) Neandri, Tabacologia, h. e. Tabaci s. Nicotianæ descriptio. c. fig. Lugd. Bat. 1622.

Zyvin-



- Zyvingeri (Theod.) Triga Dissertationum Medicarum, I. de plantis nasturciis s. antiscorbuticis : II. de Epilepsia : & III. de morbis prægnantium. 4. Basil. 1716.
- Hoffmanni (Maur.) Floræ Altdorffinæ Deliciæ Sylvestres, s. Catalogus plantarum in Agro Altdorffino Locisque vicinis sponte nascentium. 4. Altdorff. 1662.
- Wedelii (G. W.) Exercitationes Semiotico-Pathologicae. 4. Jenæ 1700. (2.) Ejusdem Exercitationes pathologico therapeuticae. ibid. 1697.
- Camerarii (Eliæ) Eclecticæ Medicinæ physicæque specimina miscellanea. 4. Francof. 1713.
- Medicina mentis & corporis, s. ars inveniendi præcepta generalia. 4. Lipsiæ. 1695.
- Bohnii (Joh.) Dissertationes chymico physicae, quibus accedunt ejusd. tractatus de aëris in sublunaria influxu & de Alkali & Acidi insufficiencia. 8. Lipsiæ. 1696.
- Weinhart (Ferd. Car.) Medicus officiosus, praxi rationali methodico-aphoristica, cum selectis remediorum formulis, instructus. 8. Norimb. 1718.
- Sachsi (Phil. Jac.) Ampelographia s. Vitis Viniferæ ejusque partium consideratio physico-philologico-historico-medico-chymica. 8. Lipsiæ. 1661.
- Pæonis & Pythagoræ (Jo. Jac. Harderi Profess. Basil.) Exercitationes Anatom. & Medicæ familiares. &c. 8. Basil. 1682.
- Paullini (Chr. Franc.) de Asino liber histor. physico medicus. Francof. 1695. (2.) Ejusd Lycographia, se de natura & usu Lupi, Libellus, phys.-historico-medicus. ibid. 1694. nec non reliqui ejusd. auth. Tractatus singul. them.
- Balthazaris (Theod.) de Dosibus medicamentorum diatribe. 8. Erlangæ. 1719.
- Hippocratis, Oeconomia, Alphab. serie distincta. Annot. Foessio. Fol. Genevæ. 1662. Ligat. Gallica.
- Eresii (Theophrasti) de Historia plantarum Libri X. græcè & lat. cum notis tum commentariis: item ratiorem plantarum iconibus illustravit Jo. Bodæus à Stapel. Med. Amstelod. Accesserunt J. C. Scaligeri in eosdem Libros animadversiones & Rob. Constantini annotationes. Fol. Amst. 1644.



Vesalii (Andr.) de Humani Corporis fabrica Libri VII. Fol. Basil. 1555. c. fig. Celeberrimi Titiani.

Clerici (Dan.) & J. J. Mangeti Bibliotheca Anatomica s. recens in anatomia detectorum Thesaurus locupletissimus. 2. Tomi, c. fig. Fol. Genevæ. 1699. 2. Ligat. pergam. novis.

Uffenbachii (Petri) Thesaurus Chirurgiæ, continens præstantissimor. autorum Opera Chirurgica. c. fig. Fol. Francof. 1610.

Zyvelferi (Jo.) Animadversiones in Pharmacopoejam Augustanam & annexam ejus mantissam. Fol. Noribergæ. 1667. 2. Tomis.

Lobelii (Matth.) Herbarium, s. descriptio plantarum cum earum iconibus. Fol. 1581. Antvverp. apud Plantinum in Lingua Belgica conscript.

Lancisii (Jo. Mar.) de subitaneis mortibus Libri II. 8. Lipsiæ. 1709.

Frauentörfferi Tabula Smaragdina Medico Pharmaceutica. 12. Norib. 1713.

Hecquet de Purganda Medicina à curarum sordibus Med. Paris. 12. Paris. 1714.

Fallopium (Gabr.) Opera omnia. 2. Tomi. Fol. Francof. 1606.

Libavii (Andr.) Alchymia recognita, emendata & aucta, 3. Partes. cum fig. Fol. ibid. 1506. &c. &c.

Ejusd. Appendix necessaria Syntagmatis arcanorum chymicorum. Fol. ibid. 1615. (2.) Ejusd. Examen Philosophiæ novæ, quæ veteri abrogandæ opponitur. In quo agitur de modo discendi novo: de veterum autoritate: de Magia Paracelsi ex Crollio: de philosophia vivente ex Seuerino per Joh. Hartmannum: de philosophia harmonica magica fraternitatis Rosæ - Crucis. ibid. 1615.

Agricolæ (Ge.) de Re metallica Libri XII. c. fig. Fol. Basil. 1561. Editio optima Frobeniana.

Bauhini (Joh.) & aliorum, Historia plantarum universalis. cum iconibus. Fol. 3. Tomi. Ebroduni. 1650. 3. Ligat.

Zvvingeri (Theod.) Fasciculus dissertationum medicar. selectar. 8. Basileæ. 1710.

Rudolphi (Jo. Gabr.) Progymnasma medicum de iis, quæ sunt observanda in mulieribus largiter menstruatis. 8. Lugd. Batav. 1708.

Camerarii (Eliæ) Dissertationes Taurinenses epistolice, Physico - Medicæ. 8. Tubingæ. 1711.

Gorræi (Joh.) Opera Definitionum medicarum Libri XXIV. Fol. Paris. 1622.



Hippocratis Opera omnia quæ extant, in VIII. Sectiones distrib. latina interpretatione & annotationibus illustrata. Anut. Foessio. Fol. Francof. 1624.

Avicennæ Canon Medicinæ s. Opera medica. 2. Tomi. Fol. Venet. 1595. apud Juntar. 2. Ligatur. pergam.

- - Liber Canonis de Medicinis Cordialibus & Cantica à Benedd. Rinio eruditiss. lucubrationibus illustrata. Fol. ibid. 1555. ap. Juntas.

Ejusdem Libri in re medica omnes. 2. Tomi. Fol. ibid. 1564.

Gemerii (Conr.) Historiæ Animalium Libri V. quor. Lib. I. agit. de Quadrupedibus viviparis. II. de quadrupedibus oviparis. III. de avium natura. IV. de piscium & aquatiliū animantium natura. V. de serpentium natura & de Scorpione. c. fig. Fol. Francof. 1620. 3. Ligat. perelegant.

Bauhini (Casp.) Theatrum Anatomicum, cum fig. 4. Basil. 1621.

Junckeri (Jo.) Conspectus medicinæ theoret. practicæ, omnes prim. morbos methodo Stahlianæ tractandos, exhibens. 4. Halæ.

Riolani (Joh.) Filii Anthropographia, Opera Anatomica omnia. Fol. Paris. 1649.

Museum Calceolarianum Veronense, in quo multa ad naturalem moralemque philosophiam spectantia, non pauca ad rem medicam pertinentia eruditè proponuntur & explicantur. c. fig. Fol. Veronæ. 1622. Ligatura nitida.

Redi (Franc.) Experimenta circa res diversas naturales, speciatim illas, quæ ex Indiis adferuntur. c. fig. 12. Amst. 1675.

Zacuti, Lusitani, Historiæ Medicæ, s. Operum omnium medicar. Lib. XI. 8. ibid. 1637. 3. Ligatur. pergam.

Paulli (Sim.) Quadripartitum botanicum, de simplicium medicamentorum facultatibus concinnatum &c. &c. 4. Argentorati. 1667.

Fabricii (Guil.) Observationum & curationum chirurgicarum Centuriæ. 4. Lugduni. 1641.

Königii (Eman.) Regnum Vegetabile quadripartitum. 4. Basil. 1708.

Ejusd. - - Regnum minerale, generale & speciale. 4. ibid. 1703.

(2.) Ejusd. Regni Vegetabilis Pars II. plantarum descriptionem, classes & differentias, figuram, sapes, odores, colores, virtutes & usus proponens. ibid. 1696.

Riedlini (Viti) Lineæ Medicæ, continent. observationes, historias, experimenta, cautelas, monita idque genus alia in medicina apprimè



- inè Utilia ex ipsa praxi deducta. 6. Partes. 8. Augustæ Vindel.  
1695 -- 1700. Ligat. pergam.
- Ejusd. Medulla Pharmacopoejæ Augustanæ. 8. Ulmæ. 1707.
- Nenteri (Ge. Phil.) Theoria hominis ægroti, s. pathologiæ medicæ  
pars generalis. 8. Argentor. 1716.
- - Theoria hominis sani, s. physiologia medica. 8. ibid. 1714.
- Cratonis à Krafftheim (Joh.) Consiliorum & epistolarum medicinal.  
Libri VII. 8. Francof. V. Ligatur. pergam.
- Aureliani (Cœlii) de Morbis Acutis & Chronicis Libri VIII. cum no-  
tis & animadversionibus Theod. Jans. ab Almeloveen. 4. Amstelod.
- Charas (Mos.) Opera medica tribus tomis distincta. I. Pharmacopoe-  
ja Regia Galenica. II. Pharmacopoeja Regia Chymica. III. Tra-  
ctatus de Theriaca & tractatus de vipera. 4. Genevæ 1684. Ligat.  
pergam. nova.
- Willisii (Th.) Opera omnia medica. Stud. & Opera Gerh. Blasii. 4.  
cum fig. Amst. 1682. Ligatura nitida.
- Horstii (Gregorii) Opera medica. 3. Tomi. 4. Goudæ. 1661. Liga-  
tura nitida.
- Miscellanea medico physica, Academiæ naturæ curiosorum Germaniæ.  
cum fig. æneis. 4. Paris. 1672. Ligat. Gallica.
- Paullini (Chr. Fr.) de Lumbrico terrestri Schediasma. 8. Francof.  
1703.
- Catalogus plantarum quibus confitus est Patavii amoeniss. hortus  
Equitis Jo. Franc. Mauroceni, Veneti Senat. ab ant. Tira confe-  
ctus. 8. Patavii. 1713.
- Lanzoni (Jos.) de Coronis & unguentis in antiquor. conviviiis exer-  
citatio philologica. Accessit Schediasma de armis convivalibus &c.  
8. Ferrariæ. 1715.
- Ejusd. Adversariorum Libri IV. acced. ejusd. viginti breves Consul-  
tationes Medicæ. 8. ibid. 1714.
- Tozzi (Lucæ) in Librum artis medicinalis Galeni ΠΑΡΑΦΡΑΣΤΙΚΗ  
ΑΝΑΚΕΦΑΛΑΙΩΣΙΣ, in qua universa Medicina & Chirurgica  
in suos Canones distributa. 8. Patavii. 1711.
- Valfrè (Andr.) Observationes Astronomico - Medicæ & interjecta pa-  
radoxæ s. digressiones quibus morborum popularium essentia &  
causa communis, nec non absurda ab iisdem ignoratis provenien-  
tia patefcunt. 4. Astæ. 1714.



- Febris china chinæ expugnata f. Illustr. aliquot Virorum Opuscula, quæ veram tradunt methodum, febris china chinæ curandi. Collegit, argumenta, notas, observationes addidit Franc. Maria Nigrosolus. 4. Ferrariæ 1700.
- Leali (Leal.) Hebdomada febr. septem dialogis absoluta. 4. Patavii. 1717.
- Muys (Joh.) Praxis medico-chirurgica rationalis, f. observationes medico-chirurgicæ. 4. Neapoli. 1727.
- Benetti (Jo. Dom.) Opus medico morale &c. &c. 2. Partes. 4. Mantuæ 1718.
- Lanzani (Nic.) Opus medicum quadripartitum, complectens: I. characterum Chemicorum *HEPMANEIAN*. II. Vocabulorum medicorum *ETPΩNIAN*. III. Dictionum medicarum *OPΘOFPAN*. IV. Formulas breviandi *KANONEΣ*. 4. Neapoli. 1721.
- Plateri (Fel.) Observationum Medicarum Libri III. 8. Basil. 1680.
- Pictarnii (Archib.) Elementorum medic. physico-mathematicor. Libri II. 4. Neapoli 1721.
- Mattei (Petri) Animadversiones physico-medicæ, in X. dialogos digestæ. 4. ibid. 1704.
- Argoli (Andr.) de Diebus criticis & ægrorum decubitu Libri II. cum Characteribus multis. 4. Patavii 1652.
- Aldrovandi (Ulyssis) Dendrologiæ naturalis, scilicet Arborum historiæ Libri II. Fol. c. fig. Francof. 1671. Idemque opus Editionis Bononiensis.
- Wormii (Olai) Museum, f. historia rerum rariorum, tam naturalium quam artificialium, tam domesticar. quam exoticarum, quæ Hafniæ Danorum in ædibus Autoris servantur. Fol. fig. Amstelod. 1655.
- Jacobæi (Olig.) Museum Regium f. Catalogus rerum tam naturalium, quam artificialium quæ in Basilica Bibliothecæ Christiani V. Reg. Daniæ, Hafniæ, asservantur. c. mult. fig. Fol. Hafniæ 1696.
- Ettmülleri (Mich.) Opera medica theoretico-practica cum addit. Filii Fol. Francof. 1708. III. Volum.
- Pisonis (Guil.) de Indiæ utriusque re naturali & medica Libri XIV. cum fig. Fol. Amstelod. 1658.
- Cæsi (Bern.) Mineralogia f. Naturalis philosophiæ Thesauri, in quibus metallicæ concretionis medicamentorumque fossilium miracula,



la, terrarum pretium, colorum & pigmentorum apparatus, concretorum, succorum virtus, lapidum atque gemmarum dignitas continentur. Fol. Lugd. 1636. Ligat. Gall.

Muntingii (Abrah.) Phytographia curiosa, exhibens, arborum fruticum, herbarum & florum icones, ducentis & quadraginta quinque tabulis delineatis ac artificiosissime æri incisis, varias denominationes latinas, gallicas, italias, german. belgicas aliasque ex probatissimis auctoribus priscis ac neotericis desumptas collegit & adjecit Franc. Kiggelaer. Fol. Amst. 1727.

Argenterii (Jo.) Opera omnia Med. Philosophica. Fol. Hanoviae 1610.

Spigelii (Adr.) Opera omnia medica & anatomica cum multis fig. Fol. Amstelod. 1645. charta maxima. Ligat. pergam.

Brovve (Jo.) Myographia nova s. musculorum omnium, in Corpore humano hactenus repertorum, accuratissima descriptio. cum mult. fig. Fol. Lugd. Bat. 1687.

Harvei (Guil.) Exercitationes de generatione animalium, quibus accedunt quædam de partu de membranis ac humoribus Uteri & de conceptione. 12. Amst. 1651.

Frauentorfferi (Phil.) Opusculum de morbis mulierum, ad mentem recentiorum constructum. 12. Norimb. 1696.

Mercati (Lud.) Opera omnia medica. IV. Tomis ex edit. Palthe-  
nii. Fol. Francof. 1608. 3. Ligat.

du Verney Tractatus de Organo auditus, continens structuram Usus & morbos Omnium auris partium. c. fig. 4.

Munnicke (Joh.) Cheirurgia ad praxiam hodiernam adornata, in qua veterum pariter ac neotericorum dogmata dilucidè expouuntur. 4. Amst. 1715.

Drelincurtii (Car.) Dissertat. anatomico practica de Lienosis. 8. Lugd. Bat. 1711.

Magnol (Pet.) Hortus Regius Monspeliensis, s. Catalogus plantarum quæ in horto Regio Monspeliensi demonstrantur, accesserunt novæ plantarum cum suis iconibus descriptiones. 8. Monspeli. 1697.

Ruyschii (Frid.) Opera omnia anatomico-medico chirurgica. cum fig. æn. splendidis in singul. tomul. digesta. 4. Amst. 1721. IV. Tomis.



Baglivii (Ge.) Opera omnia medico practica & anatomica. 4. Lugd. 1714. eadem Antvverpiæ & Norimbergæ.

Dolæi (Jo.) Opera omnia, exhibentia encyclopædiam med. dogmat. & chirurgicam rationalem. 2. Vol. Fol. Francof. 1703.

- - - eadem Editionis Venetæ Posterioris. 2. Vol. 1718.

Scholtzii (Laur.) Consilior. medicinal. conscriptorum a præstantiss. atque exercitatiss. nostrorum Temporum Medicis Liber singularis. Fol. Hanoviæ 1610. ap. Wechel.

Mercati (Lud.) Opera omnia medica IV. Tomi ex Edit. Palthenii. Fol. Francof. 1608. 3. Ligat.

Wepferi (Jo. Jac.) Historiæ Apoplecticorum, observationibus & scholiis anatomicis & medicis quàm plurimis elaboratæ & illustratæ. Una cum epist. Joh. Ott, de scriptis Holderi de elementis, Sermonis, & Morlandi de stentorophonia. Accesserunt aliorum Celebr. medicorum observationes historiæque variæ circa apoplexiam, ut & B. Huete, Curatio Maniæ certa & sæpius instituta. 8. Amst. 1724.

Sylvii (Jac.) Opera Medica, in VI. Partes digesta. Studiô Renati Moræi. Fol. Genevæ 1630.

Sennerti (Dan.) Opera Medica 3. Tomi. Fol. Parisiis 1647. 3. Ligat.

- - - eadem Lugduni iterum recusa sumptû Huguetanorum Fol. in albis.

Nancelii (Nic.) Analogia microcosmi ad macrocosmon i. e. Relatio & proportio universi ad hominem: in quâ quid in utroque dispi-ci queat, theologicè, physicè, medicè, historicè & mathematicè disceptatur &c. &c. Fol. Lutet. Parisior. 1611.

Riverii (Lazari) Opera medica universa. Fol. Francof. 1674.

Mülleri (Frid.) Lexicon Medico - Galeno - Chymico Pharmaceuti-cum. Fol. ibid. 1661.

Hippocratis prænotiones in tres Libr. tribut. interprete & enarratore Ludovico Dureto. Fol. Parisiis. 1583.

Minadoi (Jo. Th.) de humani Corporis Turpitudinibus cognoscendis & curandis Libri III. Fol. Patavii 1600.

Vallesii (Franc.) Controversiarum medicarum & philosophicar. editio aucta & optima. fol. Francof. 1590. ap. Wechel (2.) ejusd. auctoris, Commentarii VII. in Aphorismos Hippocratis, Colon. 1589.

Boneti (Theoph.) Mercurius Compitalitijs s. index med. practicus, per Decisiones, Cautiones, Animadversiones, Castigationes & ob-



servationes &c. &c. ostendens, accessit appendix de Medici mō-  
nere. fol. Genevæ 1682.

Plateri (Fel.) de Corporis humani structura & usu, tabulis metho-  
dicè explic. Iconibus accuratè illustratis. fol. 1583. Basil. apud  
Froben.

Dioscoridis (Ped.) Pharmacorum simplicium, reique medicæ Libri  
Jo. Ruellio interprete. fol. Argentor. 1529. c. fig. coloribus de-  
pictis.

Silvatici (Jo. Bapt.) Controversiæ medicæ. Francof. 1601. Wechel.

Camerarii (Eliæ Med. Doctoris Famigeratissimi) Systema Cautelarum  
medicarum &c. 4.

Fontani (Jac.) Opera in quibus universæ artis medicæ secundum  
Hippocratis & Galen. doctrinam partes IV. methodicè explicantur.  
4. Colon. Allobr. 1613.

Neandri (Jo.) Tabacologia h. e. Tabaci s. Nicotianæ descriptio  
medico-chirurgico-pharmaceutica. 4. Lugd. Bat. 1622.

Grulingii (Phil.) Florilegium Hippocrateo-Galeno chymicum no-  
vum. 4. Lipsiæ 1665. (2.) Thoneri (Aug.) Observationum me-  
dicinalium haud trivialium Libri IV. 4. Ulmæ 1651.

Schröderi (Jo.) Quercetanus redivivus, h. e. ars medica dogmatico  
hermetica ex scriptis Josephi Quercetani, Chymiatri Celeberrimi  
Tomis III. digesta. 4. Francof. 1648.

Paulli (Sim.) Quadripartitum Botanicum de simplicium medicamen-  
torum facultatibus. 4. Rostochi 1639.

Bauderoni (Br.) Praxis in II. Tract. distincta in I. agitur de febribus  
essentialibus tam simplicibus quam compositis, confusis, erraticis,  
malignis ac pestiferis & symptomaticis ingenere & in specie curan-  
dis in II. de sympt. & morbis internis à Capite ad pedes usque. 4.  
Lutetiæ Paris. 1620.

Kozack (Jo. Sophr.) Tractatus Medicus de Sale ejusdemque in Cor-  
pore humano resolutionibus salutaribus & noxiis. 4. Francof. 1663.

Rolfincii (Guern.) Chymia in artis formam redacta VI. Libris com-  
prehensa. 4. Genevæ 1671. (2.) Schenckii (J. T.) seri sanguinis  
historia, una cum disputatione de natura lactis & exercitatione de  
materia turgente. Jenæ 1671. (3.) Wedelii (G. W.) Opiologia.  
Jenæ 1674. (4.) Paulli (Sim.) Digressio de vera, unica, & pro-  
xima causa febrium. 4. Francof. 1660.



- Bohnii (Joh.) *Circulus Anatomico - Physiologicus, s. Oeconomia Corporis animalis.* 4. Lipsiæ 1697.
- Volumina II. *Dissertationum variar. medicarum.* 4. supr. selectiores materias.
- Sennerti (Dan.) *Institutionum Medicinæ Libri V.* 4. Witteb. 1611.
- Valentini (Mich. Bernh.) *Medicina Novo antiqua.* 4. Francof. 1698.
- (2.) ejusd. autoris. *Instructiones Physicæ.* Giesæ 1691.
- Dornei (Ger.) *Fasciculus Paracelsicæ Medicinæ Veteris, per flosculos chemicos & medicos, tanquàm in compendiosum promptuarium Collectus.* Francof. 1581.
- Fabri (Pet. Jo.) *Sapientia Universalis.* 4. ibid. 1656.
- Schröderi (Jo.) *Pharmacopoeja medico - chymica s. Thesaurus pharmacologicus.* 4. ibid. 1669.
- de Spina (Dav.) *Medicina Veterum & Neotericorum.* 4. Wormatiæ 1711.
- Vigierii (Joh.) *Opera Medico - Chirurgica.* 4. Hagæ Comit. 4. 1659.
- Asellii (Gasp.) *Dissertatio de lactibus s. lacteis Venis quartò vasorum mesaraicorum genere.* 4. Lugd. Bat. 1640.
- Brendelii (Jo. Ph.) *Consilia Medica Celeberrimor. quorundam Germaniæ Medicorum.* 4. Francof. 1615.
- à Mynsicht (Hadr.) *Thesaurus & Armamentarium Medico - Chymicum.* 4. Lubecæ 1662.
- Hartmanni (Joh.) *Praxis Chymiatrica.* 4. Lipsiæ 1633.
- Horstii (Greg.) *de Natura humana Libri II. quor. I. de Corporis structura, posterior de anima tractat. c. fig.* 4. Francof. 1613.
- Spigeli (Adr.) *de Semitertiana Libri IV.* 4. ibid. 1624. (2.) *Primirosii (Jac.) Animadversiones in J. Wallæi Disput. Medicam, quam pro circulatione Sanguinis Harveanâ proposuit cui addita est: ejusdem de usu Lienis adversus medicos recentiores Sententia.* 4. Amstelod. 1640.
- Sennerti (Dan.) *de febribus libri IV.* 4. Witteb. 1628. (2.) ejusdem *de Chymicorum cum Aristotelicis & Galenicis consensu ac dissensu liber. cui accessit appendix de Constitutione Chymicæ* ibid. 1629. (3.) ejusdem. *Paralipomena cum præmissâ methodo discendi medicinam tractatus posthumus.* ibid. 4. 1642.
- Mylii (Jo. Dan.) *Tractatus III. s. Basilica philosophica. cum figuris.* 4. Francof. 1618.



Mylii (Jo. Dan.) *Philosophia reformata*. c. mult. fig. 4. Francof. 1622.  
Riverii (Laz.) *Observationes medicæ & curationes insignes quibus accesserunt. Observationes ab aliis communicatæ*. 4. Paris. 1646.  
Mylii (Jo. Dan.) *Tractatus II. s. Basilica Chymica*, c. fig. 4. Francof. 1618.

Dolæi (Jo.) *Encyclopædia, Medicinæ Theoretico-practicæ*. 4. Francof. 1684.

Jungken (Jo. Helfr.) *Corpus Pharmaceutico Chymico Medicum s. Concordantia Pharmaceuticorum Compositorum discordans*. 4. ibid. 1697.

Sennerti (Dan.) *Medicina practica*, V. Partes, s. Libri 4. Witteberg. 1627. & seq. 3. Ligat.

Divinus Pymander, Hermetis Mercurii Trismegisti, cum Commentariis (Hannib.) Rosseli. VI. Tomi. quor. I. continet. materiam de SS. Trinitate. II. de Spiritu & Angelis. III. de ente, materia, forma & rebus metaphysicis. IV. de Cœlo. V. de Elementis & descriptione totius orbis. VI. de Immortalitate animæ. Colonia. 1630. fol. maj.

Burggravii (Jo. Ph.) *Lexicon Medicum Universale, Omnium Verborum præcipuè verò rerum ad Medicinam & disciplinas illi famulantes spectantium, explicationem systematicam exhibens* Tom. I. A - B. Francof. 1731. ligat. nova. fol.

Augenii (Horat.) *Medicinæ Theoreticæ Libri II.* ibid. 1597. apud. Wechel. fol.

Thurneissers (Leonh.) *Historia & Descriptio plantarum omnium, tam domesticar. quàm exoticarum, earundem cum virtutes influentiales, elementares & naturales, tum subtilitates, nec non icones etiam veras ad vitam artificiose expressas proponens.* Berolini 1578.

Dodonæi (Remb.) *Stirpium historiæ pentades VI. s. Libri XXX.* Antwerpiae 1616.

EjUSD. *Herbarius sive Cruydt-Bœck.* ibid. 1644.

Nylands (Pet.) *de Nederlandtse Herbarius of Kruydt Bœck.* t'Amsterdam 1670. 4.

Amati Lusitani, in Dioscoridis Anazarbei de Medica Materia Libros V. enarrationes eruditissimæ. 4. Venetiis 1557.

Avicennæ & Alior. de Medicina. Libri V. 4. Venet. 1486.

- - idem Liber. 4. ibid. 1500.

Grapaldi (Franc. Marii) de Partibus ædium liber Philosoph. Medicus. 4. ibid. 1517.

Mis-



Miscellanea Berolinensia ad incrementum Scientiarum, ex Scriptis Societati Regiæ Scientiar. exhibitis edita. cum fig. æneis. IV. Part. f. Tomi 4. Berolini 1710. & seq.

Theatrum Chemicum, præcipuos Selectorum, auctorum tractatus de Chemiæ & lapidis philosophici antiquitate, Veritate, jure, præstantia & Operationibus, Continens: Volumen I. III. & IVtum. Argentor. 1613. 3. Bände. idemque Opus absolutum aliudque usque prioribus voluminibus modò constans Mis.

Erasti (Thomæ) Repetitio Disputationis de Lamiis f. Strigibus &c. Basil. (2.) Danæi (Lamb.) de Veneficiis, quos olim Sortilegos, nunc autem vulgò Sertiarios vocant. dialogus &c. Colon. 1575. (3.) Camerarii (Joach.) Comentariorum de generibus divinationum, ac græcis latinisque earum vocabulis. Lipsiæ 1576. (4.) Camerarii (Joach.) de eorum qui Cometæ appellantur, nominibus, natura, causis, significatione, cùm historiæ memorabilium illustr. exemplis disputatio atque narratio. ibid. 1578.

Gatinariæ (Marci) de Curis ægrotudinum particularium practica uberima &c. 1509.

Vallesii (Franc.) de iis quæ Scripta sunt physice in libris Sacris, f. de Sacra Philosophia Liber singularis. Lugd. 1595. (2.) Aderi (Guil.) Enarrationes de ægrotis & morbis in Evangelio. Tolosæ. 1623.

Pharmacopœja Bateana in linguam anglicanam versâ. Lond. 1706. anglicè 8. maj.

Hermetis Trismegisti Phœnicum Ægyptiorum sed & aliarum gentium Monarchæ Conditoris, Tabula Smaragdina &c. interpret. Chr. Kriegsmann &c.

Thaumaturgi Physici prodromus. i. e. Problematarum Physicorum Liber Singularis. Colon. 1649.

Fludd (Roberti) Apologia Compendiaria, fraternitatem de rosa cruce suspicionis & infamiæ maculis aspersam, veritatis quasi fluentibus abluens & abstergens. Leydæ 1616.

Erntel (C. H.) de Itinere suo anglicano & batavo, relatio ad amicum 1710.

Lumen rationale Medicum h. e. Praxis medica reformata, f. Annotationes in Praxin Henr. Regii, Medioburgi 1686.

Hippocratis Opera quæ exstant omnia, per Jan. Cornarium lat. lingua Conscripita & denuò ex toto recognita. Basileæ apud Froben.



- Catalogus Librorum ad Medic. Facultatem facientium Illustris Viri  
Jo. B. Dodart Archiatri Regii. Parisiis 1731. in 8. majori.
- Aldrovandi Ulyssis, Opera ad Historiam Naturalem avium Piscium,  
animalium quadrup. &c. maximè pertinentia XII. Ligaturis iisque  
perpulcris inclusa, Editio Bononiensis optima c. fig. in fol.
- Hippocratis Aphorismi ad mentem ipsius artis usum & corporis me-  
chanismi rationem expositi. Script. Arg. Hecquet. 2. Tom. Med.  
Regio Parisiis 1724. 12. maj.
- Sacchi (Pomp.) Nova Methodus febres curandi Fundamentis Alkali,  
& acidi superstructa 8. Venet. 1703.
- Lavagnoti (Barth.) de Usu pravo & recto disciplinarum optimarum  
in Medicina Opus. 4. Patavii 1732.
- Angeli (Bonav.) Lux Magica Academica. 2. Partes 8. Venet. 1687.
- Andriolli (Mich. Ang.) ΥΓΙΝΗΣ Consilium Veterum & Neotericorum  
de Conservanda Valetudine s. de Morborum causis procatarticis.  
fol. Venetiis. 1694.
- Ejusdem Philosophia experimentalis s. Physica reformati Platonis.
- Willughbeji (Franc.) de Historia Piscium Libri IV. jussu & sumpti-  
bus Societatis Reg. Londin. editi cum multis figuris. fol. Londini  
1693.
- Bartholini (Casp.) Specimen Historiæ anatomicæ partium Corporis  
humani. 8. Amst. 1701.
- Keilii (Jac.) Tentamina physico medica quinque 1.) de sanguinis  
quantitate 2.) de Velocitate sanguinis 3.) de vi Cordis sanguinem  
per totum Corpus propellanda 4.) de secretionem animali 5.) de  
motu musculari, quibus accedit medicina Statica Britannica. 4.  
Lugd. Bat. 1730.
- Lamzveerde (Jo. Bapt.) Historia naturalis molarum uteri, in qua de  
natura seminis, ejusque circulari in sanguinem regressu, accuratius  
disquiritur. c. fig. 8. ibid. 1686.
- Gaveti (Jac.) Nova febris idea, s. novæ conjecturæ physicae circa  
febris naturam. 12. Genevæ 1700.
- Kettelaer (Vinc.) Commentarius Medicus de Aphthis nostratibus S.  
Belgarum Sprouw. 8. Amst. 1715.
- Lovveri (Rich.) Tractatus de Corde item de motu, Colore & trans-  
fusione sanguinis, & de chyli in eum transitu: ut & de Venæ sectione.
- His



- His acced. dissertatio de Origine Catarrhi. 8. c. fig. Lugd. Batav. 1728.
- Wepferi (Jo. Jac.) Observationes medico practicæ de affectibus Capitis internis & externis. 4. Scaphusii. 1727. charta scriptoria optima.
- Scheuchzeri (Jo.) Agrostographia s. Graminum, juncorum Cyperorum, Cyperoidum, iisque affinium, Historia. 4. cum fig. Tiguri 1719.
- Brunneri (Io. Conr.) Experimenta nova circa Pancreas; atque diatribe de Lympha & genuino pancreatis usu. 8. c. fig. Lugd. Bat. 1722.
- Listeri (Mart.) Exercitationes medicinales octo: de quibusdam morbis chronicis: quarum I.) de hydropse II.) de Diabete III.) de Hydrophobia IV.) de Lue venerea V.) de Scorbuto VI.) de Arthritide VII.) de Calculo humano VIII.) de Variolis agit. 8. Maj. Amst. 1698.
- Schelhameri (Günth. Chr.) de Nitro, cum veterum, tum nostro, Commentario. 8. ibid. 1709.
- van der Wiel (C. Stalp.) Observationes rariores Medic. Anatom. Chirurgicæ. Accedit dissertatio de unicornu 2. Tomi. c. fig. 8. Leydæ 1727.
- Pisonis (Car.) Selectiorum observationum & Consiliorum de prætervisis hætenus morbis affectibusque præter naturam, ab aqua seu serosa Colluvie & diluvie ortis, Liber singularis. 4. Lugd. Batav. 1714.
- Bellini (Laur.) Exercitationes anatomicæ duæ, de structura & usu Renum ut & de Gustus Organo novissimè deprehenso; præmissis ad faciliorem rerum intelligentiam: quibusdam de saporibus. Accedunt quædam Renum monstrosorum exempla, ex Medicor. Celebr. scriptis Collecta per Ger. Blasium. 4. c. fig. ibid. 1726.
- Ejusdem Opuscula practica de Urinis, pulsibus, sanguinis missione & febribus, nec non de Capitis. Pectorisque morbis. 4. Lips. 1731.
- Entii (Ge.) Opera omnia medico physica. 8. Lugd. Bat. 1687.
- Muys (Wyer. Guil.) Elementa physices methodo mathematica demonstrata, quibus accedunt: Dissertationes II. prior de causa soliditatis Corporum posterior verò de causa resistentiæ fluidorum. 4. Amst. 1711.



Schurigii (Mart.) Parthenologia Historico - Medica h. e. Virginitatis Consideratio, quâ ad eam pertinentes pubertas & menstruatio: cum ipsarum maturitate &c. &c. traduntur. 4. Dresdæ 1729.

Budæi (Gottl.) Miscellanea Medico. Chirurg. practica & forensia, Casus relationes renunciationes, judicia, Consilia, Responsa &c. continentia. 4. Lips. 1732. Latine & Germanicè.

Mangeti (Jo. Jac.) Bibliotheca chirurgica s. rerum ad artem Machaonicam quoquô modô spectantium thesaurus absolutissimus. IV. Tomis partitus c. fig. æneis tanto operi necessariisque. fol. Genevæ 1721.

Ejusdem Bibliotheca Pharmaceutico - Medica, s. rerum ad Pharmacia Galenico - Chymicam spectantium, thesaurus refertissimus. 2. Tomi c. figuris necessar. fol. ibid. 1703.

Ejusd. Bibliotheca Scriptorum Medicorum Veterum & recentiorum: in qua sub eorum omnium qui à mundi primordiis ad hunc usque annum vixerunt, nominibus, Ordine Alphabetico, adscriptis; Vitæ compendiô enarrantur; Opiniones & scripta, modestâ subindè adjectâ *επιγλωττῇ* recensentur; ac selectæ præcipuæ, sub quarumque propria adpellatione explicantur: Sicque Historia Medica verè universalis, exhibetur. IV. Tomis, cum Iconibus Varior. Celeberr. Medicorum, fol. ibid. 1731. chartâ scriptoria.

Ejusd. Theatrum Anatomicum, quô, non tantum integra totius Corporis humani in suas partes, ac minutiores particulas evoluti, & quasi resoluti, Fabrica, ex selectioribus, veterum & recentiorum omnium observationibus, relecta sistitur: Verum etiam quicquid ad rei Anatomicæ illustrationem pertinet, per grandiores & verè elegantes tabulas æneas benè multas nitidè explicatur. 2. Tomi quibus adjectæ sunt Celeberr. Barth. Eustachii, Tabulæ Anatomicæ. fol. ibid. 1717. chartâ verè majori eaque scriptoria.

Barrelieri (Jac.) Plantæ per Galliam, Hispaniam & Italiam observatæ & iconibus æneis exhibitæ, opus posthumum accurate Ant. de Jussieu. Cui accessit ejusd. autoris specimen de insectis quibusdam marinis, mollibus, crustaceis & testaceis. c. figur. æri incis perpulchris. fol. Parisiis 1714.

Alpini (Prosp.) de Medicina methodica Libri XIII. in quibus medendi ars methodica vocata olim maxime celebris, quæ hac ætate non sine magno Studiosorum Medicinæ decore, denuò restituitur. 4. Lugd. Bat. 1719.



Lommii (Jod.) de Curandis febribus continuis liber. 8. Amst. 1720.  
Ejusd. observationum medicinal. Libri III. quibus omnium morborum  
signa, & quæ de his haberi possunt præfagia, accuratissimè per-  
tractantur. 8. ibid. 1715.

Sylvii (Franc. de le Boe) Opera medica, quibus accedunt casus medi-  
cinales annor. 1659. 60. & 61. quos ex ore Cl. Sylvii Calamo  
excepit, Joach. Merian. Phys. Mœno Francof. 4. Maj. Trajecti ad  
Rhen. 1695.

Fasciculus quatuor luculentorum opusculorum anatomicorum. Quò  
I.) J. B. Bianchi, Ductuum Lacrymalium novorum, epistolaris dis-  
sertatio; II.) Abr. Vateri, Novi ductus salivalis in lingua excre-  
torii demonstratio; III.) H. Meibonii, de Vasis palpebrarum novis  
erudita epistola IV.) Cæc. Folii, Viæ Sanguinis à Dextro in sini-  
strum Cordis Ventriculum defluentis accurata delineatio, com-  
prehenduntur, c. fig. æneis. 8. Maj. Lugd. Bat. 1723.

Fortis (Raym. Jo.) Consultationum & Responsionum Medicina. Cen-  
turix VIII. accesserunt ejusdem Consilia de febribus & de morbis  
mulierum. fol. Patavii 1701.

Jonstonii (Joh.) Dendrographia s. Historiæ naturalis de Arboribus  
& fruticibus tam nostri quàm peregrini orbis Libri X. figuris æneis  
adornati à Celeb. Math. Meriani Hæred. fol. Francof. 1662. fol.  
Ligat. Gallica nova.

Valentini (Seb.) Zootomia s. Historia anatomica animalium. fol. c.  
fig. ibid. 1720.

Timæi von Guldenkleee (Balth.) Opera medico - practica cum Præ-  
fat. A. Quir. Rivini. 4. Lipsiæ 1715. 2. Tomis.

Sennerti (Dan.) Opera omnia medica. 6. Tomi c. fig. fol. Lugduni  
1676.

Camerarii (Rud. Jac.) Ephemerides Meteorologicæ Tubingenses,  
cum Bern. Ramazzini ephemeridibus barometricis mutinensibus.  
4. Augustæ Vindelicor.

Caroli (J. Sam.) Specimen Historiæ Medicæ, ex solidæ experientiæ  
Documentis, maximè verò monimentis *Stahlianis*, in Syllabum  
Aphoristicum redactum &c. &c. 4. Halæ 1719. (2.) Ejusdem Pra-  
xeos Medicæ Therapia generalis & specialis. ibid. 1718.

Knaut (Christ) Methodus plantarum genuina, quâ notæ characte-  
risticæ s. differentix genericæ tam summx, quàm subalternæ ordine  
digeruntur & per tabulas, quas vocant, synopticas, perspicuè delinean-  
tur. 8. Lips.



de Sorbait (Pauli) Opera s. Praxis medica, in VIII. Tract. divisa, quor. I.) agit: de morborum, à Capite ad Calcem, curationibus medicis, cum controversiis. II.) de lue venerea. III.) de febribus cum controversiis. IV.) de morbis puerorum. V.) de Chirurgiâ, cum examine chirurgorum. VI.) de methodo medendi cum quaestionibus & dosibus medicamentorum. VII.) de modo benè consultandi, & rarioribus observationibus. VIII.) de modo promovendi Doctores Viennæ &c. &c. fol. Viennæ 1701.

Linsing (Petri) Tentamen & examen medicum institutisticum per quaestiones juxta mentem veterum & recentiorum dilucidatum. 8. Francof. 1710.

Kaschubii (Jo. Wenc.) Elementa physicæ mechanico-perceptivæ, una cum appendice de geniis. 8. cum fig. Jenæ 1718.

de Franckenau (Ge. Fr.) Satyræ Medicæ XX. quibus accedunt dissertationes VI. varii simulque rarioris argumenti, unâ cum oratione de studiorum noxa. 8. Lipsiæ 1722.

Langii (Christ. Joh) Opera omnia medica theoretico-practica. 3. Partes. fol. ibid. 1704.

Fabricii (Guil.) Observationum & epistolarum chirurgico-medicalium Centuriæ. Editæ à Joh. Henningero. 2. Tomi. 4. Argentorati.

Peyeri (Jo. Cont.) Merycologia s. de Ruminantibus & Ruminatione Commentarius. c. fig. 4. Basileæ 1685.

Henningeri (Jo. Sigm.) Quadriga Scriptorum diæticorum Celebriorum. 8. Argentorati.

Historia morborum qui anno 1702. Vratislaviæ grassati sunt à Colleg. Acad. Leop. Nat. Curios. conscripta. 4. Vratislaviæ 1710.

Jantkii (Jo. Jac.) Selectus materiæ medicæ, Tabulis LXV. exhibitus, cum appendice Compositionum quarundam hætenus ignotarum. Cum B. Dan. Ludovici, compendio materiæ medicæ. 12. Norimb. 1720.

Jackson (Jos.) Enchiridion medicum theoretico practicum. Cum appendice de Lue venerea. 12. ibid. 1719.

Mercklini (Ge. Abrah.) Sylloge physico-med. de incantamentis LX. Casus maximè (præceteris) memorabiles complectens. 4. ibid.

Paulli (Sim.) Commentarius de Abusu Tabaci Americanorum veteri, & herbæ Thee Asiaticorum in Europa novo. 4. Argentorati.



Ramazzini (Bern.) Opera omnia medica & physiologica. 4. Genevæ 1717.

Thesaurus secretorum curiosorum, in quo curiosa non solum ad omnes Corporis humani cum internos, tum externos morbos curandos, sed etiam ad cutis, faciei, aliarumque partium ornatum, formam, nitorem & elegantiam conciliandos, continentur secreta &c. &c. 4. Colon. Alobr. 1709.

Tilingii (Matth.) Liliū curiosum s. accurata Lili Albi descriptio Medico-Physica. 8. Francofurti ad Moenum.

Vicarii (J. Jac. Fr.) Basis Universæ Medicinæ in V. Libr. divisa, ac juxta neotericos in principiis mathematicis, mechanicis & anatomicis fundata. 8. Argentorati 1710.

Hertodt (Jo. Ferd.) Crocologia s. curiosa Croci, Regis Vegetabilium enucleatio, continens illius Etymologiam, differentias, tempus quō viret & floret tractatio Medico-Physica &c. &c. 8. Jenæ.

Gohlii (Jo. Dan.) Insufficiētia cerebri ad sensum & motum animalis expenditur, Meningumque ad illos indispensabilior usus assertus, adversus vagas intentiones Jo. Ph. Burggravii. 4. Colbergæ 1732.

Ledellii (Jo. Sam.) Breviarium epistolicum Medico-Consultatorium s. brevis manu ductio ad epistolas medico-consultatorias conscribendas; Cui accesserunt observationum medico-physicarum decurria III. 8. Soraviæ 1734.

Wedellii (Ge. Wolffg.) Amoenitates materiæ medicæ. 4. Jenæ.

Stentzelii (Christ. Godfr.) Medicina theoretico-practica. 8. Francof. 1732.

Riverii (Lazari) Praxis Medica. 2. Partes. 8. maj. Genevæ 1718.

Riedlini (Viri) Manu ductio ad studium medicum brevis. 8. Augustæ Vindel. 1706.

Ejusdem Iter medicum, sanitatis recuperandæ causâ non solum institutum sed & feliciter Dei gratia finitum &c. &c. cui annectuntur Ge. Riedlini Observationes chirurgicæ rariores. 8. ibid. 1702.

Schröckii (Lucæ) Historia Physica Moschi, ad normam Academiæ Naturæ Curiosorum Conscripita. 4. ibid.

Bajeri (Jo. Jac.) Biographiæ Professorum Medicinæ qui in Academia Altorffina unquam vixerunt, Singulorum ære expressis iconibus additis. 4. Norimb. 1728.



Deckeri (Fred.) Exercitationes practicae circa medendi methodum, observationibusvè plurimis confirmatae ac figuris illustratae. 4. Lugduni Batavor.

- - - Idem liber Neapoli iterum recus. 4.

Vieussens (Raym.) Tractatus Duo I.) de Remotis & proximis mixti principiis in ordine ad Corpus humanum spectatis. II.) de natura, differentiis, subjectis, Conditionibus & causis fermentationis, in quò præcipua, quæ in ipsâ fermentatione observantur, phœnomena explicantur. c. fig. 4. maj. Lugduni.

Gerbezii (Marci) Chronologia Medico-Practica, exactam temporum, auræ, tempestatum & humanarum inde ortarum alterationum descriptionem cum suis historiis medicis, causis & curationibus potissimum ad modernorum mentem adumbratam continens, in V. annos distincta. Huic annexum est ejusdem Autoris intricatum extricatum medicum, seu tractatus de morbis complicatis.

Cum appendice de moderno pecorum interitu. 4. Francof. & Lipsiæ.

Sturmii (Jo. Christ.) Physica Electiva s. Hypothesica II. Tomi 4. Norimberg. 1697. cum figuris. Ejusdemque Phys. Elect. Tomus Secundus Jejunctim.

Stahlii (Geog. Ern.) Negotium otiosum seu ΣΚΙΑΜΑΧΙΑ adversus positiones aliquas fundamentales, Theoriæ veræ medicæ à Viro quodam celeberrimo intentata, sed adversis armis conversis enervata. 4. Halæ 1720.

Vercelloni (Jac.) de Pudendorum morbis & Luevenerea Tetrabiblion. 4. Astæ 1716.

Clerici (Dan.) Historia Naturalis & Medica Latorum Lumbricorum, intra hominem & alia animalia, nascentium. Accessit, de ceteris quoque hominum Vermibus, tum de omnium origine, tandemque de Remediis quibus pelli possint, disquisitio. Cum variis figuris. 4. Genevæ 1715.

Dioscoridis Anazarbei, de Medica materia libri V. Græcè & Latine. fol. Coloniae 1529.

Kircheri (Athanas.) Mundus Subterraneus. in XII. libr. digest. II. Vol. cum multis fig. æri incis. fol. Amsterd. 1665. Ligatura nitida.

ten Rhyne (Wilh.) Dissertatio de Arthritide Mantissa Schematica de Acupunctura & Orationes III. 1.) de Chymia Botan. antiquitate & dignitate. 2.) de Physiognomia. 3.) de Monstris, cum fig. 8. Londini 1683.



Bodini (Jo.) *Universæ naturæ theatrum*, in quo rerum omnium effectrices causæ, & fines contemplantur & continuæ series quinque libris discutiuntur. Hanoviæ 1605. Typis Wechelianiis.

Hernandez, *Thesaurus rerum medicar. novæ Hispaniæ*. fol. Romæ. 1651.

Bidloo, *Anatomia c. fig. per elegant. forma atlantica magna. de Partus Octomestris Natura*, adversus vulgatam opinionem, Feder.

Bonaventuræ Libri X. Opus in quo absolutissima de humani partus natura cognitio traditur &c. adjecta est ejusd. Autoris compendiosa de eodem partu disceptatio. fol. Francof. 1601. (2.) Geor.

Bertini, Campani, *Medicina Libris viginti methodicè absoluta*, in qua mutuus Græcorum & Arabum consensus, legitima Veteris medicinæ adversus Paracelsistas defensio, vera animadversionum Argenterii in Hippocratem & Galenum confutatio, dilucida controversiarum & Locorum difficilium explicatio atque accurata novarum hoc Seculo rerum observatio, continentur. Basileæ 1587.

*Pharmacopœja Bateana cum additionibus &c.* 8.

Martianus in Hippocratem. Opus admirabile. fol. Venetiis.

Rubeus in Celsum de re Medica. 4.

la Scala *Phlebotomia liberata*. 4.

Fabra (Aloys. Dalla) *Dissertationes Physico-Medicæ*. 4. Ferrariæ 1712.

Ejusd. *Dioptra physico-medica: pro nutritione aliisque naturæ arcanis develandis*. 4. ibid.

Ramazzini (Bernh.) *Orationes Patavii habitæ, dùm Med. Profess. vicibus fungeretur*. 8.

Pascoli (Alex. Perus. Med. Rom.) de Homine s. de Corpore humano vitam habente, ratione tùm prosperæ tùm afflictæ valetudinis Libri III. in quibus ad mentem tùm veter. tùm recentiorum theoria & praxis medica nova, clarâ ac brevî methodo traditur post edit. Rom. de anno 1728. prima Venetiis.

Ejusdem *Opera medica*. 4. ibid. 1735.

Pitcarnii *Opera medica*. 4. ibid.

Saxoniz *Opera medica*. 2. Vol. fol.

Tozzi *Opera medica*. V. Partes. 4. ibid.

Lochneri (Mich. Fr.) *Nerium s. Rhododaphne veterum & recentiorum*, qua nereï & nereidum Mythologia Amyci Laurus, Saccharum Alhaschar, & Ventus ac planta Badsamur aliaque explicantur, accedit, *Dafne Constantiniana*, c. fig. 4. Norimb. 1716.

Ejusdem



Ejusdem Tract. de Ananasa, f. nuce pinea indica. c. fig. ibid. 1717.  
Morgagni (Jo. Bapt.) in Aur. Corn. Celsum & Q. Ser. Samonicum  
epistolæ. In quibus de utriusque auctoris variis editionibus, li-  
bris quoque manuscriptis, & Commentatoribus differitur. 4. maj.  
1724.

Pantederæ ( Jul. ) Compendium tabularum botanicarum, in quo  
CCLXXII. in Italia detectæ plantæ 4. Patavii 1711.

Ejusdem Anthologica, f. de floris natura, pluribus Inventis observa-  
tionibusque ac tabulis æneis ornata. c. fig. 4. ibid. 1720.

Varandæi (Joh.) Opera omnia ad fidem Codicum ipsius Autoris Mss.  
recognita. fol. Lugd. 1658.

Utiles Collectiones Medico-Physicæ ad Medicinæ inscios prolatae à  
Julio Malvicino. 4. Venetiis.

Tractatus physico medicus, in quò morborum explicandorum potissi-  
mum febrium nova exponitur ratio, accessit de Medicina & me-  
dico dialogus. Auctore Nic. Crescentio. 4. Neapoli 1711.

Citrologia f. curiosa citri descriptio, juxta methodum & leges Aca-  
demiæ Curiosor. selectisque eruditionibus, remediis & propriis  
observationibus breviter conspersa à Jos. Lanzono. 12. Ferrar.

Tractatus de Nephritico dolore; in quo essentia, differentia, cau-  
sæ signa & Curatio-Calculi & arenularum explanantur. Opera  
Hub. Arn. Rietmackens, Medici Thenensis. 12. Venetiis.

de Præcipuis humoribus qui humano in Corpore reperiuntur deque  
eorum historia qualitatibus & officiis exercitatio Josephi del Papa.  
M. D. Hetruriæ Archiatri &c. 8. Venetiis 1735.

Lanzoni Exercitatio Medico Physico - Anatomica de saliva humana,  
ejusque natura, usu & proprietatibus &c. &c. 8. ibid. 1702.

Fabricii Hildani (Guil.) Opera quæ extant omnia Medica & Chi-  
rurgica. fol. Francof. 1646.

Hippocratis Opera omnia, græcè & latine, cum oeconomia Foëtii  
3. Tomi fol. 1657.

Theophrasti Paracelsi Opera omnia 3. Tomi fol. 1658.

Riverii (Laza.) Opera omnia medica fol.

Salius (Petrus) de morbis particularibus totius Corporis fol. Patav.  
1673.















